

## ԱԶԳԱՅԻՆ ՄԱՏԵՆԱԴՐԱՆ

ՀՀԴԳ.

## ԲԵԼԳԻԱ ԵՒ ՀԱՅԵՐԸ

ՊԱՏՄԱԿԱՆ-ՄԱՏԵՆԱԴՐԱԿԱՆ ՏԵՍՈՒԹԻՒՆ ԺԱ. ԴԱ-  
ՐԻՑ ՄԻՆՉԵՒ ՄԵՐ ՕՐԵՐԸ ՀԱՅ ՀՈՂՈՎՐԴԻ ԲԵԼ-  
ԳԻԱՅԻ ՀԵՏ ՈՒՆԵՑԱՇ ՑԱՐԱԲԵՐՈՒԹԻՒՆՆԵՐԻ ՎՐԱՅ

ԳՐԵՑ

Ա. ՍԱՐՈՒԽԱՆ



ՎԻԵՆՆԱ

ՄԱԿԱՐԵԱՆ ՑՊԱՐԱՆ

1937

ԱԶԳԱՅԻՆ ՄԱՍՆԱԴԱՐԱՆ

ՀԱՏՈՐ ՀԽԳ.

---

BIBLIOTHEQUE NATIONALE

TOME CXLIII

# LA BELGIQUE ET LES ARMENIENS

ETUDE HISTORIQUE ET BIBLIOGRAPHIQUE SUR  
LES RELATIONS DES ARMENIENS AVEC LA  
BELGIQUE DE XI SIECLE JUSQU'A NOS JOURS

PAR

A. SAROUKHAN



VIENNE

IMPRIMERIE DES PP. MECHITHARISTES

1937

Գիրեզնության պահպան

34

3 (= 91.99)

Ա -

ՏԵՂԵԿԱՆ Հ 1937 թ.

## ԲԵԼԳԻԱ ԵՒ ՀԱՅԵՐԸ

ՊԱՏՄԱԿԱՆ-ՄԱՏԵՆԱԳՐԱԿԱՆ ՏԵՍՈՒԹՅՈՒՆ Ժ.Ա. ԴԱ-  
ՐԻՅ ՄԻԵԶԵԻ ՄԵՐ ՕՐԵՐԸ ՀԱՅ ՀԱՅՈՎՐԴԻ ԲԵԼ-  
ԳԻԱՅԻ ՀԵՏ ՈՒՆԵՑԱՇ ՅԱՐԱԲԵՔՈՒԹՅՈՒՆՆԵՐԻ ՎՐԱՅ

ԳՐԵՑ

Ա. ՍԱՐՈՒԽԱՆ

13682


A II  
32249



ԿԻԵՆԱԱ

ՄԱԿԱՐԱՐԱՆ ՏՊԱՐԱՆ

1937







Ահեննացի ՄԽՈՒԹԱՐԵԱՆ ՄԻԱՅԱՆՈՒԹԵԱՆ


ՀԱՆԴԻՍ ԱՄՍՈՐԵԱՑ  
ՀԱՅԱԳԻՏԱԿԱՆ ՈՒՍՈՒՄՆԱԹԵՐԹԻ

ՅԻՄՆԱՄԵԱԿԻՆ (1887—1937)

ԶԵՂՈՒՄ Է

ՆՐԱ ԿԷՍ ԴԱՐԻ ԱՆՁՆԴԱՐ ԱՇԽԱՏԱԿԻՑ

ՀԵՂԻՆԱԿԸ



## ՀԱՆԴԻՍ ԱՄՍՈՐԵԱՅ Ի ՑԻՍՆԱՄԵԸԿԻ ԸԹԹԻՒ

Այս գրական գործս, Բ Ե Լ Գ Ի Ա Ե Ա  
Հ Ա Յ Ե Բ Ը, որով ջանացած եմ պատմակա-  
նօրէն ուսումնասիրել Բելգիայի եւ Հայոցս  
մէջ տեղի ունեցած դարաւոր յարաբերու-  
թիւններն, ես քաղցր պարտականութիւն եմ  
համարում նուիրել Վիեննայի ՀԱՆԴԻՍ ԱՄ-  
ՍՈՐԵԱՅ Մ Խ Ի Ք Ա Ր Ե Ա Ն Ո Ւ Ս Ո Ւ Մ Բ Ա-  
Ր Ե Բ Ք Ի Գ Պ Յ Ո Ւ Թ Ե Ա Յ Յ Ի Ա Մ Ե Ա Կ Ի Ա ,  
որովհետեւ բախտ եմ ունեցել նրան աշխա-  
տակցելու հրատարակութեան առաջին օրից  
(1887) սկսած մինչեւ այսօր (1937) անընդ-  
հատ եւ նրա Ա . տարւոյ յօդուածա-  
գ ի ր ն ե ր ի ց , նախախնամութեան կամքով ,  
ե ս ե մ մ ի ա յ ն մ ն ա ց ե լ կ ե ն դ ա ն ի . . . :  
Միեւնոյն ժամանակ , իմ այս կիսադարեան  
աշխատակցութիւնս այնքան քանզարժէք եւ  
նուիրական է ինձ համար , որ անհրաժեշտ  
պահանջ եմ զգում մի յետադարձ ակնարկով  
պատկերացնել նրա ամբողջութիւնն ընթեր-  
ցողներիս առջեւ :

Ահա նախ այն աշխատութիւններս , որոնք  
լոյս են տեսած «Հանդէս Ամսօրեայ»ի էջե-  
րում եւ մնում են այնուեղ , առանց արտա-  
տպութեան կամ առանձին հրատարակու-

թեան : Այս գրութիւնները դասաւորուած են  
լստ բովանդակութեան եւ տպագրութեան  
տարիների կարգով :

Ա. Ռուսահայոց Գրականութիւնը .

1. Ռափայել Պատկանեան (Գամառ Քառական), 1887, էջ 85—88 :
2. Յակոբ Մելիք Յակոբեան (Բաֆֆի), 1887, էջ 115—118 :
3. Ռուսահայոց գրական լեզուն, 1888, էջ 21—23 :
4. Գաբրիէլ Սունդուկեանց, 1888, էջ 125—127, 136—138 :
5. Ռուսերէնի ազդեցութիւնը, 1889, էջ 6—9 եւ 25—28 :
6. Պերճ Պողշեանց, 1889, էջ 61—63 :
7. Արովեան-Նազարեանց գրական հիմնադրամը, 1899, էջ 161—167 :
8. Առաքել Բաբախանեան (Լեօ), 1904, էջ 1—9 :
9. Թատերական գրականութիւնը, 1904, էջ 234—235 :

Վ. Ճորնխի Վրան եւ շուրջը (ազգագրական) . Ճորնխի գետեզերքը Բարումից Մինչեւ Արքվին, 1889, էջ 159—162, 215—218, 240—244. 1890, էջ 59—61 եւ 280—283 :

Գ. Գրիգոր Արծրունի (Տիգրանի Մշակութագրի խմբագրապետն եւ հրատարակիչը) .

1. Շաբար մ'ի Տփխիս (Գր. Արծրունու լրագրական գործութեանը 25ամեակը), 1890, էջ 152—155, 186—191 եւ 198—204 :
2. Յիշողութիւններ իր մահուան (1893) տասնամեակի առքիւ (Այս եղապատման մաս եմ իմ աշխատակցութիւնը Մշակ լրագրին, 1882ից սկսած): 1903, էջ 147—150 եւ 241—245 :
- Դ. Կովկասի կաքուի Հայերը.

  1. Պատմական տեսութիւն, 1894, էջ 101—104, 178—183, 211—216 :
  2. Ժամանակակից տեսութիւն, 1905, էջ 5—9, 222—223 :

- Ե. Օքուան Խնդիրներ.

  1. Ռուսահայոց դպրոցները, 1891, էջ 97—100, 129—139 :
  2. Կաքուիկոսական ընտրութեան ռուսական պետական օրենքը՝ Պօլօժենիկ (Պոլոյշենիկ) 1892, էջ 215—219 :
  4. Խրիմեան Հայրիկի կաքուիկոսական ընտրութիւնը, 1892, էջ 247—249, 275—277 :
  5. Թիֆլիսի Հայոց Հրատարակչական Ընկերութիւնը, 1892, էջ 368—370 :
  6. Կովկասի Հայոց ուսումնարաններն, ընկերութիւններն եւ մամուլը, 1897, էջ 16—19 :

7. Օգնութիւն հայ տառապելոց, 1897,  
էջ 168—173 :

8. Թիֆլիսի քաղաքային ընտրութիւններն  
եւ զրգութիւնը Հայոց դեմ :

9. Եղբայրական Օգնութիւն թիւր-  
քիայի Տառապեալ Հայոց (Բրատսկայ  
Պոմօշի պոստրածաման) ոռուսերէն  
պատկերազարդ մեծ ժողով  
վածնեն, իրատպակութիւն Գր. Զան-  
շեանի, Մոսկուա 1897 :

Կենսագրական եւ մատենագրական  
տեղեկութիւններ մասնակցող ոռուս  
գրագէտների մասին : 1898, էջ 51—57,  
114, 147—150, 211—213 :

Ե. Ժողովրդական երգեցնութ-  
թիւնը ոռուսահայոց մէջ :

1. Մակար Եկմալեան, 2. Քրիս-  
տոփոր Կարա Մուրզա, 3. Գենարիս  
Ղորդանեան, 4. Նիկոլայոս Տիգրանեան  
եւ 5. Ե. Սպենդիարեան : 1905, էջ 137,  
142 :

Լ. Այլեւայլ ֆ.

1. Կառկասեան Արուեստահանդէս, 1889,  
էջ 199—201 :

2. Սեւանայ լնի աւազանը, 1891, էջ 314—  
315 եւ 333—337 :

3. Տփղիսի կոչոր ամառանցը, 1891, էջ  
273—276 :

4. Կ. Պոլիս եւ Տփղիս (բաղդատութիւն), 1891, էջ 1—5 :
5. Դիտողութիւն Տաճկահայոց գրականութեան վրայ, 1892, էջ 17—20 :
6. Կաւկասեան ժողերայի իշխանութեան տակ, 1892, էջ 307—310 :
7. Յովի. Այս ազով սկի նկարիչը, 1897, էջ 365—370 :
8. Անդր. Արծրունի, Գերմանական համալսարանի ուսուցչապետ, 1898, էջ 360—364 :
9. Պուշկին, ռուս մեծագոյն բանաստեղծի ծննդեան հարիւրամեակը (բանաստեղծի պատկերով), 1899, էջ 161—167 :
10. Արշակ Զօպան եանի գրական յոթեանը, 1925, էջ 80 :

Բոլոր վերեւ նշանակուած աշխատութիւններ (բացի վերջին յօդուածից պ. Զօպանեանի մասին) ստորագրել եմ Կ. Տիւրեան կեղծանունով եւ գրել արեւմտահայ (պօլսական) բարբառով : Խոկ 1925ից յետոյ սկսած եմ աշխատակցիլ իմ բուն անունով եւ գրած արեւելահայ (կովկասեան) բարբառով : Հարկ եմ համարում շեշտել այստեղ, որ այս երկու պարագայում էլ, վարուել եմ սովորականից տարբեր կերպով, այն է այնպիսի խառն ոն եւ բացատրութեան ձեւեր եմ գործածել, որ գրութիւնն հաւասարապէս մատչելի է եղած երկու կողմին էլ, կամ գէր-

այս է եղած իմ նպատակս : Ուրախ եմ , որ  
այս դիտումս աննկատելի չէ մնացած եւ այս  
մասին հաւաստիք եմ ընդունած այլեւայլ ան-  
ձերից թէ քերանացի եւ թէ մամուլի միջո-  
ցով : Ինձ համար առանձնապէս հանելի է յի-  
շել , որ մեր մեծ հայերէնազէտ Հ . Արսէն Վ .  
Ա. Յ տ ը ն է ա ն (Վիեննայի Միաբանութեան  
Ընդհ . Արքայ) ինձ ուղղած իր մասնաւոր եւ  
մտերմական նամակներից մէկում , ակնար-  
կելով իմ այս գրութեան ձեւին , գրել էր այս-  
պէս «Ո չ ի ն չ ա ն ա լ ո ր ժ ն ո ր ո ւ թ ի ւ ն  
մ ի ե ս հ ն ա ր ե ր » :

Այս «Կ. Տիւրեան» կեղծ անունով այն  
ժամանակ աշխատակցած եմ նաև Կ. Պոլսի  
«Արեւելք» մեծ օրաքերթին : Ահա եւ այն եր-  
կերս , որոնի «Հանդէս Ամսօրեայ»ի մէջ լոյս  
տեսնելուց յետոյ , հրատարակուել են առան-  
ձին գրքով (Մխիթ . Տպար . Վիեննա) :

1. Սեւ ծովու ոռւսական եզերքը (Կ. Տիւ-  
րեան կեղծանունով) , 1895 , էջ 192 :
2. Կաւկասեան Լերանց մէջ (Կ. Տիւրեան  
կեղծանունով) , 1896 , էջ 72 :
3. Հոլլանդան եւ Հայերը ԺԶ .—ԺԹ . դարե-  
րում , պատմ . ուսումնասիրութիւն , պատ-  
կերազարդ , 1926 , էջ 106 :
4. Յարգանիք Հայ Նահատակին , Յիշողու-  
թիւններ Յաւիտենական Քաղաքից , 1926 ,  
էջ 6 + 128 :
5. Աղեքսանիդր Մանթաշեանց , Մեծ վանա-  
ռականն եւ քարեգործը , 1931 , էջ 220 :

6. Ֆիրդուսի եւ Մովսէս Խորենացի, 1936,  
էջ 62: Կից հրատարակուած է գաղղ. լե-  
զուով — Firdowci et l'Influence iranienne  
dans la littérature géorgienne, էջ 44:
7. Բելգիա եւ Հայերը, պատմ. ուսումնա-  
սիրութիւն, 1937, էջ 253:  
Ներուի ինձ յառաջ բերել այստեղ, ի մ  
գրական աշխատութիւնների ամ-  
բողջութեան համար, այն գործերս  
եւս, որոնք հրատարակուած են «Հանդէս Ամ-  
սօրեայ»ից դուրս.
8. Հայկական լոնդիրն եւ Ազ-  
գային Սահմանադրութիւնը  
Թիւրքիայում: Ա. հատոր (1860—1878),  
պատմական ուսումնասիրութիւն: Յաւե-  
լուած՝ Ազգային Սահմանադրութեան  
օրենքի հայերէն եւ տաճկերէն բնագիր-  
ները: Տպ. Թիֆլիս 1911, էջեր Ե + 480  
+ 105: **Սպառուած:**
9. Առաջին ժողովրդական շար-  
ժումը Տաճկական Հայաստա-  
նում (1882ին Կարինում հիմնուած հայ  
գաղտնի՝ կազմակերպութեան պատմու-  
թիւնը): Արտատպուած է Բաքուի «Գործ»  
ամսագրի 1917 Մարտի համարից: էջ 14:  
**Սպառուած:**
10. Խորհրդաւոր Աղջիկն եւ իր  
գաղտնիքը: Խրավէպ, Կ.Պոլսի բար-  
երից: Վիեննա, Մյուհը արեան Տպա-  
րան, 1924, էջ 344:

Վերջացնում եմ այս անձնական դիտողութիւններս, որոնց համար ընթերցողներին ներողամտութիւնն եմ խնդրում, և այս խորին եւ զերմագին շնորհակալութիւնս յայտնելով Վիեննայի մեծարոյ Մինիքարեան Միաբանութեան, որ կէս դար անընդհատ կ բանական վատահութիւնը շնորհեց իմ համեստ գրչին եւ երկրորդ դ' ի սրտէ մաղթելով, որ բազմարդիւն Միաբանութիւնը հնարաւորութիւն ունենայ պատուհետեւ եւս անշեղ կերպով շարունակելու Հանդէս Ա մ' սօր եայ ուսումնաբերքը, յօգուտ ընդհանրապէս Հայ Մատենագրութեան եւ մասնաւորապէս Հայագիտութեան, որի կարիքը միշտ զգալի է:

Բրիւժսէլ, Յունուար 1937 :

Ա.Ռ.Ա.Ք.ԵԼ ՍԱՐՈՒԻՆԱՆ

## ՅԱՆԿ ԲՈՎԱՆԴԱԿՈՒԹԵԱՆ

	էջ
Նուիրումն «Հանդէս Ամսօրեայ»ի .....	6
«Հանդէս Ամսօրեայ»ի Յիսնամեակի առքին (հեղինակի պատկերով) .....	է—ժԴ
Յառաջարան .....	1—5
Ա. ԳԼՈՒԽ. Ընդհանուր տեսուրին Բելգիայի պատմական անցեալին և ներկայ կա- ցուրեան վրայ .....	7—26
Բ. ԳԼՈՒԽ. Բելգիա այցելող առաջին հայը, Անտիոքի հրաշագործ Մակար եպիսկո- պոսը: Նրա ուխտն և տանջանքը երու- սաղէմում: Նրոպայում նաևսպարհոր- դուրինը: Բելգիայի ժանտախտը: Մա- կարի մահը, սրբացումն և փառաւոր յուղարկաւորուրինը .....	27—34
Գ. ԳԼՈՒԽ. Առաջին խաչակրական արշա- ւանքը: Կիլիկիայի Կոստանդին իշխանի և այլոց աշակցուրինը: Բելգիացի Բայրութին (Ղազ Բողուէն) իշխանի նդե- սիային և Փոքր Հայքին տիրելը: Երու- սաղէմի գրաւումն և Բելգիացի իշխան Գոդֆրուա դը Բույնոնի քագաւորումը	35—52
Դ. ԳԼՈՒԽ. Երուսաղէմի Բոդուէն Ա. և Բո- դուէն Բ. Բելգիացի քագաւորները: Հայ գինուրների անձնուիրուրինը: Գի գը Լուսինեան: Պարսից քանաստեղծ Սամ- դիյի դեպքը: Խաչակրուրեան յետազայ շը: Կ. Պոլսի լատին պետուրեան	Ա Վ

- Բելգիացի կայսրները: Հայկական կուռուպած: Երուսաղեմի վերջին գրաւումն եւ Յրանչխակեան կրօնաւորները ..... 53—76
- Ե. Գևորգ. Մատրէոս Ռուհայեցի պատմիչը եւ իր դատողուրիւնները Խաչակիբների վրայ: Երուսաղեմի հայ քազուհիները: Գրիգոր վկայասէր եւ Բարսեղ Ա. կարողիկոսները: Գրիգոր ԺԳ. պապի գնահատականը ..... 77—92
- Զ. Գևորգ. Միջազգային առուտուրը Փոքր Ասիայում: Հայոց մրցումը: Հայկական Այաս Նաւահանգիստն եւ իր կանոնները: Կիլիկիոյ բազաւորների երովարտակները: Համբաւաւոր Մարկօ Պոլոյի ուղեւորուրիւնն եւ Այաս զալը: Մարկօ Պոլոյի դիտողուրիւնները ԺԳ. դարի Հայոց մասին: Վենետիկցիների եւ զենովացիների նաւային պատերազմը Այասի առջել ..... 93—114
- Է. Գևորգ. Բելգիական Բրիտ նաւահանգիստը: Հայոց երրեւեկուրիւնը: Բելգիացի հնագէտ Վանդէն Բիւսէէի հետազօտուրիւնները հայ-բելգիական յարաբերուրիւնների մասին: Վանդէն Բիւսէէի եւ Հ. Գ. Վ. Ալիշանի բղբակցուրիւնը: Ֆլամանիերէն արձանագրութիւններ Հայոց մասին: Կիլիկիայի վերջին բազաւոր Լեոնի Ջ. ը Բելգիայում: Բրիտի անկումը ..... 115—130
- Ը. Գևորգ. Անվերսի Մայր Եկեղեցին: Թումաս արքեպիսկոպոս Նուրիջաննանի մահն եւ քաղումն այնտեղ: Նրա քողած իրերը: Թումասի կարողիկոսական կրօնականներն եւ բազմաքիւ լատիններէն յանձնարազիրները: Թումասի ծրագրած «հայ-

- լատինական» դպրոցը: Նրա մահուան  
վկայագիրը ..... 131—150
- Թ. ԳԼՈՒԽ. Բոլլանդեան «Ընկերութեան»  
ծագումն եւ կրած «Գիործանեմները»:  
Acta Sanctorum եւ նրա մէջ Ազարանգե-  
ղոսի ժննադատութիւնը: Բոլլանդեան-  
ների միւս կրտարակութիւնները:  
Հայագէտ Բոլլանդեանները. հ. P. Pee-  
ters եւ նրա հայագիտական երկասիրու-  
թիւնները: Բոլլանդեանների Մատենա-  
դարանը Բրիւսէլում ..... 151—171
- Փ. ԳԼՈՒԽ. Առաջին Բելգիացի մեծ հայա-  
գէտը, Յէլիք և Նէվա իր աշխատու-  
թիւնների ամբողջ Յուցակն եւ նրանց  
համառօս բովանդակութիւնը: Նրա կեն-  
սագրութիւնը: Ազարեան պատրիարքի  
Տամակը ..... 172—194
- Ժ. ԳԼՈՒԽ. Լուվիենի երկու եկեղեցական  
հայագէտները, Լըքօն եւ Մէօյլդէրմանս:  
Նրանց աշխատութիւնների ցուցակն եւ  
բովանդակութիւնը: Բրիւսէլի արքայա-  
կան մատենադարանի հայ գրչագիրներն  
եւ պարսկերէն Աւետարանը ..... 195—209
- Ճ. ԳԼՈՒԽ. Բելգիայի համալսարանների  
կազմը: Բրիւսէլի համալսարանին կից  
«Արևելեան Կանառը» (Institut de Philo-  
logie et d'Histoire Orientales): Հայե-  
րէնի ամբիոնը: Պրոֆ. Ն. Ադոնց: Կա-  
նառի բացումն եւ գործումնութիւնը:  
Ժոխ-Նախագահ Պրոֆ. Հ. Գրէգորանի  
հանձն եւ անցեալ ու ներկայ գործումնու-  
թիւնն ի նպաստ Հայոց: Բրիւսէլի Նու-  
յարեան Հիմնարկութիւնը: Արքայագիրները,  
նրամագլուխն եւ  
շահաւորները ..... 210—222

- ԺԴ. Գլուխ։ Վերջին հայկական քշուառու-  
ռութիւններն եւ Բելզիան։ Հայասէր-  
ների Միջազգային Լիգան։ Ժընէվի Ազ-  
գաժողովի Յանձնաժողովը։ Բելզիայի  
հայ գաղութի անցեալն եւ ներկան։  
Հայերէն Աստուածաշունչի 1500ամեակի  
տօնակատարութիւնը Բելզիայում . . . . 223—236
- ՅԱԽԵԼՈՒԱԾ  . . . . . 237—253
-

## ԲԵԼԳԻԱ ԵՒ ՀԱՅԵՐԸ

### ՅԱՌԱՋԱԲԱՆ

Հայոց Պատմութեան այն շրջանն , որ  
սկսում է Ռուբինեանների անկումով , ԺԴ .  
դարում , առանձնապէս՝ հայութեան այն հա-  
տուածներինը , որոնք իրենց հայրենի երկրի  
սահմաններից այս կամ այն պատճառով հե-  
ռացել , և իրենց համար նոր բնակավայր են  
լնտրել , — դեռ բաւականաչափ չեն քննուած  
և չեն պարզուած : Ուստի ամէն մի փորձ  
այդ ուղղութեամբ՝ անկասկած օգտակար է և  
կրթիչ նշանակութիւն ունի :

Հայ ժողովրդի այդպիսի նոր բնակավայ-  
րերից մէկն է նաեւ Բելգիան : Այս վորքը հա-  
մակրելի երկիրը ընդհանուր հետաքրքրու-  
թեան և յարդանքի առարկայ դարձաւ վերջին  
համաշխարհային պատերազմից ետքը : Բայց  
նա մեղ համար հետաքրքրական է նաեւ այն  
տեսակէտից , որ նրա պատմութիւնը մասամբ  
նման է մեր հայրենիքի անցեալ պատմութեան :  
Ինչպէս որ Հայաստան՝ երբեմն իր աշխար-  
հագրական դիրքի պատճառով հզօրագոյն  
դրացիների հոմար միջանցքի տեղ է ծա-  
ռայած և կոուի դաշտ էր դարձած , այդպիսի

վիճակ է ունեցել նաեւ Բելղիան՝ Եւրոպայում։ Տասնեակ դար օտար գերիշխանութեան տակ ապրելուց յետոյ (բայց ոչ թէ գըեթէ անընդհատ աւերի եւ կոտորածների ենթարկուելով ինչպէս էր Հայաստանը) Բելղիան ահա ճիշդ մի դար է միայն, որ դաեւ է վերջապէս իր կատարեալ անկախութիւնն եւ ազատութիւնը։ Ուստի ես սկարտք եմ համարում իմ այս աշխատութեան — այն է Բելղիայի եւ Հայոց յարաբերութիւնների պատմութեան — առաջին Գլուխը նուիրել Բելղիային։

Այս յարաբերութիւնները սկսել են ԺԱ. գարում եւ այնուհետեւ գրեթէ անընդհատ շարունակուել, մինչեւ որ մի նոր Հայ հաստուած բուն է գրեւ այս երկրում եւ հաստատուն արմատ արձակել։

Առաջին Հայը, որ Բելղիա է եկել, մի հրաշագործ հայ Հոգեւորական է եղել, ԺԱ. դարի սկզբում։ Սա իր կեանքն է զոհել այստեղ ժամանակամից վարակուած Բելղիացիներին ինամելու ժամանակ եւ իր մահուանից յետոյ սուրբերի կարգը դասուել Հոոմէական Եկեղեցուց։ Նա այսօր էլ Բելղիայի «ժամանակամից պաշտպան» սուրբն է, որի տօնը կատարում է, ըստ Տօնացոյցի, Ապրիլ 10ին։

Այնուհետեւ հայ-բելղիական յարաբերութիւնները միանդամից մեծ ծաւալ եւ բազմակողմանի ընթացք են առել Խաչակրութեան մեծ շրջանում։ Այս շրջանն ունի իր շատ հետաքրքրական կողմերն, որոնք բաւականաչափ չեն լուսաբանուած։ Առաջին Խաչակրու-

թեան պետերը Բելզիացի իշխաններ էին ,  
որոնք տիրել են Փոքր Հայքին , թագաւորել են  
Երուսաղէմում , ամուսնացել են հայ իշխա-  
նուհիների հետ և երկարատեւ յարաբերու-  
թիւններ են ունեցած հայ կաթողիկոսների ,  
հայ իշխանների եւ թէ հայ ժողովրդի հետ առ  
հասարակ : Բելզիական նաւատորմիղներ են  
եկած Կիլիկիոյ ծովեղերքը : Բելզիացիք էին  
ի մէջ այլոց որ 1147ին Լիսաբոնը պաշարելով  
այնտեղից գուրս վանեցին Սարակինոսներին  
և աղատեցին Պորտուգալիան : Բելզիացի իշ-  
խաններ էին նոյնակչս Կ . Պոլսի ժամանակաւոր  
լատին պետութեան կայսրները : Մեր ժամա-  
նակակից սրատմիչը Մատթէոս Ուոհայեցին  
երկարօրէն խօսում է այս հայ-խաչակրական  
յարաբերութիւնների վրայ : Ես երեք Գլուխ  
և յատկացրած այս ինդիրներին :

**Փոքր Ասիան՝ Հին և Միջին Դարերում**  
միջանցք է եղած Եւրոպայի եւ Կենդրոնական  
Ասիայի , ինչպէս նաև ծայրագոյն Արեւելքի  
առեւտուրի համար : Հայ վաճառականները  
կարեւոր դեր են կատարած այս միջազգային  
առեւտրի մէջ : Հայերն իրենց քաղաքական  
անկախութեան ամբողջ ըրջանում մի միակ  
ծովային նաւահանգիստ են ունեցած : Այս  
նաւահանգիստը , ուր յաճախել են նաեւ բել-  
զիական նաւազնացները , Կիլիկիոյ ծովեղերքի  
Այասի է , այժմ ողորմելի մի դեղ որ երբեմն  
միջազգային առեւտրի կենդրոն էր : Ուստի Ես  
հարկ համարեցայ ընդարձակ ծանօթութիւն  
տալ թէ այս առեւտրի եւ թէ Այասի վրայ :

Առաջին հայ առեւտրականներն , որ ոտք  
Են կոխել Բելգիայի հողի վրայ Ճ՛Դ . զարում ,  
Եկել են Բրիւժ (Bruges) նաւահանդիսան , որ  
այն դարում , «ոսկի վեթակ» (ruches d'or) է  
կոչուել պատմագլուխերի կողմից եւ ուր յա-  
ճախել են աշխարհիս բոլոր նաւագնացները :  
Այդ դարի վերջերը Բելգիա է այցելել նաեւ  
վերջին հայ արքան , Լեւոն Զ . : Ես մանրա-  
մասն յառաջ պիտի բերեմ այն հին բելգիական  
արձանադրութիւններն եւ յիշատակութիւն-  
ներն որ պահուած են այս դէպքերի մասին :

Ծնորհիւ այն անվիճելի իրողութեան , որ  
հայ ցեղն եւ լեզուն հնդեւրոպական աշխարհի  
մասն են կազմում , եւրոպական գիտնական-  
ները , մանաւանդ վերջին հարիւրամեաց շրջա-  
նում , ընդարձակ ուսումնասիրութիւններ են  
նուիրել մեր պատմութեան , մեր լեզուին եւ  
առ հասարակ հայ կեանքին : Այս հետազօ-  
տութիւնների մէջ իրենց պատուաւոր տեղն  
ունին նաեւ Բելգիացի բանասէրներն , որ սա-  
կայն շատերին անծանօթ է մնացած : Ես մա-  
րամասնօրէն պիտի խօսիմ բոլոր այն Բելգիա-  
կան հաստատութիւնների եւ գիտնականների  
վրայ , որոնք իրենց քննութեան առարկայ են  
դարձել հայ լեզուն եւ պատմութիւնը եւ յա-  
ռաջ պիտի բերեմ համառօտարար նրանց բո-  
լոր դորձերի բովանդակութիւնը , երեք Գլուխ  
յատկացնելով այս կարեւոր խնդիրներին :


Բելգիան այսօր ունի երկու բացարիկ  
հիմնարկութիւն , որոնք արժանի են ընդհա-  
նուր հայութեան ուշադրութեանը : Սրանք են

Բրիւքսէլի «Արեւելեան կանառի» հայկական  
բաժինն եւ «Պօղոս Նուպարեան հիմնարկու-  
թիւնը» ի նպաստ հայ չքաւոր ուսանողների :  
Պիտի պատմեմ այս հիմնարկութիւնների ծա-  
դումն եւ նրանց այժմեան գործունէութեան  
պայմանները :

Իբրեւ վերջաբան համառօտ տեղեկու-  
թիւն պիտի տամ Բելդիայում հաստատուած  
այժմեան հայ գաղութի վրայ :

Ես այս պատմութեանս մէջ ջանացած եմ  
ամփոփ կերպով յիշել եւ նկարագրել այն բո-  
լոր անցքերն , որոնք նոյն խոկ հեռաւոր կեր-  
պով աղերս ունին հայ-բելդիական յարաբե-  
րութիւնների հետ : Աշխատած եմ անձամք  
քննել այն բոլոր աղբեւրներն , որ հնարաւո-  
րութիւն եմ ունեցած ձեռք բերելու եւ որոնք  
յիշած եմ ծանօթագրութիւնների մէջ :

Որքա՞ն եմ յաջողած , թողնում եմ անա-  
չառ ընթերցողի դատողութեան :



Ա. ԳԼՈՒԽ

Ընդհանուր տեսութիւն Բելգիայի պատմական անցեալի եւ ներկայ կացութեան վրայ :

Մի երկրի ընդհանուր կացութեան տեղեւկանալու լաւագոյն միջոցը վիճակադրութիւննէ : Դիմենք նախ այս միջոցին :

Պաշտօնական վիճակադրութեան համաձայն Բելգիայի Հոգային տարածութիւննէ ընդամէնը 30,444 քառակուսի կիլոմետր, իսկ բնակչութիւնը առ 1 Յունուար 1933, էր՝ 8,213,449 հոգի, որուի ամէն մի քառակուսի կիլոմետրին ընկնում է 268 բնակիչ, որ նշանակում է թէ Բելգիան գերազանցապէս քաղմամարդ երկիր է իր Հոգային տարածութեան համեմատելով : Բելգիան երկու որոշ ցեղին ողատկանող բնակչութիւն ունի, Փլաման (flamand) եւ վալոն (wallon) : Բնակչութեան ընդհանուր թուի 53% ֆլաման է, 46% Վալոն եւ 1% զանազան :

Երկրը բաժնուած է 9 նահանգներ, որոնց 4ի մէջ բնակչութիւնը մեծամասնութիւնը Փլաման է, այն է Անտվերպէն (կամ Փրանս . Անվէրս), Արեւելեան Ֆլանդրիա, Արեւմտեան

Ֆլանդրիա եւ Լիմբուրգ : Միւս 4ի մէջ մեծամասնութիւնը Վալոն է , այն է Հէնօ (Hainaut) , Լիէժ , Նամիւր եւ Լիւքսէմբուրգ<sup>1</sup> : Իսկ 9դ նահանգն է Բրաբան (Brabant) , որ ամենաբազմամարդն է , ուր գտնւում է Բելգիայի մայրաքաղաքը Բրյուսել (Bruxelles , Փլամ . Brussel) , Պլամաններն եւ վալոններ գրեթէ հաւասար են թիւով<sup>2</sup> :

Բելգիան եղական գիրք ունի նաեւ կրօնական դաւանութեան կողմից : Նա գերազանցապէս կարողիկ երկիր է : Այստեղ կաթոլիկ աշխարհական կղերի թիւն է 6272 հոգի . այս թուի դիմաց կան միայն 44 բողոքական հովիւ եւ 17 հրէական Բարբի : Բայցի գրանից Բելգիան հարուստ է նաեւ կաթոլիկական կրօնաւորական հաստատութիւններով , որոնց մէջ (1930ի վիճակագրութեամբ) կային 9858 կրօնաւոր : Սրանց 6674ը տեղացի է եւ 3184 օտարերկրացի : Մէծ բազմութեամբ կան նաեւ կաթոլիկ միանձնուիկներ (religieuses) որոնց ընդհանուր թիւն է 44,653 . այս թուի մէջ՝ 34,330 տեղացի են եւ 10,317 օտարական : Այս միանձնուհիները նույիրուած են կրթական եւ մարդասիրական նպատակների , այսինքն գպրոցներ են պահում կամ հիւանդապահուհիներ են : Վերոյիշեալ 10,000ի չափ

<sup>1</sup> Պէտք չէ շխոթել սահմանակից «Լիւքսէմբուրգի Մէծ Դքսութեան» հետ (Grand Duché de Luxembourg) , որ անկախ երկիր է եւ իր մասային դրութեամբ միացած է Բելգիայի հետ :

<sup>2</sup> Annuaire Statistique de la Belgique et du Congo. Tome LIV. 1932.

կրօնաւորների մեծ մասը Ասիայի եւ Ափրի-  
կէի խորքերում միսիոնէրական պաշտօն են  
վարում, դաստիարակելով եւ ինամելով,  
միեւնոյն ժամանակ նաեւ Քրիստոսի օրէնքը  
քարողելով հեթանոսներին։ Միմիայն բել-  
դիական գաղութավայր Կոնգոյում 2319 կրօ-  
նաւոր կան։ Քիչ չեն սրանց մէջ այնպիսիներ,  
որոնք զոհ են գնացել եւ գնում են իրենց ա-  
ռաքելութեանն եւ անձնուիրութեանը, զանա-  
զան արկածների հանդիպելով, կամ շատ ան-  
դամ վարակուելով տարափոխիկ հիւանդու-  
թիւններից, մասնաւորապէս բորոտներ խնա-  
մելու ժամանակ։

Բելգիան միայն 1830ից սկսած, այն է հա-  
րիւր տարի է միայն, որ անկախ է։ Հին ժա-  
մանակ այժմեան Բելգիա եւ Հոլլանդա ա-  
նուններով յայտնի տէրութիւնները մի ընդ-  
հանուր երկիր էին, որ Հռոմայեցիների ժա-  
մանակ provincia Belgia անունն էր կրում եւ  
այդ անունը պահել է մինչեւ Ժ. դար, երբ  
ներքին քաղաքական պատերազմ ծագելով  
հիւսիսային զաւառները անջատուեցան հա-  
րաւայիններից եւ կազմեցին առանձին քաղա-  
քական իշխանութիւն, որ կոչուեց Հոլլան-  
դա<sup>3</sup>։ Այս անջատումից յետոյ հարաւային  
զաւառները խաղալիք դարձան գրացի տէ-  
րութիւնների ձեռքում։ Աւստրիան, Գաղ-

<sup>3</sup> Ասկան վարդապետ, 1636ին Ամստէրդամում  
(Հոլլանդա) տպած Աստուածաշոնչի Ա. տպագրու-  
թեան Յէսուսակարանում զրում է. «Ես եւս չու արա-  
բեալ հասի ի կողման հիւսիսայնց, յերկիրս Բնլգի-  
կոյ, որ այժմ ասի Հոլլանտիայ»։

զիան, Սպանեան եւ Հոլլանդան կուռում էին  
իրար հետ, նրանց տիրելու համար : Ժ. Պա-  
րում Աւստրիան էր նրանց վրայ իշխում, երբ  
Գաղղիական Մեծ Յեղափոխութեան գօրքերը  
ներս մտնելով դուրս վանեցին Աւստրիացինե-  
րին եւ Գաղղիական իշխանութիւն հաստա-  
տեցին, կցելով նաև Լիէժի գաւառն, որ այդ  
ժամանակ Պրուսիայի ձեռքումն էր : Այս էլ  
երկար չտեւեց : Մեծն Նապոլէոնի անկումից  
յետոյ երբ Դաշնակիցները Վիեննայի Համա-  
գումարում՝ 1815ին, Նապոլէոննեան կայսրու-  
թեան երկիրների վիճակն էին որոշում, բել-  
դիական հարաւային նահանգները միացրին  
հիւսային այն է հոլլանդական նահանգներին  
եւ կազմեցին Մեծ Հոլլանդան, Օրանժի իշ-  
խանի միասկետութեան տակ : Այս Հոլլանդացի  
միասկետը անկարող եղաւ գրաւել հարաւային-  
ների համակրութիւնը : Ժողովրդական դժոռ-  
հութիւնը Հոլլանդական իշխանութեան դէմ  
խոր արմատներ էր արձակել եւ երբ Գաղ-  
ղիայում, 1830ին Յեղափոխութիւն ծաղեցաւ,  
ուստ անմիջապէս իր ազգեցութիւնը տարածեց  
նաև հարեւան բելգիական գաւառների վրայ :  
Բելգիացիք 1830 Օգոստոս 24ին դէնքի դիմե-  
ցին, եւ Հոլլանդական իշխանութիւնը տալա-  
լելով Սեպտեմբեր 24ին իրենց սեպհական  
ժամանակաւոր կառավարութիւնը հիմնեցին :  
Միայն Անվէրս քաղաքն էր պաշարուած մնա-  
ցել Հոլլանդացիների ձեռքում երբ Գաղղիա-  
ցիները օդնութեան հասան : Գաղղիական  
50,000նոց բանակը ստիպեց Հոլլանդացիներին

բոլորովին քաշուիլ Բելգիայից : Գաղղիայի  
այս պաշտպանութիւնը վերջնականապէս որո-  
շեց երկրի բախտը : Բելգիայիք 1831 Յու-  
նիս 4ին Սաքս-Կորուրդի Լէովոլդ Իշխանին  
հրատիրեցին թագաւորելու, որից սկսում է՝  
Բելգիայի այժմեան արքայական տոհմը : Եւրո-  
պական միւս մեծ պետութիւնները Աւստրիա,  
Ռուսաստան, Անգլիա եւ Պրուսիա՝ Լոնդո-  
նում, նոյն տարին, Նոյեմբեր 15ին կայացած  
ժողովում ոչ միայն պաշտօնապէս ընդունե-  
ցան նոր Բելգիայի տէրութեան անկախու-  
թիւնն, այլ երաշխաւոք եղան նրա չեզոքու-  
րեանը : Մնացած եւրոպական տէրութիւն-  
ներն էլ համաձայնեցան այս վճռին, 1839ին :

Ահա այսպէս՝ 1830ից ի վեր Բելգիան դար-  
ձաւ անկախ եւրոպական թագաւորութիւն։  
Նրա առաջին թագաւորը Լէովոլդ Ա. վախ-  
ճանեցաւ 1869ին. նրան յաջորդեց իր որդին  
Լէովոլդ Բ. : Բելգիայի ժամանակակից՝ պատ-  
մութեան մէջ Լէովոլդ Բ. կոչուած է «belge  
de coeur et d'âme» : Այս Մեծ Արքան (Le Grand  
Roi) շատ վճռական դեր է կատարած Բել-  
գիայի թէ քաղաքական եւ թէ մանաւանդ  
տնտեսական յառաջապիմութեանը մէջ։ Լէո-  
վոլդ Բ. մեռաւ 1909ին եւ տարօրինակ հան-  
դամանելի բելգիամբ նրան յաջորդեց իր եղ-  
բօրորդին Ալբերտ Ա.՝<sup>4</sup>

<sup>4</sup> Լէովոլդ Բ. է ժառանդն էլ իր միակ որդին,  
բայց սա մեռած հօրը կենդանութեան ժամանակ։ Գա-  
չաժառանդ պիտի լինէր Լէովոլդի եղբայրը, բայց նա  
հրաժարուեց յօդուած իր մեծ որդի Բօդուէնի, սա էլ  
վախճանուեց երբ դեռ Լէովոլդ Բ. ողջ էր. որով Բօ-

Դեռ բոլորիս յիշողութեան մէջ է վերջին  
համաշխարհային պատերազմի մէջ Բելգիայի  
կատարած դերը։ Գերմանական կայսերական  
բանակը Եւրոպական և մեծ տէրութիւնների  
Լոնդոնի 1831ի վերոյիշեալ չէզոքութեան դաշ-  
նագիրը Chiffon de papier համարելով մտաւ  
Բելգիա, որպէս զի անարգիլ ինչպէս յոյս ու-  
նէր, Եւ որքան կարելի է շուտով, Պարիսի  
վրայ արշաւէ։ Բելգիացիք մինչեւ այն օրը  
իրենց չէզոքութիւնն անրոնաբարելի համա-  
րելով հանգիստ նստած էին։ Իսկ այժմ սաս-  
տիկ զայրացած միացան իրենց «ասպետ» թա-  
գաւորի Ալբէրտի շուրջն, Եւ իրենց փոքրիկ  
բանակովը ծառացան հսկայ թշնամու դէմ։  
Արդիւնքը յայտնի է։ Անդղիա, ճիշդ ինչպէս  
մէկ դար յառաջ Գաղղիոյ դէմ էր ելել, որով-  
հետեւ Գաղղիացիք գրաւել էին Բելգիայի ծո-  
վեղերքը, այս ազամ էլ նոյն պատճառով Գեր-  
մանիոյ դէմ եւաւ։ Անդիման սովոր է իր շա-  
հերի համար մինչեւ վերջին շունչը մաքառել։  
Գաղղիոյ դէմ պատերազմը 22 տարի էր անեւել  
Եւ վերջացել էր Մեծն Նապոլէոնի դէպի Ա.

---

գուէնի կրտսեր եղրայրը Ալբէրտ բնական կարգով յա-  
ջորդեց նրան։ Ալբէրտ (Albert) Ա. ծնած է 1875ին,  
ամուսնացած է բաւարեացի իշխանուհի Եղիսարէթի  
չետ, ունի 3 զաւակ։ Մեծորդին Լէոպոլտ, զահամա-  
ռանդը, ծն. 1901ին, կրում է duc de Brabant տիտ-  
ղոսը, երկրորդ որդին Կարոլոս (Charles), ծն.  
1903ին, Comte de Flandre տիտղոսն ունի, որով վե-  
րանորոգուած են այս բելգիական մեծ զաւառների  
նախկին իշխանական տները։ Իսկ արքայական դցոք  
երրորդ զաւակը՝ Մարի-Ժոզէ (Marie-José) իշխանու-  
հին ամուսնացած է Իտալիայ թագաֆասանդ Ռամիրո  
իշխանի չետ։

Ա Ա Ա

Հեղինէ կղզին «Ճանապարհուելովը»: Այս  
անդամ էլ վերջացաւ Վիլէմ կայսեր դէպե  
Հոլլանդա լիախուստովը: «Բելգիան, գրում է  
նրա մեծ պատմագիրը, Պրոֆ. Հանրի Պի-  
րէնն, ունեցաւ իր մարտիրոսներն եւ իր դիւ-  
ցագները, ոկսելով իր Եկեղեցու Պետից <sup>5</sup>, իր  
մայրաքաղաքի պետից եւ իր լրտեսչիներից:  
Նրա կրծքից ծնան հազարաւոր երիտասարդ-  
ներ, որոնք երբ թշնամին գրաւել էր իրենց  
երկիրը, սողոսկելով անցան ելեկտրականա-  
ցած երկաթէ թշելերի ցանցն, որով շրջապա-  
տուած էին սահմաններն, եւ գնացին, միա-  
նալու ազգային բանակին, կոռւելու համար  
հայրենիքի թշնամու դէմ: Իսկ հերոսուհիներն  
իրեւ «լրտեսներ» աներկիւզ կուրծք տուին  
թշնամի գնդակներին <sup>6</sup>:

Դաշնակիցների յաղթութիւնից յետոյ  
Բելգիան ոչ միայն վերականգնեց իր անկա-

<sup>5</sup> Այս պետը համբաւաւոր հայրենասէր կարդինալ  
Մերսիէն է (Mercier), որ իր ազգու բողոքի ձայնը  
բարձրացրեց Հոնմում եւ ներպային, նոյն իսկ երբ  
ինքը թշնամու խիստ հսկողութեան տակ էր: Այս մեծ  
կարդինալը (le grand cardinal) ինչպէս նրան կոչում  
էին, մեծ հեղինակութիւն ուներ Բելգիայում թէ ար-  
քայական տան, թէ կառավարութեան եւ թէ ժողովրդի  
վրաց: Եւ նա պատերազմը վերջանալուց յետոյ, իր հե-  
ղինակութիւնը գործ գրաւ ի նպաստ պատերազմի դոհ  
օտարերկրացիների, որոնք մանաւանդ թուաները, մեծ  
թուով ապաստանցան Բելգիա: Ես խորին երախտազի-  
տութեամբ յիշում եմ այն սիրալիք ընդունելութիւնն,  
որ ցաց տուաւ ինձ հանդուցեալ ազնուահովի կարդի-  
նալը, երբ ես ներկայացաց իրեն 1923ին, Մալինում, ուր  
դաւնում է Բելգիայ արքավիսկոպոսական աթոռը, հայ

դաղթականների դործերի առթիւ:

<sup>6</sup> H. Pirenne, Histoire de Belgique. Bruxelles  
1929, VII հատ., էջ 395:

խութիւնը նախկին սահմաններում, այլ երկու նախկին բելգիական դաւառ, Եվոպ և Malmedy, Գերմանիայից առնուելով կցուեցան նրան: Պատերազմի տուած ուրիշ մի արդիւնքն էլ այն եղաւ, որ Բելգիայի չէզոքութեան դրութիւնը վերջացաւ եւ նա, զինուորական դաշնակցութեամբ կասլուեց Գաղղիոց հետ:

Յեղագրական տեսակէտից հետաքրքրական է Բելգիայի ժողովրդական կազմը: Բելգիացիք, Զուլցէրեացիների նման, տարբեր ցեղերի միութիւն են ներկայացնում: Բելգիան երկար դարեր դրացի ազգերի երթեւեկութեանն եւ նաև ընդհարմանը դաշտ է ծառայել. այս կերպով տեղի է ունեցել ցեղերի բնական խառնուրդն այն տեղ: Տիրող գլխաւոր ցեղերն եղած են գերմանականն եւ բոմանականը կամ կելտականը (celtique): Բայ այնմ էլ բելգիական ժողովուրդը կազմուել է այժմեան երկու մեծ հասուածից: Ֆլամանները (flamand) սերում են գերմանական ցեղից, իսկ վալոնները (wallon) բոմանականից: Եւ այս երկու հասուածների միութիւնից ստեղծուած է այսօրուան բելգիական (belge) ազգը: Յեղային տարբերութիւնը արգելք չէ հանդիսացած նրանց միութեան, որովհետեւ վալոնն եւ ֆլաման ապրել են երկար դարերի ընթացքում, միեւնոյն քաղաքական եւ կրօնական շրջանակի մէջ, պարապուել են միեւնոյն տնտեսութեամբ, ունեցել են միեւնոյն օրէնսդրութիւնը եւ միեւնոյն հասարակական հաս-

տատութիւնները : Այս «վալոն» կոչումը Փլա-  
մաններն են տուած իրենց բազմազարեան  
դրացիներին :

Բելղիացիները մի տեսակ միջնաքաղա-  
քացիների (mitoyen) դերի մէջ են գտնուած ,  
երկու մէծ քաղաքակրթեալ ազգերի , այն է  
Գերմանացիների եւ Գաղղիացիների մէջտեղը ,  
որով իրենց մշակոյթն էլ կրում է այս երկու  
քաղաքակրթութիւնների ազգեցութիւնը <sup>7</sup> :

Դեռեւս ժԴ . եւ ժԵ . դարերում , երբ Բել-  
գիան եւ Հոլանդան դեռ միացած՝ Ստորին  
նահանգներ եւ նաեւ «Միացեալ Նահանգներ»  
(Provinces Unies) էին կոչում , երկու լեզու եւ  
երկու դրականութիւն տիրում եւ զարդանում  
էին քովէ քով : Իսմանական-դարդիականն ,  
որ գլխաւորաբար երկրի ազնուական դասա-  
կարգին էր յատուկը եւ դերմանական platt-  
deutsch կոչուած գաւառաբարբառն , որ քաղ-  
քենի ժողովուրդի խօսածն էր : ժԶ . դարից  
յիսոյ երբ Բելղիան առանձնացաւ , այս վեր-  
ջին բարբառը հետզհետէ մշակուելով դարձաւ  
այժմեան ֆլամերէնը <sup>8</sup> : Բայց որովհետեւ  
զաղղիերէնը համաշխարհային լեզու է , որ  
խօսում եւ ուսանում են նաեւ Փլամաններն ,  
ուստի ժամանակակից նշանաւոր Փլաման հե-  
ղինակներ՝ իրենց զրական յայտնի գործերը  
զրել են զաղղիերէն լեզուով եւ ոչ թէ Փլաման-

<sup>7</sup> Pirenne, Անդ , Ա. Հասոր , Էջ 158:

<sup>8</sup> Գաղղիերէնում գործածում է en flamand , en wallon . բայց իրենք , Փլամաններն ասում են՝ Փլամե-  
րէն , Փլամական (vlaamsche) եւ վալական (waalsche)  
ոչ թէ վալոնական :

ներէն, ինչպէս են կմիւ Վէրհառն (Emil Verhaeren) բանաստեղծն եւ Մօրիս Մէտէրլինկ (Maeterlinck) թատերագիրը :

Բստ այսմ Բելլիան երկու պաշտօնական լեզու ունի — գաղղիներէնն եւ Փլամերէնը : Բոլոր պաշտօնական գրադրութիւնները կատարւում են այս երկու լեզուով միանգամայն : Երկիրը կոչում է գաղղիներէն Belgique եւ Փլամաներէն België (հնչում է Բելլիէ) : Տարբեր — թէեւ իրարից ոչ շատ հեռու անուններ են կրում նաև քաղաքները . Anvers = Antwerpen, Bruxelles = Brüssel, Bruges = Brugge եւ այլն : Եւ այս՝ միեւնոյն երկրի, միեւնոյն հայրենիքի զաւակներն շատ նախանձախնդիր են իրաքաչիւրն իր լեզուին, իր գրականութեան եւ իր ցեղական մի քանի յատկութիւններին : Բայց երկուքն էլ Բելգիացի = belge ընդհանուր անունն են կրում եւ անձնուէր են ընդհանուր հայրենիքին, եթէ բաց թողնենք Փլամանների մի չնչին տոկոսն, որ զուտ ֆլամանական (flamingant) զգածմունք ունի, եւ իրրեւ քաղաքական նպատակ՝ անկախ Թլանդրիա է պահանջում եւ կոչում է frontiste :

Բելլիական ժողովրդական երգն ասում է .

Flamand, Wallon, ce ne sont là que des prénoms, Belge est notre nom de familles.

Գեղարուեստի տեսակէտից, հետաքրքրական է, որ ԺԳ. դարից Բելլիան ունեցել է իր սեղհական, ինքնուրոյն մշակոյթը, եւ այս՝ Բելլիացիների փառքն է կաղմում : Առաջին

անգամ Փլաման Վան Էյք (Van Eyck) եղբայրներն եղան, որ ԺԴ. դարի Բ. կէսին, առաջին անգամ իւղաներկը գործածեցին իրենց պատկերներում: ԺԵ. դարում նոյնպէս Փլաման Quintin Metzis արուեստագէտը (ծն. 1442) նշանաւոր է հանդիսացած: Նրա գլուխ գործոցը՝ «Քրիստոսի թաղումը» Յ մասից բաղկացած (triptyque) ընդհանուր հիացման առարկայ է միշտ (Անվէրսի նկարչական թանգարանում): Ֆլաման էր նոյնպէս աշխարհահռուչ Pierre-Paul Rubens, որ ԺԷ. դարի ամենամեծ նկարիչն էր: Ռուբէնս՝ Իտալիայում կատարելագործուած, յետոյ 30 տարեկան հասակում դարձած է իր հայրենիք եւ Փլամանական գեղարուեստին մզում տուած:

*A 322 279*

Բելգիան առանձնապէս կարեւոր է իրրեւ առեւտրական երկիր, ուր մեծապէս զարդացած է ճարտարարուեստն (industrie) եւ գործարանական արդիւնաբերութիւնը: Ոչ մի տեղ, այսչափ տարածութեան վրայ այս քանակութեամբ եւ շրջանառութեամբ գործարաններ չկան: Բելգիայի գլխաւոր արդիւնաբերութիւնը հանքածուին եւ մետաղագործութիւնն է: Ունի ընդարձակ ածխահանքեր, որոնք շահագործուում են վերջին կատարելագործուած եղանակներով: Առատ են նոյնպէս մետաղական հանքերը՝ զինկ (zinc), կապար, մանգանէզ եւ պիրիտ (pyrite), չհաշուելով դեռ իր գաղութի, Կօնդօյի այլեւայլ հանքերը: Երկրագործութեան եւ գիւղատնտեսական բերքերի համար քիչ տեղ է մնացած, որով



Բելղիան ստիպուած է իր ասլրուատի համար ովհաք եղած ուտելիքը զբսից հայթհայթել : Այս պատճառով, Բելղիան մեծապէս կարօտ է օտար շուկաների, որուես զի իր գործարանական արդիւնքները ծախելով կամ փոխանակելով իրեն անհրաժեշտ եղած ուտելիքն եւ գործարանական հում նիւթեքը հոգայ :

Պաշտօնական աղբիւրի մը համաձայն, 1931ին, ընդհանուր աշխարհի առեւտրի 30% այս փոքրիկ երկրի ձեռքումն էր : Համաշխարհային առեւտրի մէջ Անդլիայից, Հիւսիսային Ամերիկայից, Գերմանիայից եւ Գաղղիայից անմիջապէս յետոյ Բելղիան է դալլս<sup>9</sup> :

Թողնելով Ասիան, հարաւային Ամերիկան, Կանադան, Եգիպտոսն եւ Եւրոպական երկիրներն, ուր Բելղիացիք առեւտրական մեծ շահեր են ստեղծած, ևս պիտի խօսիմ Ռուսաստանում եւ Կովկասում նրանց ձեռնարկութիւնների վրայ : Բելղիական դրամագլուխը Ռուսաստան մոտ 1890ին : Բելղիացիք նախ Կենդրոնական Ռուսաստանում կանդնեցրին սուդայի (soude) առաջին մեծ գործարանը : Հարաւային Ռուսաստանում կէրչի մօտ շահագործեցին կրիվօյ-թողի (Կրիվօյ Պօր=ծուռ եղջեւր կոչուած) հանքերն եւ ապա Դոն գետի շրջակայցում ընկարծակ հանքածուխի եւ երկաթի հանքերի շրջաններում մեծ գործարաններ կանգնելով սկսան շահագործել, տոկուն

<sup>9</sup> Բելղիացիք արտաքին գործերի մինիստր Պոլ Հայմանսի (Hymans) զեկուցումը լոնդոնի համաշխարհային Տնտեսական ժողովին, 1933 Յունի 13ին :

կերպով։ Աէսպոլտ Բ.՝ քաջալերուած իր հողատակների այս ձեռնարկութիւններից, 1905ին, Լիէժի Յուցահանդէսի առթիւ հրաւիրեց «Համաշխարհային Տնտեսական Ծաւալման» համագումարը (Congrès d'Expansion économique mondiale), որին մասնակցեցաւ 3000 անդամ<sup>10</sup>։

Ռուսաստանում մինչեւ 1914, Բելգիացիք վերոյիշեալ ձեռնարկութիւնների համար յատկացրել էին մօտ երկու եւ կէս միլիարդ ոսկի ֆրանքի գրամագլուխ։ Նրանց վստահութիւնը Ռուսաստանի ազագայի վրայ այնքան մեծ էր եւ ուժեղ, որ գրանից զատ նրանք զնել էին նաև ռուսական պետական կամ պետութիւնից երաշխաւորուած արժէթղթեր մօտ երեք միլիարդ ոսկի ֆրանք գումարի։

Բելգիացիք իրենց առեւտրական ձեռներէց ողին բերին մինչեւ կովկաս։ Նրանք էին, որ կառուցին կովկասի մայրաքաղաքում, Թիֆլիսում ելեկտրական տրամուէյն (tramway)։ Մի մեծ նորութիւն ներմուծեցին նրանք նաև Թիֆլիսի Ս. Դաւիթ կոչուած լեռան գլուխը պարանաւոր երկաթուղի (chemin de fer funiculaire) բարձրացնելով, որով Թիֆլիսցիք հնարաւորութիւն ունեցան մասունքի կերպով եւ արագօրէն բարձրանալ թէ իրենց քաղաքի բարձունքն, ուսկից հիանալի տեսարան է պարզուած լայնարձակ հորիզոնի վրայ, մինչեւ կովկասեան լեռնաշղթայի հռչակաւոր կաղրէկ սարագաղաթն, եւ թէ շուտ չուտ

<sup>10</sup> The world's Congress, Economic Journal. London 1906.

այցելել այդ մեծ բլուրի լանջքի մէջ հանդչող  
Գրիբոեդով ուսւ մեծ բանաստեղծի շիրե-  
մին <sup>11</sup>:

Այս երկու մեծ ձեռնարկութիւններն էլ  
բելլիական ընկերութիւնը յաջող կերպով շա-  
հագործեց որոշեալ ժամանակամիջոցում:  
Ծիփլիս քաղաքի եւ Բելլիացիների մէջ կա-  
պուած պայմանագրի համաձայն Քաղաքն  
իրաւունք ունէր, որոշեալ ժամանակամիջոցին  
վերջը, գնել ամբողջ ձեռնարկութիւնը: Քա-  
ղաքացին վարչութիւնն, որ ամբողջապէս  
Հայերից էր բազկացած քաղաքապէտ Քր.  
Վէրմիչեանի նախաձեռնութեամբ, օգտուեց  
այս պայմանից, գնեց այս բելլիական երկա-  
թուղին եւ ինքն սկսու շահագործել, վարի-  
տհօրէն նշանակելով այն հայ բարձր պաշտօ-  
նեան, որ երկար ժամանակ այդ գործում գլու-  
նուելով, շատ լաւ ծանօթ էր շահագործման  
պայմաններին <sup>12</sup>: Այսպէս շարունակուեց

<sup>11</sup> Այս մեծ բլուրը, տեղացիք կոչում են —  
Մքածմինդա, որ վրացերէն նշանակում է Սուրբ Լեռ:  
իսկ այնող թաղաւոր ուսւ բանաստեղծն է Գրիբոե-  
դով, որ ամուսնացած էր վրացի իշխանուհու հետ:  
Այս նշանաւոր մատենագրի զլուխ-զործոցն է Գօրէ  
ՕՏ Սման ուսւերէն ծանօթ թատրերկութիւնը, թարգ-  
ժանուած նաև Հայերէն՝ «Անդիք պատուհան» վերնա-  
գրով (աւելի ճիշդն է՝ Խիլօքուրեան փորձանիք) եւ  
շատ է խաղացուած Հայկական բեմի վրայ: Նա ուսւա-  
կան գեսպան էր Թէ հէրանում անցեալ գարում եւ այն-  
տեղ սպանուեց ժողովրդական յուղման ժամանակ,  
1829ին:

<sup>12</sup> Այս հայ պաշտօնեան էր Տրապիզոնցի Ֆէրդի-  
նանդ թախթածեան, որ Կովկասում թրական հիւզա-  
տոսական պաշտօններ է վարած: Պատերազմից յետոց,  
1922ին նա Հայաստանի Հանրապետութեան դաշնակ-  
ցական կառավարութեան ժամանակ նրա ներկացացու-

մինչեւ վերջին մեծ պատերազմն, Երբ այնուշ  
հետեւ Ռուսաստանում եւ Կովկասում, ամէն  
ինչ յեղաշրջուեց :

Բելղիան շատ մեծ յառաջադիմութիւն է  
կատարած տնտեսական եւ առեւտրական աս-  
պարէզում, մասնաւանդ Լէոպոլդ Բ.ի թագա-  
ւորութեան շրջանում եւ այնուհետեւ : Այս  
տնտեսագէտ արքան է եղած Բելղիացիներին  
գէպի արտաքին աշխարհ, եւ յատկապէս գա-  
ղուքային գործունէութեան մզողը : Նա իր  
այս ծրագիրը յամառութեամբ յառաջ է տա-  
րած եւ իրականացրած, նոյն իսկ իր հպա-  
տակների սկզբնական անվտանգութեանը եւ  
անտարրերութեանը հակառակ : Այս բանին  
ապացոյց է բելղիական կոնգօ գաղութը, որի  
պատմութիւնը մեծապէս շահեկան է : Լէո-  
պոլդ Բ. իր աչքը դարձրել էր Կենդրոնական  
Ափրիկէի վրայ եւ ամէն գնով աշխատում էր  
օդտուիլ այդ ընդարձակ տարածութեան մէջ  
գտնուած աղատ հողերից : Այս նպատակով  
նա՝ 1876ին Բրիտանիկում գումարեց Աշխար-  
հագրական ժողով, որի նպատակն էր Կեն-  
դրոնական Ափրիկէն հետազոտել եւ ըստ այնմ  
քաղաքակրթութիւն մտցընել այնտեղ : Երբ  
համբաւաւոր անգլիացի հետախուզողը Ստէնլի  
(Stanley) յաջողեցաւ ամբողջ Կենդրոնական  
Ափրիկէն կտրել անցնիլ կոնգօ գետի վրայ,

ցիշն եւ գիւանագիտական գործակալն էր Կ. Պոլսում :  
Երբ Դաշնակիցները թողին կ. Պոլսոն եւ Թուրքերը  
վերսովին զրաւեցին թափթաջեան ստիլուեց հեռանալ  
եւ ապաստանեցաւ Յունաստան, ուր եւ վախճանեցաւ  
հետեւեալ տարին :

Աէսոլուլդ իր քով կանչեց նրան և բազմաթիւ  
 նոր գործակիցներով ետ ուղարկեց, որու  
 յանձնաբարութիւններ տալով։ Ստէնլիի այս  
 պատուիրակութիւնը՝ Աէսոլոլդից ստացած  
 հրահանդի համաձայն, անմիջական յարաբե-  
 րութիւն մէջ մտաւ ափրիկական սեւամորթ  
 ցեղապետների հետ և չորս հարիւր պայմա-  
 նագիր կնքեց նրանց հետ։ Այն ժամանակ ոչ  
 ոք կարեւորութիւն տուաւ այս տարօրինակ  
 նկատուած պայմանագիրներին։ Նոյն իսկ  
 Բելլիացիք երազ էին համարում իրենց թա-  
 գաւորի այս ափրիկական ծրագիրները։ Եւ  
 սակայն այս «Երազը» լիովին իրականացաւ։  
 Աէսոլուլդ 1882ին Հիմնեց «Կոնգոյի Միջազ-  
 գային Բնկերակցութիւնը» (Association Inter-  
 nationale du Congo), որ Յ տարի վերջը միջազ-  
 գային քաղաքական իշխանութիւն գարձաւ,  
 իրեւ «Կոնգոյի անկախ պետութիւն» (Etat  
 իրեւ այզուկ էլ ճանաչուեց պաշ-  
 տօնապէս Բերլինի Համաժողովում։ Իսկ  
 1908ին այս «անկախ պետութիւնը» յանձնուեց  
 Բելլիացին իրեւ սեփականութիւն, որով  
 միոքրիկ Բելլիան տեր դարձաւ 80 անգամ  
 աւելի ընդարձակ եւ իր հանքերովն ու այլ  
 տնտեսական ակնկալութիւններով հարուստ  
 մի մեծ գաղութի։ Այն Ափրիկէն, որ 1885ին  
 քարտէսների վրայ իրեւ պարազ տեղ էր նկա-  
 քարտէսների վրայ իրեւ պարազ տեղ էր նկա-  
 քարտէսների մէջ՝ հետազօտուած,  
 բուած, 10—15 տարուան մէջ՝ հետազօտուած,  
 խաղաղացրած, եւ վարչական ու գատական  
 կազմակերպութիւն էր ստացած։ Կոնգոյի  
 կազմակերպութիւն էր բանում եւ ներքին դա-  
 վրայ շողենաւներ էին բանում եւ ներքին դա-

ւառները կապուած էին ծովեղերքի հետ, եր-  
կաթուղումիջոցով: Ակսել էին շահագործուիլ  
նրա հողերն, հանքերն, կենդանիները<sup>13</sup>:

Վերջին (1930) պաշտօնական վիճակա-  
ռութեան համաձայն թնիկ սեւամորթների  
թիւն է Կոնդոյում 9.584,000, իսկ եւրոպա-  
ցիներինը միայն 25.179: Այս վերջիններից  
2600 հոգին բելգիական պետական պաշտօ-  
նեաներ են. մնացածները առեւտրականներ եւ  
ոյլ մասնաւոր անհատներ: Այս վոքքը թիւը  
բաւական է լինում 10 միլիոնի չափի թնիկնե-  
րին կառավարելու համար:

Բելգիան ամէն կերպ ճգնում է օդառուիլ  
իր այս մեծ գաղթավայրից, բայց միեւնոյն ժա-  
մանակ ամենամեծ հոգածութիւն է տածում  
նրա առողջապահական բարուքման, որ ան-  
հրաժեշտ է, նկատելով տեղական կլիմայա-  
կան պայմանները, եւ նրա կրթական դործին,  
եւ մինչեւ հիմայ մայր երկիրը աւելի է ծախ-  
սած Կոնդոյի վրայ քան թէ այնտեղից ստա-  
ցած:

Բելգիան 1880ին տօնեց իր անկախութեան  
50ամեակը Բրիւքսէլի բարձունքի վրայ կանգ-  
նելով Cinquantenaire կոչուած երկու մեծ բեւե-  
սից բաղկացած գեղեցիկ եւ ընդարձակ շինու-  
թիւնն, որի առջեւը մի մեծ պարտէղ է տա-  
րածւում: Այս շինութեան մէջ են զետեղուած  
Բելգիայի նշանաւոր թանգարաններին մի

<sup>13</sup> Dechesne, Histoire Economique et sociale de la Belgique. Liège 1932, § 487—489:

մասը, հնագիտական, եղիսլտական, ազգագրական եւ զինուորական. Եւ դեռ շատ ազատ տեղ կայ ծածկած, ուր պարբերաբար տեղի ունին զանազան ցուցահանողէններ: Այն տեղէ գտնվում նաեւ միայն Բրիտանիկալ, յատուկ Palais Mondialը, որ կատարեալ, չօշափելի հանրագիտարան է բոլոր հին եւ նոր ազգերի պատմութեան եւ առհասարակ դիտութեանց զանազան ճիւղերի վերաբերեալ: Իսկ 1930ին, ժողովրդական խրախնաճքով տօնուեց անկախութեան հարիւրամեակը: Այս առթիւ սարքուեցան երկու համաշխարհային Ցուցահանողէններ: մէկը Փլամանական բաժնի դիմաւոր քաղաք Անտվերպենում, որ միեւնոյն ժամանակ Բելգիայի ամենամեծ նաւահանդիսան է, նաև ազգային գաղութային եւ առեւտրական յարաբերութիւնների վերաբերեալ: Միւսը Վալոնների մայրաքաղաք եւ գործարանական շարժման կենուրունավայր Լիեժում, ճարտարարուեստի եւ գործարանական արդիւնաբերութեան յատուկ: Իսկ 1935ին պիտի կայանաց Բրիտանիկում համաշխարհային ընդհանուր Ցուցահանողիս, որի համար արդէն մեծ պատրաստութիւններ են աեսնուում:

Բելգիացիք իբրեւ կրթիչ տարր եւս տարածուած են աշխարհի ամէն կողմը: Ամերիկայում, Ափրիկէում, Եղիսլտոսում, նոյն իսկ Սիամում, նրանք համատոր համալսարանականներ, մասնաւորաբար օրէնսդիմներ ունին: Պարսկաստան Բելգիայից էր հրաւիրել

իր Մաքսատունը կազմակերպելու համար ընդունակ տնտեսագէտներ :

Տեղիացիք ընդհանրապէս են համակրելի յատկութիւններով . նրանց մէջ տիրում է՝ սէր դէպի ազատութիւնը, եռանդ դէպի ի աշխատանքը, եւ մէծ ընդունակութիւն տնտեսական դործունէութեան մէջ : Տեղիացի համար առաւելութիւն է եղած այն պարագան, որ սահմանակից եւ միջանցք լինելով բարձր քաղաքակրթութեան տէր ազգերի, ինչպէս են գերմանականն եւ գաղղիականը, ժողովուրդը դիւրութեամբ եւ բնական կերպով ազդուած է այդ ազգերի մտաւոր եւ քաղաքակրթական շարժումից եւ մասնակցած նրանց բարոյական կեանքին : Միեւնոյն ժամանակ, Երկիրը՝ եւ բոպական ազգագրական ալիքների հանդիպման վայր լինելով, բեղիական ժողովուրդն, իրրեւ կրկին ցեղ, անընդհատ նորոգուած է եւ ճոխացած նորամուս ուժեղ տարրերով : Այս հանդամանքը մէծ աղղակ է եղած նրա տնտեսական ընդունակութիւնների զարգացման : Այսօր Տեղիացիք, ընդհանուր տիրող կարծիքի համաձայն, լուրջ, աշխատասէր եւ պարկեցած ժողովուրդ են :

Այս տողերը գրուած էին արդէն, Երբ պատահեց զիւցազն արքայ Ալբէրտի արկածային մահը, 1934 Փետրուար 18ին : Ասպետարքայի (le roi chevalier) այս անակնկալ վախճանը ընդհանուր վիշտ պատճառեց ոչ միայն իր նախկին եւ ներկայ դաշնակիցներին, այլ ամբողջ քաղաքակրթ աշխարհի : Նրան յա-

Հորդեց զահաժառանդ Աէստոլիդ Գ. արքան :  
 Հանդուցեալ Ալբէրտ թաղաւորն եւ Եղիսա-  
 բէթ թաղուհին 1933ին Երուսաղէմ եղած ժա-  
 մանակ այցելութիւն տուին Սրբոց Յակով-  
 րեանց Հայ Առաքելական Աթոռին եւ պատ-  
 շաճաւոր յարդանքներով ընդունուեցան Թոր-  
 գոմ սրբազն ոլատրիարքի եւ ամբողջ Միա-  
 բանութեան կողմից : Այս այցելութեամբ  
 «ասպետ արքան» ցոյց տուաւիր համակրանքը  
 հայ աղջի եւ հկեղեցւոյ հանդէպ :

---

Բ. ԳԼՈՒԽ

Բելզիա այցելող առաջին հայը , Անտիոքի  
հրաշագործ Մակար եպիսկոպոսը : Նրա ուխ-  
տըն եւ տանջանքը Երուսաղէմում : Եւրո-  
պայում նանապարհորդութիւնը : Բելզիայի  
ժանտախտը : Մակարի մահը , սրբացումն եւ  
փառաւոր յուղարկաւորութիւնը :

Հայ - բելզիական յարաբերութիւնների  
սկիզբը գնողն եղած է մի հայ հոգեւորական ,  
Ժ. գարդի առաջին տարիներում : Այս հոգե-  
ւորականն այնպիսի բարերար աղղեցութիւն է  
ունեցած իր նոր միջավայրի վրայ , որ նրա  
յիշատակն անմոռաց է մնացած այն օրից ի  
վեր եւ մինչեւ հիմայ էլ ամենարարձր յար-  
դանքի առարկայ է : Ո՞վ էր այս Հայը :

Ժ. գարում , Միքայէլ անունով մի հայ  
իշխան իր Մարքար կնոջը հետ Հայաստանից  
դաղթում է Անտիոք , ուր արդէն՝ նորեկ  
Հայերից մի տատկառելի գաղութ էր կաղմա-  
կերսկուել<sup>1</sup> : Այն տեղ ծնւռում է Միքայէլի

<sup>1</sup> Ինչոքէս յայտնի է բաղմաթիւ Հայեր , իրենց  
ընալայրում անհանգիստ , Ժ. գարից սկսած դաղթել  
են Հայաստանից դէուի Միջերկրականի ծովեղերքը եւ  
Տաւրոսի շրջակացքն , որ այն ժամանակ բնուզանդական

արու զաւակը : Անտիռքի Եպիսկոպոսը Մա-  
կար՝ մկրտում է նրան եւ իր անունն է տա-  
լիս : Այս կերպով վոքրիկ Մակարը դառնում  
է մեծ Մակարի հոգեւոր զաւակը : Եպիսկո-  
պոսը խնամք է տանում նրա զաստիարակու-  
թեան եւ երբ իր փոքր Մակարը մեծանում է,  
նրան եկեղեցական կարգ է տալիս, եւ որո-  
շում է, որ սա պիտի փոխարինէ նրան, Ան-  
տիռքի աթոռի վրայ :

Շնորհիւ այս հոգածութեան փոքրիկ Մա-  
կար ստացել էր Ընտիր կրթութիւն եւ բացի  
իր մայրենի հայերէնից սովորել էր նաեւ յու-  
նարէն եւ ասորերէն : Բարեկիրթ, համեստ եւ  
խելացի, Մակար ամէնքի սիրելին էր . թէ հայն  
եւ թէ օտարը գովում եւ վառարանում էին  
նրան : Եւ այս առթիւ նրա պատմիչները պիտի  
գովարանէին նաեւ նրան ծնող երկիրը, Հայա-  
ստանը :

Մեր մեծ պատմաբանը Հ. Միք. Վ. Զամ-  
չեան, գեղեցիկ կերպով թարգմանել է պատ-  
միչ լատին արբայի այս հատուածը իր Հայոց  
Պատմութեան մէջ.

«Ակն ազնուազին թագաւորական, պերձա-  
սպայծառ վայելչութեան Հայաստանի այց, զոր  
ոչ ձեռն արուեստահնար ճարտարի, այլ ամե-  
նեցուն ճարտարապետն Աստուած ընդելու-

---

կայսրութեան մասն էր կազմում : Հետզեաէ նոր դադ-  
թականների գալով, Տաւրոսի եւ Կիլիկիայի հայու-  
թիւնն այնքան ուժեղացաւ, որ Ռուբէն իշխանի ասած-  
նորդութեան տակ նոր քաղաքական իշխանութիւն կազ-  
մակերտեց, որ նոյն իսկ եւրոպական պագերին օդնու-  
թեան պիտի հասնէր յանուն Քրիստոնէութեան :

զեալ յերիւրեաց յիւրականն թագ . փառք ծնո-  
դաց եւ յոյս ակնկալութեան սիրելեաց , պան-  
ծալի մանուկն Մակար , շառաւիղեալ յազնիւ  
զարմէ աւագաց իւրոյ աշխարհին . . . : Յետ  
Աստուծոյ արարչին իւրոյ՝ ի լոյս ընծայեցու-  
ցիչ սորա եղեւ Հայաստան աշխարհ . աշխարհ՝  
որ ի սկզբանց եւ այսր ծնողն է քաղմութեան  
ազատ արանց քաջազանց , որ հզօր պաշտպանն  
է հաւատոյ եւ ճշմարտութեան եւ ամենայն  
արիական տուաքինութեանց . որում ի մէջ  
այլոց պահծալի բարեւառութեանց իւրոց վի-  
ճակեցաւ եւ այսր անկշռելի բարւոյ լինել ըն-  
ձիւղիչ յայսմ եւ ի սոյն ժամանակի <sup>2</sup> :

Մակար մօտ 30 տարեկան էր , երբ վախ-  
ճանուում է նրա խնամակալն Անտիոքի առաջ-  
նորդ Մակարիս Եպիսկոպոսն որ իր մահուան  
անկողնում յանձնարարում է , որ իր տեղը  
Եպիսկոպոս դնեն հայ երիտասարդ Մակարին :  
Այս կերպով մեր Մակարը բարձրանում է Ան-  
տիոքի Եպիսկոպոսութեան աստիճանին : Նոր-  
ընտիր Առաջնորդն իր հոգածութեան դվիսա-  
ւոր առարկայ է գարձնում բարեգործութիւնը :  
Տնանկները , կոյրերը , կաղերը , համբներն եւ  
առհասարակ բոլոր կարօտեալները լցում են  
նրա բնակարանը եւ նա անարտունջ ու սիրով  
հոգում է նրանց բոլորի պէտքերը : Բայց  
միայն նրանց տնտեսական առօրեայ կարօտու-  
թիւնները չէ , որ նա խնամում է , այլ նա  
բժշկում է նաեւ նրանց մարմնական ախտերը :

<sup>2</sup> Զամշեան , Բ . Հատոր , Էջ 858 :

Նրա այս բարի գործերն այնքան մեծ չափեր  
են ընդունում, որ նրա հրաշագործութեան  
համբաւը տարածւում է բովանդակ Ասորի-  
քում եւ Փոքր Հայքում, եւ ահա այն տեղերից  
եւս խումբ խումբ հիւանդներ դիմում են  
նրան... : Մակար միշտ համեստութեամբ ա-  
սում էր թէ բժշկուածներն իր շնորհիւ չէ, որ  
առողջանում էին, այլ ուրիշ բնական կամ  
դերբնական պատճառներից ազդուած: Նրա  
տնունը հոչակուել էր ամէն կողմ իրեւ «այր  
Աստուծոյ»: Նա այս աշխարհի վառքից խոյս  
տալու համար թողնում է Անտիոքն եւ չորս  
հայ ընկերների հետ ուխտի է զնում Երուսա-  
լէմ: Նա վաղուց որոշել էր այս ուղեւորու-  
թիւնը կատարել, որովհետեւ մի մեծ եւ  
դժուարին ծրագիր էր յլացել. երթալ Ս. Եր-  
կիր եւ այնտեղ Աստուծոյ խօսքը քարողել  
Հրէաներին եւ Մահմետականներին: Այս  
նպատակը յաջող կերպով իրագործելու հա-  
մար նա սովորել էր նաեւ արարերէն եւ  
երբայցերէն: Ի սկզբան «անհաւատները»  
նրան բռնում են Երուսալէմում եւ սաստկօ-  
րէն տանջում. սլրկում են խաչի վրայ, մերկ  
կուրծքի վրայ հրաշէկ քար են զնում եւ այլ  
չարչարանքների են մատնում: «Այրն Աստու-  
ծոյ» դիմանում է այս բոլորին. հրեշտակի մի-  
ջոցով աղատում է իր բանակց եւ այնուհետեւ  
աղատօրէն քարողելով կարողանում է բաւա-  
կան թուովանհաւատներ քրիստոնեայ դարձնել.  
Անտիոքի աթոռը շարունակում էր թա-  
փուր մնալ, նրա բացակայութեան ժամանակ.

ուստի պատգամաւորներ են դալիս նրան հրա-  
ւիրելու: Սակայն Մակար իր առաքելական  
նոր գործունէութեան եռանդից մզուած, հրա-  
ժարւում է Անտիոքի աթոռից եւ աւելի մեծ.  
դործի ձեռնարկում: Նա ծրագրում է Արեւ-  
ելքը թողնելով անցնիլ Եւրոպա եւ այնտեղ իր  
կենդանի օրինակովը բացատրել արեւմտեան  
քրիստոնեաներին Ս. Երկրի իսկական վի-  
ճակը: Եւ նա իրագործում է իր ծրագիրը:  
Հետզհատէ յառաջանալով Եւրոպայում, ամէն  
տեղ պատմում է Քրիստոսի Ծննդեան եւ Մա-  
հուան վայրերի տիտոր կացութիւնը մահմե-  
տական գերիշխանութեան տակ եւ քրիստո-  
նեայ ուխտաւորների վրայ գործ դրուած բըռ-  
նութիւնները: Իսկ Գերմանիայից անցնելու ժա-  
մանակ այս՝ գեռ եւս «քարքարոս երկիրներում  
նա Յիսուս Քրիստոսի օրէնքն է քարոզել<sup>3</sup>»:

Այսպէս իր բոլոր անցած Եւրոպական եր-  
կիրներում քարոզելով եւ խրատ կարդալով,  
1011ին դալիս է Բելգիայի Գէնտ կամ Գան  
(Gand) քաղաքն, ուր հիւրընկալուում է Ս.  
Բաւոն կոչուած արքայութեան (abbaye) մէջ:

Հետեւեալ տարին մի սաստիկ համաճա-  
րակ է սկսում, որ աւերում է եւ մեծ զոհեր  
տանում: Էսկօ (Escaut) գետի ամբողջ եղերքի  
ընակչութիւնը վարակուել էր ժանտախտով:  
Մակար եպիսկոպոս անձնուէր կերպով խնա-  
մում է ժանտախտից բոնուած ամենածանր  
հիւանդներին: Ամէնքը հիացած են նրա զուտ

<sup>3</sup> Michaud, Histoire des Croisades. Paris 1854.  
Eclaircissements, էջ 436—437:

քրիստոնէական բոլորանուէլ կարեկցութեան  
վրայ : Իսկ Մակար ասում է . «Ես իմ անձս  
պիտի չխնացեմ , որովհետեւ ժանտախտը  
պիտի գաղրի միայն այն ժամանակ երբ ես էլ  
զոհ դնամ» : Մակար վարակում է եւ զոհ-  
ում իր անձնուիրութեան : Ինչպէս որ նա  
զուշակել էլ , նա իր մաքուր հոգին աւանդում  
է թէ չէ , ժանտախտն էլ գաղարում է : Գոնէ  
այսպէս են վկայում նրա ժամանակակիցները :

Մակարի գերեզմանը դառնում է ուխտա-  
տեղի , ուր այնուհետեւ խումբ խումբ հիւանդ-  
ներ են զալիս նրա բարեխօսութիւնն ազեր-  
սելու եւ շատերը բժշկում են : Լուրը տա-  
րածում է . Մակարի անունը հոչակում է  
ամէն տեղ : Հոռմ քննութիւն է նշանակում ,  
որ տարիներ է տեւում : Երկար ձեւակեր-  
պութիւններից յետոյ Հոռմի բարձրագոյն  
Ատեանը ընդունում է Անտիոքի հայ եպիսկո-  
պոս Մակարի հրաշագործ լինելը , ըստ պատ-  
շաճի եկեղեցական օրէնքով որբացնում է  
նրան եւ արժանացնում է խորանի վրայ պա-  
տուելու պատուին : Այս վճռին վրայ , 1067ին  
նրա մարմինը հանում են անջուք գերեզմանից  
և չքեղ հանդէսով , մեծ յուղարկաւորու-  
թեամբ տեղափոխում են նրա հոչակին վայել  
տեղ : Այս յուղարկաւորութեան ժամանակցել  
են ոչ միայն Բելգիայի բոլոր եկեղեցական եւ  
աշխարհական իշխանաւորները , այլ նոյն ինքն  
Գաղղիոյ թագաւորը , Փիլիպպոս Ա. անձամբ :

Հայ սուրբի նշխարքը սիռուում է ամէն  
կողմ . նրա անունով խորաններ են կանդնում

Եկեղեցիներում . բարեպաշտ Եւրոպացիներ  
նրա պատուին կրօնական եղբայրակցութիւն-  
ներ են հիմնում : Հայ Սուրբ Մակարը մտած է  
լսութինական Տօնացոյցի մէջ Եւ մինչեւ այսօր  
տօնում է ամէն տարի Ապրիլ 10ին , Լատի-  
ներէն՝ S. Macarius խոկ դաղլ . Saint Macaire  
կոչումով :

Այս բոլորը՝ պատմուած է Բրիւքսէլի  
հանրածանօթ Բոլլանդեանց (Bollandistes S. J.)  
հրատարակած համբաւաւոր լսութիներէն Վարք  
Սրբոցի մէջ<sup>4</sup> , որոնց վրայ աւելի մանրամասն  
պիտի խօսիմ յետոյ :

Այն աբրայութիւնը կամ վանքը , ուր ա-  
պրել եւ մեռել է Մակար , այժմ կործանուած  
է տասը զար հնութեան հետեւանքով . բայց նրա  
յաճախած Եկեղեցին , վերանորոգուած , այժմ  
էլ Յլանդրացի Գանքաղաքի մայր Եկեղեցին է :

Թէ ինչպիսի յարգանք են տածում Բել-  
գիացի պատմիչները հայ սուրբի մասին ,  
Երեւում է այն տիտղոսներից , որ տալիս է  
նրան ժամանակակից մի կենսագրող . «Ոչ ոս-  
կի Արարից , այլ Ծաղիկ Հայաստանի , սուդ  
Ասորիքի (որովհետեւ թողել , հեռացել էր  
այնոտեղից) , փառք Յլանդրացի Եւ զարդ Գանդ-  
ցիների» Եւ այլն<sup>5</sup> :

Ս . Մակար մինչեւ հիմայ էլ յարգուած է

<sup>4</sup> Acta Sanctorum, t. I. Aprilis (1675), էջ  
873—896:

<sup>5</sup> Ահա լսութիներէն բնագիրը . „Non aurum Ara-  
biae, sed Armenia e flos et Syiae luctus, glo-  
ria Flandriae et Gandensium decus, modo regnans  
in caelis և այլն: Անդ , էջ 891:

ԲԵԼՂԻԱԿՈՎՄ իրբեւ Ժանտախտի դիմ պաշտպան  
սուրբ :

Հետաքրքրուողները կարող են տւելի  
մանրամասն տեղեկութիւններ զանել բացի  
յիշեալ Acta Sanctorumից գիմելով նաև նոյն  
Բոլլանդիստների Bibliotheca Hagiographica La-  
tina , Bruxelles 1900—1901 , էջ 757 ,ուր Mā-  
carius ep . Antiochiae Armeniae խորագրի տակ  
նշանակուած են նրա երեք պատմիչների գոր-  
ծերը :

ԲԵԼՂԻԱ սոք կոխող այս առաջին հոյի  
մահուանից եւ վառաւորումից յետոյ , նոյն  
ժԱ . զարի վերջում , ԲԵԼՂԻԱցի իշխաններ եւ  
կամաւորներ մեծ բազմութեամբ , կարծես թէ  
փոխ այցելութեան են զնացել Մակարի եր-  
կիրն եւ սյնտեղ հաղարներով իրենց կեանքն  
են զոհել , յանուան նոյն քրիստոնէական զա-  
ղափարի , Dieu le veut («Աստուած այսպէս  
կ'ուզէ») բացականչելով , ինչպէս պիտի տես-  
նենք յետագայ Գլխում :

Գ. Գլուխ

Առաջին խաչակրական արշաւանքը : Կի-  
լիկիայի կոստանդին իշխանի եւ այլոց ա-  
ջակցութիւնը : Բելգիացի Բալդուին (կամ  
Բոդուէն) իշխանի Եղեսիային եւ Փոքր Հայ-  
քին տիրելը : Երուսաղեմի գրաւումն եւ Բել-  
գիացի իշխան Գոդֆրուա դը Բույենի (Gode-  
froid de Bouillon) բազաւորումը :

Ճ. Պարում երբ Պաղեստին Արաբների  
տիրապետութեան տակ էր, սրանք համեմա-  
տաբար ներողամիտ վերաբերմունք էին ցոյց  
տալիս քրիստոնեայ ուխտաւորներին, բայց  
երբ 1076ին Սելջուկեան թուրքերն եկան, թէ  
տեղական քրիստոնեաների եւ թէ եւրոպացի  
ուխտաւորների կացութիւնը զգալի կերպով  
վատթարացաւ : Բաղմաթիւ ուխտաւորներ  
զոհ զնացին իրենց հաւատքի ջերմեռանդու-  
թեանն եւ չվերադարձան, իսկ վերադարձող-  
ները ովրադին կոչեր ուղղեցին քրիստոնեայ  
աշխարհին՝ Ս. Երկիրը անհաւատների ձեռ-  
քից ազատելու : Եւրոպական երկիրները յու-  
զուեցան այս անընդհատ բռնութիւններից եւ  
նրան հետեւող կոչերից : Կարելի է ասել, որ  
Բելղիան ամէնից աւելի վրդովուած երկիր-

ներից մին էր : Քրիստոնէական կրօնական սգին շատ ուժեղ էր այնտեղ : Բելգիան այդ ժամանակ, ինչպէս ասում է համբաւառո՞ր Բելգիացի պատմաբան Հ. Պիրէն, «վանքերի երկիր» էր<sup>1</sup> : Այս ժողովը երկիրը մինչեւ այդ օրը, մեծ թուով ուխտաւորներ զոհ էր տուել : Տիչ յառաջ, այն է 1054ին, Կամբրէի եպիսկոպոսը Լիտրէրտ 3000 Փլամանների ուղեկցութեամբ ուխտի էր գնացել Երուսաղէմ եւ նրանք շատ մեծ զրկանքներ էին կրել այնտեղ : Ուստի Երբ Ուրբանոս Բ. պապի Կլէրմոնում հաւաքած համագումարից յետոց համատարած խաչակրութիւնը քարոզուեց, Բելգիացիք ամէնից առելի ջերմ արձագանդ տուին այդ քարոզին :

Բելգիական առաջին խաչակրական  
իումբը հաւաքուեց Գան (Gand) քաղաքում,  
առաջնորդութեամբ Գոդֆրուա դը Բույեն (Godefroid de Bouillon) կոմսի եւ իր Բարդուին կամ Բուդուէն (Baldwin = Baudouin) եւ Եստաքիս (Eustache) Եղայրների : Գոդֆրուա ծախեց իր ամրող հօրենական կալուածքը, հոգալու համար իր եւ բաղմաթիւ հետեւորդների ճանապարհածախիքը : Իր օրինակին հետեւեցան ուրիշ ազնուական Բելգիացիներ : Անդվայից էլ նաւերով կամաւորներ եկան նրանց միացան : 1096 Օգոստոսին էր Երբ առաջին արշաւախումբը, 30,000 հետեւակ եւ

---

<sup>1</sup> Henri Pirenne, Histoire de la Belgique, 2<sup>e</sup> édit. 1929, Bruxelles, § 91.

7000 ձիաւոր, մեկնեցաւ Բելգիայից : Նրանց  
մէջ կային բացի Ֆլամաններից, այսինքն  
բուն Բելգիացիներից, նաեւ Գաղղիացիներ,  
Գերմանացիներ եւ Անգլիացիներ, որոնց բո-  
լորի հրամանատարն էր Բելգիացի իշխանը  
Գոդֆրուա դը Բույեն :

Երեք ուրիշ բանակ էլ Եւրոպայի այլեւայլ  
կողմերից ճամբայ ելան, որոնց բոլորի միաց-  
ման կէտը կ. Պոլիսն էր, ուր հասան հաղիւ  
1097 Մայիսին, կտրելով Եւրոպական ցա-  
մաքը, Բալկաննեան թերակղզին : Որչա՞փ էր  
նրանց ընդհանուր գումարը : Կան պատմա-  
գիրներ, որոնք հասցնում են 600,000ի, իսկ  
ուրիշներ իջեցնում են մինչեւ 150,000ի : Ուր-  
բանոս Բ.՝ խաչակրութեան բուն պետը հա-  
շուել է 300,000 հետեւակ եւ 100,000 ձիա-  
ւոր, որ ամէնից հաւանականն է<sup>2</sup> : Խաչա-  
կիրների նշանաբանն էր Dieu le veut :

Խաչակիրների առաջին դժուարութիւն-  
ները սկսան կ. Պոլսում, Յոյների կողմից :  
Յոյների եւ արեւմտեան քրիստոնեաների յա-  
րաբերութիւնները լարուած էին արդէն կրօ-  
նական հոգի վրայ : Ճ. գարում, երբ Յունաց  
սլատրիարքը, Փոտիոս, բացարձակ իշխում էր  
կ. Պոլսում, հիմնական անհամաձայնութիւն  
էր ծագել երկու եկեղեցիների մէջ : Հռոմ եւ  
կ. Պոլիս վոխսադաբբար բանադրանք էին  
կարգում միմեանց : Այս գժտութիւնը 1054ին

---

<sup>2</sup> Ernst Barker, The Crusades, Oxford 1925,  
էջ 6:

յանդեցաւ Երկու Եկեղեցիների յարարելու-  
թիւնների վերջնական խղման։ Բայց այս հան-  
գամանքը արգելք չեղաւ, որ Եւրոպացիք,  
այսինքն Հռոմէական կաթոլիկներ, շարունա-  
կեն բիւզանդական կայսրութեան ճանապարհ-  
ներով Երուսաղէմ կրթեւեկել։ Յոյները պէտք  
ունէին Եւրոպացիներին։ Երբ մահմետական  
ցեղեր, արար եւ թուրք, հետզետէ զրաւե-  
ցին Փոքր Ասիայի այն մասերն, որոնք բիւ-  
զանդական իշխանութեան տակ էին, բիւզան-  
դական կայսրը քանից գիմեց թէ Պատին եւ  
թէ Եւրոպական պետութիւններին, որ յանուն  
քրիստոնէութեան օգնութեան զան իրեն։  
Բայց այս գիմունները նպաստաւոր ընդունե-  
լութիւն չգտան։ Երբ Խաչակրական արշա-  
ւանքն սկսաւ, Յոյները յոյս տածեցին թէ  
Եւրոպացիների չնորհիւ՝ իրենց իշխանութիւնը  
կը վերականցնեն Փոքր Ասիայում։ Տեղիս-  
կան խումբը, ԳողՔրուսացի հրամանաստարու-  
թեան տակ, առաջինն եղաւ Կ. Պոլիս հաս-  
նողը։ Ալեքսի կայսրը շատ ջանաց նրան հա-  
մողելու, որ Խաչակրաների զրաւելիք տե-  
ղերը վերատին բիւզանդական կայսրութեան  
ենթարկուին, բայց ԳողՔրուսաց բացարձակա-  
սիս մերժեց այդ պայմանը։ Յոյների դժո-  
հութիւնը մեծապէս աւելցաւ, երբ Խաչա-  
կրաների այն խումբը, որ գտնւում էր համբա-  
ւաւոր Պետրոս Անապատականի առաջնորդու-  
թեան տակ, իրենց անցած տեղերում կողո-  
պուտներ էին սարքում ու բռնութիւններ գործ  
գնում ժողովրդի վրայ։ Այսու ամենայնիւ երբ

Խաչուկը ական բանակն առաջին պատերազմը  
մղեց եւ Թուրքերից գրաւեց Նիկիան, Խա-  
չակիրներն այս քաղաքը, որ շատ մօտ էր  
կ. Պոլսին, յանձնեցին Ալեքսի կայսեր:

Պաղեստին երթալու համար ամենայար-  
մար ճանապարհը Փոքր Հայքն էր եւ ճանա-  
ւանդ Կիլիկիան, որ կարեւոր դիրք էր գրա-  
ւում, Փոքր Ասիոյ եւ Ասորիքի ճիշդ մէջ-  
տեղը: «Փոքր Ասիայի Հարաւ-արեւմտեան  
մասում հայկական իշխանութիւններ կային,  
որոնք գերծ էին մնացած Սելջուկեան Թուր-  
քերի ընդհանուր ջրհեղեղից եւ Խաչակիր-  
ները յոյս ունէին թէ նրանցից իրական օգնու-  
թիւն կը ստանան»<sup>3</sup>:

Կիլիկիայի հայկական պետութիւնը իր քա-  
ղաքական եւ տնտեսական զարգացման առա-  
ջին ըրջանումն էր: Ռուբէն իշխանին յաջոր-  
դել էր Կոստանդին իշխանն, որ հետզետէ  
զէնքի ոյժով Յոյների ձեռքից հայարնակ վայ-  
րեր գրաւելով միացնում էր իր իշխանու-  
թիան: Խաչակիրները Փոքր Ասիայում արդէն  
մեծ թուով քաղաքների եւ գիւղերի տիրել  
էին եւ գիմում էին գէպի Անտիոք: Բայց  
նրանք բոլորովին անձանօթ էին այն տեղե-  
րին, որտեղից պէտք է անցնէին: Ուստի Գող-  
Քիուտ պատղամաւրներ ուղարկեց Կոստան-  
դինին եւ խնդրեց, որ հայ ուղեցոցներ ու-  
ղարկէ իրեն: Բացի գրանից, որ աւելի կա-  
րեւոր էր, նա խնդրել էր մի հայ զինուորա-

<sup>3</sup> Ernst Barker, անդ, էջ 19:

կան գունդ, որ տեղեակ լինէր ոչ միայն ձա-  
նապարհներին այլ եւ թշնամիների ոտզմական  
դիրքերին եւ իրրեւ յառաջապահ ծառայէր  
Խաչակիրներին, որպէս զի սրանք մահմետա-  
կաների անակնկալ յարձակումներին չեն-  
թարկուէին : Կոստանդին ամենայն սիրով կա-  
տարեց նրանց խնդիրքն, ուղարկեց թէ ուղե-  
ցոյցներ եւ թէ հայկական ջոկատ, Խաչակիր-  
ներին Տաւրոս լեռից անցընելու եւ Անտիոք  
առաջնորդելու համար : Յատկապէս Գող-  
ֆրուայի համար էլ մի շենք (richement orné ա-  
սում է Բելգիացի պատմագիրը) վրան էր  
նուիրել : Դրանով չբաւականալով նա պա-  
տուիրել էր իր զինակից հայ իշխաններին՝  
Ապկիրատ, Բաղունի, Գող Վասիլ, Օշին եւ  
այն, ինչպէս նաև մերձակայ հայ վանքերին,  
որ բոլոր հնարաւոր միջոցներով օգնեն Խա-  
չակիրներին :

Անտիոքի պաշարումը շատ երկար տևեց  
եւ մեծ կորուստներ պատճառեց Խաչակիր-  
ների բանակին : Սովոր մանաւանդ՝ շատ զո-  
հեր էր տանում : Թուրքերն, որոնք 14 տարի  
է տիրում էին քաղաքին, կուռում էին մոլեկ-  
նօրէն : Նրանք այս կարճատեւ տիրապետու-  
թեան ժամանակ այնքան հալածել ու ճնշել էին  
քրիստոնեաներին (հայ, սիրիացի եւ այլն),  
որ չնայելով աղօթատեղիների այն առասու-  
թեան որ կար Անտիոքի շրջանում (360 հատ,  
եկեղեցի, մատուռ եւ վանք), որանք չէին  
համարձակում իրենց պաշտամունքը աղա-

տօրէն կատարել եւ ապաւինել էին մի հին  
քարայրի մէջ<sup>4</sup>:

Խաչակիրները յուսահասութեան մէջ  
էին. մտածում էին նոյն խոկ պաշարումը  
գաղթեցնել, երբ Հայերն օգնութեան հասան:  
Թէ հայ իշխաններն եւ թէ հայկական վան-  
քերը առաս պաշարեղէն եւ նոյն խոկ դրամա-  
կան օժանդակութիւն հայթայթեցին նրանց:  
Շնորհիւ այս նպաստի Խաչակիրները յաջո-  
ղեցան վերջապէս յաղթանակել:

Անտիոքի գրաւման մէջ մեծ դեր է խա-  
ղացել մի մահմետականացած հայ, որ իր  
կրօնափոխութեան մեղքը քաւել ուղելով ծա-  
ծուկ յարաբերութեան մէջ է մտել քրիստո-  
նեայ բանակի հրամանաստարներից Բէմունդի  
(Boemund) հետ: Այս հայն, որի անունը Phyx-  
rus (անշուշտ Ֆիրուզ) է եղել, ըստ Եւրոպա-  
կան պատմագիրների, վայելում էր Թուրքերի  
կատարեալ վստահութիւնը եւ բերդապահ էր  
քաղաքի երեք արտաքին աշտարակների վրայ:   
Փիրոս գաղտնի յարաբերութեան մէջ մտնե-  
լով Խաչակիրների մի իշխանի հետ, գիշերանց  
ներս է առնում դաւադիրներին եւ աշտարակ-  
ները նրանց յաձնում: Այնուհետեւ քաղաքը  
դիւրութեամբ դրաւուում է: Փիրոս վերա-  
դառնում է քրիստոնէութեան եւ երկու տարի  
դործում է Խաչակիրների հետ, բայց յետոյ

---

<sup>4</sup> Michaud, Histoire des Croisades, Paris 1854,  
t. Հառոր, էջ 444:

անյայտ պատճառներից դրվուած դարձեալ  
թրքանում է<sup>5</sup>:

Անտիռքը գրաւելուց յետոյ Խաչակիրների  
հրամանատարը Գողքրուա Բելլիացին՝ Հայ-  
կական գունդը մեծ ընծաներով ետ է ուղար-  
կում: Պարզեւներ եւ եւրոպական տիսղոսներ  
է յատկացնում նաեւ Կոստանդին իշխանին,  
որ այս համակրանքից եւ Յոյների տկար կող-  
մերից օգտուելով յաջողում է Կիլիկիայի կա-  
րիւոր մասն իր ձեռքն անցընել եւ Հայկական  
պետութեան սահմաններն ընդարձակել,  
Կոստանդին ասպետ, ասում է Զամչեան, մեծ  
իշխանն Հայոց, հիւպատոս, տիրեալ բազում  
տեղեաց ի կողմանս Կիլիկեցւոց, եղեւ ա-  
նուանի յոյժ ի մէջ Յունաց եւ Լատինացւոց,  
մինչեւ ակն ածել ի նմանէ իշխանաց նոցին»<sup>6</sup>:

Բելլիացի կոմս Բալլուին կամ Բօղուէն,  
Գողքրուացի եղբայրը, որ Խաչակիրների պե-  
տերի մէջ ամէնից խիզախն եւ ամէնից փա-  
սասէրն էր, բաժնուելով գլխաւոր բանակից  
դիմում է ուղար Միջազնաք: Այս մասին  
շատ շահեկան տեղեկութիւններ է Հաղորդում  
Միջօ, խաչակրութիւնների մեծ պատմա-  
րանը: «Այն անձերի շարքում, որոնք հարս-  
տանալու յոյսով գալիս միանում էին Խաչա-  
կիրներին, կարեւոր տեղ է դրաւում մի հայ  
իշխան, Պանկրաս (Pancrace, Բաղարա<sup>ու</sup>տ) ա-

<sup>5</sup> Michaud, անդ, էջ 165—174: Ժամանակակից  
պատմիչներն, ասում է Միջօ, այս Փիրոսին կոչում  
են «քաջ մասնիչ»: Դ. Հառոր, էջ 119:

<sup>6</sup> Զամչեան, Պատմութիւն Հայոց, Գ. Հատ., էջ 22:

նունով։ Աս իր երիտասարդութեան ժամա-  
նակ թագաւորել է հիւսիսային իրէրիցի  
(Վրաստանի) վրայ։ Իր սեպհական հպա-  
տակներից վոնտուելով նու ազաստանել է  
Կ. Պոլիս, ուր իր նենդութիւնների պատճա-  
ռով ձերակալուելով շղթայակասղ բանտար-  
կուել է։ Երբ Խաչակիրները Կ. Պոլսից մէկ-  
նելով Նիկիայի առջեւ սուլթանի բանակը հա-  
րուածեցին, Պանկրաս յաջողեցաւ բանտից  
փախչել եւ Խաչակիրների բանակը գալով իր  
ծառայութիւնը առաջարկեց նրանց։ Նա յստ  
ունէր թէ քրիստոնեայ բանակի չնորհիւ  
իր եղիբը կը վերադառնայ, կամ զոնէ մի  
ուրիշ երկրի տէր կը գառնայ։ Պանկրաս շատ  
էր մօտեցել մասնաւորապէս Բալգուինին,  
տեսնելով սրա ձեռնարկու ողին։ Ինքը ծայ-  
րայեղ չքաւորութեան մէջ լինելով ոչինչ կտ-  
րող էր տալ, բայց արծարծում էր Գող-  
Քրուայի եղբօր մէջ աշխարհակալական ձրդ-  
ուում։ Երբ Խաչակիրներն անցնում էին Տաւ-  
րոս լեռը, Պանկրաս մօտենալով Բողուէնին,  
ցոյց էր տալիս Փոքր Ասիայի հարուստ գա-  
ւառներն եւ ասում։ «Հարաւում կան Կիլի-  
կիայի արդաւանդ դաշտերը. աւելի հեռուն  
Ասորիք եւ Պաղեստին, գեղեցիկ գաւառները.  
արեւելքում կան ճոխ երկիրներ, որոնք ոսո-  
գուած են Տիգրիսի եւ Եփրամի ջրերով. այս  
Երկու գետերի մէջտեղն է Միջազետքը, ուր,  
ըստ աւանդութեան, եղել է Դրախտը։ Ահա  
Հայաստանն, որ բացարձակապէս քրիստո-  
նեաների երկիր է եւ Զեր մի նշանին է սպա-

սում ձեզ անձնատուր լինելու համար : Այս  
բոլոր ասխական երկրները անհամբեր են թէ  
ե՞րբ պիտի աղատուին Թուրքերի լուծից .  
նրանք ձեղ պիտի պատկանին, եթէ դուք օդ-  
նէք նրանց շղթաները ջարդելուն» : Բալդուին՝  
վառքի երազներով օրորուած, լսում էր  
Վրաստանցին (iberien) այս յանկուցիչ խօս-  
քերը<sup>7</sup> :

Հա՞յ էր այս իշխան Պանկրասը կամ  
Պանկրասիոսը, թէ վրացի, այդ կարեւոր չէ :  
Իրողութիւնն այն է, որ նրա խօսքերը մեծա-  
պէս ազգել են Բողուէնի վրայ եւ նա Խաչա-  
կիրների պետերի, այն է իր Եղբօր Դոդ-  
Փրուայի, իշխանների եւ նոյն իսկ Եպիսկո-  
պոսների խորհրդին հակառակ, որոշել է  
բաժնուիլ եւ իրագործել Պանկրասիոսի գծած  
ծրագիրը : Այն միջոցին, նրանք գտնուում էին  
Մալմիստրայում, որ նախկին Մոպսուէստիան  
է : Բողուէն գտնում է իր ծրագրին համա-  
կրողներ եւ մօտ հազար հոգու գլուխ անցած,  
Պանկրասի առաջնորդութեամբ, սկսում է իր  
արշաւանքը : «Նա զիմում է դեպ ի Հայա-  
տան, շարունակում է նոյն պատմագիրը, եւ  
ոչ մի թշնամի չի համարձակում նրա դիմացն  
ելլել : Թուրքերը լսում եւ տեսնում են այս  
արշաւանքը եւ սարսափում, իսկ քրիստո-  
նեանները հրճում, ամէն կերպ նրան օդնում,  
Մահմետականների լուծից աղատուելու հա-  
մար» :

---

<sup>7</sup> Michaud, անդ, թ. Հայու, էջ 134—135:

Բողոքէն յաջողում է գրաւել մի քանի  
քաղաք Եփրատի աջ եղերքի վրայ : Այս առա-  
ջին յաջողութիւնից յետոյ երկու զինակից-  
ների մէջ անհամաձայնութիւն է գոյանում :  
Պանկրաս ուղում է անմիջապէս տէր դառնալ  
գրաւուած երկրի մի մասին . բայց Բողոքէն  
ընդդիմանում է . այս պատճառով Պանկրա-  
թողնում , հեռանում է<sup>8</sup> :

Այս ժամանակ Եղեսիոյ վրայ իշխում էր  
Թորոս (Կամ Թէոդորոս) իշխանն , որ Յունաց  
գերիշխանութեան տակ էր , բայց միեւնոյն  
ժամանակ Հարկ էր վճարում Սարակինունե-  
րին , սրանց յարձակումից ազատ մնալու հա-  
մար :

Միշ՝ այս Թորոսին յոյն է Համարում :  
Մ . Ուռհայեցի էլ գրում է թէ Սուլթան  
Թէթուշ Եղեսիոյ Հրամանատարութիւնը յանձ-  
նեց Հեթումի որդի «յոյն» Թորոսին , որ ա-  
մէն կերպ աշխատում էր երկիրն անհաւատ-  
ների ձեռքից ազատել եւ այս նպատակով ամ-  
րութիւններ էր կանգնեցնում : Երբ նա բիւ-  
դանդական իշխանութեան տակ մտաւ , կայսրը  
նրան Եղեսիոյ կառավարիչ անուանեց եւ Կիւ-

---

<sup>8</sup> Ուրիշ ազգիւրների Համաձայն , այս Պանկրասը՝  
չայ Գող Վասիլ իշխանի Եղասրն էր , Ռաւէնդան  
դղեակի տէրը : Նրա եւ Խաչակիրների մէջ դժութիւն  
ծագելով , ստիպուել է Թողնել սրանց նոյն իսկ իր  
դղեակն , «որ կարեւոր դիրք էր գրաւում սիրիական  
դղեակն , որ կարեւոր դիրք էր գրաւում սիրիական  
անհամանների վրայ , մի կողմից Անտիոք-Եղեսիա .  
միւս կողմից Մարաչ-Հալէպ ուղղութեան վրայ»:  
J. Laurent , Doyen de la faculté des Lettres de Nancy , 1927 ,  
Les Croisades et l'Arménie . Հանդէս Ամսօրեայ , 1927 ,  
էջ 886—906 :

բասկաղատ տիտղոսը տուաւ : Գալով նրա  
 «յոյն» լինելուն , այս բառը պէտք է լնդունել  
 «յունակաւան» խմասով : Ուռհայեցին մի  
 ուրիշ հայ իշխանի նկատմամբ էլ նոյն ձեւով  
 է վարուել իր տարեղբութեան մէջ : Մելիտի-  
 նէի հրամանատարին նու յոյն է համարում եւ  
 կոչում է Խորիլ , քիչ վերջն աւելի ճշգորէն  
 Խարիլ , ուր որ նրա անունը Գարիիլ էր :  
 Խոկ Լատին պատմիչները շատ որոշ կերպով  
 ասում են թէ Մելիտինէի այս հրամանատարը  
 Գարիիլ իշխանն էր , ազգով հայ եւ կրօնով  
 յունադաւան (Guillaume de Tyre , X , 21) :

Երբ Թորոս եւ Եղեսիացիք լսում են քրիս-  
 տոնեայ բանակի իրենց կողմն արշաւելլ ,  
 պատգամաւորներ են ուղարկում , խնդրելով ,  
 որ գայ իրենց քաղաքին տիրէ եւ աղատէ մահ-  
 մետականների լուծից : Բողոքէն , այդ միջո-  
 յին , իր կարգադրութեան տակ ունէր միայն ..  
 հարիւր ձիաւոր , որովհետեւ ստիպուած էր  
 եղել իր բոլոր գրաւած տեղերում պահապան  
 զօրք թողնել : Բայց նա այս փոքր ջոկատով  
 յանդուզն կերպով յառաջ է գնում , եւ երբ մօ-  
 տենում է Եղեսիայի , բնակիչները ձիթենի  
 ճիւղերով եւ սաղմոսներ երդելով դիմաւորում  
 են նրան : Բերդիացի քաջասիրա կոմոց այս-  
 պէս անարդել եւ յաղթանակով մտնում է  
 Եղեսիա : Բայց նա որչափ յանդուզն նոյնչափ  
 եւ խորամանկ էր :

Բողոքէն հասկացնում է Թորոսին թէ ինք  
 կը մնայ եւ կը պաշտպանէ ա՛յն քաղաքը  
 միայն , ուր ինքն է տէրը ... : Իշխանը հաս-

կանում է նրա միտքն։ Թորոս ծեր էր եւ ան-  
զաւակ, ուստի որոշում է Բարդուխնին որդի-  
գրել եւ իրեն յաջորդ կարգել։ Բելգիացի  
կոմսն ընդունում է նրա առաջարկութիւնը։  
Պատմաբանն այսպէս է նկարագրում այս որ-  
դեղբութեան մեծ արարողութիւնը։ Թորոս  
մերկանում է եւ Բողուէնին ընդունում է իր  
մերկ մարմնի եւ շապկի մէջ, իրքեւ ամենա-  
մերձ աղջակցութեան եւ դաշինքի նշան։ Պա-  
ռաւ իշխանուհին միեւնպէն է կատարում եւ  
այս կերպով Բելգիացի իշխանը դառնում է  
Թորոսի ժառանգն եւ Եղեսիայի ապագայ  
տէրը<sup>9</sup>։

Վրէժինդրութեան ողին Թուրքերի դէմ,  
զարթել էր Եղեսիայի Հայերի քով։ Նրանք՝  
Բողուէնի Հրամանատարութեան տակ արշա-  
ւում են Սամսուարի (այսօր՝ Սէմիսատ) վրայ,  
Եփրատի աջ Եղերքին եւ աւերում են ամբողջ  
շրջակայքը։ Բայց Բողուէն կէս ճանապար-  
հից ետ է դառնում որովհետեւ Եղեսիայում  
խռովութիւն էր սկսել։

Քաղաքացիք կասկածելով թէ Թորոս՝ իր  
վիճակից դժողու, ծածուկ յարաբերութեան  
մէջ է մտել Թուրքերի հետ, յարձակուել էին  
միջնարերդի վրայ, ուր նաև ազատամանել էր  
եւ բռնելով պատնէշից վար գլորել եւ սպա-  
նել։ Այս կերպով Բողուէն դառնում է Եղե-  
սիայի եւ շրջակայքի միակ իշխանը։ Թորոսի  
թողած զանձովը նա գնում է "չ միայն Սա-

---

<sup>9</sup> Michaud, Անդ, էջ 137—138:

մոսատն, այլ նաեւ բոլոր այն տեղերն, որ նա զօրքի պակասութեան պատճառով չէր կարո-  
ղացել գըաւել: Այսուհետեւ նա ամուսնա-  
նում է մի հայ իշխանութիւնը տարածում է Ասո-  
րեստանի նախկին պետութեան ամենաճոխ  
գաւառների վրայ»<sup>10</sup>:

Մի ուրիշ գաղղիացի պատմագիր հաս-  
տատելով այս տեղեկութիւնները աւելացնում  
է. «Տեղացի Հայերը կամենալով որքան կա-  
րելի է չուտով Բողուէնին իրենց վրայ իշխան  
ունենալ, 1098 Մարտ 9ին Թորոսին հանում են  
իշխանութիւնից եւ նրա տեղ բազմեցնում են  
Բողուէնին: Բողուէն այս կերպով հիմն է  
դնում Արեւելքի առաջին լատինական իշխա-  
նութեան»<sup>11</sup>:

Բալդուին (Բողուէն)՝ այս ձեւով Արեւ-  
ելքի իշխան գառնալուց յետոյ սկսել է ապրիլ  
արեւելեան ձեւով: Նա արեւելեան վեհապետի  
նման երկար մօրուք է թողել: Պալատից դուրս  
դալու ժամանակ նրա առջեւից տաճում էին  
ոսկէ վահան, թմբուկներ էին ածում եւ այլն:

<sup>10</sup> Michaud, Անդ, 140: Այսուղ գաղղիացի պատ-  
մագիրը հետեւեալ ծանօթութիւնն է աւելացնում.  
«Եղեսիացի վերաբերեալ այս մանրամասնութիւնները  
քաղեցինք Albert d'Aix եւ Guillaume de Tyr պատ-  
միչների զործերից եւ համեմատեցինք նաեւ Մատթեոս  
Ունհայեցու հայերէն պատմութեանը հետ, օգտուելով  
Cirbiedի գաղղիերէն թարգմանութիւնից»: Այս Cir-  
biedն հայոցի Շահան Զրպնուն է, որ Պարիսում հայե-  
րէն լեզուի եւ գրականութեան ուսուցիչ էր:

<sup>11</sup> Louis Brehier, L'Eglise et l'Orient au moyen  
âge. Paris 1907, հ 77:

Նա մինչեւ իսկ պահանջել է, որ իր հպատակ-  
ները ըստ արեւելեան սովորութեան իր առջեւ  
ծոռւին, գլուխ խոնարհեցնեն <sup>12</sup>:

Երբ Բելղիացի իշխանն այսպէս իր իշխա-  
նական աթոռն էր հաստատում Փոքր Հայքի  
վրայ, իտալացի Խաչակիրներն էլ իրենց նա-  
ւելով Կիլիկիոյ ծովեզերքն էին դրաւում:  
Նրանք առել են նախ Տարսոնը որի բնակիչ-  
ները մեծ մասամբ Հայեր են եղել եւ մասամբ  
Թուրքեր: Յետոյ Իտալացիք երկրի ներսերը  
մտնելով գրաւել են Ատանան:

Բայց Խաչակիրների գլխաւոր նպատակն  
անցուցա Երուսաղէմի էր: Գողֆրուա դը  
Բույեն, իր եղբօր Ցողուէնի հեռանալուց յե-  
տոյ, ինքը միւս պետերի հետ Խաչակիրների  
բանակը տանում է Երուսաղէմի վրայ եւ 40  
օրուան պաշարումից յետոյ, 1098 Յուլիս 15ին  
գրաւում է Ս. Քաղաքը: Եւ այսպէս՝ ամբողջ  
Երկու տարւոյ ճանապարհորդութիւնից եւ  
անտանելի նեղութիւններ կրելուց յետոյ Խա-  
չակիրները վերջապէս հասնում են իրենց  
նպատակին: Գողֆրուա Երկու ուրիշ Բել-  
ղիացի ասպետների հետ, առաջինն է մտնում  
Երուսաղէմ, քաղաքի պարսպի մէջ բացուած  
առաջին անցքից:

Խաչակիրներն այնքան դառնացած էին  
իրենց կրած տանջանքներից եւ յողնութիւնից,  
որ սոսկալի վրէժ են առնում մահմետական

<sup>12</sup> Michaud, Անդ, Էջ 243:

թշհամիներից : Նրանք անխտիր կոտորում են բոլորին , առանց խնայելու ոչ կահանց եւ ոչ մահուկներին : Այս կոտորածն այնքան ահուելի չափեր է առել , որ «Սովորունի տաճարում արիւնը լճացել է եւ հասել է մինչեւ Խաչակիրների թեւերն եւ կուրծքը»<sup>13</sup> : Իսկ մեր ժամանակակից պատճիքը մինչեւ անգամ կարողանում է հաջուել եւ մի ահուելի թիւ է յառաջ բերում : «Եւ յայնժամ , դրում է Մատթէոս Ռւոհայեցին , Կոնդոմիրէ (Գոդֆրուա) զիւուրն վեսպասիանոսի կայսերն առեալ՝ յարձակեցաւ ամենայն զօրութեամբ ի վերաց այլադղեաց եւ կոտորեաց ի տանարին արս վարսուն եւ հինգ հազար , եւ ի քաղաքն զայլ բնակիչն»<sup>14</sup> :

Խաչակիրներն ընտրեցին իրենց քաջ հրամանատար Բելգիացի իշխանին , Գոդֆրուա դը Բույեոնին , Երուսաղէմի թագաւոր : Աւրեանոս Բ . պատին էլ իր կողմեց Պիոտրի արքեպիսկոպոս Դամբորէրտին (Dagobert) կամ Դէմբէրտին (Daimbert) կանխաւ ուղարկել էր

<sup>13</sup> Louis Brehier, L'Eglise et l'Orient au moyen âge , Paris 1907 , էջ 81:

<sup>14</sup> Մատթէոս Ռւոհայեցի , Երուսաղէմ 1869 , էջ 326: Այս Ռւոհա եւ ապա այժմեան Ռւորֆա անուան , ծառզումը բացատրում է հետեւեալ կերպով : Եղեսչան նախ կոչում էր Callirhoe: Այս անունից արարները վերջին վանկը միայն առնելով նախ սկսել են կոչել Ռոհա յետոյ արարական յլ յօդն առելցնելով վերածել են Ալռոհա կամ Արրոհայի որ հետզհետէ գործածութեան մէջ գարձեալ է Ռւոհա եւ վերջապէս Ռւորֆա :

իբրև պատրիարք Երուսաղէմ, որ եւ օծեց ԳողՔրուային: Յոյց տալու համար թէ Ս. Երկրի խական տէրը Եկեղեցւոյ պետն էր, պատրիարքը պահանջեց նոր թագաւորից, որ նա հապատակութեան երդում անէ Հռոմի քահանայապետին և ԳողՔրուա կատարեց այդ պահանջումը: «Պատրիարքն, ասում է զերմանացի պատմագիրը, ունէր թագաւոր դնելու իրաւունքը, յանուն Պապի եւ նա իր այդ իրաւունքն ի կատար ածեց Բեթղեհէմում, յանուն Ս. Կոյսի Եկեղեցու խորանի առջեւ: Նոր թագաւորութիւն չէր, որ ստեղծուում էր, այլ Դաւթի թագաւորութիւնն էր յարութիւն առնում»<sup>15</sup>:

ԳողՔրուա այնքան խոնարհամիտ էր, որ չուղեց թագ կրել. «Այնտեղ, ուր Փրկիչը վշէ պտակ է կրել, ասել է նա, ես չեմ կարող արքայական թագ դնել իմ դլխին»: ԳողՔրուայի թագաւորութիւնը Երկարատեւ չեղաւ. մի տարի յետոյ նա վախճանուեց: Այսօր Բրիւքսէլի կենտրոնում, Արքայական Հրապարակի Վրայ (Place Royale) կանգնած է Երուսաղէմի այս տուածին քրիստոնեայ թագաւորի Հոկայական արձանը, որ ամենի ձիու վրայ նստած, գրօշակը ձեռքին, կարծես Երուսաղէմ է մտնում:

Պատուանդանի վրայ քանդակուած է իս-

<sup>15</sup> Rohricht, Geschichte des Königreiches Jerusalem: H. Jorga, Brève histoire des croisades, Paris 1924, չշ 42:

Հակիմների ճակատամարտներից դրուագներ  
եւ հետեւեալ յիշատակարանը. «Godefroid de  
Bouillon, Premier roi de Jérusalem, né à Baisy,  
en Brabant<sup>16</sup>, mort en Palestine le 17 Juillet 1100.  
Décrété le 2 Novembre 1843. Inauguré le 24 Août  
1848, sous le règne de Leopold I.» : Եղնը նաեւ  
Պլամաներէն :

---

<sup>16</sup> Brabant, Բելգիայի կենդրոնական դաւառն է,  
ուր զանուռում է Բրիւքսէլ մայրաքաղաքը:

---

## Դ. ԳԼՈՒԽ

Երուսաղեմի Բողոքն Ա. և Յոդուէն Բ.  
Բելգիացի քազաւորները : Հայ զինուորների  
անձնուիրութիւնը : Գի դը կուսինեան (Lus-  
signan) : Պարսից քանաստեղծ Սաադիյի  
դէպքը : Խաչակրութեան յետազայ շրջանը :  
Կ. Պոլսի լատին պետութեան Բելգիացի կայսր-  
ները : Հայկական կոտորած : Երուսաղեմի  
վերջին գրաւումն եւ Թրանչիսկեան կրօնա-  
ւորները :

ԳողՔբուայի մահից վերջը, Խաչակիր-  
ները որոշեցին նրա եղբօրը հրաւիրել Երու-  
սաղէմի դահի վրայ : Այս նպատակով յատուկ  
պատգամաւորութիւն գնաց Եղեսիա : Բողոքն  
ընդունեց այս պատուաբեր առաջարկութիւնն  
եւ ճանապարհ ինկառ 200 ձիաւոր և 700 հե-  
տեւակ տանելով իր հետ, որովհետեւ Երու-  
սաղէմում մնացել էր միայն 200 ձիաւոր : Իսկ  
Եղեսիայում նրան յաջորդեց իր մերձաւոր աղ-  
պական Բողոքն գիւ Բուրդ (Bauduin du  
Պական Բողոքն ապագայում նոյնակս մէծ  
Պէր պիտի խաղար :

Երուսաղէմի այս Երկրորդ քրիստոնեայ  
արքան բոլորովին տարբերում էր իր բնաւո-

բութեամբ հանդուցեալ եղբօրիցը : Նա եղաւ  
իսկապէս նոր պետութիւնը կազմակերպովը :  
Այն օրից երբ նոյն Դէմքէրտ Լատին պատ-  
րիարքը ԲԵԹՈՒՀԷՄԸ Եկեղեցում նրան օծեց ,  
Բողոքուէն սկսեց թէ արքայական թագ կը ել եւ  
թէ իր աստիճանին վերաբերեալ բոլոր արտա-  
քին յատկանիշներին մեծ կարեւորութիւն  
տալ : Բողոքուէն , ինչպէս նաև նրա յաջորդ-  
ները , ջանացին բանակի զինուորական պա-  
կասը լրացնել , ոչ միայն Եւրոպայից անընդ-  
հատ Եկող նոր Խաչակիրներով , այլ եւ տեղացի  
քրիստոնեաներից մեծ թուով զինուորներ ա-  
ռին : Այս վերջինների թւում Երաւագէմի  
թաղաւորները շատ մեծ նշանակութիւն էին  
տալիս Հայերին , որովհետեւ «Հայերը , ասում  
է անդլիացի պատմագիրը , Արեւելքի լաւա-  
գոյն ուազմիկներն էին»<sup>1</sup> :

Բողոքուէն Ա.ի դլխաւոր հոգերից մէկն  
եղաւ նաև Երկրի բնակչութիւնը աւելացնել :  
Վերջին պատերազմները աւերել ամայի էին  
գարձրել Պաղեստինը , ուստի նա աշխատեց  
տեղական քրիստոնեայ տարրեր ներմուծել :  
Երբ Խաչակիրները Պաղեստինը դրաւեցին ,  
յունական նուիրապետութիւնը կազմալու-  
ծուած վիճակի մէջ էր . պատրիարքն էլ Կիու-  
րոս աղաստանած : Ուստի բոլոր ազատ եկե-

---

<sup>1</sup> „The Armenians were the best soldiers of the East“ . The Crusades , by Ernst Barker . Oxford , p. 40.  
Մ . Ունչացեցին պատմում է թէ Երաւագէմի թաղա-  
ւորը՝ չ . թ . 574ին (1125) Սարակինոսների գէմ մզած  
պատերազմում , 500 ձիաւոր հայ ունէր իր բանակում :

զեցական պաշտօնների վրայ լատինածէս Յոյ-  
ներ գրուեցան : Լիբանանի Մարոնիաները,  
որոնք զզալի բազմութիւն էին տեղական ժո-  
ղովրդի մէջ, թողնելով իրենց հակաքաղկե-  
դոնական վարդապետութիւնը՝ յարեցան լա-  
տինական զաւանութեան : Մարոնիաների օրի-  
նակին հետեւեցան հետզետէ ուրիշ տեղացի  
քրիստոնեաներ, նեօտորականներ, յակոբիո-  
ներ, Յոյներ եւ նաև Հայեր : Այս յարումից  
յետոյ է, որ հայկական մի պատգամաւորու-  
թիւն, Անտիռքի գաղղիացի Եպիսկոպոս Հա-  
ցու 1145, Նոյեմբերին, Եւդինիոս Գ. Պապի  
օդնութիւնն եւ միջամտութիւնը խնդրելու<sup>2</sup> :

Բողուէն Ա. 18 տարի թագաւորեց Եւ չա-  
րունակ կոռուի մէջ էր : Նա 1118ին ձեռնար-  
կեց մինչեւ իսկ Եգիպտոսութեաւել, միանգամ  
ընդ միշտ այն կողմից գէպի Պաղեստին և  
զէպի Կիլիկիա սպառնացող արշաւանքը խա-  
վանելու համար : Նա հասաւ մինչեւ էլ Արիշ  
րոյց գժրախտաբար չկարողացաւ առկալ կի-  
մայական աննպաստ պայմաններին . Հիւանդա-  
ցաւ եւ Եգիպտոսում էլ վախճանուեց : Վեր-  
ջին շունչն աւանդելու ժամանակ Բողուէն  
խնդրել էր իր զինակիցներից, որ նրա մաշ-  
մինը անհաւատների երկրում չթողնեն, այլ  
Երուսաղէմ տանին ու իր եղրօր, ԳոդՓրուացի  
քով թաղեն : Ուստի Խաչակիրները Եգիպտոս-

<sup>2</sup> Louis Brehier, L'Eglise et l'Orient au moyen  
âge, Paris 1907, § 98 n. 104:

սից հեռանալու ժամանակը իրենց հետ տարին այս մեծ Բելգիացու փոքր ի շատէ զմռութած մարմինը և թաղեցին Ս. Գերեզմանի տաճարում<sup>3</sup>:

Բողուէն Ա. ի թագաւորութեան ժամանակ Երուսաղէմի պատրիարքը՝ Գուարամոն, 1120ին մի եկեղեցական ժողով է զումարել, Բողուէնի խորհրդավ եւ ներկայութեամբ «Պաղեստինի քրիստոնեաների բարքերը ուղղելու նպատակաւ»: Ժողովը 25 յօդուածից օրէնք է զրել, ուր մանրամասն յիշուած են այն «մարմնական յանցանքներն», որոնց գէմ հարկ են համարել մաքառելու... (Michaud, Ա. հասոր, էջ 521—525, Pièces justificatives):

«Բողուէն, գրում է մի Բելգիացի հեղինակ, Kervyn de Lettenhove, իր մէծանձնութեամբն եւ առաջինութիւններովը ապացուցեց, որ արքանի էր Սուրբ Քաղաքի Ազատարարի (Գողքրուա գը Բույնոնի) եղանցըն եւ յաջորդը լինելու: Հայոց քագաւորը (ակնարկում է Կիլիկիոյ Կոստանդլին իշխանին) նրան ուղարկեց արքայական նշաններ (les insignes de la royauté): Այեքս Կոմինենոս կայսրը նրան որպեսը կայուցին եւ Մարերը նրան

<sup>3</sup> Խաչալիքները կանխառէս Բողուէնի մարմից հանել են նրա ազիքն ու թաղել եղիպատում: Այս պատճառով էլ այդ տեղը, արարաներից մինչեւ Հիմայ էլ կոչում է «Հէջիբաթ Բարդուիլ» (Բարդուինի քարը կոմ գերեզմանը): De Hody, Description des tombeaux de Godefroid de Bouillon et des rois de Jérusalem, Bruxelles 1856, էջ 244—245:

մինչեւ իսկ «Թրանկների աստուած» սկսան  
կոչել»<sup>4</sup>:

<sup>4</sup> Kervyn de Lettenhove, Un fragment de l'histoire des croisades. Bulletin de l'Académie Royale de Belgique, 2<sup>e</sup> série, X. Այս Բելգիացի ակադեմիկոսը Կէրվին դը Լետտենհովլ պատմում է որ Բողոքնի թաղաւորութեան ժամանակ Երուսաղէմ քիչ էր մնացել Մահմետականների ձեռքն անցնի, բայց ազատուել է քրիստոնէկացած մի թուրքի հաւատարմութեան չնորհիւ: Երբ Գողքրուայի բանակը Երուսաղէմ երկար պաշարում էր յտաւուիլ է եւ մահմետական բնակիչներին անողորմ կերպով կոտորելով յառաջանում էր գէարի Օմարի մզկիթը, մի թուրք Երիտասարդ, Մոհամետի անունով, Ընկուռում է Գողքրուայի ոտքն եւ ազերուում էր իր կեանքին ինայից: Գողքրուա մեղքանալով չնորհում է նրա կեանքն եւ իր հովանաւորութեան տակ է ընդունում: Մոհամետը՝ մեծապէս երախոսագէտ, ոչ միայն քրիստոնեայ է մկրտում, այլ մինչեւ իսկ Խաչակիր ասպես է զանում: Երբ Խաղաղութիւն է կնքուում Խաչակիրների եւ Մահմետականների միջնեւ, Ասկալոնի Էմիրը խնդրում է Բողուէնից, որ իրաւունք տաց նրան որ Երուսաղէմ զայ եւ տեսնէ թէ քրիստոնեաներն ինչ բարենորդումներ են կատարած: Բողուէն հաւատում է նրան եւ Հրաւիրում Երուսաղէմ: Մահմետական իշխանը Յօր Հիւր է մնում. ամէն ինչ քննում է եւ վերաբարձին անմիջապէս ղեկուցում է ուղղում Սուլյանին (Եղիպատոսի սուլթանին այսպէս էին կոչում), թէ Խաչակիրները կուրօրէն հաւատում են, ասպի կարելի է գաւազզութեամբ յանկարծակի նորից քարեւել Երուսաղէմը: Եղիպատացիք ուրախութեամբ ընդունում են այս միտքն եւ սկսում են Հարկ եղած պատրաստութիւնը տեսնել: Նորադարձ Մոհամետը նոյնպէս վիճակարից օգտուելով գնացել է իր մահմետական բրեկեաններին տեսնելու, ծածկելով իր քրիստոնեայ լինելը: Այս տեղ, Ասկարինում մասրամասն ծանօթանում է զաւալքութեան եւ անմիջապէս վազում է Բողուէնի քով, որ զնացել էր Արարիայի սահմանները, թշնամինների զէմ: Բողուէն իսկայն ձանապարհում է գէափի Երուսաղէմ: Մինչեւ նրա զալը, Եղիպատացի զինուորներ, վաճառականի հաղուստով եւ զանազան սպրանքներով, մօտ հազար հոգի, արդէն գալիս տեղաւորում են Երուսաղէմում: Բողուէն զալիս առաջաւորում է, անյասազ կարգադրում է, որ բոհանում է թէ չէ, անյասազ կարգադրում է, որ բոհանում է թէ չէ, անյասազ կարգադրում է, որ բոհանում է թէ չէ,

ինչպէս որ Բողուէն Ա.՝ դեռ եւս Եղե-  
սիայի կոմո եղած ժամանակ յաջորդել էր իր  
Եղբօր, ԳողՓրուային, այսպէս էլ Բողուէն  
դեռ Բուրգ նրանց մերձաւոր ազդականը, 1118  
Ապրիլ 14ին յաջորդեց Բողուէն կտմ Բալգուին  
Ա.ին Երուսաղէմի գահի վրայ, Բողուէն Բ.  
տիտղոսով։ Այսպէսով Յ Բելղիացի իշխան  
թագաւորել են Երուսաղէմ։

ԳողՓրուա 1099—1100.

Բողուէն Ա. 1100—1118.

Բողուէն Բ. 1118—1131.

Բողուէն Բ. նոյնպէս կոիւներ է մզել  
մահմետականների դէմ, Սիրիայում։ Այս  
կոիւներից մէկի ժամանակ մի հայ ճարտարա-  
ղէտ մէծ օգնութիւն է մատուցել Խաչակիր-

---

զորս Հանեն եւ բանան Հրամարակի վրայ։ Կեղծ ա-  
ռեւտրականները տասաւում են եւ աշխատում են ժա-  
մանակ շահէի։ Բողուէն Հրամացում է որ նրանց բոլո-  
րին ճերրակալեն։ Բանում են ապրանքները, որոնց մէջ  
զէնքեր են ապահով և զեր եւ բացի գրանից մի սքան-  
չնի փող փղոսկրից քնուում։ Բողուէնի եղրայրը,  
Եւստրաֆիս բալոր այդ կզզմ առեւտրականներին խսդյն  
սպանել է ատլիս, բացի մէկից, որ նրան բացատրել է  
թէ այդ փղոսկրեաց բարձրահնչիւն փողը պիտի ծա-  
ռացէր ուրիշ մահմետական զինուարներին իմաց տալու-  
թէ յարմար ժամանակ է Երուսաղէմի վրայ յարձա-  
կուելու։ Բողուէն օպաւում է այս հանգամանքից եւ  
արշալցոս չծագած հնչեցնում է փողը։ Ամէն կողմից  
ներս են վազում մահմետականներ, որոնք բալորն էր  
Խաչակիրների պահակներից մի տո մի սպանուում են,  
այն միեւնոցն զէնքերով, որոնք զանուել են Եղիպտա-  
ցիների քով։ Քաղաքի գաները փակում են եւ սպա-  
նուածների զլուխները կարելով զուրս են նեաւում։  
Ասկարնի գաւաճան էմբէն, որ իր բանակով արդէն  
մօնեցել էր քաղաքին, այդ տեսնելով, սպասակահար  
փախչում է։

ների բանակին : Խաչակիրները 1124ին պաշտ-  
րել էին Տիւրոս քաղաքն եւ չէին կարողանուա-  
սոնել : Նրանք Անտիոքից հրաւիրել են Աւե-  
տիք անունով մի հայ ճարտարագէտ , որ հմուտ  
մեղենավար է եղել , զեկավարել է պաշարման  
միջոցներն եւ մեծապէս դիւրացրել Տիւրոսի  
զբաւումը : Բողուէն Բ . , որ գերի էր բռնուած  
քաղաքում , յաջողել է այս կերպով աղասուիլ  
նաև գերութիւնից (Guillaume de Tyr , XIII ,  
14—15) :

Երրրեսերթիական իշխանները ցամաքի վրայ  
այս զինուուրական եւ վարչական գործերով  
էին զբաղուած , բելզիական կամ աւելի ճշգո-  
րէն Փլամանական նաւատորմիզն էլ ծովի  
վրայ յաջողութեամբ կուում էր Սարակինոս-  
ների դէմ , Տարսոնի եւ Լաոդիկէի առջեւ :  
Իսկ 1147ին երբ Սարակինոսները բռնացել էին  
Պորտուգալիայի վրայ Բելզիացի Խաչակիր-  
ները , իրենց նաւատորմիզով կոմս Առնու-  
ղԱրսքոտի (Arnoult d'Aerschot) հրամանատա-  
րութեան տակ մօտեցան Պորտուգալիային եւ  
Լիսաբոնը պաշարեցին . ասկա ցամաք իշնելով  
վռնտեցին Սարակինոսներին եւ աղատեցին  
Պորտուգալիան :

Բողուէն Բ . արդիւնաւոր թագաւորու-  
թիւն ունեցաւ : Նրանից շատ վերջը , այն է  
1177ին դարձեալ մի Բելզիացի իշխանի , Philippe de Flandre կոմսին առաջարկուեց Շըռու-  
սաղէմի թագը . բայց նա չկարողացաւ վայե-  
լէլ . հետեւեալ տարիին վախճանուեց :

Առհասարակ կաղղիացի պատմագիրները ,

նոյն իսկ Michelet և Laviste, Խաչակրական գործերի մէջ առաջին տեղը յատկացնում են Գաղղիացիներին, ամէն վառք գաղղիական նախաձեռնութեան տալով, եւ նոյն իսկ Գող-Փրուա դը Բույեոնին գաղղիացի են համարում: Բելգիացի պատմաբանները շատ իրաւամբ հերքում են այդ<sup>5</sup>: Եթէ ԳողՓրուայի, իր Եղբայրների եւ զինակիցների լեզուն գաղցիերէն էր, այդ չի նշանակում թէ նրանք աղուութեամբ էլ գաղցիացի էին: «Ոչ մի ազգ չէ կարող պարծենալ թէ այս հերոսական ձեռնարկութիւնների մէջ աւելի վառաւոր դեր է կատարել քան Բելգիացիք: Բովանդակ Եւրոպան ընդունած է այն իրողութիւնը, որ Պաղեստինի թաղաւորական եւ յետոյ նաև կ. Պոլսի լատինական կայսերական գահերի վրայ բելգիական իշխաններ են նստել»<sup>6</sup>:

Ժամանակակից մեծագոյն Բելգիացի պատմագիրը Պրոֆ. Հանրի Պիրէն էլ զբուժէ. «Մեր հայրենակիցները շարունակեցին իրենց բաժինը հայթայթել Խաչակրական արշաւանքներին: Այս մասնակցութիւնը թէ ստուար է եղած եւ թէ օդտակար: Բելգիան ամբողջ մի գար՝ Խաչակիրների Բուսարանն (pépinière) է եղած»<sup>7</sup>: Միեւնոյն ժամանակ անհերքելի է, որ գաղղիերէնը Մերձաւոր

<sup>5</sup> Franz Nève, Deux mille ans de l'histoire des Belges. Bruxelles 1924, Ա. Հասոր, էջ 56:

<sup>6</sup> Kurth, Manuel d'histoire de Belgique. Bruxelles, էջ 51:

<sup>7</sup> Henri Pirenne, Histoire de la Belgique, Ա. Հասոր, էջ 331:

Արեւելքի բոլոր այս նոր քրիստոնէական իշխանութիւնների թէ պաշտօնական եւ թէ ժողովրդական լեզուն է եղած, որ նշանակում է թէ Խաչակիրների մէջ մեծամասնութիւնը դաղղիացի էր: Միւս եւրոպական ազգերից՝ Իտալացիք զլիսաւորապէս տիրել են Միջերկրականի նաւահանգիստներուն եւ առհասարակ ծովեղերքին, այդ պատճառով էլ այս անեղերում խտալերէնը երկար դարեր տիրապետող է եղած: Խոհ Գերմանացիք միայն ԺԲ. դարերի վերջերումն էր, որ մեծ թուով եկան Փոքր Ասիա:

Խաչակիրների ազգութիւնը սովորաբար որոշում էր իրենց կլած խաչի գոյնովը: Այսպէս՝ Գաղղիացիք ընտրել էին իրենց համար կարմիր գոյնը, Բելղիացիք կանաչ, Անդղիացիք սպիտակ եւ այլն:

Եւրոպական պատմագիրները մանրամասնորէն պատմում են առանձնական դէպէր հայ զինուորների կամ կամաւորների անձնազոհութիւնից ի նակատ եւրոպական Խաչակիրների: Կարեւոր է մանաւանդ հետեւեալ դէպէր: Թուրքերը՝ 1122ին յանկարծակի յարձակելով Եղեսիացի վրայ երկու եւրոպացի իշխան դերի բանելով, շղթայակապ ուղարկել են Խարբերդ: Այս տիսուր լուրը երբ լսում է Երուսաղէմի թագաւոր Բողուէն Բ., որ կանխապէս Եղեսիոյ դուքս էր եղած, անմիջապէս մեկնում է Երուսաղէմից Եղեսիոյ օգնութեան: Բայց նա ոչ միայն չկարողացաւ օդնել, այլ թուրքերի դէմ մզած անհաւասար կոռւի մէջ,

ինքն էլ գերի բոնուելով ուղարկուեց միւսնոյն  
 բանան, ուր գանւում էին միւս երկու իշխան-  
 ները, ժօսլէն զը կուրանէ եւ իր հօրեղբօր-  
 որդին Գարէրան կամ Վալէրան: Խաչակիր-  
 ները սաստիկ սրատրել եղած, չեն իմանում  
 թէ ի՞նչ միջոցների դիմէն, իրենց պետերին  
 աղատելու համար: Այս ժամանակ յիսուն հայ  
 ուազմիկ յանձն են առնում Խարբերդ երթալ  
 եւ քրիստոնեայ իշխաններին աղատել: Ումանք  
 իրրեւ առեւտրական եւ ամանք իրրեւ եկեղե-  
 ցական ծաղատւած, այս 50 Հայերը յաջողում  
 են մանել քաղաք եւ անակնկալ կերպով յար-  
 ձակւում են միջնարերդի վրայ, սպանում են  
 թուրք պահապաններին եւ գերի իշխաններին  
 բանակից աղատում եւ «միջնարերդի վրայ  
 բարձրացնում Քրիստոսի դրօշակը» կարմիր  
 մահիկի տեղ: Թուրքերն առաջին շփոթո-  
 թիւնից յետոյ, հաւաքւում են, բանակ կաղ-  
 մում եւ շրջապատում միջնարերդը: Հայերը  
 դիմանում են, ևս մզում թուրքերի յարձա-  
 կումը, բայց խիստ պաշարուած են ամէն կող-  
 մից: Իշխաններից մէկը, ժօսլէն, երդւում է  
 «ոչ զինի խմել եւ ոչ մօրուքն ածիլել», մինչեւ  
 որ ծածկապէս բերդից զուրս դալով քրիստո-  
 նեայ բանակին լուր տանի: Նա իրօք յաջողում  
 է թշնամու շարքերից անվտանգ սողոսկել,  
 «այծի տիկերի վրայ նստած» Եփրատ գետն  
 անցնիլ եւ ամբողջ Ասորիքը կարելով Երու-  
 սաղէմ մտնել: Երբ Խաչակիրները տեղեկա-  
 նում են թէ իրենց թաղաւորն էլ ձերբակա-  
 լուած է միւսների հետ միասին, ասպետներ եւ

կամաւորներ, մեծ բազմութեամբ ճանապարհ  
են ընկնում դէպի Խարբերդ։ Յայտնի է թէ որ-  
չափ Երկար ժամանակ էր պէտք այս ճանա-  
պարհորդութիւնը կատարելու համար, ուստի  
մինչեւ այս օգնական գօրքի հասնելը, պաշա-  
րուած քրիստոնեաների բախտն արդէն որո-  
շուել էր։ Հայերը ամէն կերպ նեղութեան տո-  
կալով միջնաբերդը պահէն էին իրենց ճեռքում  
եւ անձնատուր չէին եղել։ Թուրքերը ուրիշ  
միջոց չգտնելով, մեծ աշխատանքով միջնա-  
բերդի տակը ական փորելով, ամբողջ բերդը  
օդ էին հանել։ Պաշարուածները թաղուել  
են աւերակների տակ կամ ինկել թուրքերի  
ձեռքը։ «Քաջ Հայերը, ասում է գաղղիացի  
ուստմաղիրը, մեռան չարչանքների մէջ եւ  
մարտիրոսուրեան դարնին եղաւ նրանց անձ-  
նուիրուքեան վարձատրաւիւնը»<sup>8</sup>։

Ճ. գարի վերջերում երեւան է գալիս  
Գուլիստն կամ Գի դը Լուսինեան (Guy de Lu-  
signan), որի ուրունդը պիտի թաղաւորէր Կի-  
լիկիոյ վրաց։ Երուսաղէմի Զ. լատին թագա-  
ւորը Բոգուէն Դ. 1182ին Հռչակաւոր Սալա-  
հէղղինի դէմ մզած կոռու ժամանակ, թէեւ  
յաղթական, բայց սոսկալի մի հիւանդու-  
թեամբ, այն է բորբոսութեամբ վարակուելով,  
ստիպուել էր գահից հրաժարել եւ իր տեղը  
յաջորդ կամ տեղապահ զնել այս Լուսինեա-  
նին, որ ամուսնացած էր Բողուէնի քրոջ Սի-

---

<sup>8</sup> Michaud, Histoire des Croisades, R. Հատուր,  
էջ 319—321։

բիլի (կամ իպսայի) Հետ : Պատմիչների  
վկայածին նայելով Լուսինեան չէր սիրուած  
լատին իշխաններից եւ երկար չմնաց այս պաշ-  
տօնում : Նա մեռաւ իբրև Կիպրոսի արքոց  
1194ին :

Երուսաղէմի վերջին քրիստոնեայ թագա-  
լորն էր Բոդուէն Ե., որ մեռաւ 1186ին իսկ  
հետեւեալ տարին, 1187ին, Սալահէղդիքին դրա-  
ւեց Երուսաղէմն եւ «քրիստոնեայ իշխանները,  
զինուորներն եւ միւս բնակիչները, իրենց գել-  
դաստաններով, լայտով ու ողբով թողին, հե-  
ռացան Քրիստոսի չարչարման վայրերից» :

Պատմութիւնը վկայում է, որ քրիստո-  
նեաներն էլ վոխաղարձաբար ներողամիտ աշ-  
քով չեն նայել մահմետականներին եւ քիչ նե-  
ղութիւն չեն պատճառել սրանց, երբ տէրն  
էին Պաղեստինին : Այս տանջուածների մէջ  
առահճապէս յիշատակելի է Պարսից ամե-  
նամեծ բանաստեղծը՝ Սաադին : Հինգերորդ  
Խաչակրութեան վերջներն էր, 1203—1204ին,  
երբ Խաչակրիներն արգէն մեծ դժուարութիւն  
էին կրում իրենց գիրքերը պաշտպանելու՝  
Սարակինոսների յարձակումների դէմ, երբ  
երկրաշարժից քանդուել են Աքեայի եւ Տրի-  
պոլիսի պարիստները : Խաչակրիներն աճա-  
պարանօք սկսան նորոգել այս պարիստներն եւ  
ամէն կողմից բանտարկեալ կամ գերի հրեա-  
ներ եւ մահմետականներ ուղարկեցին այնտեղ  
աշխատելու : Ճիշտ այս միջոցին Սաադի էլ  
եկել էր Ալբենա, երբ նրան եւս բռնելով  
չղթայակապ ուղարկել են Տրիպոլի, քաղաքի

փոսելում բանելու։ Միայն գրամական փըր-  
կանքը կարող էր նրան այս տաժանակիր աշ-  
խատանքից ազատել։ Բայց որ տեղից վրկանք  
վճարէր խեղճ բանաստեղծն, որ իր ապրուստը  
հողալու համար ամենահասարակ արհեստով  
էր պարագում։ Այսպէս, Կ. Պոլսում եղած  
ժամանակ նա պարզ իշապան էր, իսկ երու-  
սաղէմում նա ջուր էր ծախում։ Գիւիստանի  
մեծանուն հեղինակը ինքն է պատմում իր գե-  
րութիւնն եւ իր ազատումը, միանդամայն  
դառն խօսքեր ուղղելով նրան գերի պահող  
քրիստոնեաների հասցէին։ Արժէ կարդալ այդ  
տողերը։

«Զգուել էի Դամասկոսի իմ բարեկամների  
ընկերութիւնից, գրում է բանաստեղծը,  
ուստի Երուսալէմի անապատը գնացի, ուր ըն-  
տելացել էի անսառունների ընկերութեան, երբ  
Թրէնկները գերի բռնեցին եւ Տրիպոլիի փո-  
սերում աշխատացրին հրեայ գերիների հետ  
միասին։ Վերջապէս Հալէպցի մեծամեծնե-  
րից մէկը, որի հետ վաղուց ծանօթ էի, պա-  
տահամար մնցնելով ինձ տեսաւ եւ հարցրեց։  
«Ի՞նչ է այդ վիճակը։ Ինչպէս ես գու ժամա-  
նակը անցընում»։ Ես նրան պատասխանեցի.  
(Այտեղ բանաստեղծը արձակը ոտանաւորի  
փոխելով երգում է)։ «Մարդկանցից փախ-  
չելով լեռ ու գաշտ էի ապաստանել, զբա-  
ղուած էի միայն Աստուծով։ Իսկ հիմայ գործ  
ունիմ այնպիսիների հետ, որոնք եւ ոչ իսկ  
մարդ են։ Աւելի լաւ է, որ մարդ ուղերը  
շղթայակապ իր բարեկամների մէջ դանուի

քան թէ սքանչելի պարտէզում օտարների  
հետ . . .» : Եւ այս հալէպցի ծանօթը հարիւր  
ոսկի փրկանք տալով նրան ազատում է գե-  
րութիւնից <sup>9</sup>:

Խաչակիրները Պաղեստինում եւ առհա-  
սարակ իրենց գրաւած քաղաքներում ներմու-  
ծել ու հաստատել էին այն գարերում Եւրո-  
պայում տիրող Փէօզական, միմեանցից  
զգալապէս տարբերուող վարչական դրու-  
թիւն: Թէ ինչ մեծ զեղծումների է հասել այս  
զրութիւնը, երեւում է նրանից, որ երբ  
1291ին Աքեան (Նախկին Ptolemaïsը) պաշտ-  
րուեց Սարակինոսներից, որով Եւվերջ գրուեց  
քրիստոնէական իշխանապետութեան Փոքր  
Ասիայում, քաղաքում կային՝ Գաղղիացիք,  
Անդղիացիք, Հայեր, Խտալացիք (սրանք էլ  
լաժանուած էին՝ Վենետիկիների, Զէնովա-  
ցիների, Պիղացիների), երեք զինուորական  
կարգեր եւ վերջապէս նաև Երուսաղէմի  
պատրիարքը: Սրանց իւրաքանչիւրն ունէր եր  
ուղիւական թաղը, իր յատուկ իրաւակարգը,  
գատարանը, պաշտօնէութիւնը, որոնք իրա-  
րից բոլորովին անկախ էին: Այս այլ եւ այլ  
թաղերը կարծես թէ միեւնոյն քաղաքում չէին

<sup>9</sup> Գիւլիստան, Բ. զիրք, 32դ պատմուածք: Սաա-  
դի՛ իր կենապիրների ասելով մօտ 90 տարի է ապրել,  
որից առաջին 30 տարին ուսմանց է նուիրել, երկրորդ  
30 տարին շարանակ ճանապարհորդել, իսկ մնացած 30  
տարին քաշուած, զուտ զրական եւ «մտածական» կեան-  
քով է ապրել, «Հնագանդութեան գորգի վրաց նստած»,  
ինչպէս զրում է ինքը: Մասդի ծնած էր Շիրազում  
1184ին եւ վախճ. այնտեղ 1272ին:

գտնւում . բոլորն էլ ունէին իրենց տարրեր սովորութիւնները , տարրեր լեզուն , և տարրեր շահերը : Նրանք մինչեւ անդամ այնպիս հակառակ էին միմեանց , որ ամէն մի քաղի մուտքը պաշտպանուած էր պարիսպով և շղթայապատ դուռով .<sup>10</sup>

Առաջին Խաչակրական արշաւանքից յետոյ , որ գլխաւորն ու ամենաէականն է եղած , տեղի ունեցան վեց ուրիշը , հետեւեալ կարգով .

Ա . Խաչակրութիւն 1096 .

Բ .	"	1147 .
Գ .	"	1189 .
Դ .	"	1202 .
Ե .	"	1217 .
Զ .	"	1228 .
Կ .	"	1248 .

Պատմութեանս ամբողջութեան համար համառօս կերպով յիշեմ սրանց գլխաւոր դորձերը եւ Հայոց մասնակցութիւնը :

Առաջին Խաչակրաների կողմից երուսաղէմի գրաւումը մեծ ոգեւորութիւն յառաջ բերաւ Եւրոպայում և անմիջապէս սկսեց Երկրորդ Խաչակրութիւնը : Կրկնուեցին այն տեսարաններն , որոնք տեղի էին ունեցել Ուրբանոս Բ . Պատի Կլէրմոնում դումարած ժողովից յետոյ : Երկրորդ Խաչակրաները դնա-

<sup>10</sup> Hody (le baron de) , Description des tombeaux de Godfrid de Bouillon et des rois latins de Jérusalem . Bruxelles 1855 , էջ 180—181 :

ցին Պաղեստին եւ առհասարակ այն տեղերն ,  
ուր պէտք էր զգացւում լցնելու առաջին քրիս-  
տոնէական բանակի կրած ծանր կորուստ-  
ները :

Երուսաղէմի անկումին հետեւց Երրորդ  
Խաչակրութիւնը , որին մասնակցեցան Գաղ-  
ղիոյ եւ Անդղիոյ թագաւորներն եւ Գերմանիոյ  
կայսրն անձամբ : Իսկ Բելդիայից գնացին  
Ֆլանդրայի կոմսը , Լիէժի եպիսկոպոսն եւ  
բազմաթիւ աղնուականներ եւ կամաւորներ :  
Մրանցից՝ Ֆլանդրայի կոմսը վախճանուեց  
պատերազմի դաշտում , Աքեայի պաշարման  
ժամանակ : Հայոց՝ Խաչակիրների հետ ունե-  
ցած յարաբերութիւնների տեսակէտից՝ կա-  
րեւոր է այս Երրորդը :

Այս Խաչակիրները սոսկալի կորուստ եւ  
նեղութիւններ են կրել ամբողջ ճանապարհում  
մինչև Պաղեստին , այնովէս որ Եւրոպայից  
մեկնել են մօտ հարիւրհազար հոգի , եւ Եր  
Պաղեստին են հասել , ընդ ամէնը հինգ հա-  
զար հոգի էին մնացել : «Հայաստանի պատ-  
րիարքը կամ կաթողիկոսը , գրում է Միչօ ,  
Սալադինին ուղղած երկրորդ նամակում գրում  
է թէ Գերմանացի զինուորների թիւը հասնում  
էր 40.000ի , բայց վոյսանակ զէնքի , ուխ-  
տաւորական ցուպն է միայն մնացել նրանց  
ձեռքում : Ինքը կաթողիկոսը տեսել է այս  
Գերմանացի զինուորներին , Երբ կամուրջից  
անցնում էին եւ հարցըել թէ ինչո՞ւ ոչ զէնք  
ունին , ոչ ձի : Նրան պատասխանել են թէ  
«Տեսանները (Գերմանացիք) իրենց աղեղների

վիայտերը վառել են տաքնալու համար, իսկ  
ձիերը մորթել են ուտելու համար»...<sup>11</sup>:

Ահա այս վիճակում էր Խաչակիրների  
բանակն, երբ Փրեդերիկոս Շիկամօրուս, գեր-  
մանական կայսրը, 1190ին Կոնֆայից յատուկ  
պատգամաւորներ է ուղարկում Կիլիկիոյ մեր  
Լեռոն իշխանին, եւ խնդրում է Հայոց օգնու-  
թիւնը, որովհետեւ ասում է նա, «զՃեզ միայն  
զիտեմք հաւատարիմս ի ձեռնտու լինել քրիս-  
տոնէից եւ ձեօք ունիմք մխիթարել ի վերայ  
անիրաւութեանց այլոց յաշաղկոտաց» (ակ-  
նարկում է Յունաց, որոնց գէմ ստիպուել  
էր պատերազմ մղել, Փոքր Ասիա անցնելու  
ժամանակ): Լեռոն այն միջոցին գտնւում էր  
Տարսոնում եւ Ներսէս Լամբրոնացու եւ ու-  
րիշ Հայ մեծամեծների հետ խորհուրդ անե-  
լով, որոշել է ամէն կերպ աջակցիւ քրիստո-  
նեայ բանակին եւ թէ՛ մարդիկ, թէ՛ ուտելիք  
եւ թէ՛ խմելիք է ուղարկում: Երբ կայսրն այս  
լուրն ստանում է, ուրախութիւնից արտա-  
սում է եւ գրում է Հայոց կաթողիկոսին թէ՛  
միտք ունի Հինգ տարի մնալ Հայոց աշխար-  
հում «և ձերով Համութեամբ, ասում է նա,  
կամիմ ընտրել տեղի բնակութեան եւ անդաս-  
տան եւս բանալ եւ վարել զերկիր, մինչեւ  
Հաստատութեամբ իշխեցից Պաղեստինոյ»<sup>12</sup>:

Այսպէս է գրում մեր Զամչեանը. իսկ  
Գաղղիացի պատմաբանը ասում է. «Հայաս-

<sup>11</sup> Michaud, β. Հատոր, էջ 88:

<sup>12</sup> Զամչեան, գ. Հատ., էջ 156—157:

տանի իշխանը Փրեղերիկոսին պատգամաւոր-ներ էր ուղարկել եւ խոստանում էր ամէն կերպ օգնութիւն հասցընել նրան, ինչ բանի որ պէտք ունենաց : Բայց՝ միեւոյն ժամանակ խորհուրդ էր տալիս, որ իր երկրում երկար չմնայ : Հայ իշխանի այս «խորհուրդը» պատ-մադիրը վերազրում է այն հանգամանքին, որ ամէնքը երկիւղ էին կրում «այդ անօթու-թիւնից ուժասպառ եղած եւ դժրախոս պա-տերազմից սարսափելի կերպով տանջուած բանակից»<sup>13</sup> :

Փրեղերիկոս ընդունում է Լեւոնի հրա-մերը : Երբ նա իր բանակով մօտենում է Կի-լիկիոյ սահմաններին, Լեւոն՝ կաթողիկոսի եւ Ներսէս Լամբրոսնացու հետ ընդառաջ է դնում նրան : Բայց գերմանական կայսրը Սելեսկիոյ զետակում լողանալու ժամանակ խեղդուում է : Հոյերը այնու ամենայնիւ իրենց խոստումը կատարում են : Փրեղերիկոսի որդի եւ յա-ջորդը Կոնբագին իր խումբովը հրաւիրում են Կիլիկիա եւ լաւ հիւրընկալում : Լատին եպիս-կոպոսներից մէկն էլ 1000 հոգւով զնում է Տարսոն իրեւ հիւր Ներսէս Լամբրոսնացուն<sup>14</sup> :

Գերմանական կայսեր խեղդուելու դէպքը Դերմանաց հեղինակ Matius այսպէս է պատ-մում : Փրեղերիկոս կամեցել է Հայաստանի մէջ գազաններ որսալ եւ այս որսորդութեան ժամանակ Սելեսկիոյ լիոնելում սաստիկ յոկ-

<sup>13</sup> Michaud, R. Հասոր, էջ 86—87:

<sup>14</sup> Զամշեան, Պ. Հասոր, էջ 156—158:

նելով, մտել է Սէլէֆ գետը (Գէօք-Սու) զո-  
վանալու (Յունիս ամսի շողերին) եւ այնահեղ  
իսկզբուել է<sup>15</sup>:

Չորրորդ Խաչակրուքեան ժամանակ մի  
ուրիշ Բելլիացի Բողուէն նշանաւոր հանդի-  
սացաւ: Աս Թլանդրայի կոմս էր եւ 1202ին  
ուրիշ Բելլիացի ասպետների եւ Խաչակր-  
ների հետ մեկնել էր Արեւելք: Այս արշա-  
ւանքը չեղուեց իր բուն նպատակից: Խաչա-  
կրները բիւզանդական արքունիքի վէճերին  
խառնուելով կոուի բոնուեցին Յոյների հետ,  
պաշարեցին եւ գրաւեցին Կ. Պոլիսը: Մի Բէլ-  
լիացի էր, որ Բիւզանդիոնի պարսպի վրայ  
«Ֆլանդրայի առիւծը» ներկայացնող բելլիա-  
կան աղջային դրօշակը պարզեց: Խաչակր-  
ները Բողուէնին Կ. Պոլսի նոր լատինական  
կայսրութեան պետքնորեցին, եւ նա մեծ հան-  
դիսով օծուեց Ս. Սովիայի տաճարում: Իսկ  
երբ նա Բուլգարների վէմ մղած անյաջող պա-  
տերազմում գերի բոնուելով սպանուեց, նրա  
եղբայրը Հենրիկոս փոխարինեց նրան կայսե-  
րական գահի վրայ: Իսկ սրան յաջորդեցին  
գարճեալ Բելլիացիք, իր երկու եղբօրորդիքը  
Ռուբեանոս եւ Բողուէն ոք Կուրալնէ (Baudouin de Courtenay): Այս վերջինի ժամանակ  
էր որ Կ. Պոլսի լատինական իշխանութիւնը  
վերջ գտաւ 1261ին:

Դժբախտաբար այս լատին կայսրութեան  
ժամանակ էլ Հայերը մեծ զոհեր են տուել:

---

<sup>15</sup> Michaud, p. Համոր, էջ 328—329:

«Մենք պէտք չէ, որ մոռնանք, դըռւմ է Խա-  
չակութիւնների Պատմագիրը, քանի հազար  
Հայերի կոտորածը : Այս ժողովուրդը՝ Եփրա-  
տի եղերքը թողնելով տեղափոխուել էր Անա-  
տոլիա, ամէն տեղ հետեւելով Խաչակիրնե-  
րին : Երբ Լատինները ձախորդութիւններ ու-  
նեցան, Հայերն զգալով որ իրենք էլ վտանգի  
մէջ էին, քանի որ Յոնները նրանց էլ հակա-  
ռակ էին, հետեւեցան Խաչակիրների հրամա-  
նատար Հենրիկոսի բանակին, որ գնում էր  
Ադրիանուալուսի վրայ : Հայերը տանում էին  
իրենց հետ իրենց ընտանիքը և իրենց ոչխարի  
հօտերը : Սացլերի վրայ բարձել էին ինչ որ  
իրեւեւ թանգարժէք իրեղէն կարողացել էին  
ազատել : Նրանք այս կերպով անցան թրա-  
կիոյ լեռներն և գժուարութեամբ կարողա-  
նում էին լատին բանակին հետեւիլ : Թշնամի  
Բուղարների թագաւորը մեծ զօրքով յարձա-  
կուեց Լատինների վրայ . իսկ Բուղարների  
առջեւից գնացող Թաքարները ինկան խեղճ  
Հայերի վրայ և կոտորեցին մինչեւ վերջին  
մարդը : Թրանկները շատ արտասույթ քափե-  
ցին Հայերի վրայ, քայց անզօր էին նրանց  
վրէծը լաւծելու . . . »<sup>16</sup> :

Ճինգերորդ Խաչակրութեան մասնակցեց  
Գաղղիոյ Լուղովիկոս Թ. թագաւորը, որ ու-  
ղելով իսլամութեան գլխաւոր ոյժը խորտա-  
կել, Եղիպատոսի վրայ յարձակուեց : Բայց ան-  
նպատա հանգամանքների բերմամբ, իր բուրու

<sup>16</sup> Michaud, R. Հար., Էջ 328—329:

ջանքներն առարդիւն անցան : Մանսուրայի առջեւ մղած պատերազմում պարտուելով ինքն էլ գերի ինկաւ Եղիպտացիների ձեռքն եւ հաղիւ մեծ փրկանք տալով կարողացաւ աղատիւ, բայց Գաղղիա վերադառնալու ժամանակ կէս ճանապարհին մեռաւ :

Վեցերորդ եւ Եօթներորդ Խաչակրութիւնները նոյնպէս առարդիւն անցան : Եւ երբ Խաչակիրների ձեռքում գտնուած վերջին սիրական քաղաքը, Աքեան, 1291ին Եղիպտացիներից գրաւուեց, Եւրոպացիք բոլորովին թողին Փոքր Ասիան եւ հեռացան : Այսուհետեւ Հռոմի Պապերի բոլոր ջանքերը՝ նորից վառելու ժողովրդի եռանդն եւ անձնուիրութիւնը ի նպաստ Ս. Երկրի եւ արեւելեան քրիստոնեաների՝ ի զուր անցան : Փոխուել էին Եւրոպայի քաղաքական հանգամանքները . վոխուել էր մանաւանդ հասարակական տրամադրութիւնը : Նախկին կրօնական աւիւնը տեղի էր տուել ընդհանուր անտարբերութեան :

Միայն մեր գարումն էր, որ Ս. Երկիրը նորից գրաւուեց քրիստոնեաներից : Դաշնակիցների բանակը 1917 Դեկտեմբերի 10ին Եաֆֆայի գոնից հանդիսաւոր կերպով մտաւ Երուսաղէմ եւ կանգ առաւ Դաւթի աշտարակի առջեւ, որպէս զի այնտեղ ունկնդրէ մի ուշադրաւ յայտարարութեան : Այս պատմական վաւերադիրը հաստատում էր Օսմանեան կայութեան անկումն եւ Ս. Երկրի աղատութեանը : Յայտարարութեան ընթերցումը դիմութիւնը :

մամբ յանձնուած էր Երուսաղէմի Փրանկիս-  
կեան կարդի ներկայացուցիչ կրօնաւորին, որ  
ունէր նոյնպէս իր պատմական նշանակու-  
թիւնը. որին արժէ անդրադառնալ:

Ճ. գարի առաջին քառորդին, 1217ին,  
խոպական Ս.սկզի քաղաքից մի ջերմեռանդ  
քրիստոնեաց, Փրանկիսկոս անունով, հիմնում  
էր «պարանակիր Եղբայրների» կազմակեր-  
պութիւնը, որի նպատակն էր Քրիստոնուի  
խօսքը տարածել անհաւատների և հեթանոս-  
ների մէջ: Նրանք էին, որ առաջին անդամ  
մտան Սարակինոսների շրջանը: Խաչակիր-  
ների սուրբ եւ նիզակի տեղ Խաչ եւ Աւետա-  
րան էին բերում մահմետականներին: Երեք  
տարի վերջը, 1220ին, ինքը, «փոքրիկ աղ-  
քատը» (Poverello), ինչպէս սկսան կոչէլ Ս.  
Փրանկիսկոսին, անձամբ այցելեց Ս. Երկիր,  
չորսիւ այն արտօնութեան, որ յաջողել էր  
ձեռք բերել սութան Մէլէք-էլ-Քամէլից:

Երբ Խաչակիրները 1291ին թողին հեռա-  
ցան, Փրանկիսկեանները յաջողեցան այնպէս  
վարուիլ, որ մնացին Երուսաղէմ, քրիստո-  
նութեան սրբավայրերի վրայ Հոկելու հա-  
մար: Արանից ճիշդ 600 սարի յառաջ, այն է  
1333ին, Նապոլիի թագաւոր Անժույի գուքսը  
Ռուբերտոս Եղիպատոս սուլթանին մեծ գու-  
մար վճարելով զնեց այդ սրբավայրերն եւ  
պահպանութիւնը յանձնեց նոյն «պարանակիր»  
Եղբայրներին: Այդ թուտկանից վերջը, միայն  
Փրանկիսկեաններն իրաւունք ունէին Քրիս-

տոսի Գերեզմանի վրայ պատարագելու յանուն Կաթողիկ Եկեղեցւոյ : Ուրիշ մի Հետաքրքրական պարագայ էլ այն է, որ ԳողՔբռուա դը Բույեռնի սուբը մնացել էր այդ սրբավայրում եւ Փրանկիսկեանների մեծաւորը այդ սուբով է, որ նույիրագործում էր «Ս . Գերեզմանի ասպետների» ուխտը : Նա միակ տէրն էր նաև Սրբավայրի դրօշակին — սպիտակ գաշտի վրայ հինգ Խաչ բոցավառ դոյնով — որ որոշ իրաւունքներ էր տալիս բոլոր նրանց, որոնք արտօնուած էին կերարկելու, ինչպէս առաջատանաւերին, նաւաստիններին, նոյն իսկ առեւտրականներին : Փրանկիսկեանները 600 տարի, ի հարկէ ոչ առանց մեծ զոհողութիւնների, կատարեցին անյոզդող այս պահապանութիւնը : Ուստի երբ 1917ին նրանք՝ յանուն Ս . Գերեզմանի վերոյզը եալ պատմական դէպքի կատարողն հանգիսացան, դրանով մի տեսակ կապ հաստատեցին 1291ին հեռացող վերջին Խաչակիրների եւ նորեկ քրիստոնեայ դինուորների մէջ :

Բացի դրանից՝ ի յիշատակ այս 600ամեակի՝ Ս . Փրանկիսկոսի ծննդավայր Ասիզի քաղաքում մեծ հանդէսներ կատարուեցան, որին մասնակցեցան բոլոր հնօրեայ ասպետները, Հոռողոսի, Մալթայի և Ս . Գերեզմանի եւ Խաչական շրջանին պատկանող ամէն կարգի ներկայացուցիչներ, այն դարի ձեւով զգեստաւորուած եւ զինաւորուած : Բոլոր այս հաղարաւոր հանգիսականները երւոր

գում եւ նուագում էին, այնպէս ինչպէս հին  
կաշակիրները եւ այլ կրօնական արարողու-  
թիւններ, որոնք յիշեցնում էին ԺԱ. —ԺԳ.  
դարերի պատմական—կրօնական այդ մեծ շրր-  
ջանը; Լրագիրները լիքն էին այս հանդէսների  
նկարագրութեամբ<sup>17</sup>:

---

<sup>17</sup> Le Temps, 10 Octobre 1933.

Ե. ԳԼՈՒԽ

Մատքեսս Ուռհայեցի պատմիչը եւ իր  
լրատողութիւնները Խաչակիրճերի վրայ:  
Երուսաղէմի հայ քագուհինները: Գրիգոր  
վկայասէր եւ Բարսեղ Ա. կարողիկոսները:  
Գրիգոր ԺԴ. պապի գնահատականը:

Մեր հին պատմիչների մէջ Խաչակրական  
տուաջին արշաւանքի պարագաների վրայ խօ-  
սել է Մատթէոս Ուռհայեցին, որ ժամանա-  
կակից էր եւ իր տարեզրութիւնները արձա-  
նագրել է մասամբ իրուեւ ականատես եւ մա-  
սամբ իր լսածնների հիման վրայ: Եւ որով-  
հետեւ նա ընդարձակօրէն պատմում է Բել-  
զիացի իշխանների գործերն, ուստի հարկ եմ  
համարում առանձնապէս կանդ առնել նրա  
պատմութեան վրայ:

Հին հայ մատենագիրների կեանքն եւ  
վարքը առ հասարակ քիչ է ծանօթ: Ուռհայե-  
ցու մասին էլ այսքան միայն գիտենք, ինչպէս  
ինքն է հաղորդում, որ ծնուել է Եղեսիայում  
եւ վանական էր, իր սովորած վանքի վանա-

հայրը:

Ուռհայեցի - իր ժամանակագրութիւնը  
սկսում է Խաչակրութիւնից մօտ  $1\frac{1}{2}$  դար յա-  
ռաջ, այն է 952ին եւ հասցնում է մինչեւ 1136:

Մ' Եռե՞լ է նա այդ թուականին, թէ ուրիշ պատճառով չէ շարունակել, որոշ չէ։ Զամչեան նրա մահը գնում է 1144ին, Եղեսիայի՝ մահմետականներից զրաման եւ հայերի կոտորածի ժամանակ<sup>1</sup>։ Յամենայն դէպս վերոցիշեալ թուականից, 1136ից յետոյ, նրա դործը շարունակել է ոմն Գրիգոր Երէց, նոյնպէս հոգեւորական, թէ եւ ոչ կրօնաւոր, եւ բերում է մինչեւ 1162։ Այս երէցը հաւանականաբար Մատթէոսի աշակերտն է եղած, որովհեաեւ իրողութիւններն եւ մարդիկը դատում է նոյն եղանակով եւ լեզուն էլ նոյնպէս սամկական գրաբար է եւ նոյն ոճով, ինչպէս Մատթէոսինը<sup>2</sup>։

Ուռհայեցու բոլոր պատմածները հեռու են իրականութիւն լինելուց եւ իրաւունք ունի Զարդանէլեան նրան՝ «միամիտ եւ դիւրահաւան» կոչելու<sup>2</sup>։

Մատթէոս Ուռհայեցի իր պատմութեան առաջին մասում ի մէջ ացլոց շատ շահեկան տեղեկութիւններ է տալիս Ուռեբնեան հարստութեան ծագման եւ սկզբնական գործունէութեան վրայ։ Բուն խաչակրական շրջանի վրայ էլ այնպիսի մանրամասնութիւններ է պարունակում, որոնք ժամանակակից միւս, և բոլացի կամ սիրիացի արար պատմիչների քով չկան։

Մատթէոս՝ Խաչակրաների Ս. Երկրի ա-

<sup>1</sup> Պատմութիւն Հայոց, գ. Հատու., էջ 25։

<sup>2</sup> Պատմութիւն Հայ Դպրութեան, էջ 663—664։

զատութեան համար Եւրոպայից դալը «Հռո-  
մայեցւոց ելք» է անուանում եւ համարում է  
կատարումն այն մարդարէսութեան, որ արել  
է Մեծն Ներսէս կաթողիկոսը, «զորս վասն  
Հռոմայեցւոց ելիցն խօսեցաւ ընդհախարարսն  
եւ ընդ իշխանսն Հայոց աշխարհին»<sup>3</sup>:

Եւնա այսպէս է նկարագրում այդ «ելքը»:  
«Եւ ահա յայսմ ամի շարժեալ եղեւ ամենայն  
իտալիա եւ Սպանիա մինչեւ յԱփրիկէա եւ  
Խորին ազգն Ֆրանկաց, եւ գոռհեալ անթիւ  
եւ անհամար եւ ահապէն բազմութեամբ որ-  
պէս զմարախ որ ոչ թուի եւ կամ որպէս զա-  
ւալ ծովու որ ոչ քննի մտաց, եւ ահաւոր մե-  
ծութեամբ եւ բարձրագահ իշխանութեամբ  
ելեալ զային իշխանքն աշխարհին Ֆռանկաց,  
եւ իւրաքանչիւր զօրօք զային յօդնութիւն  
քրիստոնէից եւ առ ի վրկել յայլազգեաց  
զսուրբ քաղաքն Երուսաղէմ, եւ ազատել ի  
Տաճկաց զսուրբ գերեզման աստուածընկալ,  
արք փառաւորք եւ թագաւորազունք, հաւա-  
տով եւ ամենայն աստուածպաշտութեամբ  
զարդարեալք եւ էին սնեալք ի գործս բարու-  
թեան»:

Ազա յիշում է պետերի անունները. «Կոն-  
դիլիք, այր հզօր, որ էր յազգէ թաղաւորացն  
Հռոմայեցւոց»<sup>4</sup> եւ նորին եղբայրն Պաղտին

<sup>3</sup> Յիշատակութիւններն առնում եմ Մատթէոս  
Ուոհացեու Պատմութեան Երուսաղէմի հրատարակու-  
թիւնից, 1869ին:

<sup>4</sup> Կոնդոփիրէ, այն է Գոդֆրուա՛ իրօք իր մէծ մօր  
կողմից, Մեծն կալուոս (Charlemagne) զազդ. թա-

(Baldwin, Baudouin) : Այս կոնդոմիրէ էր, «որ աւնէր զհետ իւր զթաղն եւ զթուրն վեսպիանու թաղաւորին» : Այնուհետեւ շարում է խաչակիր իշխանների անուններ՝ «Պեմունդ» (Boë mund), Տանքը (Tancrède), Զնձիլ (Saint Gilles), այր ահարկու եւ փառաւոր, եւ Ռուակիրթ Նորմանաց կոմս (Robert comte de Normandie) եւ միւս այլ Պալտինն (Baldwin du Bourg), եւ կոմսն որ ասի Ճոսլին (Josselin) այր քաջ եւ հզօր... : Գային եւ զհետ սոցա բաղում ևորիս կոպսունք, քահանացք եւ սարկաւագունք...» :

Մատթէոս՝ իր պատմութեան մէջ «կոմման մեր» է կոչում «Պաղտինին», որի իշխանութեան տակ է գտնուել ինք Եղեսիայում : Դրիգուր Երէց պատմում է թէ այս լատին կոմսն իրան խոստովանահացը է ընտրել մի հոյ հոգեւորական, «Բարսեղ վարդապետն Հայոց» :

Եւրոպական աշխարհն առաջին անդամ ծանօթացաւ Ուռհայեցու պատմութեան, Երր Շահան Զրուետ (Cirbied) Փրանսերէնի թարդմանեցնրա՞ յատկապէս խաչակիրներին հայող մասը, որին Silvestre de Sacy կցել էր իր ծանօթադրութիւնները<sup>5</sup> : Այս առաջին թարդմանութիւնից 40 տարի ետքը հայադէտ գաղղիացի գիտնականը Դիւլոոիէ՝ հրատարակեց Ուռհայեցու ամբողջ պատմութիւնը, նրան կցե-

դաւորից էր սերում, որ «Հասմէական կայսր» է կոչուած (800—814) :

<sup>5</sup> Notices et extraits des Manuscrits de la Bibliothèque Impériale, Paris, Tome IX.

լով նաեւ Գրիգոր Երէցի շարունակութիւնը<sup>6</sup> : Այս թանգարժէք գործը թարգմանիչը նուիրել էր Ռուսաց Ալեքսանդր Բ. Կայսեր : Դիւլուիէլի այս հրատարակութիւնը կարեւոր էր նրանով մանաւանդ, որ բազմահմտութ թարգմանիչը բանասիրական-պատմական բազմաթիւ հմտալից ծանօթութիւններ էր կցել իր թարգմանութեանը : Այս աշխատութիւնը մեծապէս գնահատուած է հայ հեղինակների կողմից : Երուսաղէմի տպագրութեան հրատարակիչը «Հանճարասէր քննութիւն» է անուանում, թէեւ տեղ ուղղումներ է կատարել նրա ծանօթագրութիւնների մէջ :

Այնուհետև Բելլիացի հայագէտ Պրոֆ. Ֆէլիքս Նէվ, գաղղիերէն լեզուով հրատարակել է Մատթէոս Ռուհայեցու պատմութեան այն էջերն, որոնց մէջ հայ ժամանակակից պատմիչը խօսում է յատկապէս Խաչակրութեան այս առաջին շրջանի Բելլիացի ոլետերի մասին<sup>7</sup> :

Ռուհայեցին ընդհանրապէս շատ գոհ է քրիստոնեայ և բոսպացիների արշաւանքից ոյլազգիների դէմ և նուիրական է համարում նրանց Ս. Երկիրն աղասիլու նպատակը : Բայց իտէկիլիների և տեղացի հայերի յահախակի

<sup>6</sup> Chronique de Mathieu d'Edesse (962—1136) avec la continuation de Gregoire le Prêtre jusqu'en 1162, par Edouard Dulaquier, professeur à l'Ecole Impériale des langues Orientales vivantes, Paris 1858.

<sup>7</sup> Felix Nève, Les chefs belges de la Première Croisade, d'après les historiens arméniens, Bruxelles 1857.

շփումների ժամանակ, երբեմն նրանց մէջ էլ անհաճոյ դէպքեր եւ նոյն իսկ ծանր ընդհարումներ են տեղի ունեցել եւ Մատթէոս այսպիսի սրագաղաներում գառն լիզու է գործածում իւչակիրների դէմ եւ նոյն իսկ ուրախանումներից : Դիւլուիէ այսպէս է բացարում այդ հայ-լատինական ընդհարումները, արդարացնելով Մատթէոսի գանդատները.

«Ֆրանկներն, ասում է նա, իրենց աւարի եւ կողովուախ բնազգովը եւ այն փառասիրական ոզւովն, որ միացած էր նրանց միամիտ բարեկաշութեանը, երբեմն ձերբակալել են նաև հայ պետեր եւ կեղեքել շատ գաւառներ, օտար աշխարհակալների պէս : Այս բոնութիւնների, ինչպէս եւ իր հայրենիքի գֆրախոտութիւնների յիշատակը՝ մեր ժամանակադրին (Ուռհայեցուն) ատիպել են գառն խօսքեր ուզզել նրանց դէմ : Այսպիսի խօսքեր, ցաւլի է, որ յաճախ են պատահում նրա գրչետակ» (Préface XIX և XX) :

Ինչպիսի՞ էին այս ընդհարումները: Բերեմ մի քանի օրինակներ:

Բողուէն զիւ Բուրգ՝ երբ զեռ Երուսաղէմի թագաւոր չէր, այլ Եղեսիայի կոմս, որ եւ է պատճառով թշնամանում է «Գող» Վասիլ կոչուած հայ իշխանի հետ: Բողուէն խլում է նրանից նրա իշխանութիւնն եւ նոյն իսկ Հասմկլա քաղաքն, որ յետոյ (1151) Հայոց կա-

թողիկոսի աթոռատեղին եղաւ<sup>8</sup>: Այս հանգամանքը սաստիկ զայրացրել է մեր պատմիչին, որ չէ բացատրում գժտութեան բուն պատճառն եւ միայն վրդովլում է, մանաւանդ որ ինք մեծապէս գովել էր մինչեւ այդ դէսկը՝ «Գող» իշխանին:

Նոյն Բողուէն կոմսը թշնամացել է մի ուրիշ Վասիլ կոչուած հայ իշխանի դէմ, որ «Ճղայ» մականունն էր կրում, եւ սա փախել, ապաւինել է Ռուբրինեան Կոստանդինի որդի Լեւոնի քով, որի աղջկան հետ պիտի պսակուէր: Ուռհայեցին պաշտպան է հանդիսանում Վասիլին, ընդդէմ Բողուէնի, եւ վրդովլում է միանդամայն մի ուրիշ հայ իշխանի վարմունքից: Այս իշխանն էր յիշեալ Լեւոնի Եղբայրը Թորոս, որ փոխանակ Վասիլը պահպանելու, բռնում է նրան եւ տանում յանձնում Բելզիացի կոմսին: Բողուէն՝ բաւականանում է Վասիլին իշխանութիւնից դրկելովն ինչքը գրաւելով եւ աղատ է թողնում նրան: Վասիլ էլ գնում է Կ. Պոլիս, ուր Մատթէոսի առելով բիւղանդական կայսրը մեծ պատուով է ընդունել նրան: Յոյների եւ լատինների յարաբերութիւնները բարեկամական չէին այն ժամանակ:

Շատ աւելի կարեւոր է Ուռհայեցու պատմած հետեւեալ դէպքը: Նոյն Բողուէն, երբ

<sup>8</sup> Հոռմկլա՝ այսինքն Հոռոմի բերդ, առև. բար. կոչումով, մնաց կաթողիկոսական աթոռատեղի մինչեւ 1293, երբ եղիպատական մամելուքները դրաւեցին:

1113ին Եղեսիսից բացակայ էր, մի քանի  
«վատահոգի Փրանկներ» եկել, զեկուցել են  
նրան թէ «Եղեսիոց Հայերը որոշել են քաղաքը  
Թուրքերին յանձնել», որ ըստ Մատթէոսի՝  
պարզապէս սուտ զրպարտութիւն էր: Բողուէն  
հաւասում է եւ խակոյն ետ դառնում. մի կե-  
րակի օր, ճաշի ժամին նրա հրամանով բո-  
լոր Հայերին քաղաքից գուրս են հանում բոնի  
կերպով: Միայն 80 հողի աղաւում են այս  
արտաքսումից, որովհետեւ ապաստանել էին  
Ս. Թորոս Եկեղեցում: Եւ Ուռհայեցին սաս-  
տիկ գանգատուում է «Փրանկների ապերախ-  
տութիւնից», Հայերի այնչափ անդամ ցոյց  
տուած անկեղծ աջակցութեան վոխարէն:

Եղել են նաեւ բռնութեան ուրիշ գէսլքեր  
Հայոց դէմ: Շատ հաւանական է որ այս Հա-  
յածանքների բուն պատճառը «Հայոց գանձը  
յափշտակելն» է Եղած ինչպէս բացարրում է  
Ուռհայեցին: Կողապուտի Համար՝ Խաչակիթ-  
ները երբեմն տարբերութիւն չեն գնում  
թուրքի և քրիստոնէի մէջ . . . : Նոյն իսկ Պետ-  
րոս Անապատականն եւ իր խառնիճաղանձ  
բանակը իրաւամք մկազդրուած են այս յան-  
ցանքի մէջ, Եւրոպայի պատմաղիրների կող-  
մից:

ԲԵԼԳԻԱՅԻ պատմաղիրը՝ Ֆէլիքս Նէվ,  
աւելի սրաին մօտ է ընդունել Հայ պատմիչի  
զառն խօսքերը Բելգիացի կոմսի դէմ եւ դրում  
է. «Մատթէոս Ուռհայեցին Գողֆրուայի եւ  
երկու Բողուէնների, Երուսաղէմի այս առա-  
ջին թագաւորների արժանիքն եւ բարձր յատ-

կութիւնները չէ ուրանում . նրանց զինուորական փառքը խոստովանում է , բայց նրանց քաղաքականութիւնն եւ դործերը դատում է իր՝ ազգային տեսակէտից : Երկու Բողուէններն էլ անընդհատ յարաբերութիւն են ունեցած Եղեսիայի եւ շրջակայքի հայոց հետ եւ ամենեւին տարօրինակ չէ , որ այնպիսի արտակարգ հանդամանքներում , որոնց մէջ նրանք գտնուում էին , իրենց իշխանութիւնը պաշտպանելու նորատակով եւ իրենց ծախքերը հոգալու նպատակով զինուորական զգուշողական միջոցներ են ձեռք տոել եւ մեծ տուրքեր են դրել ժողովրդի վրայ : Այս է որ առիթ է գարձել հայոց գանդատաներին» <sup>9</sup> :

Երուսաղէմում հիմնուած բելգիական արքայական տաճ եւ Կիլիկիայի հայկական իշխանական գերդաստանի մէջ ազգականական կապէ հաստատուել , ամուսնութիւնների միջոցով : Արդէն՝ եւրոպացինները Փոքր Ասիայում տեղաւորուելուց յետոյ նրանց ասպետները սկսել էին հայ գեղեցկուհինների հետ ամուսնանալ : Այս ամուսնութիւններն ունեցել են իրենց բացառիկ , վիպական եւ մասամբ նաեւ զուարձալի հանգամանքները : Գողքրուայի եղրայր , Բողուէն Ա . Երուսաղէմի երկրորդ թագաւորը , ամուսնացել էր Ռուբինեան հարստութեան հիմնադրի որդի Թորոս Ա . ի աղջկան , Արտայի (Arta) հետ : Մի եւրոպացի պատմիչ

---

<sup>9</sup> Felix Nève, Les chefs belges de la Première Croisade d'après les historiens Arméniens. Bruxelles 1859, p. 37.

(Jacques de Vitry, § 74) հաւատացնում է թէ  
թուրոս՝ իր աղջիկը տալու ժամանակ խոստա-  
ցել է 60.000 սոկի օժիտ առաջ, բայց պայման  
դրել, որ Բողուէն մօրուք թողնէ եւ չածիլէ :  
Բողուէն համաձայնել է: Թուրոս՝ օժիտից  
17.000 սոկին վճարել է հարսանիքի օրը, բայց  
մնացածը սկսել է ձգձգել: Այն ժամանակ Բո-  
ղուէն գրել է իր աներոջ թէ եթէ չլճարէ,  
ինքն էլ պիտի ստիպուի իր մօրուքն ածիլել:  
Այս «ապառնալիքն» աղջել է թուրոսի վրայ,  
որ խնդրել է իր Բելգիացի փեսայից, որ այդ  
«անարդանքը» չհասցնէ իր աղջկան եւ ուղար-  
կել է մնացած գումարը: Գուլիկեմոս Տիւ-  
րացի պատմում է, որ Բողուէն վերջ ի վերջոց  
հեռացել է իր կնոջից (որին նա Աալիս [Alice]  
է կոչում), եւ ստիպել է նրան Երուսաղէմի  
Ս. Աննայի կուսանոցը մտնել (Guillaume de  
Tyr, X 1 եւ XI 1):

Անուհաւեւ Ռուբրինեան Կոստանդինի  
Երկրորդ որդին Լեւոն, կամ baron Լեւոն, ինչ-  
պէս նա կոչում էր, ամուսնացաւ Եղեսիոյ  
կոմս Բողուէն դիւ Բուրզի աղջկան հետ, իսկ  
այս Լեւոնի աղջիկն էլ Բողուէնի յաջորդող  
կոմս Ժուլինի հետ: Իսկ ինքը Բողուէն դիւ  
Բուրզ, որ Երուսաղէմի վրայ պիտի թագա-  
ւորէր Բողուէն Բ. ախաղոսով, ամուսնացել  
էր Մելիտենէի (Մալաթիա) հրամանատար հայ  
իշխանի Գարբիէլի (Ուռհայեցու «Խալքի»  
կոչումը) Marcille կամ Մորֆիս աղջկանը հետ,  
որից ունեցել է 4 աղջիկ Մէլիսանդ կամ Մե-

(Jacques de Vitry, § 74) հաւատացնում է թէ  
թուրոս՝ իր աղջիկը տալու ժամանակ խոստա-  
ցել է 60.000 սոկի օժիտ առաջ, բայց պայման  
դրել, որ Բողուէն մօրուք թողնէ եւ չածիլէ :  
Բողուէն համաձայնել է: Թուրոս՝ օժիտից  
17.000 սոկին վճարել է հարսանիքի օրը, բայց  
մնացածը սկսել է ձգձգել: Այն ժամանակ Բո-  
ղուէն գրել է իր աներոջ թէ եթէ չլճարէ,  
ինքն էլ պիտի ստիպուի իր մօրուքն ածիլել:  
Այս «ապառնալիքն» աղջել է թուրոսի վրայ,  
որ խնդրել է իր Բելգիացի փեսայից, որ այդ  
«անարդանքը» չհասցնէ իր աղջկան եւ ուղար-  
կել է մնացած գումարը: Գուլիկեմոս Տիւ-  
րացի պատմում է, որ Բողուէն վերջ ի վերջոց  
հեռացել է իր կնոջից (որին նա Աալիս [Alice]  
է կոչում), եւ ստիպել է նրան Երուսաղէմի  
Ս. Աննայի կուսանոցը մտնել (Guillaume de  
Tyr, X 1 եւ XI 1):

Անուհաւեւ Ռուբրինեան Կոստանդինի  
երկրորդ որդին Լեւոն, կամ baron Լեւոն, ինչ-  
պէս նա կոչում էր, ամուսնացաւ Եղեսիոյ  
կոմս Բողուէն դիւ Բուրզի աղջկան հետ, իսկ  
այս Լեւոնի աղջիկն էլ Բողուէնի յաջորդող  
կոմս Ժուլինի հետ: Իսկ ինքը Բողուէն դիւ  
Բուրզ, որ Երուսաղէմի վրայ պիտի թագա-  
ւորէր Բողուէն Բ. ախաղոսով, ամուսնացել  
էր Մելիտենէի (Մալաթիա) հրամանատար հայ  
իշխանի Գարբիէլի (Ուռհայեցու «Խաւրիւ»  
կոչումը) Marcille կամ Մորֆիս աղջկանը հետ,  
որից ունեցել է 4 աղջիկ Մէլիսանդ կամ Մե-

(Amaury) Ա. որ ամուսնացաւ ժողովին Բ. ի աղջկան Ազնէսի հետ . իսկ այս Ազնէսը Կիլիկիոյ Կոստանդին Ա. ի թոռն էր : Ազնէս այս ամուսնութիւնից մի որդի ունեցաւ (1160) , որ ասպա Բողուէն Դ. տիտղոսով Երուսաղէմում թաղաւորեց եւ մեռաւ 1185ին անզաւակ : Երկու տարի վերջը , 1187ին Սարակինոսները Երուսաղէմը դրաւեցին , բայց «Երուսաղէմի թաղաւոր» տիտղոսը դեռ չարունակւում էր : Այսպէս անուանապէս «Երուսաղէմի թաղաւոր» կոչուած լատին իշխանների մէջ ամէնից նշանաւորն էր Ժան դը Բրիենն (Jean de Brienne) , որ ամուսնացաւ Կիլիկիոյ առաջին թաղաւոր Լեւոն Ա. ի աղջկան հետ : Այս կերպով , Երուսաղէմի բոլոր քրիստոնեաց թագուհիները կամ բուն հայուհի էին եւ կամ հայ արին են կրել իրենց Երակներում :

Խաչակիրների առաջին արշաւանքի ժամանակ Բելլիացի եղբայրները , Գոդֆրուա եւ Բողուէն (կամ Բալլուէն) մեծապէս օգտակար են հանդիսացել երկու հայ կաթողիկոսների : Մէկը Բարսեղ Ա. կաթողիկոսն էր : Սա Անի քաղաքումն էր , երբ լսել է Եղեսիայի մէջ Բողուէնի ձեռքով քրիստոնէական իշխանութեան հիմնուելը : Անին այդ միջոցին պարափիկների ձեռքն էր անցել եւ կաթողիկոսը սաստիկ անհանդիսաւ էր այնտեղ : Այստեղ խօսքը թողնում եմ Զամշեանին , որ գէպքը ողատմում է հետեւեալ կերպով .

«Տեսեալ նորա (Բարսեղ կաթողիկոսի) թէ ոչ կարէ դատանել հանդիսաւ եւ անդ (յԱնի) ,

ընդ իշխանութեամբ պարսից, յորդորեալ ի  
ծածուկ զուխտ եկեղեցւոյ իւրոյ, եւ նոքօք  
յԱնւոյ հանդերձ քանի մի ազատօք եւ դնաց  
ի Միջաղետս, յԵղեսիա քաղաք: Եւ գուքս քա-  
ղաքին, որ կոչիւր Բաղախն (Բաղրուխն, Բո-  
դուէն) մի յիշխանացն լատինացւոցն, բազում  
պատիւ եցոյց նմա եւ ետ նմա գիւղս յուղվս ի  
կալուածս, ընդ որ կարի իմն հաճեալ Բարսղի՝  
կամեցաւ բնակել անդ առ ժամանակ մի»<sup>11</sup>:

Շատ աւելի կարեւոր անձնաւորութիւն էր  
այս Բարսեղի նախորդը, Գրիգոր Վկայասէր:  
Այս մեծ հայրապետն, աւելի իրաւամբ պէտք  
էր Խաղաղասէր կոչուիլ, որովհետեւ իր ամ-  
րող պաշտօնավարութեան ժամանակ եռան-  
գով նուիրուած էր՝ իր Աղջն ու Եկեղեցին  
հանելու այն մեկուսացեալ գիրքից, որի մէջ  
գտնեում էին, այլացեղ եւ այլակրօն թշնամի-  
ներից շրջապատուած եւ հաշտեցնելու ուրիշ  
մեծ քրիստոնեայ ազգերի եւ եկեղեցիների  
իետ: Գրիգոր Մագիստրոսի այս արժանաւոր  
որդին, չքաւականանալով գրագրութեամբ  
կամ այս նպատակին ուղղուած նամակների  
փոխանակութեամբ, յանձն էր առեւ ճանա-  
պարհորդել թէ՛ Արեւմուտք եւ թէ՛ Արեւելք  
եւ անձամբ տեսակցիլ այս մասին Եկեղեցա-  
կան եւ աշխարհական քրիստոնեայ պետերի  
հետ: Նա նախ դնացել է Հոռմ 1075ին, ուր  
Պետրոս Առաքեալի գերեզմանի վրայ իր ուխտը  
կատարելուց յետոյ, մեծ պատիւներով ընդու-

<sup>11</sup> Զամշեան, գ. Հատ., էջ 25:

նուել է Գրիգոր կ. պապի կողմից և «քերան  
ի քերան խօսեցեալ ընդ նմա ի վերայ կրօնից  
և ծիսից հայոց, հանեցոյց զմիտս նորա»  
կրում է Զամշեան: Բայց այս բաւական չէր.  
պէտք էր յունական եկեղեցու պետի միտքն  
էլ «Հաճեցնել»: Եւ Խաղաղասէր կաթողիկոսը  
1083ին դնում է կ. Պոլիս: Այս դարում Բիւ-  
ղանդիոյ կայսրը շատ մեծ ձայն ունէր եկեղե-  
ցական խնդիրներում. ուստի Գրիգոր Վկայա-  
սէր՝ մեծ ջանք է դործ դրել նրան համոզելու  
համար: Նա խնդրել է կայսրից ըստ Զամ-  
շեանի, «զի փոխանակ հալածելոյ զիայս,  
միաբանեցուցէ զնսա ընդ յոյնս, սիրով»:  
Դժրախտաբար կ. Պոլում նա չէ դուել իր  
ակնկալած ընդունելութիւնն, ինչպէս ունեցել  
էր Հոռմում, որովհետեւ բիւղանդացիք քա-  
ղաքական-աշխարհակալական ձգում եւ  
նպատակ ունէին այն տեղերի վրայ, ուր Ռու-  
սինեան իշխանապետութիւնն ոկսել էր հիմ-  
նուել եւ հետզհետէ տարածուիլ: Այնուհետեւ  
Գրիգոր Խաղաղասէր երկրորդ անգամ եկաւ  
Երուսաղէմ, Քրիստոսի Գերեզմանին այցե-  
լութեան, անշուշտ երկնաւոր միջամտութիւն  
հայցելու իր սիրած եկեղեցոյ եւ Աղդի հա-  
մար: Այս միջոցին էր, որ Երուսաղէմ պա-  
շարուեց Խաչակիրներից: Մատթէոս Ռւո-  
հայեցու վկայութեան համաձայն, նրա կեանքը  
մեծապէս վտանգի տակ էր, երբ Բելզիացի  
գողՔրիստան քաղաքը դրաւելով նրան ստորդ  
մահուանից ազատեց: Այլեւս իր Խաղաղա-  
սիրական դերը կատարած նկատելով, Գրիգոր

քաշուեց Արիգի վանքը, Տաւրոսի ստորոտում, Եւ անձնատուր եղաւ մինչեւ իր մահը (1105ին), ընտրուած էր 1065ին), իր սիրած գրական աշխատութիւններին, աջակից ունենալով հայադէտ թէովիստէ յոյն իմաստասէրին: «Ժողովելով, ասում է Զամչեան, արս իմաստունս եւ բանիրունս յազգէ իւրմէ եւ յազգէ յունաց եւ ասորւոց, ի ձեռն նոցա անդադար պարապէր ի թարգմանութիւն զանազան գրոց, մանաւանդ վարուց Սրբոց»<sup>12</sup>: Ահա այս գործի, այսինքն մի քանի սուրբերի վկացաբանութիւնները գրելու եւ գրել առալու եւ նրանց տօները հաստատելու յիշատակն էր որ պահպանուել է զիմաւորաբար եւ նրա «Վկացասէր» տիտղոսին առիթ գարձել: Բայց Շնորհալին աւելի փառաւոր տիտղոս է տուած նրան երբ երգում է նրա մասին՝

«Երկրորդ Մեսրոպայ մեզ երեւեալ»:

իսկ Ուռհայեցին նրան մինչեւ իսկ Յովհ.

Մկրտիչին եւ Եղիա Մարգարէին է նմանեցնում<sup>13</sup>:

Այստեղ վերջ տանք Խաչակրութեան շըրջանի պատմութեան, յառաջ բերելով մի լիովին հեղինակաւոր անձնաւորութեան գնահատականն, այն կարեւոր գերի մասին, որ կատարել են հայերը այն ժամանակ:

<sup>12</sup> Զամչեան, Պատմ. Հայոց, Բ. Հատ., էջ 1000 և Գ. Հատ., էջ 8 և 20:

<sup>13</sup> Ուռհայեցին ի մէջ այլոց պատմում է, որ Գրիգոր այցելել է նաեւ Եղիպտոս, ուր իր ժամանակ 30.000 հայ կայ եղել:

Խօսքը թողնենք դարձեալ մէր ձեռնհաս  
պատմագրին .

«Զայս գործ Հայոց , գրում է Զամչեան ,  
բազում զբուատանօք յիշէ եւ սրբազն պատն  
Գրիգոր ՃԳ. , այն , որ նորոգեաց զՏոմարն  
Հոռվմայեցւոց , քանզի գրէ ի կոնդակի իւրում  
դոր արար վասն Հայոց յամի 1584 , այսպէս .  
«Բացի բազմագիմի երախտեաց , զոր եցոյց  
ազգդ այդ առ եկեղեցի եւ առ քրիստոսական  
ժողովուրդ , արժանի անմոռաց յիշատակի՝  
մէծ եւս է այն գործ , զոր արարին Հայք ի գնալ  
իշխանաց եւ զօրաց քրիստոնէից բազում ան-  
դամ յառումն Ա. Երկրին . զի ոչ այլ ազգք եւ  
ոչ այլ ժողովուրդք այնպէս յօժարամիտ եւ  
զուարքագին զանձինս ընծայեցուցին ի սա-  
տար օգնականութեան որպէս հայք , որք զօ-  
րոք եւ երիվարօք , զինուք եւ թոշակօք , խոր-  
հրդով եւ ամենայն նպաստիւք ձեռնոու եւ  
զօրավիզն եղեն քաջութեամբ եւ հաւատար-  
մութեամբ առ քրիստոնեայս յայնմ մեծի եւ  
կարեւոր պատերազմի»<sup>14</sup> :

---

<sup>14</sup> Զամչեան , Պատմութիւն Հայոց , Գ. Հատոր ,  
էջ 19:

Զ. Գլուխ

Միջազգային առուտուրը Փոքր Ասիայում :  
Հայոց մրցումը : Հայկական Այաս նաւահան-  
գիստն եւ իր կանոնները : Կիլիկիոյ քա-  
գաւորների իրովարտակները : Համբաւաւոր  
Մարկօ Պօլոյի ուղեւորութիւնները : Մարկօ  
Պօլոյի դիտողութիւնները ԺԳ. դարի  
Հայոց մասին : Վենետիկցիների եւ զենովա-  
ցիների նաւային պատերազմը Այասի առջեւ :

Եւրոպայի եւ Հայակելիկիայի մէջ առեւ-  
տրական յարաբերութիւնները սկսել են մշտ-  
կուիլ ԺԱ. գարում եւ հետզհետէ դարձացել  
են : Այս ժամանակամիջոցում, Խաչակիր աս-  
պետներ չեն միայն՝ Կիլիկիայի ծովեղերքն  
և կողները : Նրանց հետ միասին եւ նրանցից  
յիտոյ բաղմաթիւ Եւրոպացի նաւազնացներ եւ  
առեւտրականներ օգտուել են առթից եւ մէծ  
դործունէութիւն ցոյց տուել : Քրիստոնեա-  
ների՝ Փռքը Ասիոյ զանազան ժամերում եւ  
մասհաւորապէս ծովեղերեայ վայրերում սեպ-  
հական եւրոպական իշխանապետութիւններ  
չիմնելը զլխաւոր ազգակն է եղած այս ձեռ-  
նարկութիւնների ծաղկելուն :

Այս դարերում, ոչ միայն Փռքը Ասիայի  
այլ եւ Կենդրոնական Ասիայի եւ նոյն լոկ ծայ-

բագոյն Արեւելքի հետ առեւտրական յարաբե-  
րութիւններ տեղի էին ունենում Միջերկրա-  
կանի ասխական ծովեղերքի միջոցով : Փոքր  
Ասեոյ եւ Միջադետքի զվարաւոր քաղաքներում,  
ինչպէս Հայքու, Դամասկոս, Բաղդադ եւ  
Մուսուլ, տօնավաճառներ էին սարքում ա-  
պրանքների մթերման, վաճառման եւ փոխա-  
նակութեան համար : Իսկ ծայրագոյն Արեւել-  
քից՝ ապրանքները բերում էին Կարմիր ծովով  
Աիլա եւ Աղէն նաւահանգիստներն եւ այնտե-  
ղից ցամաքային կարաւաններով փոխադրում  
Միջերկրականի ծովեղերքը : Մթերանոցներ  
էին հաստատուել յատկապէս Միջերկրականի  
այն նաւահանգիստներում, որոնք ամէնից  
աւելի մերձաւոր յարաբերութիւններ ունէին  
եւրոպական ծովեղերքի հետ, այն է Տիւրոս,  
Աքիա, Բէյրութ եւ Տրիպոլի : Մթերուած ա-  
սիական եւ առ հասարակ արեւելեան ապրանք-  
ներն էին՝ չինարկան յախճապակի, գորգեր,  
մուշտակ, մարդարիս, մետաքս, հոստակտ  
իւղեր եւայլն : Բացի դրանից յատուկ գոր-  
ծարաններ էին հիմնուել արեւելեան հում  
նիւթերից եւրոպական ճաշակի յարմար իրեր  
պատրաստել : Այսպիսի գործարաններ կային  
մանաւանդ հետեւեալ տեղերում՝ Անտիոքում  
եւ Տրիպոլիում մետաքսեղէն գործուածքների  
համար, Երուսաղէմում ոսկերչական իրերի,  
Տիւրոսում չաքարեղէնի, Հերքոնում ապա-  
կեղէնի եւայլն : Երբ իտարական եւ բերդիա-  
կան նաւահանգիստներից նաւեր էին զալիս,  
Խաչակիրների համար օգնական խումբեր բե-

ըելով կամ Փոքր Ասխայում հաստատուած  
• Եւրոպական գաղութներին՝ Եւրոպական գոր-  
ծարանական արդիւնք մատակարարում, այս  
միւնայն նաևերը վերադարձին տանում էին  
վերսիշեալ մթերանոցներում ամբարուած  
կամ գործարաններում պատրաստուած նոր  
ձեւի ապրանքներ :

Այս գարեւում, Միջերկրականի ծովե-  
զերքի առուտուրը վենետիկի, Պիզայի և Զե-  
նովյի ձեռքումն էր. Փոքր չափով միայն  
մասնակցում էր Մարսիլիան : Բայց այս մի-  
չազգային առեւտրի մէջ «հայերը շատ լուրջ  
միցակիցներ դարձան» նրանց, դրում է գաղ-  
զիացի մի պատմագիր<sup>1</sup> : Հայերի առեւտրի  
ոլիսաւոր առարկաներն, որոնք կամ ուզգակի  
կամ իտալացիների միջոցով Եւրոպա կը ներ-  
մուծուէին՝ հետեւեալն էին՝ բուրդ, բամբակ,  
Փոքր Հայքի հանքերից ստացուած պղինձ ու  
երկաթ, պինի, չամիչ և ամէն տեսակ կեն-  
դանիներ՝ ձի, ջորի, էջ, ուզտ, այծ, գոմէջ  
և այլն և նրանց կաշին ու մաղեղէնը : Սա-  
կայն հայ վաճառականների ամէնից աւելի  
մւծ ձեռնարկը մետաքսի առուտուրն էր : Եւ  
զարմանալի չէ այս : Դւռեւս թ. և ժ. գարե-  
րում, մետաքսեղէնն այնչափ առատ է եղել  
Հայոց քով, որ նոյն իսկ հասարակ մարդիկի  
մետաքսէ հաղուստ են ունեցել : «Մինչեւ Հո-  
վուաց և անդէորդաց մետաքսայս զգենուլ  
պատմուձան» վկայում է Ասողիկ (Գ. դ.) :

<sup>1</sup> Ferd. Chalandon, Histoire de la Première Croisade, Paris 1929, էջ 359:

Հայկական առեւտրի ամենամեծ շուկան այն ժամանակ, ԺԱ. գարում, Արծն քաղաքն էր, Կարնոյդաշտում, «Հռչակաւոր եւ բազմամարտիս քաղաք Հայոց» գրում է Ռուհայեցին, «Եթի ասելով մինչեւ 150·000 հոգի բնակչութիւն է ունեցել եւ 800 եկեղեցի։ Իսկ վաճառականների հարստութիւնը եղել է «անհամար չափս սոկւոյ եւ արծաթոյ եւ գդիպակաց»։ Բայց այս վաճառականներն երբեք անտարբեր չեն մնացել իրենց երկրի աղջի եւ եկեղեցոյ կարիք-ների հանդէպ։ «Վաճառականք, գրում է Արփա-տակէս Լատիվերտացին, եկեղեցւոյ շինողք եւ զարդարիչք, կրօնաւորաց օթեւանք եւ հանդուցիչք, առ աղքատս ողորմածք եւ գարմանիչք . . . եւ օգնողք թագաւորաց»։

Կիլիկիայի միջոցով կատարւում էր մի ուրիշ առուծախք, որ բարերախտաբար՝ ոչ հայկական ազրանք էր եւ ոչ էլ հայի ձեռնարկութիւն։ Կովկասից բերում էին գերիներ եւ գերուճիներ եւ այնաև ծախում Եղիպատով համար, հայկական դրամով։ Գերին կ'արժէր 200 հայկական դրամ, իսկ գերուճին կրկինը՝ 400։

Բելղիացիք, յատկապէս Փլամանները՝ ԺԱ. գարի երկրորդ կէսից յետոյ են սկսել երեւալ Միջերկրականում իրրեւ ծովագնացներ։

Մի հետաքրքրական դէպք է պատահել այս լելղիացիների հետ կիլիկիայի ծովեղերքում, ԺԲ. գարում։ Տասը առաղաստանաւ, մի ձարսիկ Փլամաննաւասպետի ղեկավարութեան

տակ, գտել են, որ առելի ձեռնտու է օտար ասպահնքն ուղղակի առնելը քան թէ իրենց ասպահնքի հետ փոխանակելը, եւ սկսել են ծովահենութիւն անել: Նրանք՝ իրենց հանդիպած օտար նաւերը՝ փորձուած ծովասոյզների ձեռքով ծակում էին յատակից եւ երբ այս պատճառով օտար նաւադնացների մէջ շփոթութիւն էր ծագում, Փլամաններն օգաւում էին հանգամանքից, յարձակում, գրաւում եւ կողոպտում էին: Նրանք շուտով յայտնի են գարձել ամբողջ Միջերկրականում իրեւե «կառնաչ ծովահեններ»: Մի անգամ, իրենց դործն այսպէս շարունակելով նրանք եկել են մինչեւ Տարսոն, որպէս զի այնտեղ իրենց աւարը ծախեն կամ փոխանակեն, երբ յանկարծ ամենամեծ զարմանքով տեսնում են, որ Տարսոնի պարսպի վրաց իրենց ազգային, Ֆլանդրական գրօշակն է ծածանում: Գողֆրուայի եղբայր Բողուէնն էր այնտեղ, որ նոր եկել գրաւել էր Տարսոնը: Ծովահեն Ֆլամանների ուրախութիւնն անսահման է լինում իրենց հայրենակիցներին պատահելով: Բայց Բողուէն նրանց համոզել է, որ ծովահենութիւնն անվայել է իրենց. ուստի Ֆլամանները թողել են այս արձեստն եւ Խաչակիր զրուելով «արժանաւոր կերպով իրենց կեանքն վերջացրին» ասում է Բելգիացի պատմիչը<sup>2</sup>:

Մերձաւոր Արեւելքի հետ այս առեւտրական յարաբերութիւնը Եւրոպայի անտեսական

<sup>2</sup> Vanden Bussche, La Flandre, 1878, t. 56.

կեանքի համար մի կարեւոր տարր դարձաւ,  
որ սկսել էր խաչակրութիւնների պատճառով  
և Խաչակրութեան դանդաղացման հիմնական  
պատճառներից մէկը պիտի դառնար : Արեւ-  
ելքի այն դարի փայլուն քաղաքակրութիւնը՝  
բոլորովին նորութիւն էր քրիստոնեանների հա-  
մար, կատարելապէս տարբեր այն նեղ եւ մի-  
օրինակ կենցաղավարութիւնից, որոնց սրանք  
սովոր էին Արեւելուտքի իրենց գղեակներում :  
Այս արեւելեան նոր կեանքը շուտով զրաւեց  
նրանց : Արեւելեան զգեստն, իր մեծ ծաւալովն  
աւելի յարմար երեւաց, մանաւանդ տեղական  
կլիմայի համար, քան իրենց սովորական աղ-  
դային հագուստը . նրանք իրենց գլխարկի վրաց  
փաթթեցին արաբական քուֆիյէն, որ պաշտ-  
ովանում էր արեւի դէմ . նրանք ընտելացան  
արեւելեան նուրբ կերակուրներին<sup>3</sup> :

Ասորիքում եւ Պաղեստինում ոչ միայն  
եւրոպացի, այլ եւ տեղացի ժողովրդի հա-  
րուստ դասակարգը ապրում էր Աֆեայում  
(Կոմիկին Ptolemaïs): «Այսուղ ապրում էին,  
երկնքի տակ գտնուող ամենահարուստ վաճա-  
ռականները, աշխարհիս բոլոր աղղերի ան-  
դամներից : Ապրում էին այստեղ ի մէջ այլոց  
պիզացիներ, ջենովացիներ եւ լոմբարդացի-  
ներ, որոնց իրարու հետ ունեցած անիծեալ  
դժութիւնները պատճառ դարձան Աքեացի  
կործանման . . . : Արեւածագից մինչեւ արեւա-

<sup>3</sup> Louis Brehier, L'Eglise et l'Orient au Moyen Age, Paris 1907, § 99:

մուտքը, տիեզերքի ամէն ծայրից սմէն տեսակ ապրանք էին բերում այստեղ, ինչ որ կար ամենաթանգ եւ ամենահազուազիւտ, որովհետեւ այստեղ բնակւում էին իշխաններ եւ մեծամեծներ . . .»<sup>4</sup>:

ԺԱ. Պարից սկսած Փոքր Հայքի բնակչութիւնը եւ մանաւանդ նրա պետերը ձգտում էին դէպի ծովլ: Օտար Երկիրների հետ անմիջական, ապահով եւ անընդհատ յարաբերութիւններ ունենալու համար անհրաժիշտ էր ծովեղերքի տէր դառնալ: Առուբնևանները լու էին հասկացել այս կէտն եւ նրանք հասանիրենց նպատակին: Այնուհետեւ է, որ Երկիրը նախ Հայտկիլիկիա (Armeno-Cilicie) կոչուելուց յետոյ կամ գուցէ եւ միաժամանակ, ուղղակի Armenia եւ Terra Armeniorum սկսեց կոչուիլ եւրոպացիներից: Իսկ արարները «Կիլիկիա» կոչումը բոլորովին բաց թողնելով Հայաստան կամ աւելի ճիշդը՝ «Հայկական երկիր» կամ քաղաքներ» (Բիլաղ-ուլ-էրմէն) սկսան անուաննել:

Միայն ծովեղերք ունենալը բաւական չէր. սկսաք էր յարմար նաւահանգիստ ունենալ: Այդ հաւահանգիստն եղաւ՝ Այսար: Կիլիկիայի ծովեղերքի վրաց կացին ուրիշ փոքրիկ վայրեր, ուր մօտենում էին օտար առազատա-

<sup>4</sup> G. Schlumberger, Byzance et Croisades, Paris 1927, էջ 219: Հեղինակն այս տաղերը քաղել է մի գերմանացի ճանապարհորդի պատմութիւնից, որ ՃԳ. դարի առաջին կէսին ացցել է Աքանցի աւերտիներն և նկարագրում է, ականատեսներից լուելով:

նաւեր եւ մեկնում էին այնտեղից : Դրանց ոչ  
մէկը չունէր Այասի առաւելութիւնները : Հե-  
թում Ա. ին Ենք պարտական , որ Այաս դար-  
ձաւ կատարեալ նաւահանգիստ եւ գրաւեց իր  
վրաց բոլոր Եւրոպացի նաւագնացների եւ ա-  
ռեւտրականների ուշագրութիւնը : Այս Հայոց  
Պատմութեան մէջ կարեւոր է , իրբեւ միակ  
Հայկական նաւահանգիստը , ուստի արժէ նրա  
մասին մանրամասն խօսիլ :

Այսո ունէր արդէն իր պատմական ան-  
ցեալը : Նա յայտնի էր հոսմէական աշխար-  
հին Աեգայ իսկ յունականին Եգեա (գորդ՝  
Եգեա) կոչումներով : Այս նախկին պատմա-  
կան ծովեղերեայ փոքր քաղաքը 7 դար ան-  
յացութեան մէջ մնալուց յետոյ , նորից վե-  
րակենդանացաւ շնորհիւ Կիլիկիոյ Հայ իշխա-  
նապետութեան : Իտալացի նաւագնացներն  
ոկտան կոչել այնուհետեւ՝ Portus Ayacii , Do-  
minii Regis Ermenie , Ենչպէս յիշուած է Զենո-  
վայի ուաշտօնական արձանագրութիւնների  
մէջ : Այս նոր «Regis Ermenie»ի («Հայաստանի  
թագաւորութեան») մայրաքաղաքը Սիսն էր ,  
բայց բարախող սիրաը Այասն է եղած : Հ. Ալլ-  
շան՝ այս երկրին նուիրած իր բազմարժէք Եր-  
կասիրութիւնը Սիսուան է կոչել , իրրեւ Սի-  
սից կախում ունեցող , հրապուրուելով Գրի-  
գոր Տղայ կաթողիկոսի մի քերթուածից , որ-  
տեղ Կիլիկեան Սիսուան է կոչուած :

Երբ Եղիպատացիք 1268ին գրաւեցին Ան-  
տիոքին եւ ապա 1291ին նաև Աքեան (Saint

Jean d'Acre), Հայկական Այասը Միջերկրականի ասիսկան ծովեղերքի ամէնից կարեւոր և բանուկնաւահանգիստը դարձաւ և այսպէս մնաց մինչեւ ԺԴ. դարի կէսը: Ժամանակի Եւրոպական մատենագրութեան մէջ նա կոչուած է Այազզո, Lajazzo և Lascaso:

Ամէնից յառաջ Վենետիկցիք են Էկել Ալաս. բայց նրանց անմիջապէս հետեւել են Բելգիացիք, որոնք դալիս էին Բրիտի կամ Բրիտանաւահանգստից, որի մասին ընդարձակօրէն պիտի խօսիմ յաջորդ Գլխում:

Հետզհետէ Ալաս են Երթեւեկել Միջերկրականի ծովեղերքի բոլոր նաւագնացները, յոցներ, սպանիացիք, դաղղիացիք և այլն: Արանց բոլորի նպատակն էր իրենց Երկրի դործարանական արդիւնքներն եւ այլ Եւրոպական դործուածքներ Այասի միջոցով վաճառել փոքր Ասիոց ներքին շուկաներում: Երբ այս կերպով Եւրոպացի վաճառականներ հիմնաւորապէս հաստատուել են Այասում, նրանց կառուվարութիւններն էլ հիւսատոսներ են նշանակել, իրենց հապատակների շահերը պաշտպանելու համար: Այս հիւսատոս — consul բառն է, որ Կիլիկիոյ այն ժամանակի լեզուի մէջ դարձել է «գունց»:

Այասում հաստատուած էր յատուկ արքայական ատեան, որ աեղ արձանագրեւում էին բոլոր առեւտրական գործողութիւնները Եւրոպացիների և Հայոց մէջ:

Այս պաշտօնատեղին Եւրոպացիք կոչել են Curia Regis Armeniae: Նա երկու ճիւղի էր

բաժնուած, նայելով գործառնութիւնների տեսակին: Այստեղ բացի արքունի հայ պաշտօնեաններից կային յատուկ թարգմաններ՝ մանաւանդ լատիններէնի համար, որ գործառնութիւնների պաշտօնական լեզու էր բոլոր եւրոպացինների համար, իբրև այն դարի ամէնից տարածուած դրական լեզուն: Կային թարգմաններ նաեւ իտալերէնի, գաղղիերէնի, արաբերէնի եւ ուրիշ լեզունների համար:

Այսում կար հայկական մասսատուն, որ կոչում էր Բաժ-տուն: Լատիններէն գրուած կամ լատիններէնի թարգմաննուած հայ արքունի հրովարտակներում այս բառը լատինականի է վերածուել Pasidonium կամ Pacistonium ձեւի տակ: Եւ այս Բաժ-տունը այնքան եկամուտ է ունեցել որ նրա հասոյթով հայկական պետական ծախքերի մեծ մասն է հոգացուել, որ անշուշտ շատ կարեւոր եկամուտ է, քանի որ եւրոպացի վաճառականներ, առանձնապէս Զենովացիք, Վենետիկցիք եւ Ֆլորէնցիացիք մեծ արտօնութիւններ էին վայելում առուրքի կողմից, արքունի հրովարտակներով չնորհուած: Այս հրովարտակները մեծ մասմբ պահպանուած եւ հրատարակուած են, թէեւ ցիրուցան եւ զանազան տեղեր: Շահեկան է ի մէջ այլոց Վ. Լանդլուայի ժողովածուն՝ Trésor des Chartes d'Arménie (տպ. Վենետիկ 1863):

Այս հայկական վաւերագիրների մէջ նշանաւոր է Լեռն Ա. Վ. կաղարտակն, որ առա-

չինն է եղած այս արտօնութիւնները չնոր-  
հողը :

Այստին կենդանութիւն են տուած մա-  
նաւանդ Կոստանդին եւ իր որդին Հեթում , որ  
1261ի հրովարտակովը Վենետիկցիներին ըն-  
դարձակ առանձնաշնորհումներ էր տալիս :

Այստեղ կցում ենք Կիլիկիոյ հայ թա-  
գաւորների կողմից տրուած երկու հազուա-  
զիւտ հրովարտակի հարազատ նմանահանու-  
թիւնը : Այս հրովարտակները վերաբերում են  
Այափին եւ հետաքրքրական են թէ իրենց բո-  
վանդակութեամբն եւ թէ իրենց լեզուովն որ  
այն ժամանակի տիրող գրական բարբառն է  
եղած :

Առաջին հրովարտակին ընթերցուածն է .

«Ի թաղաւորական բարձր հրամանաց գի-  
տացիր , պարոն Աւշին Եհանենց պո(ոքսիմ)ոս ,  
որ կու համենք քեզ , որ Մունիսուզլէրցի վա-  
ճառականք , զոր կան ի մեր աշխարքս ի յԱյաս  
ու զոր ի յայս դի ի հետ գան ու գնան ի վա-  
ճառականութիւն ի մեր աստուածապահ աշ-  
խարքս ի յԱյաս , նայ զիրենք այս կերպովս  
տաս խալսել ի յԱյասց Բայժտանն , որ ի ծա-  
խելն եւ ի գնելն ի հարոյրն երկուք մէն տան .  
եւ գիրս քեզ համանք . ի մեծ թվին ԶԿԴ , ի  
յունիվար կ» :

(Ստորագլք .)

Ահեծին թգ .

Հրովարտակի ետեւը գրուած է .

«Ի յԱւշին Եհանենց պո(ոքսիմ)ոսէս գի-  
տացիր , սիր թորոս Միխայլենց , Այասոյ

Բայց տանն դլխաւոր, որ առնուս զթաղվորին  
ձեռնդրաւ բարձր համանքն, ու իջու ի Բայց-  
տանտ ի թաթերն ու արայ որպէս դրած է ու  
համած ի մէկայլ դեհն» :

(Ստորագը .)

Աստուծոյ Ծառայ  
ԱԽՇԻՆԱ

Այս հրովարտակը չնորհուել է ի նարաստ  
«Մունիբուլլէրի» վաճառականներին որ է Գաղ-  
զիայի Մոնպէլիէ (Montpellier) քաղաքը : Աւշին  
թաղաւորը հրամայում է Եհաննենց «Պռո-  
քուիմոսին», որ նրանցից՝ փոխանակ 4% միայն  
2% տուրք առնէ : Եհաննենց էլ իր կողմից նոյն  
ովատուերը փոխանցել է «Բաժնետան» (մաք-  
սատան) գլխաւոր Թորոս Միխայլէնցին, որ  
ուս ըստ այնմ վարուի :

Հրովարտակի թուականը՝ Յունվար 7  
Հայոց ԶԿԳ = 763 համապատասխանում է մեր  
1314 Յունվար 7ին, որ Օչինի թաղաւորու-  
թեան 7դ տարին էր :

Երկրորդ հրովարտակը (Էջ 457—458)  
կարդացւում է այսպէս.

«Ի թաղաւորական բարձր հրամանաց դի-  
տացիր, պարոն Պետրոս պո(ոքսիմ)ոս, որ  
Մունիբուլլէրցի վաճառականքն րերին առ մեզ  
զայն համանքն, որ մեր ի Քրիստոս հան-  
կուցեալ հայրն է պարզեւել իրենց, որ տե-  
սաք որ իրենք, զոր կան ի յԱյաս ու զոր այլ  
դան ի հետ ու ի հետ ի մեր աստուածաղ(ահ)  
աշխարքն ի յԱյաս ի վաճառականութիւն, նայ  
ի զնելն ու ի ծախելն ի յԱյասոյ բաժառնն ի

յամէն հարոյրն երկուք մէն տան մեղ իրավունք, ամ կու համենք քեզ, որ զիրենք ի վրայ այն համացն տառ պահել, որ մեր հայրն է պարզեւել իրենց. եւ այս քեզ համանք. ՃԶ. ի Մարտը. թվ. Դ. ի մեծ թվ. ԶՀ:

Ի՞ցնէ ի սիջիլ զայնիս դրերս»:

**Հրովարտակիս ետեւը գրուած է.**

«ՄԵՆՔ ՀԵթում Զամպլայս ու Հեթում սինիջեալս հասկուցաք զայսոր բանն թագվորին:

† Հեթում. † Հեթում. † Հեթում. »

«Ի Պետրոս (Խ) պտենց պու(ոքսիմ)ոսէ պիտեցիք պարոն Կոստանց, Այասոյ Բայժտանն ովլիսաւոր, որ առնոյք թագվորին ձեռնդրաւ բարձր համանք, որ պայլերն ի մէկալ դեհն են ձեռնդրել, ու տուր իջեցնել ի Բայժտանս ի թաթերն ու այնել որպէս համած է ի մէկայլ դեհն»:

Այստեղ Օշին թագաւորի որդին կրկնում է այն արտօնութիւնն, որ իր «ի Քրիստոս հանգուցեալ հայրը» չնորհել է Մոնղէլիկցի վաճառականներին: Բայց որովհետեւ Օշինի որդին, որ էր Լեռոն Ե. այդ թուականին դեռ անչափահաս էր, 11 տարեկան միայն, ուստի երկիրը նրա անունից կառավարում էին 3 հայ իշխաններ, իբրեւ խնամակալ, որոնք էին՝ 1. արքունի տաճարապետ Հեթում, 2. արքունի դատաւոր Հեթում եւ 3. Կորիկոսի կոմս Օշին: Հրովարտակի տակ այս վերջինի ստորագրութիւնը չկաց, որովհետեւ նա սովարապետ կոստանդի հետ գնացել էր Այստի

Վրայ արշաւող Եղիպտացի թշնամի բանակի  
գէմ:

Ուշադրութեան արժանի է Բ. Հրովար-  
տակի թուականն եւս: Այսուեղ կայ մի անո-  
ռոշ «Թվ. Դ.» եւ ապա Հայոց թուականը  
ԶՀ = 770, որ անում է 1321 (Ճշլաղոյնը՝ 30  
Դեկտեմբեր 1320—29 Դեկտեմբեր 1321) <sup>5</sup>:

Կիալրոս կղզում հասաւառուած էր Ֆիո-  
րէնցացի նշանաւոր սեղանաւորական տան՝  
«Բարդի ընկերութեան» (Compagnie de Bardi)  
մի ճիւղն, որ ընդարձակ առեւտրական գոր-  
ծունէութիւն ունէր ԺԴ. դարսում եւ իր յա-  
տուկ զրասենեակներն ունէր եւրոպական կա-  
րեւոր չուկաներում, ի մէջ այլոց նաեւ Բել-  
գիական Բրիւժում: Լեռն Ե. Լուսինեան 1335  
Յունուար 10 թունվ Հրովարտակով մէծ ար-  
տօնութիւններ էր չնորհել այս ընկերութեան՝  
Այսում եւ առ հասարակ հայկական աշխար-  
հում գործելու համար: Կիովրոսի ճիւղի կա-  
ռավարիչը՝ Բալդուչչի Պէգոլետի (Balducci  
Pegoletti), մի հետաքրքրական յիշատակաղիք  
է կազմել իր ժամանակ տեղի ունեցած առեւ-  
տրական յարարերութիւնների վրայ: Սրա մէջ  
մի յատուկ Գլուխ կայ որ շատ կարեւոր է հայ-  
կական ծանրութեան եւ տարածութեան չո-  
փերը որոշելու տեսակէտից: Վերնագիրն է՝  
«Come i pesi e le mesure d' Erminia tornano  
in diverse terre, e quelle con Erminia e pri-  
mieramente con Vinegia».

---

<sup>5</sup> Հանդէս Ամսօրեաց, 1905, Էջ 107—111:

**Այստեղ ասուած է՝**

«Ruotali uno d' Erminia di spezieria, faè in Bruggia, libre XIV. Marchi uno d' argento al peso di Bruggia, faè a Lajazzo in Erminia once VJ e starlini XII J <sup>6</sup>».

Հայկական այս հին եւ միակ նաւահանդիսուի յիշատակը պահպանուած է ԺԳ. դարի համբաւաւոր ճանապարհորդ՝ վենետիկցի Մարկօ Պօլօյի հանրածանօթ ուղեղութեան պատմութեան մէջ։ Աշխարհահոչակ ուղեւորն այնքան կենդանի գոյնով է նկարագրել Այսան եւ առ հասարակ իր ունեցած տեղերի հայութիւնը, որ ես աւելորդ չեմ համարում ընդարձակօրէն յառաջ բերել նրա ուղեղութեան այս մասը <sup>7</sup>։

Մարկօ Պօլօ իր Յառաջարանի մէջ ամէնից յառաջ Հայաստանն է յիշում, քանի որ Հայաստանից է սկսել իր մէծ ճանապարհորդութիւնը գէպի ծայրագոյն Արեւելք «Առէք այս զիրքն, ասում է նա, կարգացէք, որպէս զի

<sup>6</sup> Ֆիորէնցիացի Բիկարդեան Մատենադարանի ձեռագիրը՝ Pratica della mercatura, Հրաբ. Paganini, T. III, ch. XI, p. 44. La Flandre, 1880, էջ 15—16։

<sup>7</sup> Մարկօ Պօլօյի այս նշանաւոր ուղեղութիւնը բաղմաթիւ հրատարակութիւններ եւ թարգմանութիւններ է ունեցած։ Նա զրուած է եղել նախ 1295ին, ապա Մարկօն 1307ին վերաքննել եւ ուղղել է մի քանի տեղեր։ Ես աչքիս առջև ունիմ ամենանոր եւ շքեղ Հրատարակութիւնը, որ կատարուած է Պէկինում, 1924—1928, որովհետեւ Պօլօն ամէնից աւելի Զինաստանի մասին է խօսած։ Հրատարակիչը՝ A. J. Charignon, սկզբնական բնագրի լեզուն, որ ԺԳ. դարի Փրանսերէն դործածական լեզուն է եղել, վերածել է այժմեան դրական զարդարակիւնի և բաղմաթիւ ծանօթագրութիւններով ճոխացրել։

տեղեկանաք թէ ինչ մէծ հրաշալիքներ են այն-  
աեզ նկարագրուած Մեծ Հայաստանի, Պարս-  
կաստանի, Թաթարստանի, Հնդկաստանի եւ  
ուրիշ երկիրների վրայ . . .» :

Ա. Գլուխն այսպէս է սկսում. «Այս (ու-  
ղեւորութիւնը) պատահեցաւ այն ժամանակ  
Երբ Քրիստոսի 1260 թուականին Բողոքն՝  
Կ. Պոլսի կայսր էր» : Այս Բողոքնը Բելգիացի  
իշխանն էր, որ Կ. Պոլսի լատինական նոր պե-  
տութեան կայսրը դարձաւ, ինչպէս տեսանք,  
աշխատութեանս Դ. Գլխում : Այդ ժամանակ  
գեռ եւս Մարկօն չէր մասնակցում . նրա հայրն  
ու հօրեղբայրն էին եղել Կ. Պոլիս, իրեւ  
Վենետիկցի վաճառականներ եւ այնաեղից  
նրանք գնացել են Խրիմ եւ ապա Կովկասից  
անցնելով մինչեւ Բուխարա, ուր այցելել եւ  
հիւր են եղել Թաթար Խանին, որին Կoubilai  
(Կուրիլաց) Խան են կոչում : Այս արեւելեան  
վեհապետն առաջին անգամ էր տեսնում եւրո-  
պացի, կամ ինչպէս այն ժամանակ անուա-  
նում էին՝ Լատին մարդ. ուստի մեծ համա-  
կրութեամբ է ընդունելնրանց, տեղեկութիւն-  
ներ է քաղել լատին աշխարհի եւ քրիստո-  
նեաների մասին եւ սրոցն է մի բարեկամա-  
կան նամակ գրել Հռոմի Պապին : Պօլօ Եղ-  
րայրներն յանձն են առնում նամակն անձամբ  
տանել Հռոմ եւ ճանապարհ են ընկնում Բու-  
խարայից : «Երկար օրեր ուղեւորուելով, ա-  
ռուած է բնազրում, նրանք վերջապէս հասան  
Լայաս, Հայաստանում : Այս էլ ձեզ ասեմ, որ  
նրանք երեք տարում հասան Լայաս, որովհե-

աեւ չէին կարողացել անընդհատ ճանապարհորդել վաս եղանակների, ձինի, հեղեղային անձրեւների և գետերի ողողման պատճառով» (էջ 14—15) :

Այսափց նրանք գնացել են Աքեա, ուր եկել են 1269 Ապրիլին : Այդտեղ լսել են որ Հոռմի Պապը (Կղեմէս Զ.) , որի հասցէին զրուած է եղել Խանի նամակը, վախճանել է, ուստի այլեւս աւելորդ են համարել Հոռմ գնալ և եկել են իրենց հայրենիքը, Վենետիկ : Բայց նրանք որոշել են Խանի միւս յանձնաբարութիւնն անպատճառ կատարել, այն է Երթալ Երուսաղէմ, Քրիստոսի Գերեզմանի կանթեղից մի քիչ եղ առնել և տանել Խանին : Մեծ Եղբայր Նիկոլան 15 տարեկան մի որդի ունէր՝ Մարկօն, որ ձգտել է անպատճառ ընկերանալ նրանց . եւ ահա այս կերպով պատանի Մարկօ Պօլօն սկսում է իր՝ մինչեւ այն ժամանակ անօրինակ եւ արտակարգ ճանապարհորդութիւնը :

Մեր ուղեւորները գնում են Երուսաղէմ, առնում են նուիրական եղն եւ գալիս են Այաս, որպէս զի շարունակեն իրենց ճանապարհը դէպի Բուխարա :

Այս ժամանակամիջոցում Հոռմում կատարուել էր նոր քահանայապետի ընտրութիւն և Աքեայի լատին նուիրակն էր ընտրուել, Գրիգոր Ժ. տիտղոսով, որ իմացնում է Պօլօ Եղբայրներին թէ ինք պատրաստ է նրանց ընդունել Աքեայում : Նրանց գործը մեծապէս զիւրացնում է Կիլիկիայի թաղաւորը . «Ճայա-

ստանի քագաւորն, ասուած է բնապեռում, անմիջապէս յատուկ նաւ պատրաստել տուեց, «ըսկէս զի նրանք Աքեա դնան, Պապի մօտ» (Էջ 18):

Թէ այս եւ թէ նուիրական եղի յանձնարարութիւնը հաւատարմութեամբ կատարելուց յետոյ, Մարկօ Պօլօն առանձին շարունակում է իր մեծ ճանապարհորդութիւնը: Նա կրկին անդամ անցել, դարձել է Հայաստան եւ իր Գրքի XIX և XXI Գլուխները նուիրում է Հայաստանի կացութեան: Ես յառաջ կը բերեմ միայն այն Գլուխն, որ տեղ խօսում է Փոքր Հայքի Կիլիկիայի մասին, որովհետեւ սա միայն կապ ունի մեր պատմութեան հետ:

«Ճիշդ է, որ երկու Հայաստան գոյութիւնների, Մեծ և Փոքր: Փոքր Հայաստանի (Կիլիկեան է ակնարկում) քագաւորը իր երկիրը կառավարում է արդարութեամբ: Նա Ենթարկում է թաթարներին: Շատ քաղաքներ եւ դղեակներ կան այնաեղ եւ ամէն քանի մեծ առատութիւն է տիրում: Այս երկիրը շատ յարմար է վայրենի անասունների եւ թոչունների որսորդութեան համար: Բայց ձեզ այն էլ ասեմ, որ երկիրը առողջապահական վայր չէ, այլ ընդհակառակն շատ վատառողջ տեղ է: Հին ժամանակ այս երկրի ազնուականները նշանաւոր էին իրենց զինուորական գործերով և քաջութեամբը. բայց հիմայ ողորմելի են եւ վատոգի (vil). ամենեւին քաջասրտութիւն չունին. լաւ խմողներ են միայն: Ծովեղեր-քում մի քաղաք կայ, որ Լայաս (Layas) է

կոչւում, որ մեծ առեւտրի տեղ է: Խմացէք, որ բոլոր համեմները, ասուեղէնները, սոկեղն իրերն եւ ուրիշ ապրանքներ բերում են սցանեղ ներսերից: Իսկ վենետիկի, Ջենովյան եւ ուրիշ երկիրների վաճառականներ զալիս են, ծախում են իրենց բերած ապրանքներն եւ դնում, տանում են ինչ որ իրենց պէտք է: Ով որ ուղէ երկրի ներսերը գնալ, վաճառական թէ ուրիշ ուղեւոր պէտք է որ այս քաղաքից անցնի» (Էջ 33):

Հետաքրքրական է այս երկար ուղեւորութեան վախճանը: Մարկօ Պօլօ տասնեակ տուրիներ վերջը դարձեալ եկել է Այսո այս անգամ այնտեղ կուռելու համար: Այս զէպքը հետեւեալ կերպով է նկարագրուած նրա զրքում: Մարկօ Պօլօ 26 տարի Արեւելքում ձանապարհորդելուց յետոյ, վերադարձել էր վենետիկ այնպիսի հագուստով, ոչմքով և նոյն իսկ խօսուածքով, որ իր հայրենակիցները չեն ճանաչել նրան: Բոլորն էլ նրան մեռած էին կարծում եւ նոյն իսկ նրա հօրենական տունն անցել էր ուրիշ ժառանգների ձեռքը: Շատ ժամանակ է հարկ եղել, մինչեւ որ ամէն ինչ կարգի մտնէ: Վենետիկցիք երրտեսել են թէ Մարկօն, իր հայրն ու հօրեղբայրը մեծ քանակութեամբ զոհարեղէն են բերել Արեւելքից, իրենց հազուստեղէնի մէջ

<sup>8</sup> Ուշագրութեան արժանի են օտար, անկողմնակալ ականատեսի այս ասզերը (ստորագծումը մերն է), չայ երկրի եւ աղնուականների այն ժամանակի կացութեան եւ բարքերի մասին:

կարուած, նրանց արամադրութիւնն էլ փոխուել է...: Մարկօն այնուհետեւ կոչուել է Marco Millioni :

Այն գարերում, Վենետիկի եւ Զենովայի հասարակապետութիւնները շարունակմբցման մէջ էին, և ամէն կերպ աշխատում էին իրար ինասել, մանաւանդ նաւազնացութեան եւ միջազգային առեւտրի մէջ: Մարկոյի գարձից քիչ վերջը Զենովացիների նաւատորմիղը Դալմատիայի ծովեղերքի վրաց սկսել է սպառնալ Վենետիկցիներին: Վենետիկի հասարակապետութիւնն էլ իր կողմից ուազմանաւեր է պատրաստել, նրանց գիմադրելու համար: Մարկոյի մէջ զարթել է Հոյրենասիրական ողին եւ նա իր սեպհական ուազմանաւով միանում է Վենետիկեան նաւատորմիղին, Զենովացիների գէմ կոռւելու համար: Երկութշնամի նաւատորմիղները բաց ծովում միւմեանց հալածելով վերջ ի վերջոյ երկուսն էլ զալիս են... Այս եւ Հայկական նաւահանգիստը 1296ին նաւացին մէծ պատերազմի գաշտ է Հանդիսանում: Յաղթանակը միում է Զենովացիներին, որոնք 25 Վենետիկեան նաւ կործանում եւ գերում են, որոնց մէջ է լինում նաև Մարկոյի սեպհական նաւը<sup>9</sup>: Մեր համ-

<sup>9</sup> Հեթում պատմիչ՝ Այսուի առջեւ ացգափսի մի նաւացին պատերազմի նկարագրութիւնն է տամիս, որ տեղի է ունեցել 2 Յունիո 1293ին: Զենովացիները 12 ուազմանաւով (Galère) յարձակուել են վենետիկցիների 32 նաւերի վրաց որոնց 24ը գերի են վերցրել: Այս պարտութիւնն վրէժը լուծելու համար վենետիկցիներն էլ մի քանի տարի վերջը չենովացիների գրասնեակե-

բաւաւոր ճանապարհորդն ինքն էլ գերի է ընկնում : Զենովացիները բերում են նրան Զենովա եւ բանտարկում : Մարկօ Պօլոյի անունն արգէն այնքան տարածուած էր Եւրոպայում , որ երկու տարի շարունակ ամէն կողմից դալիս այցելում էն նրան իր բանտում , որ նրա բերանից լսեն իր անօրինակ ուղեւորութեան արկածները : Այդ պատճառով , այն էլ միեւնոյն բանը անդադար չկրկնելու համար , Մարկօ որոշել է թելազըել եւ գրել տալ իր ճանապարհորդութիւնը : Պիզացի ոմն Ռիւստիսիէն , գրի է առել , որից յետոյ ուրիշներն ընդօրինակելով տարածել են : Այդ սկզբնական բնագրի վերնագիրն է եղել՝ Livres des diversités et merveilles du monde :

Մարկօ Պօլօ 4 տարի բանտում մնալուց յետոյ , վերջապէս չնորհիւ իր մեծ համբաւին ազատում է եւ դառնում Վենետիկ , ուր եւ վախճանում է 1324ին (էջ 29—30) :

Պատմագիրները բացի իր բազմակողմանի , ճշգրիտ եւ սրամիտ նկարագրութիւններից մի ուրիշ մեծ արգեւնք են վերագրում Մարկօ Պօլոյին , այն է որ նա՝ չնորհիւ Թաթար Խանի վրայ ունեցած ազգեցութեան կարողացել է համոզել , որ սա չմիանաց մահմետական Սարակինոսներին Խաչակիրների դէմ , որ եթէ պատահէր , անշուշտ մեծապէս պիտի դժուարացնէր այս վերջինների գործունէութիւնը Ա . Երկրում եւ շրջակայքում :

Որութինեանների անկումից յետոյ Այասն  
 էլ կորցրեց իր գոյութեան իրաւունքը : Առու-  
 առութը եւ նաւազնացութիւնը տեղափոխուե-  
 ցան խորշի միւս եղերքն , Աւեքուանովը էտ : Այս  
 զարձաւ մի խեղճուկ անհշան գեղ , ճահճային  
 վայրում , Զիհոն գետի բերանի վրայ , Դէօրտ  
 Եօլի մօտ :

---

## Ե. ԳԼՈՒԽ

Բելգիական Բրիւժ նաւահաճգիստը :  
Հայոց երթեւեկուր-իւնը : Բելգիացի հնագէտ  
Վանդէն Բիւսֆէի հետազօտուր-իւնները հայ-  
րելգիական յարաբերուր-իւնների մասին :  
Վանդէն Բիւսֆէի եւ Հ. Ղ. Վ. Ալիշանի  
բգրակցուր-իւնը : Ֆլամանդէն արձանա-  
գրուր-իւններ Հայոց մասին : Կիլիկիայի վեր-  
ջին բագաւոր Լեւոն Զ. ը Բելգիայում : Բրիւժի  
անկումը :

ԺՄ. — ԺԵ. զարերում, Բելգիայի ամբողջ  
առեւտրական եւ արդիւնաբերական գործու-  
նէութիւնը կենդրոնացել էր Ֆլանդրա գաւա-  
ռում, որի նաևահանգիստն էր Բրիւժ (Bruge)  
կամ Փլամանդէն Բրիւդէ (Brugge) : «Մի-  
ջնդարում» Բրիւժ եւրոպական առեւտրի մեծ  
ճանապարհների ժամանակէտն էր դարձել »<sup>1</sup> :  
ԺՊ. զարում նա արդէն այնչափ էր յառաջա-  
ցել, որ մըցում էր Վենետիկի հետ եւ այդ  
պատճառով «Հիւսխային Վենետիկ» տիտղոսն  
էր կրում : Միեւնոյն ժամանակ չնորհիւ այն  
կենդրոնական գիրքին, որ նա գրաւում էր

<sup>1</sup> H. Pirenne, Histoire de Belgique. 9. հատոր,  
էջ 211:

Գաղղիայի, Անդղիայի եւ Դերմանիայի մէջ,  
Բրիւժ միջաղգային գրամական հրապարակ էր  
եւ Եւրոպայի առեւտրական վճարումները մեծ  
մասամբ այնտեղ էին կատարւում :

Բրիւժ գտնւում էր Զվինել ծովախորչի  
վրայ եւ իր նաւահանգիստը, նոյն իսկ իր  
գիրքը՝ ծովի յառաջխաղացումից ապահովե-  
լու համար, ծովեղերքի վրայ բարձր պա-  
տուար էր կանգնեցրել։ Ծովի գէմ կատա-  
րուած այս ձեռնարկն այնքան հռչակ էր ստա-  
ցել ամբողջ Եւրոպայում, որ ԺՊ. դարի իտա-  
լական մեծ հանճարը, Դանտէ, որ ժամանա-  
կակից էր, անահացրել է այդ պատուարն իր  
«Աստուածային կատակերգութեան»ը մէջ<sup>2</sup> :

Բրիւժ Փլամանական քաղաք էր, բայց  
բնակիչների մեծ մասը օտարերկրացիներ էին,  
այն երկիրներից եկած, որտեղից ապրանքներ  
էին բերում այնտեղ ծախելու կամ փոխա-  
նակելու։ Այս ապրանքներն էին ի մէջ այլոց՝  
Անդղիայից բրդեղն, Հունդարիայից եւ Բահե-  
միայից մետաղներ, Ռուսաստանից մոթե-  
ղէն, Սպանիայից զանազան եղեր եւ այլն<sup>3</sup>։  
Օտար քաղաքացիների այս բաղմութեան  
պատճառով Բրիւժի քաղաքային վարչութիւնը  
իր թղթակցութիւնները դրում էր գաղղիերէն,

<sup>2</sup> Dante Alighieri, Inferno XV, 4—6. Ահա այդ  
տողերի պարզ թարգմանութիւնը. «Ինչպէս որ Փլա-  
մանները Ռեխտանդի եւ Բրիւժի մէջ, իրենց վրայ խա-  
ղացող ծովային այնքի գէմ թումբ են կանգնեցնում,  
որպէս զի ծովը փախչի» :

<sup>3</sup> Van Bruyssel, Histoire du Commerce et de la  
marine de Belgique. Bruxelles 1861—1865.

գերմաներէն, անգլիերէն, բայց մանաւանդ լատիներէն, որ Միջին Դարում Եւրոպայի սովորական միջազգային լեզուն էր :

Բրիւժի Փլամանները յարաբերութեան մէջ էին նաև Կիլիկիայի եւ մասնաւորապէս Այասի հետ : Վ. Լանգլուա իր Trésor des Chartes d'Arménieի Յառաջաբանի մէջ գրում է .

«Ժ.Դ. Պարում առուտուրը Հայաստանում (Հայակիլիկիայում) ընդարձակ չափեր էր առել եւ բոլոր օտար նաւազնացներն աղերսում էին (Հայոց թագաւորից) այլեւայլ արտօնութիւններ, որ եւ ստացան, առելի կամ նուազ չափով : Այս աղերսարկու ազգերի թւումն էին նաև Քրիւժի Փլամանները» :

Նոյն Ժ.Դ. Պարումն է, որ սկսել է նաև Հայոց երթեւեկութիւնը Բելդիա : Առաջին հայ առեւտրականներն եկել են Բրիւժ 1340ին, եւ բերել են ծախսելու կամ փոխանակելու, հայկական եւ առ հասարակ արեւելեան բերքեր՝ ներկեր, համեմներ, գորդեր եւ այլն : Բատ երեւոյթին նրանք երկար չեն մնացել այնտեղ, որովհետեւ 1354ի արձանագրութիւնների մէջ հայի անուն չկայ : Նրանք 1358—1360ի շրջանում վերագրածել են առելի մեծ թուով, հաստատուել են հրապարակի վրայ եւ առեւտրական ընդարձակ գործունէութիւնն սկսել : Նրանք իրենց ներմուծած արեւելեան ապրանքների փոխարէն, տեղական կամ եւրոպական ուրիշ երկիրներից Բրիւժում ամբարուած զանազան

գործուածքներ էին գնում եւ ուղարկում կամ  
տանում թէ Այս եւ թէ այն նաւահանդիսա-  
ներն, Միջերկրականի շուրջն, ուր իրենք  
չիւզեր կամ ընկերներ ունէին:

Բրիւժում միջազգային առեւտրով զբա-  
ղող բոլոր ցեղերը, Միջերկրաբանից սկսած  
մինչեւ Բալտիկեան ծովեղերքում ընակող-  
ները, ամէնքն էլ իրենց յասուկ «ազգային  
առւներն» ունէին, որ լօժա (logie) էր կոչում:  
Այս կերպով Բրիւժ համաշխարհային ընտիա-  
վայրի կերպարանք ունէր: Հայերը չեն ու-  
ղեցել ևս մնալ եւ կառուցել են նոյնպէս իրենց  
լօժան կամ «Հայտունը»:

Միջինդարում առեւտրական վոխանա-  
կութիւնն այնպէս էր կազմակերպուած, որ  
օտարերկրացիները պարտաւոր էին միջնորդի  
ձեռքով դործ ունենալ ուրիշ վաճառականների  
հետ: Այս միջնորդն էլ պէտք է անպատճառ  
տեղացի լինէր, եւ Բրիւժցիք մեծապէս օդ-  
աւում էին այս հանդամանքից:

Բրիւժի Սէնտ Օբէր (Saint Obert) վանքի  
հին արձանադրութիւնների մէջ այսպիսի մի  
դէպէ է պատմուած: «Նիկոլայոս անունով  
Հայը (Niclaise den Hermenier) իրեն ընկերա-  
ցով բարձրաստիճան Եկեղեցականին (prelat)  
մի կտոր գործուածք (lakine) ընծայեց, իսկ  
նրանց, որոնք նրա հետ միասին Ս. Խաչի  
Դուռն (Cruusporte) անցան, 12 լիրա (xij lb.)  
տուաւ»<sup>4</sup>: Ո՞վ էր այդ Նիկոլայոս անշուշտ

<sup>4</sup> La Flandre. Bruges 1880, p. 17.

որ եւ է սլատզամաւոր, որին առանձին պատիւ են տուել եւ որ հնարաւորութիւն է ունեցել ընծաներ տալու պրելատին եւ ուրիշներին:

Բրիւժի ժԴ., ժԴ. եւ ԺԵ. դարերի ներածութեան եւ արտածութեան մասին մի հետաքրքրական վաւերադիր կոյ Պարփսի Աղդային Մատենադարանում (Bibliothèque Nationale), որի մէջ յիշուած են թէ ո՞րտեղից, ի՞նչ առաակ ապրանք էր ներմուծւում: Այս ցուցակի համեմատ՝ Կ. Պոլսից, Երուսաղեմից եւ Եղիպատոսից յետոյ կարգը դալիս է Հայաստանին (Հայակիլիկիա) եւ դրուած է սյսպէս՝ «Dou royaume de Hermenie vient contons et tote autre espicerie dessus dite», սյսինքն՝ «Հայաստանի թաղաւորութիւնից ստացւում է բամբակ եւ զանազան համեմեղէն, ինչպէս վերը յիշուած է»: իսկ վերը յիշուածներն են՝ «պղպեղ, ամէն ուրիշ համեմներ եւ bresis, որ ներկելու վայտ է»<sup>5</sup>:

Բրիւժի կամ աւելի ընդարձակօրէն խօսելով Ֆլանդրացի՝ Միջին Դարում Կիլիկիայի եւ առ Հասարակ Հայոց հետ ունեցած առեւտրական յարաբերութիւնների ուսումնասիրութիւնը պարտական ենք մի Փլաման ուսումնականի, Էմիլ Վանդեն Բուսչե (Emil Vanden Bussche), որ Բելգիայի պետական դիւանագահն է եղած եւ իրեն նպաստակ էր

<sup>5</sup> Le Grand d'Aussy, Fabliaux (3<sup>e</sup> édit.). Paris 1829, p. 8.

դրած Բելգիայի, մասնաւորապէս նրա Փլամանական մասի Հնութիւններն եւ պատմական շինութիւններն ուսումնասիրել։ Նա 1878ին յօրինել է մի գրքոյ «Արեւելեան մի խնդիր՝ Միջին Դարում» վերնագրով, որի մէջ քննել եւ հրատարակել է Ֆլանդրայի եւ մասնաւորապէս Բրիւժի՝ Մերձաւոր Արեւելքի հետ ունեցած առեւտրական կազի վերաբերեալ անտիպ վաւերագիրներն <sup>6</sup>։ Այս ուսումնասիրութեան մէջ Բիւժքէ հրատարակել է Աղրիչն Բալտին (A. Baltyn) անունով բելգիացի փաստաբանի 1589ին յօրինած մի զեկուցագիրն եւ գրա հիման վրայ հետեւեալ եղրակացութիւններն է անում։

1. ԺԴ. դարի սկզբում, Փլամանները Մերձաւոր Արեւելքի հետ իրենց առուտուրը կատարում էին արեւելքիների միջոցով, որոնց թւումն են նաև Հայերը, ինչպէս կարդում ենք զեկուցագիրի Փլամաններէն բնագրում։

2. ԺԵ. դարի սկզբից Փոքր Ասխայից առեւտրականներ են եկել եւ սեպհական զրաբնեակին հաստատել Բրիւժում։

3. Այսուհետեւ Փլամաններն էլ նրանց օրինակին հետեւելով զնացել են Մերձաւոր

<sup>6</sup> Emil Vanden Bussche, Une question d'orient au Moyen Age, documents inédits et notes pour servir à l'histoire du commerce de la Flandre, particulièrement de la ville de Bruges — avec le Levant. Bruges 1878.

Արեւելք եւ այնտեղ առեւտրական գրասե-  
նեակներ հաստատել :

4. Բայց ըստ Երեւոյթին Փլամանների այս  
ձեռնարկութիւնը յաջողութիւն չէ ունեցել,  
որովհետեւ շուտով հեռացել են Մերձաւոր  
Արեւելքից եւ իրենց ապրանքները ծախել են  
Բրիւժում Հայերին եւ ուրիշ արեւելքցիներին :

Վանդէն Բիւլքէ հետաքրքրական տեղե-  
կութիւններ է հաղորդում առաջին անգամ  
Բրիւժ եկող հայ առեւտրականների մասին :  
«Մերձաւոր Արեւելքցիք (levantin, որոնց մէջ  
են եւ Հայերը), գրում է նա, ամէնից յառաջ  
հաստատուել են Բրիւժում, այն է 1340ին :  
Բայց 1354ին մի տարածայնութիւն է ծաղել  
նրանց եւ Բրիւժի քաղաքացիների մէջ եւ այս  
արեւելքցիք ստիպուել են թողնելու հեռանալ :  
Նրանք զնացին Դորդէխտ (Հոլլանդայում),  
ուր մի քանի տարի մնացին եւ այս միջոցին  
նրանց հեռանալուն առիթ տուող խնդիրը հար-  
թուելով նրանք ետ դարձան եւ 1358ին վերջ-  
նականապէս հիմնուեցան եւ իրենց գրասե-  
նեակը հաստատեցին : Նրանք (Հայերը)  
1478ին մի փառաւոր տուն կանգնեցին դոթա-  
կան ոճով շինուած, որի 4 անկիմի վրայ  
4 աշտարակ էր բարձրանում . . . : Այս արեւ-  
ելքցիները իրենց եկեղեցական պաշտամունքը  
կատարում էին Կարմելեան կրօնաւորների  
(Carmes) մատուռում : Այս տունը կանգուն  
էր մինչեւ Ժիր եւ ապա քանդուեց . . . :

Բրիւժի քաղաքային դիւանում պահուած հաշվաների համաձայն 1340ից էլ յառաջ այն է 1322ին այն «արեւելքցիք» սկսել են Բրիւժ գալ...: Այս առեւտրականների հետ յաճախ դալիս էին «անարժէք» անձնաւորութիւններ, ողորմելի «թափառականներ», որոնք եթէ «կովուների մէջ իրենց ոսկերը չէին թողնում», նրանք բեռ էին դառնում քաղաքների, զգեակների եւ ասպետների վզին: Այսպիսի անարժէքներ կային եղիպատցիներից, յոյներից, վալախներից, հրէաներից, հնդիկներից եւ այլն: Նրանց կարգում յիշուած են նաև մի քանի չայեր, բայց անուններ չեն նշանակուած: Այս վերջինները եկել են 1447—1448 տարիներում...: ԺԵ. գարում հայերի հետ միասին թուրք վաճառականներին եւս իրաւունք է տրուել St. Domat մայր եկեղեցու մեծաւորի կողմից, իրենց առպանքը, գորգ եւ ուրիշ թանգարժէք իրեր ծախել եկեղեցու առջև. բայց թուրքերը ժողովրդի մոլեուանդութեանը զոհ գարձան. ոչ նրանց, ոչ էլ արաբներին եւ մարոքցիներին չէին սիրութ իրենց կրօնի պատճառով. հետեւարար մահմետականները չկարողացան այս քաղաքում (Բրիւժում) տեւական յարաբերութիւններ հաստատել, թէեւ քաղաքապետը նրանց էլ միւսներին հաւասար կերպով էր պաշտպանում: Նոյն իսկ կուրքը հակառակ չէր...»: Փիլիպոս Գեղեցիկի (Philippe le Beau 1482—1506) թաղաւորութեան ժամանակ,

Բրիւժում Հայեր եւ ուրիշ արեւելքցի չէին  
մնացել . . . »<sup>7</sup> :

Մեր արդիւնաշատ մատենագիրը՝ Հ. Դ.  
Ալիշան, այդ թուականին նոյնպէս զբաղած էր  
հետազօտելով Հայոց յարաբերութիւնները  
Միջին Դարում եւրոպական երկիրների եւ ի  
մէջ այլոց Բելգիայի հետ։ Նա պատրաստում  
էր իր Սիստան եւ Սիսուան բովանդակալից  
աշխատութիւնները։ Ուստի նա զիմում է այս  
Բելգիական պետական դիւնապահին (archi-  
viste) եւ շատ սիրալիք մինամակով հարցնում  
է թէ «Հայերը ԺԴ. ից մինչեւ ԺԶ. դարերը  
ունեցել են առեւտրական յարաբերութիւններ  
Ֆլանդրայի եւ մասնաւորապէս Բրիւժի հետ»։  
Ալիշան՝ Բելգիայի պատմաբան-հնագէտին  
սիրաշահելու համար իր նամակի հետ նրան  
նուէր է ուղարկել մի օրինակ Վ. Լանգլուայի՝  
Trésor des Chartes d'Arménie, Հոյակապ հա-  
ւաքածոյից (Վենետիկ 1863)։ Բիւռքէ մհծա-  
պէս ուրախացել է այս նուէրից, որովհետեւ,  
խոստովանում է ինքն իսկ, այս հաւաքածոն  
«չափազանց օգտակար է արեւմտեան երկիր-  
ների՝ Արեւելքի հետ ունեցած առեւտրական  
յարաբերութիւնների ուսումնասիրութեան  
համար, մանաւանդ որ ինքն էլ իր մինչեւ այն  
առեն կատարած աշխատութեան հաստատու-  
թիւնն է դտել այնտեղ»։ Իբրեւ պատասխան՝  
Բիւռքէ Ալիշանին ուղարկել է իր վերոյիշեալ

<sup>7</sup> La Flandre, Revue des monuments, 1878,  
Bruges, p. 201—222.

«Une question d'Orient au moyen âge» գրքոյիը : Այնուհետեւ թղթակցութիւնը երկու գիտնականների մէջ շարունակում է . յառաջ բերեմ նրա էական մասերը , ինչպէս որ Բել-գիտացի գիտնականը հրատարակել է իր՝ համ-բաւառը La Flandre ամսագրի մէջ<sup>8</sup> :

Հ . Ալիշան 1880 Յունիս 23ին գրում է նրան . «Je soupçonne que notre pauvre nation l'Arménie, devait avoir été représentée parmi les Levantains, commerçant avec Bruges. Votre ouvrage, que j'ai parcouru avidement, bien que ne comprenant pas les passages en flamand, m'a confirmé dans mon opinion» Եւ յետոյ ի մէջ այլոց աւելացնում է . «Dans vos minutieuses recherches dans les archives, auriez-vous rencontré quelque document concernant plus ou moins directement l'Arménie».

Ալիշանի այս նամակն առիթ է տալիս , որ Վանդեն Բիւսքէ լրջօրէն զբաղի նրա յարուցած հարցով եւ իբրեւ իր հետազոտութիւնների արդիւնք մի նոր Գլուխ է զրում նոյն տարին (1880) իր ամսագրում «Les Arméniens» վերհազրի տակ , իբրեւ յաւելուած իր յիշեալ Une question d'Orient au Moyen âge աշխատութեան : Այս յօդուածում նա պատմասիսնում է Ալիշանին հետեւեալ տողերով .

---

<sup>8</sup> La Flandre, Revue des monuments d'histoire et d'antiquités. Directeur Vanden Bussche, archiviste de l'Etat. Bruges 1880.

«Եթէ մեր յարգելի թղթակիցն այս հարցումով ի նկատի ունի՝ diplômes, chartes, lettres-patentes, octrois կամ որ եւ է այլ վաւերագիր վեհապետական իշխանութիւնից տրուած, ցաւ ի սիրտ պիտի ասենք, որ մեր պատասխանը բացասական է։ Բեղդիայի ոչ մի արքունի դիւանում եւ ոչ էլ գաւառական դիւաններում, այզպիսի վաւերագիրներ՝ անուանապէս Հայերին տրուած, չկարողացանք գտնել, թէեւ բոլոր դիւանները վնասուցինք»։ Հեղինակը յետոյ անցնում է Տրésor des Chartes d'Arménieի վերլուծման, յատկապէս Փլամանների վերաբերմամբ։ Լեւոն Բ. թագաւորի 1214 Ապրիլ 23 թուով հրովարտակում (որով Լեւոն յայտարարում է թէ մի գումար փոխ է առել եւ իբրեւ երաշխաւորութիւն իր հողերի մի մասը գրաւ դրել) յիշուած է Willielmus de Insula անունը։ Այս Վիլէլմուսը Փլաման ասպետ էր, որ Անտիոքի իշխան Բոհմուղի մահից վերջը՝ անցել էր Լեւոն Բ.ի ծառայութեան։ Նոյն Լեւոն Բ.ի իննովկենտիոս պապին գրած նամակում, 1205ին, որ անդ թագաւորը գանգատում է կարդինալ Pierre de Saint Marcelի վրայ, յիշուած է թէ Կիլիկիայում ընդհանուր ժողով է կայացել, որին մասնակցել է Ֆլանդրացի կոմսուհին։

Այսուհետեւ Վանդէն Բիւսքէ յառաջ է ըերում Հայոց վերաբերեալ իր դտած արձանագրութիւնները։

Ճ.Դ. դարից վախստական հայեր սկսում

*WWS*

Enne Եւրոպա դալ: Բելդիացիք 1346ին նրանց  
համար մի տուն են կառուցել Բրիւժի շրջա-  
կայքում, որովէս զի «անտուն եւ անտեղ ճա-  
նապարհորդներն այնտեղ պատովարուին»: *(Ս.յու*  
ապաստանաբանը պատկանել է Բրիւժի  
Saint Bavon մայր եկեղեցուն, որի մատեանի  
մէջ մի արձանագրութիւն կայ 1386ից, Փրա-  
մանիքն լեզուով, որտեղ ասուած է. «daer  
up dien tydt waren vele arme rudders ende  
ook landtloopers ende ook Giptenaers ende  
vremde luyen uyt Armenien ende Asien,  
vluchtende de Sarrasijnen ende comende ten  
groten ghetalle in desen lande»: (*Ս.յու Ժամա-  
նակ կային բազմաթիւ աղքատ ասպետներ,*  
*ինչպէս նաեւ թափառականներ,* նոյնպէս եւ  
*Եղիստացիներ եւ օտարականներ,* որոնք դա-  
լլու էին Հայաստանից եւ Ասիայից: Նրանք  
փախչում էին սարսկինոսներից եւ մեծ թուով  
դալլու էին այս երկիրը:)

*Ս.յու Թուականից էլ յառաջ,* այն է 1321—  
1322ից Բրիւքսէլի Rouge Cloître նշանաւոր  
վանքի երկու կրօնաւորներին վերագրուած  
մի ֆլամանիքն արձանագրութիւն կայ, որ-  
տեղ ասուած է. «doden de Sarrasijnen groote  
schade den Kerstenen in Cipers ende in Ar-  
menien. Ende de coninck von Cipers sant aen  
den paws Jan den XXij om hulpe». (*Սարս-  
կինոսները մեծ չարիք էին հասցընում Կիո-  
ռոսի եւ Հայաստանի քրիստոնեաններին եւ*

Կիսլրոսի թագաւորը՝ Յովհան ԻԲ. Պապի օդ-  
նութիւնն է խնդրել : )

Նոյն թուականին, մի ուրիշ արձանա-  
գրութեան մէջ ասուած է . «op dit jaer soe  
doode de conink van Armenien dusent Sarra-  
sijnen». (Այն տարին Հայաստանի քազա-  
ւորը հազար Սարակինու սպաննեց : )

Բրիւժ եւ մերձակայ Դամբ եւ Եկմիւզ նա-  
ւահանդիսաների հին դրամական հաշիւների  
մէջ շատ անգամ են պատուհում հայ եւ Հայ-  
աստան անունները՝ Hermanie, Harmenie,  
Ermeniers ձեւերի տակ, որոնց դրամական  
նպաստ է տրուել : Մի տեղ, 1447ի արձանա-  
գրութեան մէջ ասուած է թէ նպաստ է չնոր-  
շուած Հայաստանցի քահանաներին (priesters  
ստ Hermenie), որոնք եկել են Բելզիս :

Վանդէն Բիւսք՝ Հայոց վրայ գրած այս  
յօդուածին իբրեւ վերջարան յառաջ է բերում  
սպատմարան Ֆրուասարի մի ընդարձակ տե-  
սութիւնը՝ հին Փրահսերէնով դրուած, Լեւոն  
Զ. Լուսինեանի վրայ, երբ մեր այս վերջին  
թագաւորը գտնուում էր Եւրոպայում 1378ին :  
«Pour ces jours, ասուած է այնտեղ, estoit  
aveuc le roy de France le roy Lion d'Ermenie,  
et estoit tout nouvellement revenu de Grèce  
et de dessus les frontières de son pays». Այս-  
տեղ՝ այն է հետաքրքրականն, որ Եւրոպայի  
ազնուականներ, այս ճանապարհորդութեան  
ժամանակ Լեւոնին մի տեսակ հարցաքննու-  
թեան են Ենթարկել եւ նա նրանց բոլոր հար-

ցումներին պատասխանել է անկեղծօքէն, պատմելով իր արկածներն եւ բացառիութիւններ տալով Հայաստանի այն ժամանակի քաղաքական կացութեան մասին . . . :

Լուսինեանի վրայ Խօսող այս առաջին բելգիացի պատմիչը՝ Ֆրուասար (Froissart), որին բելգիացիք «մեր հին ժամանակադիրների հայրն» են կոչում, Լեւոնին կոչում է նաեւ Livon V. եւ Lionnet de Lusignan: Ֆրուասարի այս ժամանակադրութիւնը հատարակուած է Բելգիացի մեծ պատմաբան Kervyn de Lettenhoveի 24 հասորից բաղկացած ընդարձակ Պատմութեան մէջ (Bruxelles 1870—1877) :

Լեւոն Զ. 1378ի այս ճանապարհորդութիւնից յետոյ գարձեալ եկել է Բելգիա: Իպր (Ypres) քաղաքի արձանագրութիւնների մէջ ասուած է թէ երբ 1385ին Կարոլոս Զ. Դամմ քաղաքն էր պաշտպանում թշնամիների դէմ, նրա հետ էր նաեւ «Հայաստանի թագաւորը»<sup>9</sup>:

Հայ գաղութիւնիւմ հեռանալու դլիսաւոր պատճառն այն էր, որ սա ԺԵ. դարի վերջիրը սկսել էր կորցնել իր կարեւորութիւնն իրեւ նաւահանդիսատ: Ծովեղերքն այնուէս էր լցուել աւազով, որ նաւերն այլ եւս չէին կալողանում մօտենալ որով ամբողջ նաւազնացութիւնը դաղարել էր:

---

<sup>9</sup> Kervyn, Table analytique des noms historiques, T. XX, p. 111.

Բրիւժի անկումից յետոյ բելգիական  
միւս նաւահանդիսարը, Անտվէրպէն կամ Ան-  
վէրսն (Փլ. Antwerpen, գաղղ. Anvers) է  
նրան փոխարինում: Բայց շուտով նրա փառքն  
էլ հետզհետէ նսեմանում է, որովհետեւ Հոլ-  
լանդացիք ամէն միջոց գործ են դնում, որ  
Ամստերդամը ծաղկի: Էսկօ (Escaut) գետի  
րերանը, այսինքն այն հողամասն, որով Ան-  
վէրս հաղորդակցութիւն էր պահպանում ծովի  
հետ, անցել էր Հոլլանդայի ճեռքն, ինչպէս է  
եւ հիմայ էլ: Հոլլանդացիք փակել էին ԺԶ.  
դարի վերջերը, Անվէրսի ծովային ճանա-  
պարհը: Նոյն իսկ Անվէրսի եւ բելգիական  
ծովեղերի քաղաքների մէջ երթեւեկութիւնը  
Հոլլանդացիների հակողութեան տակ էր գըտ-  
նուում: Շնորհիւ այս հանդամանքի Անվէրսն  
այն ժամանակ նոյնպէս ինկաւ եւ դրա փոխա-  
րէն սկսաւ փայլել Ամստերդամի աստղը:  
Ժէ. դարից մինչեւ ԺՅ. դարի սկիզբը, այս-  
էնքն մինչեւ Գաղղիացիների տիրելը, Ամ-  
ստերդամ առաջին տեղն էր գրաւում եւ «Եւ-  
րապական կայսրուհի» տիտղոսն էր ստացել:  
Այս միջոցին է, «ը հայ վաճառականները,  
բայց այս անդամ ոչ թէ միայն Միջերկրականի  
ծովեղերքում բնակողներն, ինչպէս օր. Հա-  
մար Ջմիւնիացիք, այլ գլխաւորաբար պարս-  
կահայերը, նոր Զուլայեցիք իրենց ուշադրու-  
թիւնը դարձրին Ամստերդամի վրայ եւ այն-  
տեղ հիմնեցին մի շատ կարեւոր գաղութ, որ  
տեւեց ամբողջ 200 տարի եւ որ նշանաւոր

հանդիսացաւ ոչ միայն իր առեւտրական գործունէութեամբն, այլ մահաւանդ իր տպարանական ձեռնարկութիւններովն, որոնց նմանը ոչ մի ուրիշ քաղաքում, այդ թուականին, ժէ դարում, չէ երեւացել<sup>10</sup>:

Երբ Բելդիան 1830ին իր կատարեալ անկախութիւնը ձեռք բերեց եւ վերջին քաղաքական հանգամանքները ձեռնտու հանդիսացան, հայերը նորից սկսան Բելդիա դալ, եւ հաստատուեցան կատարելապէս Անվէրս մեծ նաւահանգստում եւ Բըրիւքսէլ մայրաքաղաքում, ինչպէս պիտի տեսնենք:

---

<sup>10</sup> Ամստէրդամի այս համբաւաւոր գաղութի մասին առևա Սարուխան, Հոլլանդան եւ Հայերը: Վեճն նա 1926:

Բ. ԳԼՈՒԽ

Անվերսի Մայր Եկեղեցին։ Թումաս ար-  
քապիսկոպոս Նուրիջանեանի մահն եւ քա-  
զումն այնտեղ։ Նրա քողած իրերը։ Թումասի  
կաքողիկոսական կոնդակներն եւ քաղմաքիւ  
լատիներէն յանձնարագիրները։ Թումասի  
ծրագրած «հայ-լատինական» դպրոցը։ Նրա  
մահուան վկայագիրը։

Հրաշագործ Մակարից յետոյ (Բ. Գլուխ)՝  
Բելգիան հանդստավայր է գարձել մի երկրորդ  
հայ եպիսկոպոսի, որ նոյնպէս նշանաւոր է  
հանդիսացած, թէեւ տարրեր տեսակչափ։  
Բելգիայի հանրահռչակ նաւահանդիսա Ան-  
վերս (կամ Անտվելքապէն) քաղաքի՝ յանուն  
Աստուծամօր Մայր Եկեղեցին (Eglise Ca-  
thédrale de Notre Dame) այն հրաշակերտ  
շէնքերից մէկն է, որ երբ եւ իցէ մարդկային  
հանձարը կառուցել է ի փառա Սրարչին։ Նրա  
մէծութիւնը, ճարտարապետական շքեղու-  
թիւնը, եւ առանձնապէս նրա հսկայական աշ-  
տարակը պատուաւոր տեղ են յատկացնում  
այս եկեղեցուն՝ արուեստի հրաշալիքների  
փոքրաթիւ շարքում։ Ահա այս փառաւոր տա-  
ճարում, այն էլ աւագ խորանի առջեւ, դասի  
մէջ, թաղուած է վանանդեցի թումաս արքե-

պիսկոպոսնուրիջանեան : Ո՞վ էր սա եւ ինչո՞վ  
է նշանաւոր :

Հայ ժողովրդի քաղաքական եւ տնտեսա-  
կան հանգամանքներն այնպէս են դասաւո-  
րուել, որ քաղաքակրթական քայլերն եւ ձեռ-  
նարկութիւնները մարմնացել եւ իրականացել  
են նրա հայրենիքից դուրս եւ ապա ներս ժու-  
ծուել: Այսպէս է եղած յատկապէս տպա-  
գրութեան համար: Հայ տպագիրն առաջին  
անգամ լոյս աշխարհ է տեսել այնտեղ, ուր  
միջոցներ կային այս նոր արհեստից օգտուե-  
լու: Ինչպէս որ առաջին կարեւոր զաղթա-  
կանութիւնը Եւրոպայում՝ Հիմնուել է Վենե-  
տիկում, այդպէս էլ առաջին հայ գերքը  
երեւան է եկել գոժերի այդ հազուադիւտ քա-  
ղաքում: Տպագրութեան գիւտից (1455) հա-  
զիւ 57 տարի վերջն էր, որ Վենետիկում  
երեւաց նրա հայրեն օրինակը, 1512—1513ին:  
Այսուհետեւ հայ տիպն սկսում է տարօրինակ  
կերպով լուսնիւ Եւրոպայի այլեւայլ եւ մի-  
ժանցից հեռու վայրերում: Կ. Պոլսում  
(1567), Հռոմում (1579 և 1584), Լէմբէր-  
դում (1616), Միլանում (1624), Պարիսում  
(1633), եւ Լիվոնյում (1643): Զեներէց  
մի հայ վաճառական էլ մի սերմ բերել, ցա-  
նել է իր հայրենի նոր Զուղայում, 1640ին:  
Բայց այս բոյսերն ոչ մի տեղ հաստատուն  
արմատ չեն բռնել եւ չեն ծլել, ծաղկել: Բո-  
լոր այդ տպագիրները խեղճ եւ անձաշակ դոր-  
ձեր են եղել:

Հայ տապագրութեան առաջին մաքուր, իսկապէս գեղարուեստական արտագրութիւնը լոյս է անսած Ամստէրդամում 1660ին, չնորհիւ էջմիածնայ Յակոբ Դ. կաթողիկոսին։ Հոլլանդացի պատմագիրներն էլ խոստովանում են այդ երբ գրում են՝ «Հայաստանի պատրիարքը Յակոբ, արուեստի եւ գիտութեանց սիրահար մի մարդ, 1656ին լսելով, որ Վենետիկի եւ Նոր Ջուզայի տպարանների տառերը մաշուել, անգործածելի են դարձել, իր սարկաւագ Մատթէոս Շարեցին Հոլլանդաէ ուղարկել, որպէս զի նոր, լաւագոյն տառեր պատրաստել տայ»<sup>1</sup>։ Այս Մատթէոս Շարեցին էլ իր առաջին տպած գիրքը (1660), Շնորհալու «Յիսուս Որդին», անշուշտ իր պետից ստացած հրահանդի համաձայն, մեծ փափկանկատութեամբ նույիրել է Հոլլանդայի իշխաննին՝ «Նորընձա փոխնչիփային Վիլհալմ Օրանիայ»։ Մատթէոսի մահից (1661) յետոյ Յակոբ կաթողիկոս Ամստէրդամ է ուղարկում Ասկան վարդապետին, որ յաջող կերպով շարունակում է առաջինի գործն, եւ 1666ին երեւան է հանում առաջին հայ մաքուր և պատկերազարդ տպագիրը, Աստուածաշունչը։ Ասկան Ամստէրդամում 15 գիրք տպելուց յետոյ ստիպուել է իր գործունէութիւնը տեղափոխել նախ Լիվոնիո եւ ապա Մարսիլիա, ուր եւ վախճանուել է 1674ին։ Յակոբ կա-

<sup>1</sup> Մարտիսան, Հոլլանդա եւ Հայերը, Վիեննա 1926, Ազգային Մատենադարան, թ. ձժջ., էջ 64—71։

թողիկոս՝ այս անդամ իր ձեռնասուն թումաս  
Վանանդեցի վարդապետին է յանձնում տպա-  
րանական գործը : Թումաս այդ ժամանակ  
Գողթն դաւառի Ս . Խաչ վանքի նորոգութեան  
համար ժողովարարութիւն էր անում Հայաս-  
տանի այլ եւ այլ կողմերում . բայց կաթողի-  
կոսի յանձնարարութեամբ անցնում է Եւրո-  
պա եւ նախ դալիս է Հռոմ ,ուր բերել է տա-  
լիս իր Յ մերձաւոր ազգականներին , իր մօ-  
րեղբօրբորդի Մատթէոս Յովհաննիսեանին եւ  
իր եղբօրբորդիք Ղուկաս եւ Միքայել Նուրի-  
ջանեաններին : Սրանցից Մատթէոս Յով-  
հաննիսեան ամբողջապէս նուիրւում է տպա-  
րական գործին եւ 1685ին վերականգնում է  
Հայկական տպարանը Ամստէրդամում . բայց  
գործը կաղում է մինչեւ որ թումաս , որ ար-  
դէն եպիսկոպոս էր , իր եղբօրբորդոց հետ դա-  
լիս է Ամստէրդամ , տպարանը վերակաղմում  
է , ճոխացնում է նոր գործիքներով եւ տա-  
ռերով եւ 1695ից մինչեւ 1705 Հրատարակում  
է Հայերէն մի գեղեցիկ աշխարհացոյց քարտէ՛  
և 13 գիրք , որոնք հիմայ էլ կարող են տպա-  
րական արուեստի զարդ Համարուիլ :

Թումաս Վանանդեցի , 1705ին , Ամստէր-  
դամի քաղաքային նօտարի ներկայութեանը  
կտակ է անում , որով «իր տպարանը բոլոր  
տուարկաններով եւ բոլոր տպած գրքերը՝ թող-  
նում է իր սիրեցեալ Հայրենիքին , որպէս զի  
այն խեղճ քրիստոնեաներն , որոնք ապրում  
են խաւարի մէջ եւ բռնաւորի լուծի տակ ,  
լուսաւորուին» :

Մինչեւ հիմայ յայտնի չէր թէ իր տպագրական գործունքութիւնը դադարեցնելուց յետոյ Թոմաս ո'ւր է զնացել եւ ի'նչ վախճան է ունեցել։ Այժմ շնորհիւ մի բարեպատեհ հանգամանքի որոշ կերպով գիտենք այդ<sup>2</sup>։

1708 Յուլիս 13ին Անվէրս է գալիս ծեր եւ հիւանդ մի հայ արքեպիսկոպոս, որ գիտում է տեղւոյն եպիսկոպոսարանին։ Մայր Եկեղեցւոյ վերատեսուչ հայր Nicolas Ferlatia ընդունում է թէ՛ նրան, եւ թէ նրան հետեւող 2 հայ ուղեւորներին եւ տեղաւորում է եպիսկոպոսարանում։ Մայր Եկեղեցին հոգում է նրանց բոլոր ծախքը։ Հարկ եղած րժշկական գարմանները մատուցանում են

<sup>2</sup> Աւելորդ չեմ համարում պատմել այս հանգամանքը։ Անվէրսի պիտական դիւանի նախկին կառավարիչը՝ Վաննէրիս (J. Vannerus, այժմ ակադեմական), իր Հսկողութեանը յանձնուած հին յիշատակարանները կարդի բերելու ժամանակ, պատահում է մի կապոցի, որտեղ իրեն անձանօթ լեզուով զրուած թղթեր են եղել եւ լատիններէն ձեռագիրներ, որոնցից մէկն առանձնապէս զրաւել է նրա ուղարկութիւնը։ Այս ձեռագրի մէջ ասուած էր թէ ոմն հայ արքեպիսկոպոս 1695ին Արևոքդամում տպարան է ունեցել եւ բազմաթիւ՝ Հոգերէն լեզուով զրքեր եւ քարտէններ է տպել։ Այս «Նորութիւնը» նրան այնչափ զարմացրել է, որ մի յօդուած է զետեղել այդ ժաման Բրիւսէֆ Revue des Bibliothèques et Archives de Belgique Հանդէսի մէջ (1906). Note sur une Imprimerie Arménienne à Amsterdam վերնագրով։ Պատահմամբ ծանօթանալով այդ յօդուածին ես անմիջապէս տեսնուեցայ Պ. Վաննէրիւսի հետ, որ հաճեցաւ մի օրինակ նուիրել ինձ այդ յօդուածից եւ միեւնայն ժամանակ միջամտել, որ վերոյիշեալ կապոցը Անվէրսից Բրիւսէլ բերուելով զրուի իմ տրամադրութեան տակ։ Այս կերպով ես հնարաւորութիւն ունեցայ քննել մանրամասն նրա բովանդակութիւնը։ Օգտուած եմ այս առթից խորին չնորհակաւութիւնը։ Վաննէրիւսին։

հիւանդին, բայց իր յառաջացած տարիքի  
սպատճառով հիւանդութիւնն ընկնում է նրան  
եւ հայ արքեպիսկոպոսը աւանդում է իր հո-  
գին, «Հռոմէական կաթոլիկ եկեղեցու Ս. Խոր-  
հութներն ընդունելով», ինչպէս ասուած է  
նրա մահուան վկայականում: Եպիսկոպոսի  
տեղապահն եւ միւս Եկեղեցի կանոնիկոս-  
ները հանդիսաւոր թաղում են կատարում եւ  
հայ արքեպիսկոպոսի մարմինը զետեղում են  
Մայր Եկեղեցւոյ աւագ խորանի առջեւ, դա-  
սում, այնտեղ, ուր նրանից շատ յառաջ, այն  
է 1590ին, մի ուրիշ Եպիսկոպոս է եղել թա-  
ղուած, որի տապահագիրն է՝

D. O. M. Monumentum Huguini Hiberni  
Archiepiscopi Thuamensis, obiit nonis Augusti  
M. D. X. C.

Ահա այս տապահում է հանդչում այժմ,  
կապտագոյն տապահաքարի տակ, մեր ծա-  
նօթ թումաս վարդապետ Վանանդեցի Նուրի-  
ջանեան, Գողթան գտաւոփ Ս. Խաչի վանա-  
հայր, արքեպիսկոպոս եւ Հայ Տպագրութեան  
մեծ գործիչը:

Տիուր յուղարկաւորութիւնից յետոյ  
Եպիսկոպոսարանի քարտուղարը հայր Հայ-  
րէնս (Hybens) կանչում է քաղաքային նոտա-  
րին եւ ինդրում է որ ըստ օրինի ցուցակագրէ  
հանդուցեալի իրեղէնները: Նոտարը՝ Jacques  
Boeye՝ Մայր Եկեղեցու արարողապետ հայր  
Վան դէր Ստենդէն (Stegen) կանոնիկոսի հետ  
միասին մի առ մի ցուցակագրել է բոլոր

իրերը : Ներկայ են եղել եւ մասնակցել են թումասի հետ եկած երկու հայերն , որոնց առուներն են Յովհաննէս Գասպար (Johannes Gaspars) եւ Պետրոս Ալվարէդ (Petrus Alvarez) : Յուցակը կաղմուած է Փլաման լեզուով , որ Անվէրսի պաշտօնական լեզուն է : Ահա ինչպէս է նկարագրում Յուցակն՝ այս իրերը .

1. Մի կաշխով պատաժ սնտուկ , որի մէջ կային նոր տպուած գրքեր , մէկ մասը կաղմուած , միւսն անկազմ , «Հայերէն լեզուով եւ գրերով» :

2. Մի ուրիշ սնտուկ , դարձեալ հայերէն գրքերով . նաեւ երկու սեւ անդրավարտիք :

3. Դարձեալ մի սնտուկ հայերէն զանազան գրքեր :

4. Մի սնտուկ ճերմակեղէն եւ մէջը հայերէն լեզուով մի Պատարագամատոյց :

5. Մի կաշիէ պայուսակ , այլ եւ այլ հազուստեղէնով : Յովհ . Գասպար յայտնեց թէ այդ պայուսակն իրենն է :

6. Կտաւէ պարկ , հաղուստեղէնով : Պետրոս Ալվարէդ յայտնեց թէ այս պարկն իրենն է :

7. Մի փակ կողով , չին բարձեր եւ կաւեղէն , անարժէք :

«Թումաս եղիսկոպոս , շարունակում է նոտարը , եկել է Անվէրս , որպէս զի այստեղից նաւով վերադառնայ իր հայրենիքը , Պարսկահայաստան» :

Այսուհետեւ նոտարը միշում է հանգուցեալի թողած թղթերն , որ ես յառաջ պիտի

բերեմ մանրամասնօրէն, նրանց թուականի կարգով: Թղթերից երեքը հայերէն են, մնացածները լատիներէն: Նոտարն եւ Եկեղեցու կանոնիկոսները հայերէն չգիտենալով, հաւատացել են հայ հետեւորդների տուած բացարութեան, այս պատճառով նրանց բովանդակութիւնը Յուցակում սխալ է արձանագրուած: Հայերէն ձեռագիրների պատճէններն են միայն մնացել, անշուշտ հայ կիսագրադէտ սպասաւորի ձեռքով ընդօրինակուած, այդ պատճառով ուզգագրական վրիպակիներով լի:

**Ահա այդ հայերէն թղթերը.**

1. «Յիսուսի Քրիստոսի ծառայ Յակոբ կաթողիկոս ամենայն Հայոց եւ պատրիարք Վաղարշապատուքրիստոսահիմն եւ լուսակառոյց Աթոռոյ Էջմիածնի» իր օրհնութիւնն է չնորհում «ընդհանուր ամենայն հայկական ցեղի աստուածանէր եւ բարեկաշտ հանճարաշահ վաճառականաց, եկաց եւ բնակաց, մեծաց եւ փոքրուց, առ հասարակ ամենեցունց» եւ յայտնում է թէ «յերկրին Գողթնեաց վանք մի կայր սուրբ Խաչ անուն, որոյ Եկեղեցիքն եւ ամենայն շինութիւնք ի վաղուց յետէ աւերեալ եւ իսանգարեալ կայր, եւ եղեալ անբնակ քահանայից եւ Եկեղեցական միարանից եւ բնաւին ի քրիստոնէից, որոց փոխանակ այլաղդիք տիրէին, եւ յահէ այլազգեաց ոչ ոք չկարէր ի քրիստոնէից մօտաւորել կամ մերձենալ անդ, բայց հոգեւոր որդին մեր Թոմաս վար-

զապետ ձեռնարկեալ մեծաւ ջանիւք եւ աշ-  
խատութեամբ եւ բազում ծախիւք նորոգեալ  
պայծառացոյց դեկեղեցին եւ զվանքն . իսկ  
այժմ անկեալ կայ ի ներքոյ բազում պարտուց  
վասն չինութեան կողմանէ , որոյ վասն տուաք  
զայս նամակս , օրհնութեամբ , շրջել ի գրունս  
քրիստոսասէր վաճառականացդ եւ պարոն  
դոլմաթաւորացդ ինդրել ողորմութիւն վասն  
սիրոյն Քրիստոսի եւ յուսոյ արքայութեան .  
ամենայն ոք , ըստ իւրաքանչիւր կարեաց ,  
զմիմիանս յորդորելով եւ միմիանց բարեաց  
պատճառ լինելով յօժարամիտ կամօք եւ յայ-  
տարար սրոով ողորմութիւն արարէք . . . » :

«Գրեցաւ ի թուին ՌՃԺ , Մարտի ամսոյ  
իլ . յաւուր հինդշարթի եւ ի դրան սրբոյ էջ-  
միածնի» :

Հստ այսմ կոնդակը գրուած է 1661  
Մարտ 28ին , ժողովարարութեան նպատակով  
ի նպաստ Ս . Խաչ վանիքի : Իսկ նօտարը նրա  
րովանդակութիւնը Փլամաներէն արձանա-  
գրել է այսպէս . «վկայական Հայոց Յակոբ  
պատրիարքի՝ տրուած Թոմաս Վարդապետի  
եպիսկոպոսական օծման մասին , 28 Մարտ  
1660ին» :

2. Երկրորդ թուղթն եւս նոյն Յակոբ կա-  
թողիկոսից է եւ սկսում է այսպէս . «Յիսուսի  
Քրիստոսի ծառայ Յակոբ կաթողիկոս եկե-  
ղեցւոյ ընդհանուր հայկական տոհմի վիճա-  
կեալ սրբոց առաքելոցն Բարթուղիմէոսի եւ  
Թաղէոսի , տեղապահ եւ յաջորդ սրբոյն Գրի-

դոր հօրն մերոյ Լուսաւորչին, եւ պատրիարք  
Վաղարշապատու...» : Կաթողիկոսը այս կոն-  
գակը տալիս է նոյնպէս Թոմմաս վարդապետին  
ուր երթայ Սալմաստի եւ Խոյի կողմերն եւ ժո-  
ղովարարութիւն անէ նոյն Ս. Խաչ վանքի հա-  
մար, որ «Հայցի կողմանէ կարի պակասու-  
թիւն ունի» եւ յորդորում է տալ «անտրապունչ  
երեսօք եւ պայծառազոյն դիմօք» :

«Գրեցաւ ՌՃԻԱ. Հոկտեմբեր քսանհինդ»  
= 1672 :

3. Երբորդ հայերէն թուղթն էլ նոյն Յա-  
կոր կաթողիկոսի կողմից տրուած, ուղղուած  
է «Վանի թեմի եւ վիճակի առաջնորդաց,  
որդւոց մեր սիրելեաց եւ համօրէն քահա-  
նայից, նաև ժողովրդեան» դարձեալ Ս. Խաչի  
համար եւ յորդորում է, որ օդնեն Թոմմաս  
վարդապետին, «սիրով եւ յօժարութեամբ,  
ցորենով եւ այլ ինչ նիւթով եւ ողորմու-  
թեամբ» :

«Գրեցաւ թուղթս ՌՃԻԲ. Յունիս ամ-  
սոց Ժ. ի յանապատս մեծ Ստաթէի» =  
1673 :

Նօտարն այս երկու կոնդակների հայերէն  
պատճնների տակ էլ զբում է, թէ այս թղթերն  
«անցագիրներ» են Հայոց Յակոբ կաթողիկոսի  
կողմից Թոմմաս վարդապետին տրուած» :

Իսկ լատիներէնները բնականարար ճշգու-  
թեամբ են արձանագրուած : Այս թղթերի բո-  
վանդակութիւնն է՝

4. Հոռմ, 1682 Յուլիս 9. «Հայոց եւ

Հնդկաց պաշտպան» (Armenorum Indorumque Protector) կարգինալ Cybo, ջերմօրէն յանձնաբարում է «հայ ուխտաւոր, Հայաստանի Ս. Խաչ վանքի վանահայր թումաս եպիսկոպոսին» եւ խնդրում է, որ նրան ամէն տեղ սիրով ընդունին եւ նրա նանապարհների ապահովութեանը հոգտանին : Ստորագրուած է A. Cardinalis Cybo, Protector եւ դրուած է նրա պաշտօնական կնիքը :

5. Դրանից մի քանի տարի վերջը թումասին գտնում ենք Քրիստովում, ուր ներկայանում է պապական նույնակին, եւ սա 1693 Հոկտեմբեր 27 թուով մի Յանձնաբարական է տալիս, որի մէջ նույնակը դրում է թէ Հոռմից 21 Հոկտեմբեր 1681 թուով ստացած պաշտօնագիրը վկայում է թէ Rd. Sr. Thomas Vardapet Devanant (Վանանդեցի) իրօք «Հայաստանի Ս. Խաչ վանքի եպիսկոպոս» է : Եւ որովհետեւ, ասում է նույնակը, նա այսչափ հեռաւոր երկրից է եկել, ուստի այն բոլոր անձերն, որոնք նրան սիրավիր ընդունելութիւն ցոյց կու տան, արժանի կը մինին Համբաւաւոր արեւելեան եկեղեցիներին (prosequantur de famoso nomine ecclesiarum orientalium egregie merituri) : Ստոր. J. Piazza նույնակն եւ M. Pigliarch, քարտուղար : Դրուած է նույնակի պաշտօնական կնիքը :

Շնորհիւ այս յանձնաբարականի նա ազատ կերպով շրջում է ամբողջ Բելգիայում եւ բոլոր տեղական եպիսկոպոսներից արտօնու-

թիւն ստանում իրենց եկեղեցիներում իր մայրենի հայերէն լեզուով պատարադելու (in genuina sua lingua, in lingua armenica) : Նրա թղթերի մէջ կան այսպիսի վկայականներ՝ Մալինի արքեպիսկոպոսից 28 Հոկտ. 1693, Անվէրսի եպիսկոպոսից 14 Նոյեմբեր 1693 թուով . իսկ երկու տարի վերջը , չեղդէսհէյմի եպիսկոպոսից 1695 Յունիս 5 թուով եւ նոյն տարին նաեւ Գանի (Gand) եպիսկոպոսից :

Ինչպէս գիտենք նա այդ տարին 1695ին եկել է Ամստէրդամ եւ այնտեղ հիմնարկել իր տուղարանը : Բայց երկար չէ մնացել : Քանի որ իր ազգականները յաջող կերպով վարում էին տաղարանական գործը , ինքը հարկ է համարել անցնիլ Վիեննա : Այստեղ մէր ճարպիկ Վանանդեցին ամբողջ կէս տարի է մնում եւ յաջողում է 2 կարեւոր յանձնարարական ձեռքբերել :

6. Վիեննայի արքեպիսկոպոսը 1697 օգոստ . 14 թուով գրութեամբը վկայում է , որ «Գերապատիւ Տէր Վարդապետ Վանանդ (Rever. Sr. Vardapet Wanand) , Ս. Խաչ վանքի աբբայ եւ Մէծ Հայքում Գողթան արքեպիսկոպոս» , մօտ կէս տարի մնացել է Վիեննայում եւ եկեղեցական պաշտօն վարել , մէծ արժանապատռութեամբ , առանց որ եւ է առիթ տալու «ոչ բանագրանքի , ոչ կախակայման եւ ոչ որ եւ է քննութեան» : Ստորագրեապիսկոպիկ . Joes Baptista Mair եւ եպիսկո-

նոտար Melchior Scheibelavս : Դրուած է պաշտօնական կնիք :

7. Թոմաս Վլիեննայում ատանում է ջերմյանձնաբարական նոյն ինքն Աւտորիոց կայսր Լէոպոլդից, 1697 Մեպտ. 5 թուով, մագաղաթի վրայ զրուած եւ կայսերական կնիքով, սրտել կայսրը գովում է հայ եպիսկոպոսի քրիստոնէական եռանդը :

Անցնում է գարձեալ 2 տարի : Թոմաս 1699ին նորից Բելգիայումն է եւ Անդէրսում տեսնուում է Բոլլանդեանների հետ : Նրա այս տեսակցութիւնը պատմուած է Acta Sanctorumում, ինչպէս պիտի տեսնենք յետագայ Գլխում : Այդ տարին նա հարկ է համարել նոր յանձնաբարական ստանալ Բելգիայում :

8. Այս նոր գրութեան մէջ, որ կրում է 1699 Յուլիս 7 թուականն եւ ստորագրուած է Մալինի արքեպիսկոպոս Humbert Guillaume de Precipiano, մանրամասն յիշուած են մեր Վանանդեցու բոլոր տիտղոսները լատիներէն այսպէս՝ Rever. Dom. Thomas Vardapet Nationē Armenum, ordinis St. Antonii abbatis, Dei gratie et matris ecclesie archiepiscopum Goghtanensem, monasterii S<sup>ac</sup>e Crucis, in Majore Armenia, hygamenum sive prepositum abbatem, որ Հոռմայ Եկեղեցւոյ Ս. Աթոռի հետ հաղորդութեան մէջ է : Բելգիացի քրիստոնէական մէջ է արքեպիսկոպոսը ջերմագին յանձնաբարում է, որ ամէն ոք նոպաստէ «այս անձնուէր Եկեղեցականին, որ թշնամիների տիրապե-

տութեան տակ դանուած մի երկրում բնակելով եւ կեանքի բաղմաթիւ վտանգների ենթարկուելով հանգերձ պահպանել է իր կրօնու բարեպաշտութիւնը» :

Թոմաս Բելգիայից դառնում է Ամստէրդամ, տպարանական գործի վրայ Հոկելու համար : Բայց 2 տարի վերջը դարձեալ ուղեւորութեան է սկսում, այս անգամ դէպի Գաղղիա :

9. Նրա թղթերի մէջ գամում ենք մի ջերմ յանձնաբարական 1702 Մարտ 3 թուով, Պարիսում, Յենեդիկտեան կրօնաւորական կարգի ընդհանուր մեծաւորից արուած (humilis superior generalis congregatiois ordinis sanctae benedictae) : Ասոր . Claudio Boistard :

10. Պարիսից նա դարձել է Ամստէրդամ, ուր 1705ին կատարել է իր նշանաւոր կատակը 1705 Հոկտ. 30 թուով որի լատիներէն բնագրի մի օրինակը կայ նրա թուղթերում : Այս կարեւոր վաւերագրի ամբողջ քարզմանուքին ևս արդէն ուրիշ տեղ<sup>3</sup> զետեղած լինելով, աւելորդ եմ համարում այստեղ կակնել : Ինչպէս վերեւ յիշեցի, այս թուղթին է, որ ամէնից աւելի դրաւել է օտարի ուշադրութիւնը :

Հետաքրքրական է որ Թոմաս չէ բաւականացել այսպէս Բելգիա, Աւստրիա, Գերմանիա, Գաղղիա եւ Իտալիա ճանապարհոր-

---

<sup>3</sup> Սաբուխան, Հուլանդա եւ Հայերը : Վեհննա, Միհթ. Տպար., 1926, էջ 106—120:

դելով. նա գնացել է նաեւ Անդլիա : Այս  
երեւում է նրանից, որ նրա թղթերում եղել է՝

11. 1707 Յունիս 8 թուով անգլիական  
անցաղիր, մազաղաթի վրայ, լատիներէն լե-  
զուով գրուած, Անդլիոյ Սննա թաղուհու ա-  
նուամբ տրուած եւ այս վերջինի արքայական  
կնիքովը կնքուած :

Այս վերջին ճանապարհորդութիւնից յե-  
տոյ է, որ նա որոշել է գառնալ իր հայրե-  
նիքը եւ ինչպէս վերեւ տեսանք, 2 հայ հե-  
տեւորդներով եկել է Անգլիա, որպէս զի այն-  
աեղ նաւ նստի հաւանականարար Զմիւռնիայի  
համար . իսկ այնտեղից դիւրին էր ցամաքային  
ճանապարհով Գողթն դաւառ կամ իր Ս.  
Խաչի վանքը երթալ : Բայց բախտը տարբեր  
կերպով էր տնօրինել . . . .

Ի՞նչ էր արդեօք նրա այս բոլոր մեծ  
ճանապարհորդութիւնների եւ ուսուցչապետ-  
ներից<sup>4</sup>, եղիսկոպոսներից, կարդինալներից  
և նոյն իսկ կայսրից առած այլեւայլ յանձնա-  
բարականների նպատակը :

Թոմասի թղթերի մէջ գտնուած մի  
տպեալ, լատիներէն ուղերձ՝ բացատրում է  
այդ նպատակը :

Այս գրուածքը, առանց թուականի է եւ  
ուղղուած է՝ «աշխարհական եւ եկեղեցական

<sup>4</sup> Հոլլանդական նօտարը վկայում է, որ Թոմաս  
յանձնաբարական է սննեցել, իբրեւ իր «քրիստոնէա-  
կան եռանդին ապացոյց» նաեւ Գերմանիայի Hall քա-  
ղաքի (Մազդէբուրդի մօտ) Augustus Hermanns Fran-  
tius ուսուցչապետից :

իշխաններին, դուքսերին, մարքիզներին, կոմսներին, բարոններին, եւ առ հասարակ ամէն վիճակի եւ դաստկարգի անձերին» :

«Իմ պատանեկութիւնից սկսած, տառւմ է այնաւեղ թոմաս Վահանգեցին, ևս միտք ևս ունեցած իմ թեմում մի լատինահայկական դպրոց հիմնել (ab adolescentia meâ hanc usque in gravesentem aetatem in meâ Diocesi Collegium utriusque Litteraturae Latino-Armeno idiomate stabiliendi animus mihi fuit semper . . .) : Այս նպատակով Պարսկահայաստանից Եւրոպա բերել տուի իմ ազգական երեք պատանի, որպէս զի նրանցից երկուսը ընտիր ուսումնով եւ բարքով կրթուին, իսկ միւսը տպագրական արուեստին հմտանայ : Տպարանը անհրաժեշտ էր իմ ծրագրած դպրոցին զբեանք հասցընելու համար . . . : Այս երիտասարդներն եկան եւ լիովին իրականացրին իմ սպասածը : Այժմ մնում է, որ նրանք էլ հնարաւորութիւն ունենան կրթել մեր այն թշուառ քրիստոնեաներին, որոնք գտնուում են խաւարի մէջ եւ առըստ են բռնաւորական լուծի տակ : Այս նպատակի համար պէտք է որ իմ հայրենիքում այդպիսի մի դպրոց բացուի եւ տպարանս էլ այնաւեղ փոխագրուի . . . » :

Գործի էութիւնն այսպէս բացատրելուց յետոյ թոմաս խնդրում է բարեսէր եւ բարեպաշտ Եւրոպացի ընթերցողներից, որ չինայեն իրենց օժանդակութիւնը եւ նրանց ջերմեռանդութիւնը շարժելու համար պատշաճաւոր

խօսքեր է յառաջ բերում Աւետարանից, Դործք Առաքելոցից եւ Սաղմոսից: Աւետարանից յառաջ բերած խօսքն է՝ sine me nihil potestis facere «Առանց իմ ոչինչ կարէք առնել» (Յովհ. ԺԵ. 5):

Ի՞նչ է եղած այս շրջաբերական ուղերձի արդիւնքը՝ յայտնի չէ: Նօտարական արձանագրութեան համաձայն, նրա մահուանից յետոյ որ եւ է գումար չէ գտնուած իր քով: Այժմափ միայն յիշուած է այնտեղ թէ իր հայ հետեւրպները «Գասպար եւ Ալլարէզ յայտնեցին թէ հանգուցեալն ընդ ամէնը 5 դուկատ (ducats) ունէր, որ ծախսուել է նառավարձի, բժշկի եւ գեղերի համար»: Այնպէս որ, նոյն իսկ նօտարական ծախսն Անվէրսի եկեղեցին է վճարել, ինչպէս վկայում է նօտարի ընկարագիրն, որտեղ ասուած է թէ «Հայաստանի հանգուցեալ արքեպիսկոպոսի իրերը ցուցակագրելու համար գործածուել է 26 թերթ թուղթ եւ ծախսը 14 Տ. (տեղական դրամ) է»:

Թոմասի այս անակնկալ վախճանից յետոյ նրա հետեւորդները խնդրել են, որ իրենց մի վկայական տրուի այս տիրուք եղելութեան մասին, որպէս զի նրանք անարդել շարունակեն իրենց ճանապարհը: Ըստ այնմ Անվէրսի Մայր Եկեղեցու եպիսկոպոսական Տեղապահից 22 Աւելանմբեր 1708 թուականով այդպիսի մի վկայական ստանալով Յովհ. Գասպար եւ Պետրոս Ալլարէզ մեկնել են իրենց երկիրն եւ իրենց հետ անշուշտ տարել թո-

մասի բոլոր իրեղէններն, որովհետեւ դրանց  
հետքը չէ մնացել Անվեկրոռում :

**Շատ հետաքրքրական վաւերագիր է այդ-**  
**վկացականը, որտեղ պատմուած է ամբողջ**  
**և զելութիւնն եւ միանգամայն բարի վկացու-**  
**թիւն է տրուած հայ սպասաւորների մասին :**  
**Այդ թղթի մի օրինակը կցուած է Յուցակին**  
**և դանւում է կապոցում :**

Vicarij generales Episcopatus Antver-  
piensis vacantis etc.

Omnibus has visuvis salutem in Domino:  
Notum faciemus et attestamur quod die 13 July  
 anni 1708 ad urbem hanc Antwerpiensem  
venerit Ill<sup>mus</sup> ac Rey<sup>mus</sup> D<sup>mus</sup> Thomas Varda-  
piet Archiepiscopus St<sup>ae</sup> Crucis in Gochtan,  
Abbas St Ordinis St<sup>ti</sup> Antonij Perso-Armenia,  
hic vir confectae aetatis in Armeniam jter pro-  
sequi cupiens praepeditus jnfirmitate, eaque  
continuo jnvalente, tandem eccl<sup>iae</sup> Catholi-  
cae Romanae sacramentis vite munitus, hic pie  
obdormivit jn Domino, die nempe 8 Septem-  
bris, eiusdem anni, et quiescit jn choro eccl<sup>iae</sup>  
nostrae cathedralis ante summum altare jn se-  
pulchro, cuius jnscriptio in verbis ut sequitur:  
*Heignini Hyberni Archép<sup>i</sup> Tuamensis, post*  
cuius obitum ministri eius Joannes Gasparis  
et Petrus Alvarez hinc jn Regionem suam re-  
dire meditantes, humiliter nobis supplicarunt  
sibi concedi Litteras commendatitas, quorum  
desiderio libenter annuentes testamur dictos

supplicantes, a tempore quo hic degerunt, sese, ut honestos viros decet, gessisse et religionis nostrae catholicae munera exercuisse, proinde eosdem uti tales, omnibus quorum opera ac favore indeguerint in Domino commendamus. Datum Antverpia, in vicariatu nostra die 22 Septemb. 1708.

(*Utopia.*) Demandato adm. RR. ac Ampliss: Dnorum Vivariorum Conclu-  
rum (?)

ՀԱՅԵՐԵՆ ԹԱՐԳՄԱՆՈՒԹԻՒՆ է

Անտվերպէնի Եպիսկոպոսական աթոռի  
թափուր լինելովը նրա ընդհանուր տեղակալ-  
ները յայտնում են՝

Բոլոր նրանց, որոնք կը կարդան այս  
գիրն՝ ողջոյն ի Տէր: Ծանուցանում եւ վկացում  
ենք, որ 1708 Յուլիս 13ին Անտվերպէն քա-  
ղաքս եկաւ Գերապ. եւ Գերապայծառ Տէր  
թուլմաս վարդապետն, Արքեպիսկոպոս Ս.  
Խաչ (վաճեքի) Գողթն (գաւառի), Պարսկա-  
հայքում, Վանահայր Ս. Անտոնի կարգի: Այս  
անձը, որ ծեր էր, փափազել էր Հայաստան  
վերադառնալ, առկայն Հեւանդութիւնն, որից  
վաղուց տառապում էր, արգելք դարձաւ:  
Նա՝ Հոռմէտական կաթոլիկ եկեղեցու Ս. Խոր-  
հուրդներով զօրսնալով այստեղ բարեպաշ-  
տօրէն ի Տէր հանդեաւ, տարւոյս Սեպտեմ-  
բեր 8ին, եւ հանդչում է այս Մայր Եկեղեցու  
դասի աւագ խորանի առջեւ, այն տապանի  
մէջ, որի վրայ այսպիսի արձանագրութիւն

կայ՝ «Heignini Hyberni Archépi Tuamen-sis<sup>5</sup>» : Նրա մահից յետոյ իւր սպասաւորները՝ Յովհաննէս Գասպար և Պետրոս Արքարէդ՝ իւնց երկիրը գառնալ ուզելով, խոնարհաւուր խնդրեցին մեղնից, «որ Յանձնաբարական թղթեր տանք նրանց : Ուստի ընդ առաջ գնաւով այս բաղձանքին, սրանով վկայում ենք, որ յիշեալ խնդրատուները, որքան ժամանակ որ նրանք այստեղ մնացին, իրրեւ սպարկեցտ մարդիկ ապրեցան և մեր կաթոլիկ կրօնի սպարտականութիւնները կատարեցին : Հստ այսմ յանձնաբարում ենք նրանց ի Տէր, իրրեւ օգնութեան արժանի կարօտ անձեր : Տրուած է Անովէրպէնում, մեր Տեղակալութեան ժամանակ, 1708 Սեպտեմբեր 22ին :

---

<sup>5</sup> Անովէրպէնի (կամ Անվէրսի) պետական գիւղանի յիշատակարանների մէջ տեղեկութիւն կաց նաեւ այս հանդուցեալի մասին: Այստեղ ասուած է, որ Տուամի (Tuam) արքեպահոստան Milerus Hignius 1590 Օդոսուս 4ին իր կոտակը չինելուց յետոյ երկրորդ օրը վախճանել է Անովէրպէն:

## Թ. ԳԼՈՒԽ

Բոլլանդեան «ընկերութեան» ծագումն եւ կրած «փորձանքները» : Acta Sanctorum եւ նրա մէջ Ազարանգեղոսի ֆնադատութիւնը : Բոլլանդեանների միւս հրատարակութիւնները : Հայագէտ Բոլլանդեաններ . h. P. Peeters եւ նրա հայագիտական երկասիրութիւնները : Բոլլանդեանների Մատենադարանը բրիւժում :

Բելգիայում Հայագիտութեան տարածման համար կարեւոր զեր է կատարած եւ շարունակում է կատարել Société des Bollandistes (Բոլլանդեանների Բնկերութիւն) անունով յայտնի կրօնաւորական կարգը, որի լատիներէն համբաւաւոր պարբերական Հրատարակութիւնը Acta Sanctorum (Գործք Սրբոց) հանրածանօթ է գիտական աշխարհին : Բայց նախ քան Բոլլանդեանների Հայագիտական տապարէզում ունեցած գործունէութեան մասին խօսիլը, առելորդ չեմ համբաւում մի ընդհանուր ակնարկ նետել այս «Ընկերութեան» ծագման պարագաների եւ նրա ուղղութեան վրայ :

Հոլլանդացի մի «յիսուսեան» կրօնաւոր,  
Հ. Ռուբերդէ անունով (Heribert Rosweyde),

որ իրեն նպատակ էր ընտրել սուրբերի կեանքն  
 ու վարքն ուսումնասիրել, իրաւամբ նկատել  
 էր, որ վկայաբանութիւնները, այսինքն սուր-  
 բերի գործերի նկարագրութիւնները վիտում  
 են բազմաթիւ անհաւատալի դէպքերով, չա-  
 փաղանցութիւններով կամ ընդհանրապէս  
 այնպիսի պատմութիւններով, որոնք հեռու են  
 նշմարտութիւնից: Եւ նա գալիս է այն եղբա-  
 կացութեան, թէ այդ առասպելներն աւելի  
 վնաս են պատճառում կրօնասիրութեան քան  
 թէ օգուտ: Ուստի նա որպչում է մի նոր, լուրջ  
 ժողովածոյ կամ նորատեսակ «Վարք Սրբոց»  
 գրել, որի մէջ միայն ճշմարիտ կամ գոնէ  
 ճշմարտանման դէպքեր պատմուէին: Բայ  
 այսմ սուրբերի գործերն ու վարքը պիտի  
 խմբագրուէր աւելի անկողմնակալ կերպով եւ  
 աւելի լաւ քննուած եւ ստուգուած աղբիւր-  
 ների հիման վրայ: Առզվէյդէ իր այս գաղա-  
 փարը ներկայացնում է Հռոմ կարդինալ Բէլ-  
 լարմինին, նրա հաւանութիւնը ստանալու  
 համար եւ կարդինալն ոչ միայն հաւանութիւն  
 է տալիս, այլ եւ ամէն կերպ քաջալերում:  
 Առզվէյդէ՝ այդ նպատակով սկսել էր ամէն  
 կողմից նիւթեր ամբարել եւ արգէն մեծ ա-  
 տաղձ էր ժողովել իր հսկայական ծրագրի  
 իրականացման համար, երբ մահը վրայ է  
 հասնում 1629ին, Բէլլիայում: Այն ժամանակ  
 մի ուրիշ յիսուսեան կրօնաւոր բելգիացի  
 հայր Յովան (Jean Bolland) անունով,  
 յանձն է առնում կատար ածել այս ձեռնար-  
 կութիւնը, օգտուելով Առզվէյդէի հաւաքած

նիւթերից : Այս կերպով երեւան է դաշիւ Acta Sanctorumը, որի առաջին երկու հատորները 1643ին հրատարակւում են Բելգիայի Անտվելքում (Antwerpen կամ Anvers) քաղաքում : Ահա այս Բոլլանդի անունով է, որ նրա դործը շարունակող յիսուսեան կարգի կրօնաւորների խումբը սկսել է այնուհետեւ կոչուիլ «Բոլլանդեանների Ընկերութիւն» : Հ. Բուլլանդի գործակիցն էր իրեն նման տաղանդաւոր աշխատող եւ բազմահամուտ մի կրօնաւոր, Հ. Հենոքէն (P. Godefroi Henschen) : Մրանք երկուսը 1658ին հրատարակում են Յ հատոր եւս : Առաջին 2 հատորը յատկացուել էր այն սուրբերին, որոնք տօնուում էին Յունուար ամսամ, իսկ վերջին Յ հատորները Փետրուարին : Հոռմի բարձրագոյն հոգեւոր իշխանութիւնը դհահատեց նրանց այս ձեռնարկը : Աղեքսանդր է. պատլը Հ. Բուլլանդին եւ իր աշխատակիցներին Հոռմ հրաւիրելով նրանց տրամադրութեան տակ է գնում Վատիկանի դիւաններն, որպէս զի այնտեղ վիճուեն եւ քննեն ինչ վաւերագիր, որ օգտակար գտնեն իրենց նպատակի համար : Բուլլանդ՝ հիւանդութեան ուստաձառով անկարող լինելով ճանապարհորդելու, Հ. Հենոքէն (Henschen) եւ մի ուրիշ նշանաւոր աշխատակից Հ. Պապեբրուկ (Papebroek) օգտուում են այս նպաստաւոր հանդամանքից եւ ոչ միայն Վատիկանի հին վկայաբանական ձեռագիրներն են քննում, այլ իտալիայի, ինչպէս նաև Գերմանիայի եւ Գաղղիայի կարեւոր մատենադարաններն աչքից

անցընելով ընդարձակ նիւթ են ժողովում : Այս  
կերպով Acta Sanctorumի նորանոր հատոր-  
ներ են հրապարակ գալիս : Բոլլանդեաններն  
իրենց այս նոր «Վարք Սրբոցում» դաել, մա-  
քրել էին բոլոր հին վկայաբանութիւնները,  
անաչառ քննութեան ենթարկելով մի խումբ  
սուրբերին վերագրուած հրաշներն եւ ան-  
րնական դէպքերը<sup>1</sup> : Այս բոլորը տեղի ունէր  
դեռ ԺԵ. գարում :

Գիտական աշխարհը մէծապէս զհահա-  
տեց Բոլլանդեանների այս ֆնադատական  
ձեռնարկութիւնը : Այսպիսի գիտականներ՝  
քրիստոնէական գրականութեամբ զրազող բա-  
նասէրներ՝ ինչպէս են Ad. Harnack գերմանա-  
ցին եւ C. H. Turner անգլիացին, գովասանք  
ուղղեցին նրանց հասցէին : Մի գաղղիացի  
երեւելի քննադառ զրում է<sup>2</sup>. «Inutile de faire  
longuement l'éloge d'un ouvrage aussi uni-  
versellement estimé. Dès les premiers volu-  
mes, l'esprit critique apparaît et les Pères  
Bolland, Henchenius et Papebroek témoignent  
pour certaines légendes mal venues d'une sé-  
vérité égale à celle des simples laïques.»

Այսպէս չմտածեցին սակայն ուրիշ կրօ-  
նաւորական կարգեր : Հ. Պապերբոքի հեղի-  
նակած քննական կենսագրութիւնը երուսա-  
ղէմի պատրիարք Ս. Ալբէրտի վրաց, զրուեց

<sup>1</sup>ard. Archiviste de d'Etat. Mémoire sur  
les Bollandistes. Gand 1835.

<sup>2</sup> Auguste Molinier, Les Sources de l'Histoire  
de France. T. V. 1904, p. CLXIII.

կարմելականներին, որոնք մի երկար եւ խիստ յուշագիր տպեցին բոլլանդեանների վկայաբանական քննադատութիւնների դէմ : Հ. Պապերոք անդատասխան չթողեց այդ յուշագիրը (1696) : Կարմելականները զայրացած՝ խնդիրը ներկայացրին Սպանիոյ Հաւատաքննութեան Ատեանին, որ այն ժամանակ գեռի մամրող ոյժի մէջն էր : Տօլէդոյում կայացած Հաւատաքննական Դատարանը դատապարտեց բոլլանդեանների ձեռնարկը իրեւ «մոլորական եւ հերետիկոսական գրուածներ» եւ բանադրանքի սպառնալիքի տակ արդիլեց նրանց ընթերցումը . . . :

Բոլլանդեանները ըընկրկեցան այս անարդար վճռի առջեւ : Նրանք դրաւոր դիմեցին սպաննեական այդ Հաւատաքննական դատարանին եւ խնդրեցին, որ ցոյց տայ թէ «որո՞նք Են Acta Sanctorumի բովանդակած հերետիկոսական, մոլորական տողերը», բայց . . . պատասխանի չարժանացան : Այս անիրաւ վարմունքը ազդեց նրանց վրայ եւ հարուածեց նրանց գործունէութիւնը : Այսպէս տեւեց դրութիւնը, մինչեւ որ վերջապէս Հուն 1715ին, փոխեց Հաւատաքննական առեանի վճիռը, բարձաւ արդելքն եւ բանադրանքն եւ ազատութիւն տուաւ բոլլանդեաններին՝ իրենց առ կախ թողած գործը վերսկսելու : Բայց խնդիրը այդ «մէծ փորձանքով» չէր վերջացել . ուրիշ նիւթական եւ բարոյական անյանզողութիւններ հետեւել էին առաջինին որոնց վրայ աւելորդ եմ Համարում կանգ առնել :

Միայն 1836ին է, իսկապէս, որ Բոլլանդ-  
գեանների ձեռնարկութիւնը կենդանութիւն  
ստացաւ: Գաղղիայում մի մեծ ընկերութիւն  
յանձն էր առևլ Acta Sanctorumի հրատարա-  
կութիւնը ստանձնել, այն ողայժանով, որ  
բոլլանդեանները իրենց գործունէութիւնը  
Գաղղիա փոխազրեն: Բայց Բելգիա՝ որ նոր  
էր իր ազգային պետական անկախութիւնը  
ձեռք բերել, չժողեց, որ այդ գիտական ձեռ-  
նարկութիւնը հեռանայ իր երկրից: Լուլէնի  
կաթոլիկ համալսարանի տեսչութեան նախա-  
ձեռնութեամբ «Բոլլանդեանների Ընկերու-  
թիւնը» վերակազմուեց, ուրիշ Բելգիացի յի-  
սուսեան կրօնաւորների մասնակցութեամբ:  
Ընկերութեան կենդրոնատեղին Անտվէրպէ-  
նից տեղափոխուեց Բրիւքսէլ, ուր եւ մնում  
է ցարդ, հետզետէ զարգացնելով իր գիտա-  
կան եւ կրթական գործը:

Հետաքրքրական է այն առաջին կարեւոր  
յիշատակութիւնը, որ եղած է Acta Sanctoro-  
rumի մէջ հայ վկայաբանութեան մասին: Հա-  
տուածի հեղինակն է նոյն ինքն Հ. Հէնսքէն,  
Բոլլանդի գործակիցն եւ Acta Sanctorumի  
հիմնադիրներից մէկը: 1707ին տպուած Յու-  
նիսեան Դ. հատորում, Հէնսքէն խօսում է մի  
խմբային մարտիրոսութեան, այն է «10.000  
խաչեցեալների» առասպելի մասին եւ յիշում  
է մի «հայ եպիսկոպոսի» վկայութիւնը: Նա  
գրում է. «Որովհեաեւ տօնացոյց խմբագրող-  
ներն այսպիսի, երբեմն աւելի եւս անմիտ  
առասպելներ են ընդունել եւ ներմուծել, չենք

կարծում թէ այդ պարագան, իրողութեան անհաւանականութիւնը բաւական լինի, որ այդ «10·000 խաչեցեալների» առասպելի վրայ չխօսէինք: Պէտք է ևնթագրել թէ նա լատինական ծագում ունի եւ լատիններն են եղած, որ Ժ. եւ Ժ. դարերում, Խաչակրութեան ըրջանում այս աւանդութիւնը հաղորդել Են Հոռոմէական Եկեղեցուն յարած Հայերին: Մի հայ արքեպիսկոպոս որ 1699ին անցնում էր Անտվերպէնից, Հաւասարիացրեց մեղ թէ այս առասպելը զեռ դպրութիւն ունի այնտեղ, ադէտ ժողովուրդի մէջ<sup>3</sup>:

Այս հայ արքեպիսկոպոսը թուժաս Վանանդեցին էր, որ ինչպէս տեսանք նախորդ Գլխում, 1708ին դարձեալ Եկել է Անտվերպէնին, իր հայրենիքը վերադառնալու մտադրութեամբ, բայց հիւանդացել եւ վախճանել է այնտեղ:

Acta Sanctorumի Հայոց վերաբերեալ ամենակարեւոր հատուածը Աղաթանդեղոսի քննադատութեանն է վերաբերում: Երբ ըուլանդեաններն ամէն կողմ պատելով իրենց «Գործք Սրբոցի» համար նիւթեր եւ ձեռագիրներ էին ժողովում, այսպիսի պրատումների ժամանակ, Ֆլորէնցիայում, Մէգիչների համրաւաւոր Մատենադարանում նրանք զտել են Աղաթանդեղոսի մի ձեռագիրը, յունարէն լեզուով: Բոլլանդեան Հ. Ստիլտինդ

<sup>3</sup> Acta SS. Junii, T. IV, p. 176, «Sed neque Armenis nota est nisi ex Latinis scriptoribus», վերնաբետ:

(Stilting) անմիջապէս լծուել է նրա քննութեանն եւ լատիներէնի թարգմանելով, յունարէն բնագրի հետ միասին հրատարակել է Acta Sanctorumի մէջ, 1762ին<sup>4</sup>: Ստիլտինդ՝ այս քննութեան մէջ հաւատ չէ ընծայում ոչ Գր. Լուսաւորչի Հռոմ երթարուն եւ ոչ էլ Սեղբեստրոս պապի հետ տեսնուելով Դաշինք կազմուելուն:

Միեւնոյն ժամանակ, այս կաթոլիկ աստուածաբանը մատնանշում է Աղաթանգեղոսի բովանդակած վկայաբանութեան բազմաթիւ անձըութիւններն եւ աւելորդաբանութիւնները Ս. Հոփիսիմէի, Գայեանէի եւ ընկերուհի կոյսերի վերաբերեալ: «Հ. Ստիլտինդի այս քննադատութիւնը, դրում է Բեղդիացի հայագէտ Թ. Նէվ, հաւանութիւն չգտաւ Վենետիկի գիտնական Մխիթարեանների կողմից<sup>5</sup>: Եւ իրօք, այնուհետեւ էլ, Աղաթանգեղոսի վրաց խօսող Մխիթարեան հեղինակներ Ստիլտինդի հերքումներին կարեւորութիւն չընծայեցին կամ նրա ցոյց տուած նոր շաւզով չընթացան (Հմմտ. Զամչեան, Պատմ. Հայոց, Հատ. Ա., էջ 359—420 եւ Ծանօթութիւններ. Հատ. Բ., էջ 613—679. Հմմտ. նաեւ Աւգէրեանի, Ինձիճեանի դործերն եւ այլն): Ս. Ղազար՝ Աղաթանգեղոսի հայերէն:

<sup>4</sup> Acta Sanctorum, Sept., T. VIII, p. 295, Վերնադիրնէ՝ «De S. Grigorio Episcopo Armeniae confessioni item SS. virginibus Ripsime, Gaiana et Sociis martyribus, in Armenia Majore».

<sup>5</sup> Felix Nève, L'Arménie Chrétienne, p. 194.

բնագիրը հրատարակելուց յետոյ 1840ին լոյս  
ընծայեց նաև նրա իտալերէն թարգմանու-  
թիւնը : Իտալացի գիտնական Տոմասօ եւս  
այս թարգմանութեան կցել էր «Ավճարանա-  
կան գիտողութիւններ» (Observations polé-  
miques) , ինչպէս ասում է նոյն Ֆ . Նէվ :  
Տարբեր վերաբերմունք ունեցաւ Հ . Բ . Սարդի-  
սեան , իր հմտալից ուսումնասիրութեան մէջ<sup>6</sup> :  
Նա բացասարար վերաբերուեց Տրդատի եւ  
Գրիգորի Հոռմ երթալու աւանդութեան : Նա  
եղաւ , որ առաջին անդամ երեւան հանեց , որ  
Ազաթանգեղոսի մէջ Կոստանդիանոսի վրայ  
ուստամուածն էլ քաղուած է Եւսեբիոսի «Վարք  
Կոստանդիանոսի» գրքից (Գ . դԼ . ա) :

Հ . Ստիլտինգին միովին հաւանութիւն  
տուող առաջին Միիթարեանն եղաւ Հ . Յ .  
Տաշեան , որ որոշ կերպով զրեց թէ Բոլլան-  
դեան գիտնականի «սուր դիտողութեանց շա-  
տերը ցայսօր իսկ օրուքին ունին , թէպէտ  
եւ հեղինակը սոյն գրոց (Ազաթանգեղոսի)  
բնագրին եւ անոր հայ մատենագրութեան մէջ  
բոնած գրիցն անծանօթ էր : Իւր (Ստիլ-  
տինգի) գիտողութեանց հետեւութիւնն է թէ  
սոյն գրոց մէջ կայ շատ բան նշմարիտ եւ  
յարգի , բայց նաև շատ բան սուտ եւ առա-  
պելական , եւ ինք զասոնք իրարմէ զատելու  
ալ չահաց՝<sup>7</sup> : Տաշեան մի ուրիշ առթիւ էլ  
նոյնպէս կտրուկ կերպով զրեց . «Պէտք չկայ

<sup>6</sup> Ազաթանգեղոս եւ իր բազմագարեան գաղտ-  
նիքը : Վենետիկ 1890:

<sup>7</sup> Հանդէս Ամսորեաց , 1890 , էջ 193 :

լսելու, որ այժմ Աղաթանգեղեայ անուամբ  
գտնուող Դաշանց թուղթը չառ ուշ եւ չառ  
աղէտ դրչի գործ է<sup>8</sup>» :

Հստ սկզբնական ծրագրի, Acta Sanctorum  
մէջ տեղ ունին քրիստոնեաց կրօնին  
պատկանող բոլոր սուրբերը, «չ միայն նրանք,  
որոնք ընդհանուր քրիստոնէութեան մէջ  
յայտնի են եւ տօնուամ են ամէն երկրում, այլ  
նաև նրանք, որոնք՝ միայն մասնաւոր Եկե-  
ղեցիների եւ նոյն խոր առանձին կրօնական  
խմբակցութիւնների պաշտաման առարկայ  
են: Acta Sanctorumը տալիս է իր քննած  
վկաների վերաբերեալ վաւերագիրներն իրենց  
յատուկ բնադիրներովը<sup>9</sup>:

Acta Sanctorumի հատորները կազմուած  
են ամիսների եւ օրերի շարքով: Ամէն ամիս  
իր հատորներն ունի եւ նուիրուած է այն սուր-  
բերին, որոնք այդ ամսի օրերումն են տօն-  
ուամ: Մինչեւ հիմայ հրատարակուած է 65  
հատոր, որոնց վերջինը՝ Նոյեմբեր ամսին է  
յատկացրած եւ չարունակութիւն է 1896  
Նոյեմբերին լոյս տեսածին, իրեւ սրա Ա.  
մասի լրացուամը<sup>10</sup>: Այս մեծագիր հատորը  
ամբողջապէս խմբագրուած է հայր H. Dele-

<sup>8</sup> Անդ, էջ 249:

<sup>9</sup> A travers trois siècles. L'œuvre des Bollandistes 1615—1915; par Hippolyte Delhaye S. J., Bruxelles 1920.

<sup>10</sup> Novemberis, Tomi II pars posterior... Bruxelles, Société des Bollandistes, in folio, 1931. p. XXIV + 721.

հայել ձեռքով, որ Բուլլանդեանների այժմեան  
աղետն եւ զեկավարն է :

Բուլլանդեանների այս վկայաբանական  
պիտական գործունէութիւնը քաջալերութիւն  
է գտած օտար մէծ մատենագարանների վար-  
չութիւնների կողմից, որոնց մէջ առաջին տեղն  
էն գրաւում Լոնդոնի British Museum եւ  
Պարիսի Bibliothèque Nationale:

Բուլլանդեան ընկերութիւնը 1882ին ձեռ-  
նարկեց յարակից մի ուրիշ պարբերական  
Հրատարակութեան, գաղղիերէն լեզուով,  
Analecta Bollandiana խորագրով, որի մէջ  
մտնում են մասամբ՝ անտիպ վկայութիւններ  
իրեւ յաւելուած Acta Sanctorumի եւ մա-  
սամբ նոր քննութիւնների արդիւնքները : Ըն-  
դորձակ տեղ է տրուած այնտեղ այլեւայլ  
մատենագրական ճիշդերի՝ վլխաւորաբար  
վկայաբանական գրականութեան վրայ գրա-  
խօսական յօդուածների : Այս ժողովածոն,  
որ բացառապէս զիտական սկզբունքներով է  
տառաջնորդուում, ըստ արժանւոյն գնահա-  
տուած է արտաքին ուսումնական աշխարհից  
եւ օտարներ եւս աշխատակցում են այնտեղ :

Վերջին տարինները Բուլլանդեաններն ա-  
ռանձին ուշադրութիւն են դարձրել արեւելա-  
գիտական բաժնին : Նրանք 1910ին Հրատարա-  
կեցին «Արեւելեան վկայաբանական Մատե-  
նադարան» (Bibliotheca hagiographica Ori-  
entalis), որտեղ յառաջ բերուած եւ մատնա-  
նչուած են ի մէջ այլոց նաեւ հայկական թիա-

գիրներ : Արանով չբաւականանալով, բոլլան-  
գեանները նուիրուեցան նաև Հայերէն լեզուի  
տաման : Առաջին հայագէտ Բոլլանդեանն էր  
Ժ. Մատանյը (Jules Matagne) : Դժբախտա-  
բար նա անկարող եղաւ երկարօրէն զբաղել,  
իր կարձատեւ կեանքի պատճառով (ծն.  
1833—միս. 1872) : Նրանից յետոյ, բայց ան-  
համեմատ աւելի մեծ չափով հայերէն լեզուի  
իւ մատենազրութեան նուիրուեց Հայր Պ. Պե-  
տերս (Paul Peeters), որ հմուտ է ոչ միայն  
հին արեւելեան լեզուներին, չիսունլով բնա-  
կանաբար եւրոպականների վրաց, այլ եւ  
վեցցերէնի եւ ուսւերէնի :

«Պետերս ծնած է Բելգիայի Տուրնէ (Tour-  
nai) քաղաքը, 1870ին : Գրաբար հայերէնն  
ոկած է սորվիլ 1895ին Լուվէն (Բելգիայի  
համալսարանական քաղաքը), առանց ուսուց-  
չի . բայց բազմաթիւ աշխատութեանց եւ հի-  
ւանդութեան պատճառով իր այս ուսուցիչ  
ընդհատումներ է ունեցած : 1902—1903ին  
Բէլրութ է գտնուած, ուր ասորերէն եւ արա-  
րերէն սորվելու ժամանակ, հայերէն լեզուով  
եւս զբաղած է գործնականապէս, հայ կղե-  
րականի մը քոլ : Այնուհետեւ ինքնաշխատու-  
թեամբ է շարունակած : Հայերէն կերպախօ-  
սութիւնը (morphologie) սորված է Պետեր-  
սանի Porta linguarum orientaliumէն, իսկ  
համաձայնութիւնը ի սկզբան Lauerի Arme-  
nische Grammatikով փորձած է սորվիլ, որուն  
անբաւականութիւնը տեսնելով՝ Աւետիքեանի

«Քերականութիւն Հայկականը» (Վենետիկ 1823) սկսած է գործածել, ամբողջապէս զաղղիերէնի թարգմանելով : Պետերս ոչ միայն հմուտ դրաբարապէտ է, այլ աշխարհաբարի ալ տիրացած է տոկուն աշխատութեամբ : Հայոդիտութեան մէջ իր առաջին գործերն ևզած են *Analecta Bollandiana* XXIV (1905) հատորի մէջ (էջ 125—132) Երկու մատենալիոսականներ, որոնց մէկն է Dr. Weberի *Die katholische Kirche in Armenien* սոուար գրքի վրայ : Քննադատի մը անաշառութեամբ, որ զլիսաւորապէս Բոլլանդեանց յատուկ է, այս մատենալի թէ կարդաւորութեան եւ թէ սկզբունքի կողմանէ պակասաւոր կը դանէ : Վճիռները ճրի չեն տրուած : Հայկական նիւթոց վերաբերեալ հրատարակութեանց ունեցած մէծ հմտութիւնը կը յայտնուի, երբ Վէրէբին անծանօթ մնացած աղքիւրներն անոր մտադրութեան կը յանձնէ : Քննադատութիւնը կը վերջացնէ լաղճանք յայտնելով, որ հեղինակը իւր երկասիրութիւնը նոր կաղապարէ անցընելով նորէն հրատարակէ : Միւս մատենալիոսութիւնը J. Labourtի *Le Christianisme dans l'empire perse sous la dynastie Sassanide*, Paris 1904 գործին է նույրուած : Հոսմադիր կ'ընէ Peeters, «ր Labourt» Տիգրոնի քաջանայից գլուխ-Մարի Երէցին վրայ խօսած ատեն Փաւստոս Բիւզանդացւոյ նոյնին վրայ պատմածը (Դ. 16) չի յիշաւ ակեր <sup>11</sup> :

<sup>11</sup> Հանդէս Ամսօրեայ, 1905, էջ 95—96:

Analecta/<sup>ի</sup> 1909ի հասորում (Տ. 28) ունի  
 Երկու յօդուած, Une passion arménienne de  
 Saint Georges, «Վկացարանութիւն Սրբոյն  
 Գէորգայ Զօրավարին» դրուածքի լատիներէն  
 թարգմանութիւնն է, Հանդերձ քննութեամբ,  
 և. Une passion arménienne des SS. Abdas, Hormisdas, Sahin et Benjamin, «Ս. Ար-  
 դոյի եղիսկոպոսի և Որմզդանայ և Սայենի և  
 Բենեամինի սարկաւագի վկացարանութեան»  
 (Վարք վկացարանութիւնը Սրբոց . Ա. Վենետ.  
 1874) լատիներէն թարգմանութիւնն է Ընդար-  
 ձակ ներածութեամբ: Իսկ 1911ի հասորում  
 (Տ. 30, էջ 5—26), Pour l'histoire synaxaire  
 arménien յօդուածում, ընդարձակօրէն և  
 Հմտալից կերպով ուսումնասիրում է Հայոց  
 Յայսմաւուրքը, այս մասին եղած բոլոր հայ  
 և օստար դրուածքները յիշասակելով: Նոյն  
 հասորում ունի մի ուրիշ դրուածք ևս, La  
 passion arménienne de S. Phocas, որտեղ նա  
 այս հայերէն վկացարանութիւնը (Վենետիկ  
 1874) բխած է Համարում ասորերէն լմա-  
 ռակց և առլիս է նրա ամբողջական լատի-  
 ներէն թարգմանութիւնը ասորական օրինակի  
 հետ համեմատութեամբ: Եւ այսպէս շարու-  
 նակում է իր հայագիտական քննութիւնները  
 Analecta/<sup>ի</sup> յետագայ հասորներում: Յառաջ  
 բերեմ մի քանի հետաքրքրականները: La  
 version ibero-arménienne de l'autobiographie  
 de Denys l'Aeropagyte յօդուածում (Տ. 39,  
 1921) չ. Պետերս Հրատարակել է Դիմի-  
 սիոս Սրբազնագույ ինքնակենսագրութեան

վրացերէն օրինակը՝ սրա լատիներէն թարգ-  
մանութեամբը : Եերածութեան մէջ զիտնա-  
կան հեղինակը աշխատում է ապացուցա-  
նել, որ Հայերէն օրինակն, որ առաջին  
անդամ չ. Ն. Վ. Ակինեան հրապարակ հա-  
նեց եւ արարերէնից թարգմանուած էր կար-  
ծում, բխում է վրացերէնից եւ վրացերէնն  
է, որ արարերէնից է առնուել : Այս հիման  
վրայ չ. Պետերս մեկնում է այն արարա-  
կան հետքերն, որոնք առաջին անդամ  
չ. Ակինեան մատնանշել էր : Դարձեալ նոյն  
հասորում Les traductions Orientales du mot  
martyr (էջ 50—64) յօդուածում Պետերս բա-  
ցատրում է թէ Հայերն էլ Խպտիների նման  
փոխ են առած յունական «մարտիրոս» բառը,  
որը սակայն ժողովրդական ստուգարանու-  
թիւնը լծորդել է «մարտ» բառին : Հայերէն  
բուն բառերն են, առում է նա, «վկայ» եւ  
«խոստովանող», որոնց առաջինը յունարէնի,  
իսկ երկրորդը ասորերէնի նմանութեամբ են  
ձեւուած : Իսկ Traductions et traducteurs  
dans l'hagiographie orientale à l'époque by-  
zantine գրուածքում (Անդ, T. XL, III եւ IV,  
էջ 241—298) ընդարձակօրէն խօսում է Հայոց  
վրայ եւս : Բոլոր վրացի լեզուներից, առում  
է, թարգմանութիւններ եղած են, բայց Հայե-  
րէնից օտար լեզուի թարգմանութիւն քիչ է  
կատարուել (այսպէս են Աղաթանգեղոսն եւ  
Աղուեսագիրքը) : Միայն վրացերէնն է, որ  
մէծ չափով թարգմանել եւ առ հասարակ փոխ  
է առել Հայ մատենագրութիւնից : Սակայն,

Եղբակացնում է Հ. Պետերս, «Օտար լեզուով գրող Հայեր պակաս չեն եղած» :

Հայագէտ Բոլլանդեանը բնականարար պիտի հետաքրքրուէր բոլոր այն հայերէն կամ հայագիտական հրատարակութիւններով, որոնք դիտական-պատմական բովանդակութիւն ունին եւ մատչելի են եղած իրեն : Ուստի նա բազմաթիւ գրախօսականներ ունի գրած այսպիսի հրատարակութիւնների վրայ : Յիշեմ նրանցից մի քանիսը : Analecta Bollandianaի 1911ի հատորում (Տ. 30, էջ 109) քննում է Պրոֆ. Ն. Աղոնցի՝ ոռուսիրէն Արմենիա և այլ աշխարհական պատմական ուսումնական աշխարհութիւնները (տպ. Պետերբուրգ 1908) եւ Եղբակացնում է . «Պ. Աղոնցի դիտական հետազօտութիւնները ամենալուրջ ուշադրութեան արժանի են բոլոր մասնագէտների, զանց չառնելով նաև վկայաբաններին» : Այն հատորում խօսելով Հ. Ն. Ակինեան «Կիւրիոն կաթողիկոս Վլայ, կ. գարի հայ-վրական յարաբերութեանց մասին» (Վիեննա 1910) հմտալից ուսումնասիրութեան վրայ, վկայում է թէ «հեղինակի (Ակինեանի) դիտողութիւնները պայծառ են, լաւ զղթայուած եւ կատարելապէս առարկայտական» : Կիւրիոնի գէմքը այնպէս բարեհաճօրէն է նկարուած, որ նա ընթերցողի համակրանքն է գրաւում, եւ վերջացնում է Հ. Ակինեանի այս գիրքը «ուն բարեկան աշխարհութեան» կոչելով : Նոյն հեղինակի «Ակինեայի Աւետարանը» պատկերազարդ գրքի

(Վիեննա 1930) մասին խօսելով ասում է . «Հ. Ակինեան, որին բաղմաթիւ ուսումնասիրութիւններ ենք պարտական հայ պատմութեան եւ դրականութեան վրայ , շատ գեղեցիկ գաղափար է ունեցել հետազօտելու այս ձեռագիր Աւետարանն , որ պատկանում է Հայ-Կիլիկեան գեղարուեստին» : Հ. Պետերս ընդարձակ դրախօսական ունի նաև Հ. Վարդական Վ. Հացունու՝ «Կաթողիկոսական ընտրութիւնն եւ ձեռնադրութիւնը Պատմութեան մէջ» (Վենետիկ 1930) բովանդակալից եւ մէծ հմտութեամբ գրուած աշխատութեան վրայ : Եա դանում է իրաւամբ , որ Հ. Հացունի «յոյժ շահեկան մանրամասնութիւններ է հաւաքել . աղբիւրները նշանակուած են ճշդիւ եւ այն մասնագէտներն , որոնք կը կամենան աւելի խոր կերպով ուսումնասիրել այս հարցը , այնտեղ պիտի դանեն ներածութիւն եւ ընտիր , զոհացուցիչ նիւթեր» : Այս միեւնոյն հատորում Հ. Պետերս ունի մի գեղեցիկ հետազօտութիւն «Un colophon géorgien de Thornik le moine» վերնագրով , որ խսկապէս վրացագիտութեան է վերաբերում : Այս միայն յիշենք , որ այս Թոռոնիկը ծննդեամբ հայ էր եւ միայն դաւանութեամբ «վրացի» այսինքն ճշգագոյնը՝ «Քաղկեդոնական» : Վերջապէս , այնտեղ կայ դրախօսական նաև «Յարգանք հայ նահատակին , Յիշողութիւններ Յաւիտենական Քաղաքից» (Վիեննա 1930) դրքոյկե վրայ , որի մասին բառացի ասուած է «Եւ

petit livre écrit con amore, est tout fait pour plaire et pour instruire» :

Հ. Պետերս անդամ է Եւրոպական գիտական հաստատութիւնների, ի մէջ այլոց Բրիւքսէլի Արքայական Ակադէմիայի Գաղղիական ճիւղի, որի նիստերում կարդացած է շահեկան ուսումնասիրութիւններ :

Մեզ համար ուշադրութեան արժանի է նրա հետեւեալ զրուածքը — L'Intervention politique de Constantin II. dans la Grande Arménie en 338, ապուած նոյն Ակադէմիայի 1930/31ի Bulletinում, որտեղ հետազոտած է Հայաստանի քաղաքական վիճակն եւ հայ ժողովրդի զրութիւնը Դ. դարում :

Հ. Պետերս աշխատակցել է նաև Պարիսի Revue des Etudes Arméniennes պարբերաթերթում, որի առաջին իսկ համարում զետեղել է մի յօդուած հետեւեալ վերնադրով՝ Le début de la persécution de Sapor, d'après Faust de Byzance (Տապուհի հալածանքի սկզբնաւորութիւնն ըստ Փ. Բիւզանդացւոյ), որտեղ նա մեկնաբանում է Փաւստոսի Ժ. Եւ Ժ. Դլուխները, բազմաթիւ հայ եւ օտար պատմական աղբիւրների վրայ հիմուելով (1920, T. I, էջ 15—33)։ Նրա վերջին յօդուածն այդ ամսագրում, մի կարեւոր եւ ուշադրաւ ուսումնասիրութիւն է հայ սցրութէնի ծագման վրայ (L'origine de l'alphabet Arménien, Revue IX, էջ 219 եւ շար.)։

Բրիւքսէլի Արեւելեան Կահառի նորերս հաստարակած ժողովածոյին (Mélange Bidez,

Annuaire, T. II, 1934), նա մասնակցել է մի հետաքրքրական յօդուածով, A propos de la version arménienne de l'historien Socrate, "ըտեղ յառաջ են բերուած մանրամասնօրէն այն լուլոր աշխատութիւններն, որ երեւցել են այս հարցի վրայ հայերէն եւ օտար լեզուներով։ Հեղինակի եղակացութիւնն է թէ Փիլոնի ժամանակագրութիւնն ստոյգ է եւ գրուած կանխագոյն քան է դարի վերջերը։ Իսկ Բրիւքոէլի հանրածանօթ Byzantium գիտական հանդէսի 1933ի համարում (T. VIII, fasc. 2), որի գեկավարն է Պրոֆ. Հանրի Գրէգուառ (որի մասին առանձնապէս պիտի խօսուի իր տեղում), Պետերս մի հետաքրքրական յօդուած ունի ΠΑΣΑΓΝΑΘΗΣ — ΠΕΡΣΟΓΕΝΗΣ յունարէն վերնագրով, որտեղ քննում է Եւ դարում արարական տիրապետութեան շրջանը Հայաստանում։ «Պասազնաթէս» Հայաստանի պատրիկի «Պաւաճանութեան» զրոյցն առիթ առնելով ըստ իր սովորութեան քննում է բազմաթիւ՝ հայկական, ասորական, յունական եւ արարական ազրիւրներ։

«Հանդէս Ամսօրեայ»ի, 1927 նոյ.-Դեկտ. յորելեաննական թուի մէջ, ուր գտնում ենք միայն եւրոպացի հայագէտների յօդուածները, չ. Պետերս ունի հետեւեալ աշխատութիւնը՝ Une sainte arménienne oubliée, Sainte Marie la Jeune (էջ 723—730)։ Նա խօսում է մի հայ սրբուհումասին, որ անծանօթ է մնացել հայ վկայարանութեան եւ առ հասարակ հայ մատենագրութեան, բայց որի յիշատակը

ողահպանուել է Աթոս լեբան վահքի մի յունական ձեռագրում։ Խոր կերպով ուսումնասմբելուց յետոյ բոլոր աղքիւրները, նա եղբակացնում է թէ այս սրբուհին հայ էր, որ զաղթել է թ։ գարում Կղարջքից երբ այնտեղ ոկտել էին իշխել Բաղրամուհիներն իրենց աթոռատեղի Արտանուջ բերդում։ Ուրիշ աշխատութիւն եւս հրատարակած է «Հանդէս Ամսօրեայ»ի «Յուշաբձանում» 1911ին «La passion arménienne de S. Serge le Stratélat» (էջ 186—192)։

Բոլլանդեանների փառքն է կազմում նրանց ձոփս եւ բազմաբովանդակ Մատենադարանը Բրիւքսէլում, որ ունի իր ընդարձակ Արևելեադիտական բաժինը։ Այսուղ պատուաւոր տեղ է գրաւում նաեւ Հայկական մասը, ուր կարելի է գտնել թէ զասական եւ թէ ժամանակակից՝ գիտական, պատմական եւ կրօնական շատ կարեւոր հրատարակութիւններ, անխոտիք, թէ հայերէն եւ թէ օտար լեզուներով։ Հայերէն պարբերական ուսումնաթերթերից կան լիակատար ժողովածոններ, Բաղմագլէսի, Հանդէս Ամսօրեայի, Արարատի (մինչեւ 1914) եւ Սիոնի (1917ից սկսած)։ Հայկական Մատենադարանի հիմնադիրն է Էղած վերոյիշեալ առաջին Բոլլանդացի Հայադէտու Ժ. Մատանյը (Jules Matagne)։ Իսկ այնուհետեւ մեծապէս ճոխացած է չորհիւ Բոլլանդեանների մեջ հոգածութեան։

Բրիւքսէլում, Բոլլանդեանների այս հաղուադիւս մատենադարանը տրամադրելի է գուադիւս մատենադարանը արամագրելի է

բոլոր ուսումնասէրներին։ Նրա ընդարձակ  
գահին-ընթերցարանում, չարունակ նստած  
պարապւում են ամէն աղջի, կրօնի եւ ոեռի  
բանասէրներ, իւրաքանչիւրն իր ցանկացած  
ճիւղի վերարերեալ մատեանների մէջ թա-  
զուած։ Բոլլանդեանները սիրայօժար կեր-  
պով աջակցում են նաև իւրաքանչիւրին իրենց  
խորհուրդներով։ Ես եւս, իրրեւ այդ գահ-  
ինի եռանդուն յաճախողներից մին օդաւում  
ևմ այս առթից իմ խորին շնորհակալութիւնս  
յայտնելու ընդհանրապէս Բոլլանդեան Ընկե-  
րութեան եւ մասնաւորապէս բաղմահմուտ  
Հ. Պ. Պետերսին։

---

Ժ. ԳԼՈՒԽ

Առաջին թելգիացի մեծ հայագետը, Յեղիկ ի ժ ս Նէվ . իր աշխատութիւնների ամբողջ Յուցակն եւ նրանց համառօտ քովանդակութիւնը : Նրա կենսագրութիւնը : Ազարեան պատրիարքի նամակը :

Առաջին բելգիացի գիտնականն , որ լրջուէն զբաղուել է Հայերէնի ուսումով , ուսումնասիրել է Հայ մատենագրութիւնն եւ իր հմտալից գրուածքներովը մեծ ջանք է դործ գրել Հայ ժողովուրդն եւ իր անցեալը ծանօթացնելու իր հայրենակիցներին եւ առ Հասարակ եւրոպական գիտական շրջաններին , Յեղիկս Նէվ (Felix Nève) է եղած : Ուստի՝ յարգելով նրա յիշատակը , ես հարկ եմ Համարում մանրամասնօրէն կանդ առնել նրա Հայագիտական աշխատութիւնների վրայ : Նէվ Լուվէնի (Բելգիայում) համարսարանի ուսուցչապետ էր եւ այնտեղ է գրած իր ուսումնասիրութիւնները , տպուած զանազան գիտական հրատարակութիւնների մէջ :

Յէլիքս Նէվի առաջին Հայագիտական աշխատութիւնն է՝

թ. 1. Esquisse historique sur la langue et la littérature arménienne համառօս տեսութիւնը Հայ լեզուի և գրականութեան վրայ, որ տպուած է 1841ին, Լուլէնի մէջ, Choix de Mémoires de la Société littéraire գրական Ժողովածոյի Ա. Հասորում :

Այսուհետեւ ամբողջ 40 տարի նա անընդհատ՝ մինչեւ իր մահը, նուիրուել է Հայ բանասիրութեան և թէ՛ բովանդակութեամբը, թէ՛ ուղղութեամբը մէծապէս գնահատելի աշխատութիւններ լրյա ընծայել : Այս գրական գործերի մէծագոյն մասը 1886ին ամփափուած էն՝ L'Arménie Chrétienne Խորագրով մեծ ժողովածոյի մէջ :

Նէվ բարեկաղճօրէն ուսումնասիրած է Հայ մատենագրութիւնը, մասնաւորապէս հոգեւոր գրականութիւնը : Նա շատ տեղերն իր քննութեան առարկայ դարձած աղբիւրներից ճշգրութեամբ թարգմանած է գաղղիերէնի :

Հայ ազգային հաստատութիւններին վերաբերում է համակրանօք և երրեմն մինչեւ իսկ յատուկ գուրգուրանք է ցոյց տալիս : Բայց երբ մօտենում է գաւանաբանական խնդիրներին, այն կէտերում, որոնց մէջ Հայ եկեղեցին տարբերում է Հռովմէական եկեղեցուց, Նէվի եղբակացութիւնները բնականարար աննպաստ են տուածինին : Զմոռնանք, որ Նէվ ոչ միայն կաթոլիկական համալսարանի ոլորֆէսոր էր, այլ և ջերմ կաթոլիկ :

Ֆէլիքս Նէվին՝ իր առաջին հայագիտական աշխատութիւնների մէջ օդնել է մի ու-

րիշ բելղիացի գիտնական, Բրիւժի թեմական  
եղիսկոպոսը, մոհսէնեոր Մալու, որ 8 տարի  
նրա հետ միասին ուսուցչապետ է եղել Լու-  
վինի Համալսարանում և «զգացել է թէ շատ  
բան կարելի է սպասել թէ՛ ընդհանրապէս զի-  
տութեան և թէ մասնաւորապէս քրիստոնէա-  
կան զրականութեան համար, հայկական լի-  
շատակարանների ուսումնասիրութիւնից»,  
ինչպէս զրում է նէլ:

Գանք այժմ նրա հեղինակութիւններին.

Ա. «L'Arménie Chrétienne» Ժողովածոյր  
առաջին զրուածքն է՝

Թ. 2. Tableau de la littérature Armé-  
nienne, որուղ հեղինակը՝ 44 ընդարձակ  
էջերում ներկայացնում է ընթերցողներին՝  
հայերէն լեզուն և այրուբէնը, լեզուի մշակ-  
ման շրջանները, առաջին հայ թարգմանիչնե-  
րէն և մատենագիրներէն։ Այնուհետեւ ծա-  
նօթացնում է խաչակրութեան շրջանի հայ  
զրականութեան հետ և վերջապէս համա-  
ռու պատկերն է տալիս նորագոյն շրջանի հայ  
զրականութեան, զանազան երկիրներում։ Այս  
կերպով բելղիացի կամ առհասարակ եւրո-  
պացի ընթերցողը, կարող եմ ասել նաև հայ  
ընթերցողը, մի ընդհանուր, ամփոփ պատկե-  
րով ծանօթանում է հայ լեզուի մշակման և  
հայ զրականութեան ծագման, անկման վե-  
րածնունդի և այժմեան տիրող շրջաններին։

Թ. 3. L'hymnologie Arménienne, 14 էջ։

Նէլ տալիս է հայկական շաբականների  
հեղինակների ամբողջական ցուցակը, նրանց

այլեւայլ տղագրութիւնները, կարեւոր համարած շարականների քննութիւնն եւ զազդ. թարգմանութիւնը:

Թ. 4. La Transfiguration de notre Seigneur Jésus Christ, dans l'office des Arméniens. 18 էջ:

Նէվ կապում է այս տօնը Հայոց հեթանոսական չըջանի Վարդավարի հետ, յառաջ է բերում այս մասին հայ մատենագիրների գրածները, պարզում է Տօնացոյցի մէջ Այլակերպութեան տօնի Ա., Բ. եւ Գ. օրերի կանոններն եւ տալիս է սրանց թարգմանութիւնը:

Թ. 5. De l'Invocation du Saint Esprit. Hymnes traduites et commentées pour servir à l'histoire du dogme en Orient. 44 էջ:

Նէվ այսուեղ եւրոպական գիտական աշխարհի ուշագրութիւնն է Հրաւիրում «քրիստոնէական աստուածաբանութեան այն կոթողների վրայ, որոնք պահպանուած են հայ գրական լեզուի մէջ եւ շատ քիչ են ծանօթ եւրոպացում»: Նա ընդարձակօրէն յառաջ է ըերեւ Հոգւոյն Սրբոյ Հայող հայ եկեղեցական մառարանութիւնները, եւ մանրամասնօրէն խօսում է Հոգեգալստեան Երգերի բովանդակած վարդապետութեան, նրանց աղբեւրների, ոճի եւ հեղինակների վրայ եւ տալիս է այս Երդերի բարեխիղճ թարգմանութիւնը:

Թ. 6. Canon des Fêtes de Saint Jean Baptiste. 19 էջ:

Այսուեղ հեղինակը խօսում է նախ Յովհ.

Մկրտչի մասին ընդհանուր քրիստոնէական  
եկեղեցու աւանդութեան վրայ, ապա տալիս  
է թարգմանաբար՝ հայ եկեղեցւոյ երգերն եւ  
կանոնները:

Թ. 7. Canon des Saints Apôtres Pierre et Paul. 14 էջ:

Այս աշխատութեան մէջ նէվ յառաջ է  
բերում եւրոպական աղբիւրներից բազմաթիւ  
յիշատակութիւններ Պետրոս և Պողոս առա-  
քեալների մասին եւ յետոյ տալիս է Հայոց  
հոգեւոր երգերի բովանդակութիւնը նոյն ա-  
ռաքեալների վրայ:

Թ. 8. Constantin et Théodore devant les Eglises Orientales. Etude tirée des sources grecques et arménientes. 36 էջ, 8<sup>o</sup>:

Արեւելեան եկեղեցիները, ըստ նէվի,  
շատ աւելի մէծ յարգանք են մատուցանում եւ  
նոյն իսկ պաշտում Կոստանդիանոս եւ Թէո-  
դոս կայսրներին, քան Արեւմտեան եկեղեցին:  
Հեղինակը թարգմանօրէն յառաջ է բերում  
յունական և Հայկական եկեղեցական գրուած-  
ներ, որոնք մինչեւ այդ՝ որ եւ է եւրոպական  
լեզուով գետ չէին թարգմանուած: Հայկական  
գրուածների թւում կան քաղուածքներ հայ  
պատմադիրներից, Յայսմաւուրքից եւ Շա-  
րակնոցից: Նրա եղբակացութիւնն է թէ «Հայ  
եկեղեցին երախտաղիտական յիշատակ է  
պահպանել Կոստանդիանոս կայսեր նկատ-  
մամբ, բայց աւելի մէծ պատիւներ է յատ-  
կացրել Թէոդոսին, որի առաքինութիւնը  
հայերն աւելի մաքուր եւ աւելի կատարեալ

Են համարել քան կ. Պոլսի բոլոր միւս կայսրաներինը» :

Թ. 9. La légende de Saint Rhipsimâ et de ses compagnes martyres. 10 էջ :

Նէվ պատմում է այստեղ Ս. Հոխիսիմէի եւ իր ընկերուհիների Հայաստան գալու եւ մարտիրոսանալու դէպէը՝ Աղաթանգեղոսի եւ Մ. Խորենացու աւանդածի համաձայն : Նա ամբողջապէս թարգմանել է այս կոյսերին նուիրուած գեղեցիկ շարականը՝ Կոմիտաս կաթողիկոսի (կ. գարում) յօրինածը եւ ազա Ներսէս Շնորհալունը՝ Ժ. գարում : Իր այս թարգմանութեան Նէվ կցում է կարեւոր ծառ նօթութիւններ՝ Շարականների բովանդակութեան վերաբերեալ :

Թ. 10. Cantiques en l'honneur de Vartan et de ses compagnons, guerriers arméniens, martyrs de la foi. 8 էջ :

Հայ Եկեղեցին սրբոց կարգն է դասել  
Վարդանանց պատերազմի մէջ նահատակուած  
Հայ զինուորներին : Յոյն եւ ուրիշ աստուածաբաններ անտեղի են գտել այս սրբացումը  
այն հիման վրայ թէ Ընդհ . Եկեղեցին չէ սրբացնում այն քրիստոնեաներին որոնք անհաւատների դէմ մղուած պատերազմների մէջ  
սպանուած են : Եկեղեցին մարտիրոս չէ Համարում նաեւ բիւզանդական կայսրութեան  
այն զինուորներին, որոնք անհաւատների  
դէմ ճակատամարտներում ինկել են : Նէվ  
այստեղ պաշտպան է կանգնում Հայ Եկեղեցուն եւ պատասխանում է . «Հայն ազգովին

ստքի էր կանգնել օտար ասպատակողների  
դէմ. մղուած պատերազմը հաւատքի պաշտ-  
պանութեան համար էր : Հայոց դիմագրու-  
թիւնը քրիստոնէական կրօնքի հալածանքի  
պատճառով էր : Հետեւաբար Վարդան եւ իր  
ընկերները քրիստոնէական կրօնի համար զո-  
հուել են կամաւորապէս . . . : Հայ զօրապետ-  
ները եւ զինուորները դիւրութեամբ կարող  
էին ուրանալ իրենց կրօնն եւ վիախուստ տալ  
կոուից . բայց նրանք յօժարակամ կոուի են  
զնացել յանուն քրիստոնէութեան եւ զոհուել,  
ուրեմն նահատակներ են» :

Այս ջատագովումից յետոյ, Նէվ թարդ-  
մանում է Ներսէս Շնորհալու երկու գեղեցիկ  
Շարականները Վարդանանց վրայ, պատմա-  
կան ծանօթագրութիւններ աւելացնելով իր  
կողմից :

Թ. 11. Les hymnes funèbres, prières liturgiques de l'Eglise Arménienne pour les morts.

Այս աշխատութիւնը հեղինակի ամենա-  
չին գրուածքներից մէկն է, Լուլէնում  
տպուած 1855ին. 40 էջ, 8<sup>0</sup> : Նա բաժնուած է  
հետեւեալ Գլուխների .

Ա. Շարականի երգերը, նրանց թուա-  
կանը, հեղինակներն եւ թարդմանութիւնը,  
4 երգ :

Բ. Ներսէս Շնորհալու երգը մեռելոց  
վրայ :

Գ. Մեռելական երգերի կարեւորութիւնը  
Հայոց դաւանութեան եւ պատարագի մէջ :

Դ. Մեռեալների համար եղած աղօթքի  
հատեւութիւնները :

Նէվ ասում է թէ «այս գրաւոր յիշատա-  
կարանները վկայում են թէ ի՞նչ է իրօք Հայ  
Եկեղեցու դաւանանքը» :

Թ. 12. St. Grégoire l'Illuminateur, fon-  
dateur de l'Eglise Arménienne et un de ses  
plus anciens écrivains.

Նէվ իր այս աշխատութեան մէջ Գրիգոր  
Լուսաւորչի վրաց խօսում է իրրեւ Հայ մա-  
տենագրի : Նա ի նկատի ունի «Յաճախապա-  
տումի» հեղինակին : Նա համառօտ կերպով  
ծանօթացնում է Ընթերցողներին Գրիգորի  
կեանքի եւ գործունէութեան հետ եւ պարզում  
է իր Հայեացքը Յաճախապատումի մասին :  
Ի՞նչ լեզուով էր նա գրուած : «Թէեւ, ասում է  
Նէվ, Գրիգոր իր գաստիարակութիւնը Կե-  
սարիայում առած լինելով, պէտք էր որ յու-  
նարէն լեզուով գրած լինէր իր ճառերն եւ ա-  
ղօթքները, բայց կասկած չկայ, որ նա խօ-  
սած եւ քարոզած է Հայերէն լեզուով եւ իր  
աղօթքներն էլ Հայերէն է շարագրած : Միայն  
թէ որովհետեւ իր ժամանակ գեռ Հայերէն  
զիր չկար, որ միայն Ե. գարուն է ընդու-  
նուած Հայաստանում, ուստի Գրիգոր ստի-  
պուած էր կամ յունական եւ կամ ասորական  
զիր գործածել : Հարիւր տարի վերջը միայն  
նրա այս գրուածքները արտադրուել են, Հայե-  
րէն տառերով : Այսպիսի պարագաներում յօ-  
րինուած գրութիւնը անշուշտ պիտի ունենար  
մութ խմբագրութիւն եւ պակասաւոր տեղիք,

որոնք մինչեւ հիմայ էլ թարգմանողների համար մեծ դժուարութիւնների առիթ են» :

Նէվ յիշում է թէ ի՞նչ թարգմանութիւններ են եղած Յաճախապատումի՝ եւրոպական լեզուներով եւ ասլա յառաջ է բերում Գրիգոր Լուսաւորչի 23 ճառերի վերնագիրները, որոնցից մի քանիսը, մասնաւորապէս Թ.Ռ (Ս. Երրորդութեան վրայ) նա արդէն թարգմանաբար հրատարակել էր 1866ին, Revue Catholiqueի մէջ :

Թ. 13. Saint Grégoire de Nareg. Notice littéraire et biographique. 12 էջ :

«Գրիգոր Նարեկացին, ասում է Նէվ, Հայեկեղցու ամենամաքուր փառքերից մէկն է, բայց մինչեւ հիմայ ոչինչ է կատարուած նրան ծանօթացնելու, ժողովրդականացնելու համար մեր Արեւմուտաքին» : Եւ հեղինակը յանձն է առել այս գործն եւ յաջողութեամբ ի կատար ածել : Նա ընդարձակօրէն պատմում է Նարեկացու ծագումն ու կեանքը : Ինչպէս յայտնի է Նարեկացին ծնած է 951ին . նրա հայրը Խոսրով Մեծ եւս հմուտ էր գրականութեան, մանաւանդ հելենականին : Այնուհետեւ Նէվ բացատրում է Նարեկացու դրուածքների միտքը . զովարանում է նրա գլուխոցործոցը՝ «Երգոց Երգի» մեկնութիւնը, որ նա հեղինակել է, երբ գեռ 26 տարեկան էր : Նէվ տալիս է Նարեկացու մի քանի «Ճառերի» վեղեցիկ թարգմանութիւնը . չէ մոռացել յիշել նաև թէ Ներսէս Լամբրոնացին նրան չի հարմանի» է կոչել :

թ. 14. Le patriarche Nerses IV, dit Schnorhali ou le Gracieux, envisagé comme écrivain. 18 էջ:

Նէվ պատմում է նախ Ներսէս Շնորհալու ծագումն եւ դաստիարակութիւնը: Նրա հայրն էր Ապիրատ, աղնուական գերդաստանից. մօր կողմից նա Գրիգոր Մագիստրոսի թոռն էր: Գրիգոր վկացաւէր կաթողիկոսն, որի քով անցել է նրա պատանեկութիւնը, Շնորհալու մէծ հօրեղբայրն էր: Գրիգոր Գ. կաթողիկոսը նրա աւագ եղբայրն էր, որի օգնականը դարձաւ Ներսէս. իսկ երբ իր այս ևղբայրը վախճանուեց, Ներսէս՝ կաթողիկոս ընտրուեց նրա տեղ, 1166ին, երբ իր իմաստութիւնն եւ ճարտարախօսութիւնը հանրածանօթ էր դարձել: Նրա հայրապետութիւնը կարձատեւ եղաւ. նա վախճանուեց 1173ին: Շնորհալու կաթողիկոսական գործունէութեան մէջ լսաւ Նէվի, առանձնապէս յիշատակելի են այն բանակցութիւններն, որ նա վարել է Յոյն Եկեղեցու հետ միանալու նպատակով:

Նէվ մանրամասն խօսում է Շնորհալու գրուածքների վրայ մէծ գովասանքով: «Իրեւ բանաստեղծ, գրում է նա, հայ լեզուն ճոխացրեց նոր յանդերով: Նրա ոտանաւորները տողորուած են ոչ միայն կրօնական այլ եւ հայրենասիրական շունչով. բայց Շնորհալու բուն ոգին երեւում է իր արձակ գրութիւնների մէջ: Այսուղ է ցոյց տալիս նա իր գործն ու աղղեցութիւնն իբրեւ Եկեղեցական

Էւ իրբեւ Հայ Եկեղեցւոյ պետ» : Ներսէս  
Շնորհալու գրուածների մէծ մասը թարգմա-  
նուած է լատիներէնի՝ Կապէլչտափի ձեռքով ,  
(Abbé Joseph Capeletti) և տպուած Վենե-  
տիկում 1833ին :

Թ. 15. Des Principaux monuments de la  
Littérature historique de l'Arménie. 12 էջ :

«Աստուածաբանական այլ և այլ ճիշդի  
գրուածքներից վերջը , ասում է Նէվ , Պատ-  
մագրութիւնը Հայ գրականութեան կարեւո-  
րագոյն մասն է» : Հեղինակը մանրամասն  
նկարագրել է թէ ի՞նչ է կատարուած՝ Հայ  
պատմագրութիւնը Եւրոպական գիտական աշ-  
խարհին ծանօթացնելու համար : Նա պատ-  
մում է , որ առաջին ուժեղ քայլն առել է  
Բրոսէ , Histoire de la Géorgieի մէծանուն հե-  
ղինակն , որ ոչ միայն քաջ վրացագէտ այլւ-  
հմուտ հայագէտ էր և շատ լաւ լմրոնել էր  
Հայ պատմիչների կարեւորութիւնը : Բրոսէ  
(Brossat) 1840ին , Պետերբուրգի Գիտու-  
թեանց ձեմարանին ներկայացրեց՝ «Հայ ան-  
տիու պատմագիրների ժողովածոն» կազմելու  
ծրագիրը (Projet d'une collection d'historiens  
arméniens inédits) վերնակրով որտեղ խոր-  
հուրդ էր տուել օդտուիլ դիմաւորաբար էջ-  
միածնի Մատենագրաբանէն :

Ճիշդ նոյն տարին 1840ին , Վենետիկի  
Միիթարեան Միաբանութիւնն էլ ծրագրել էր  
Հրատարակել այդպիսի մի ժողովածոյ , իտա-  
լերէն թարգմանութեամբ , որ պիտի բազկա-  
նար 24 հատորից , 8<sup>o</sup> : Բայց այս ծրագրի հա-

մեմատ միայն 2 հասոր լսոս ընծայուեց . Մ .  
Խորենացին եւ Աղաթանգեղոսը : Ապա Մկրտիչ  
Էմին Մոսկուայում հրատարակեց Մովս . Խո-  
րենացու եւ Վարդան Մեծ պատմիչի ոռւսե-  
րէն թարգմանութիւնը : Նշանաւոր հայագէտ  
դաղղիացին Եղ . Դիւլուի (Ed. Dulaquier)  
1856ին հրապարակի վրայ դրաւ իր նոյնաղիսի ,  
մի ծրագիրը՝ Bibliothèque historique armé-  
nienne , որին աջակցելու հրաւիրեց բոլոր  
Եւրոպացի հայագէտներին : Ինքն իր կողմից  
մասնակցեց՝ Մատթէոս Ուուհայեցու Ժամա-  
նակագրութեան թարգմանութեամբն եւ իր  
Chronologie techniqueի Ա . հասորովն , որ իր  
մտագրած «Հայ . Պատմական Մատենագա-  
րանի» խարիսխը պիտի կազմէր : Մի ուրիշ  
դաղղիացի հայկարան Վ . Լանգլուա (Victor  
Langlois) նոյնպէս յղացել էր հայկական հրա-  
տարակութիւնների մի մեծ ծրագիր , որին  
արդէն խոստացել էին աջակցել Վենետիկն եւ  
Մոսկուան : Դժբախտաբար այս եւս կիսառ  
մնաց Լանգլուայի վաղաժամ մահուամբ ,  
1869ին , հազիւ 40 տարեկան հասակում : Լանգ-  
լուա տուաւ միայն Մ . Խորենացու եւ Եղիշէի  
թարգմանութիւնները : Նէվ իր այս հետա-  
քրքրական տեղեկութիւնների շարքը շարու-  
նակելով հասցնում է մինչեւ 1880 , երբ Պե-  
տերբուրգի համալսարանից՝ Պրոֆ . Քերոբէ  
Պատկանեան հրատարակում է ոռւսերէն լե-  
զուով իր «Հայկական պատմական գրականու-  
թեան մատենագիտութիւնը» :

Նէվից յետոյ շատ բան է կատարուած այս

նպատակով ոչ միայն դաղղիացի այլ եւ ուրիշ՝  
դերմանացի, անզղիացի եւսցին հայագէտների  
ձեռքով :

Թ. 16. Elisée, historien du V<sup>e</sup> siècle.

18 էջ :

Այս աշխատութեան մէջ նէվ համառօտ  
կերպով եղիշէի բովանդակութիւնն է պատ-  
մում եւ գովում է մանաւանդ նրա մատենա-  
գրական ոճը : Նէվ այս առթիւ դարձեալ չէ-  
տում է հայ աղջի քրիստոնէական անզրուելի  
ովին : Նա թարգմանաբար յառաջ է բերում  
մի քանի գեղեցիկ գրուազներ Վարդանանց  
պատերազմի նկարագրութիւնից :

Թ. 17. Jean VI catholicos et son Histoire  
d'Arménie. 24 էջ :

Նէվ՝ Յովհաննէս կաթողիկոսի այս պատ-  
մութեան Saint Martinի գաղղ. թարգմանու-  
թեանն առթիւ գեռ եւս 1843ին մի յօդուած  
էր գրել, որ ապրուած է Université Catholique  
XVI եւ XVII թիւերում (Paris 1843—1844) :  
Իսկ այժմ աւելի բնդարձակ բացատրութիւն-  
ներ է տալիս Յովհ. կաթողիկոսի պատմական  
չքջանի, եւ նրա պատմութեան այլեւսցը պա-  
րագաների, ինչպէս նաև պատմաբանի դրու-  
թեան ոճի վրայ : «Յովհաննէս կաթողիկոս»,  
վերջացնում է նէվ, իր պատմած բոլոր գէպ-  
քերը գնահատում է քրիստոնէական սկզբունքի  
վրայ հիմնուելով, որ հայ աղջի գոյութեան  
խարիսխն է եղած եւ զատապարտում է Մար-  
գարէի հետեւողների մոլեռանդութիւնն եւ  
դաժանութիւնը . բայց միեւնոյն ժամանակ,

նա՝ իրեւ պատմաբան անկողմնապահ է եւ  
ըստ արժանւոյն գնահատում է մահմետական  
պետերից ոմանց ազնիւ վարժունքն եւ վսեմ  
դուծը»:

Թ. 18. Chronique de Mathieu d'Edesse.  
Les chefs belges de la première croisade.  
30 էջ :

Նէվ այս նիւթի վրայ գրել էր արդէն  
1859ին: Խսկ Դիւլուիէյի թարգմանութիւնից  
յետոյ վերադառնում է այս խնդրին եւ ման-  
րամասնօրէն քննում է Ուռհայեցու պատմած-  
ները «Առաջին Խաչակրութեան բելզիացի պե-  
տերի»՝ Գողֆրուա զը Բույեօնի, Բողուէնի  
եւ միւս իշխանների գործերի մասին եւ Ուռ-  
հայեցու վերաբերմունքը՝ Խաչակրի «Թրանկ-  
ների» հանդէպ: Տեղ տեղ խիստ լեզու է գոր-  
ծածում հայ պատմիչի կրօնական հայեացքի  
և նեղմիտ ազգասիրութեան դէմ՝ «esprit de  
secte et d'étroit patriotisme» ասում է նէվ:

Թ. 19. Les Sources arméniennes pour  
l'histoire des mongols en Asie jusqu'à la chrono-  
nique de Thomas de Medsop ( XIII—XV<sup>e</sup>  
siècle). 12 էջ :

«Մոնղոլները, գրում է նէվ, Պարսկաս-  
տանից յետոյ գրաւեցին եւ աւերեցին Հայաս-  
տանի մեծ մասն: Այն ժամանակ գտնուեցան  
Հայոց մէջ ուսեալ անձեր, որոնք ստիպուած  
էին քաշուիլ վանական պատերի առանձնու-  
թեան մէջ եւ մէծ զրկանքներ կրել: Այնու ա-  
մենայնիւն նրանք, չնայելով իրենց այս անձուկ  
վիճակին, կարողացան մի առ մի արձանա-

պրել իրենց երկրի եւ ժողովրդի կրած աղէտ-  
ները»: Եւ նա խօսում է Յովհան Վանականի  
Եւ իր աշակերտաների, Կիրակոս Գանձակեցու,  
Մաղաքիս արեղայի եւ Վարդան Բարձրբերդ-  
ցու վրայ, տեղեկութիւններ տալով իւրաքան-  
չիւրի անձնաւորութեան, պատմութեան եւ  
անի վրայ, մեծ հմտութեամբ:

Թ. 20. L'Arménie Chrétienne Ժողովա-  
ծոցի վերջին նիւթն է՝ La Composition histo-  
rique chez les Syriens et les Arméniens. 18 էջ:

Ֆ. Նէվ, որ զասախօսում էր Լուլէնի  
Համալսարանում Արեւելեան Գրականութեան  
պատմութիւնը, ի մէջ սցըց նաեւ Սիրիացի  
քրիստոնէական գրականութիւնը, իր այս  
հետաքրքրական տեսութեան մէջ ցոյց է տա-  
լիս այն կապն եւ մերձաւորութիւնն, որ կաց  
հայ եւ ասորական գրական պատմական լի-  
շառակարանների մէջ: Եւ որովհետեւ նա  
արդէն երկարօրէն ուսումնասիրել էր Հայկա-  
կան քրիստոնէական գրականութիւնն, ուստի  
այս վերջին յօդուածի մէջ կանգ է առնում  
Գլուխաւորաբար Գրիգոր Բար-Հէրբէոսի (Gré-  
goire Bar-Hébreus) սիրիական մէծ ժամա-  
նակագրութեան վրայ:

Ֆ. Նէվ Հայագիտական Յ ուրիշ գործ  
եւս ունի, որոնք չեն մտած l'Arménie Chré-  
tienneի մէջ: Սրանք են.

Թ. 21. Libri Armeniaci Համառօտ  
գրուածքն, որտեղ խօսում է Հայկական Մաշ-  
տոցի (Rituale Arménienne) եւ Լէյդէնի (Հու-  
լանդիայում) Մատենագրաբանի երկու ձեռա-

գիր Սաղմոսների վրայ (Cod. Hebr. 21 Scal.  
և Cod. Hebr. 61 Warn.), նկարագրելով  
մանրամասնօրէն՝ նրանց բովանդակած հայ-  
կական զարդարերը :

Թ. 22. Quelques épisodes de la Persé-  
cution du Christianisme en Arménie au  
XVe siècle, 38 էջ, որ տպուած է Revue Ca-  
tholiqueի Ա. Հատորում 1861ին :

Իր այս բովանդակալից ուսումնասիրու-  
թեան մէջ Նէվ խօսում է ԺԵ. դարում թա-  
թարական արշաւանքի ժամանակ պատահած  
այն դէպքերի վրայ, երբ հայերը քրիստոնէա-  
կան կրօնի սիրոյն համար ամէն հալածանքի  
տոկալով զոհուել, մարտիրոսացել են : Նա  
յառաջ է բերում այս կարգի նահատակների  
բազմաթիւ անուններ, որոնց մէջ կան անխորի  
թէ՛ եկեղեցականներ և թէ՛ աշխարհականներ,  
ինչու նաև կանայք եւ պատանիներ, որոնք  
անտառնելի չարչարանքների էին ենթարկուել  
մոնղոլների կողմից :

«Եթէ, վերջացնում է Նէվ, նախախնա-  
մութիւնը չէ խնայել Հայաստանն այն աղէտ-  
ներից, որոնք թափուել են նրա վրայ, ինչ-  
պէս Մերձաւոր Հայաստանի բոլոր քրիստո-  
նեաց երկիրների վրայ, Հայ ժողովուրդը, յա-  
մառ կերպով դիմացել է, տոկացել եւ այս-  
պիսով պահպանել է իր գոյութիւնը» :

Թ. 23. Յ. Նէվ գեռեւս 1855ին Պարիսի  
Journal Asiatiqueի մէջ (Օգոստ - Սեպտ.) մի  
ընդարձակ յօդուած է նուիրել Etude sur  
Thomas de Medsoph et sur son Histoire de

l'Arménie au XV<sup>e</sup> siècle վերնադրով, որի մէջ  
տալիս է Մեծովեցու կենսագրութիւնն, եւ  
նրա պատմութեան ընդհանուր բովանդակու-  
թիւնը, քննում է նրա վկայութիւնների ար-  
ժէքն եւ եւրոպացի պատմաբանների ուշա-  
դրութիւնն է Հրաւիրում նրա վրայ, չնայելով  
որա «գրուածքի ցամաքութեանը»։ Այնու-  
հետեւ 1858ին հրատարակում է Մեծովե-  
ցու պատմութեան զաղզ թարգմանութիւնը՝  
«Exposé des guerres de Tamerlan et de Schah-  
Rokh dans l'Asie Occidentale d'après la Chro-  
nique Arménienne inédite de Thomas de Med-  
soph», Խորագրով որ 156 էջ է, 8<sup>o</sup>։ Թարգ-  
մաննեւ է Պարիսի Ազգային Մատենադարանի  
անուիս գրչագրից։

Մեծովի գտնուում էր Արձէշի մօս, Վանի  
լճի եղերքին, ուր երբեմն բնակուել է Գրիգոր  
Տաթեւացին։ Թոմա՞ 1406ին 20 ուրիշ պա-  
տանինների հետ աշակերտել է Տաթեւացուն  
եւ այնուհետեւ նրա սկզբունքների անշեղ հե-  
տեւողն է եղել։ Նա սկսել է պատմագրել  
երբ 50 տարեկան էր եւ ընթերցողների ներո-  
գութիւնն է խնդրում իր պատմուածքի թե-  
րութիւնների համար. «դու անմեղադիր լեր,  
ասում է թոմա իր ընթերցողին, զի ծեր էի  
եւ յետ Ծ (50) ամաց սկսայ, վասն սցսորիկ  
յետ եւ յառաջ գրեցի»։ Այս թերութիւնը  
նէվ այսպէս է որոշում. թոմա գրել է իր ժա-  
մանակագրութիւնը հայ գրականութեան անկ-  
ման շրջանում. նրա ոճը ցամաք է եւ ան-  
հաւասար, քերականական համաձայնութիւնը

անկանոն, անարուեստ, իսկ լեզուն ոտմկա-  
կան ձեւերով լիքը»: Այս իսկ պատճառով նէվ  
խոսառվանում է թէ իր թարգմանութեան մէջ  
էլ մի քանի անհարթութիւններ են մտել:  
Բայց բելզիացի հայագիտը Մեծովիեցու պատ-  
ճութիւնը մեծապէս ուշադրութեան արժանի  
է համարում, նախ՝ «իրեւ Հայաստանի քա-  
ղաքական պատմութիւնը մինչեւ ԺԵ. դարի  
կէսը, երկրորդ՝ որովհետեւ Հայաստանի կրօ-  
նական պատմութիւնն է ներկայացնում, այն  
ժամանակ երբ Հայաստան եւ Հայ Եկեղեցին  
առանձնացել էին միւս քրիստոնեայ երկիր-  
ներից եւ երրորդ՝ հայ գրականութեան տեսա-  
կտից, որովհետեւ այնտեղ պատմուած է  
այն դարում Հայաստանի նշանաւոր վանքե-  
րում բուն դրած գրական շարժումը»:

Տարբեր են Մեծովիեցու պատմութեան  
հայերէն ձեռագիրների վերնագիրները: Պա-  
րիսի ձեռագիրն, որ գործածէլ է նէվ, կրում  
է «Պատմութիւն Համառօտ անօրէն Թամու-  
րին, որ Ելեալ ի յաշխարհէն Խորասանու եւ  
զնաց մինչեւ ի ծովն Ովկիանոս. արարեալ  
թումաց վարդապետէ»: Իսկ Վենետիկի ձե-  
ռագիրի խորագիրն է. «Պատմութիւն Համա-  
ռօտարար վասն արեւելեան թագաւորացն.  
պղծոյն եւ չար գաղանին Լանկ Թամուրաց եւ  
այլոցն. դոր արարեալ է քաջ վարժապետն  
թումաց վարդապետն»:

Թ. 24. L'Eglise Arménienne et le Pro-  
testantisme (տպ. Revue Catholique, Louvain  
1857, էջ 687—702).

Այստեղ Նէվ պատմում է բողոքականութեան մուտքը Հայոց մէջ եւ վերջացնում է այսպէս. «Բողոքականութիւնը չափազանց սակաւաթիւ հոգի է հրապուրած Հայոց մէջ: Հայ-Լուսաւորչական եկեղեցին միացած է անյօդողդիր իր անցեալի եւ իր աւանդութիւնների մէջ: Կարծես թէ նախախնամութիւնը պահում է նրան Արեւելքի վերածնութեանը ծառայեցնելու համար, որ կարող է իրականանալ միայն երբ բոլոր այլեւայլ քրիստոնեայ հասարակութիւնները (communiuitates) հաշտուին իրար հետ եւ միութիւն կազմեն»:

Թ. 25. Les Mechitaristes de Vienne et leur abbé-général Mgr. Aristaces Azarian (Revue Catholique, Louvain 1858, էջ 565 եւ շար.) :

Նէվ մէծ յարգանքով եւ համակրանօք էր վերաբերում միշտ Միմիթարեան Միաբանութեան, խօսելով Վենետիկի մասին, նա գրում է այստեղ. «Այս հաստատութեան համբաւը մէծ է բաւական, շատ քիչեր կան անգիտացող այն մէծ ծառայութեան, որ Ա. Ղաղարի մենակեացները մասուցել են եւրոպական գիտութեան՝ իրենց ուսումնական եւ գրական հրատարակութիւններով»: Ապա անցնում է Վիեննական Միաբանութեան հիմնուելուն եւ շարունակում. «Վիեննացի Միաբանութիւնը համեմատաբար գուցէ աւելի քիչ է ծանօթ. բայց նա էլ նոյնչափ իրաւունք ունի հասարակական ուշադրութեան»: Թ. Նէվ իր ընդարձակ յօդուածի մէծ մասը նուերել է

Վիեննայի Արքահայր արքեպ. Արիստակէս Ազարեանին, առիթ առնելով զերժանացի նշանաւոր պատմագիր Fred. Hurterի հեղինակութիւնը՝ Aus dem Leben des hochwürdigsten Herrn Aristaces Azarian . . . , Վիեննա 1855, 8<sup>o</sup>, էջ VIII—152: — Այս երկու աշխատութիւնից տեղեկանում ենք, որ արքահայր Արիստակէս Ազարեան ծնուել է 1782 օուլիս 28ին կ. Պոլսում: Իր մանկութեան անունը եղել է Յովաչի, բայց իր սէրը Գր. Լուսաւորչի որդի Արիստակէսի նկատմամբ այնչափ մեծ է եղել, որ ուխտ արած ժամանակ նրա անունն է ընդունել: Քահանացական ձեռնադրութիւնը տեղի է ունեցել 1803ին: Արքահայր ընտրուելուց յետոյ, չնորհիւ իր մեծ եռանդին եւ գործնական, բազմակողմանի ընդունակութիւններին, յաջողել է բարձրացնել եւ չափութեան մեջ բարձրացնել կամ արուել եւ մակարակի համարումն եւ մակերմութիւնը, այնպէս որ պապը նրան պարզապէս իր անունով՝ Արիստակէս էր կոչում: Նա յաջողել է գրաւել նմանապէս Աւստրիոյ կայսեր վասահութիւնն եւ բարեկամութիւնը: Շնորհիւ այս հանգամանքի նամակը օգնութիւն է մատուցել, բացի իր Սիարանութիւնից եւ վանքից, նաև այլուր գըտնուղ իր ազգակիցներին: «Արիստակէս Ազարեան ասում է նրա պատմագիրը, և բան էր սիրում. Ընդհանուր Եկեղեցին, իր Հայ Հայ-

բենիքը, իր Միաբանութիւնը եւ իր ապաստանած երկիրը, Աւստրիան» :

**Միսիթարեան այս մեծ գործիչը վախճանել է 1855 Մայիս 5ին, 73 տարեկան :**

Ֆէլիքս Նէվի այս երկերը բաւական են ցոյց տալու համար թէ նա ինչ մեծ բարեխղճութեամբ եւ հմտութեամբ ուսումնասիրել է հայ կեանքի եւ գրականութեան այլ եւայլ ճիւղերը : Նրա գրուածքների ամբողջ թիւը, հայերէններն էլ մէջը վիճելով, հասնում է 120ի : Նա առաջին բելգիացի գիտնականն է եղած հայերէնը սիրողն ու մշակողը : Կանխապէս նա պարապուել էր եւ շարունակել է պարապիլ հնդկական լեզուով եւ գրականութեամբ . այնուհետեւ նա այս երկու լեզուն եւ գրականութիւնը միանդամայն սկսեց մշակել : Հայերէնը նա ուսումնասիրել է ոչ այնչափ լեզուագիտական եւ բանասիրական տեսակէտից, որչափ պատմական եւ մատենագրական :

Նէվ հայերէն սկսել է սովորել Միւնիս-նում 1833ին, ուր արեւելագէտ Նէօյման (Neumann) հայերէնի դասախոսութեամբ եւս սլարապում էր : Այնտեղ նա ծանօթացել է նաեւ մի ուրիշ գիտնական գերմանացու, որ նոյնպէս հայագէտ էր, Ֆրիդ. Վինդիշման (Friedrich Windischmann), որի հետ մինչեւ իր մահը մօտ յարաբերութիւն էր պահպանում :

**Երբ Վինիսիկի Միաբանութիւնն անցեալ դարի սկիզբները, քաղաքական հանդամանք-**

ների բերմամբ Ս. Ղաղարը ակադեմիայի վե-  
րածեց, որին այնուհետեւ անդամագրեց ծա-  
նօթ հայագէտներ, նա անդամ ընտրեց նաեւ  
Ֆէլիքս Նէվին: Այս կերպով Բրոսէի, Բորէի,  
Պէտերմաննի, Դիւլորիէլի, Ս.-Մարտէնի,  
Վ. Լանդլուսյի, Կոնիրիրի եւռուրիչ շատ յար-  
դելի եւ հեղինակաւոր եւրոպական գիտնա-  
կանների շարքում «Ս. Ղաղարի հայկական  
ակադեմիայի անդամ» ենք գտնում նաեւ այս  
Բելգիացի մեծ հայագէտին:

Փ. Նէվ՝ անդամ էր բազմաթիւ եւրոպա-  
կան գիտական հաստատութիւնների, Acadé-  
mie Royale de Belgique, Académie Impériale  
des Sciences de S. Pétersbourg, Académie ca-  
tholique de Rome եւայլն եւայլն:

Նրա կենսագրական տեղեկութիւնների  
մէջ գտնում եմ նաեւ հետեւեալը. Ֆէլիքս  
Նէվ, երբ Լուվէնի համալսարանի ուսուցչա-  
պետ էր, մի օրինակ իր L'Arménie Chrétienne  
ժողովածոյից նուէր է մատուցել կաթոլիկ  
Հայոց կաթ.-պատրիարք Աղարեանին: Աղա-  
րեան պատրիարք՝ փոխադարձարար նրան  
ուղարկել է Կ.Պոլսից իր կենդանագիրը պատ-  
շաճաւոր մակագրութեամբ եւ մի ընդարձակ  
եայերէն նամակ է ուղղել նրան, որտեղ ըստ  
արժանւոյն գովում է Նէվի «գիտութեան հաս-  
տատութիւնը», հմտութեան խորութիւնը,  
մեկնութեանց ճշգութիւնը» եւ միեւնոյն ժա-  
մանակ քաղցր պարտականութիւն է համա-  
րել «յանուն Հայ Աղդի» իր երախտագիտու-  
թիւնը յայտնել: «Ֆէլիքս Նէվի անունը ան-

ջնջելի պիտի մնայ մեր հայկական տարեդրութեան մէջ» վերջացնում է իր նամակը Ազարեան պատրիարք։ Բելգիացի պատմագիրն, որ նրա ընկերակիցն էր, վկայում է թէ Ազարեանի այս գնահատականն եւ համակերական վերաբերմունքը շատ խոր եւ հաճելի տպառութիւն է թողել նէվի վրայ<sup>1</sup>։

Ֆէլիքս Նէվ վախճանել է 1893 Մայիս 23ին, նա ծնած էր 1816 Յունիս 13ին։

---

<sup>1</sup> Annuaire de l'Université Catholique de Louvain, 1894, p. XXXI—XXXVI. Annuaire de l'Académie Royale de Belgique 1894, Bruxelle. Bibliographie de l'Université de Louvain, 1834—1900, p. 214—220.

## ԺԱ. ԳԼՈՒԽ

Լուվենի երկու եկեղեցական հայագէտները, Լքրօն եւ Մէօյլդէրմանս: Նրանց աշխատութիւնների ցուցակն եւ բովանդակութիւնը: Բրիւժուէլի արքայական մատենադարանի հայ գրչագիրներն եւ պարսկերէն Աւետարանի:

Լուվեն (Louvain) քաղաքը Բելգիայում այն գերն է կատարում ինչ որ Լէյդէնը Հոլլանդայում, այսինքն զուտ զպրոցական, համալսարանական քաղաք է, ուր ամէն ինչ յիշեցնում է ուսում եւ կրթութիւն: Բազմաթիւ են այստեղ գիտութեան նուիրուած անձեր, գրեթէ բացառաբար եկեղեցական դասակարգեց: Այս շարքում ունինք նաև երկու հայպէտ, M. le Chanoine Lebon եւ M. l'abbé J. Muyldemans: — Առաջինը, Լքրօն, համալսարանի մաս կազմող Collège du Saint Esprit զպրոցի նախագահն է եւ համալսարանի Աստուածարանութեան ուսուցչապետը: Երկրորդը, Ժ. Մէօյլդէրմանս, որ աւելի երիտասարդ է, նոյնպէս կրօնուսոյց է, բայց նոյն եռանդով զբաղուած է բանասիրական եւ մատենադրական աշխատութիւններով: Տ. Լը-

բօն՝ Լուվինի համալսարանում ստանձնած է Հայերէնի դասը։ Այս դասախոսութիւնը համալսարանի ծրագրի մէջ մտել է 1920ից սկսած։ դասընթացքը երկամեռյ է եւ ունի ազատ ունկնդիրներ, այն ուսանողներից — բոլորն էլ Բելգիացի եւ օտար — որոնք կրօնագիտութեան են հետեւում։ Այս ուսանողների հայերէն սովորելու նպատակը քրիստոնէական հին մատենագրութեան հետազոտութիւնն է, որի մէջ հայկական հին թարգմանութիւնները անհշան տեղ չեն գրաւում։

Լուվինի համալսարանն ունի իր յասուկապարբերական հրատարակութիւնը՝ Le Muséon, Revue des Etudes Orientales, կոչմամբ, 1882ից սկսած, ուր, գլխաւորաբար, տպւում են համալսարանի ուսուցչապետների, ինչպէս նաև կողմանակի գիտնականների ուսումնասիրութիւնները։

Լրբօնի հայագիտական աշխատութիւններն, որոնք մինչեւ Հիմույն լոյս են տեսած, հետեւեալներն են.

1. Version arménienne et version syriaque de Timothée Elure, այս երկու լեզուով կատարուած հին թարգմանութեան հմտալից բաղդատութիւնը. տպւած է «Հանդէս Ամսորեայ»ում, 1927, էջ 713—722։

2. Les citations patristiques grecques du «Sceau de la Foi». Սա մի ընդարձակ ուսումնասիրութիւն է Հանդ. Կարապետ եղ. Տէր Մկրտչեանի «Կնիք Հաւատոյ» հաւաքածոյի վրայ (հջմիածին 1914, Յառաջարան եւ

436 էջ) : *S. Լըրօն քննում* է այս առթիւ այս  
հարցի վրայ գրուած բոլոր այլ հրատարակու-  
թիւնները, դնահատում է հայ եպիսկոպոսի  
աշխատութիւնը : *Տպուած է՝ Revue d'histoire  
ecclésiastique, 1929, t. XXV, էջ 1—32 :*

3. Notice sur un manuscrit arménien de  
la Bibliothèque de l'Université de Louvain.  
*Համալսարանն այս մի միակ հայերէն ձեռա-  
գիրն ունի, որ Շարական է, թուղթ, 325  
թերթից բազկացած, բոլորզիր, ժէ. դարից :  
Ընդօրինակողն իր մասին գրում է. «սկսեալս  
իմ դու հան յաւարտ» եւ ապա «զտէր Մար-  
գարաց գծողս յիշել ի տէր աղաչեմ զձեղ» :  
*S. Լըրօն այս զրչագիրը համեմատում է էջ-  
միածնի մի Շարականի եւ վիճնայի 202 թիւի  
հետ, ըստ Տաշեան Յուցակի (էջ 523—525) :*  
*Տպուած է Le Muséon, t. XVI, 1928, էջ 261  
—280 :**

4. Fragments arméniens du Commen-  
taire sur l'«Epître aux Hébreux» de Saint Cy-  
rille d'Alexandrie. *Այս զրուածքի հայերէն  
հին թարգմանութեան վերնագիրն է՝ «Երա-  
նելոյն Կիւրզի Աղեքսանդրացւոյ՝ ի Մեկնու-  
թենէ Առաքելոյն յԵրրացեցւոց թղթոյն յԱռա-  
ջին ճառէն ի ըանն՝ Բազում մասամբք եւ բա-  
զում աւրինակաւ(ք) կանխաւ խօսեցաւ» :  
*S. Լըրօն տալիս է այս հայերէն օրինակի լա-  
տիներէն հարազատ թարգմանութիւնը, հա-  
մեմատում է յունարէն բնագրի հետ եւ մեկ-  
նաբանում : *Տպուած է՝ Le Muséon, 1931,  
t. XLIV, էջ 69—114 : Իսկ շարունակութիւնը***

կամ աւելի ճիշդը՝ այս նիւթի վրայ իրրեւ լրացում երկրորդ յօդուածը լրյա տեսաւ նոյն Le Muséonի XLVI հասորում :

Զեմ տարակուսում, որ յարդելի նախագահն եւ պրոֆէսորն անդանդադ պիտի շարունակէ իր հայագիտական ուսումնասիրութիւնը : Տ. Լըրօն հայերէն սովորած է առանց դասաստուի ողնութեան :

Աւելի հիմնաւոր ուսում է առած հայերէնում, միւս հայագիտը՝ Տ. Մէոյլզէրմանս, որ 2 տարի յաճախած է Պարիս, Ecole des Langues vivantes Orientales և աշակերտած է Պրոֆ. Ֆր. Մակլէրին : Նա մինչեւ հիմայ շատ կարեւոր եւ լուրջ աշխատութիւններ լրյա է ընծայած, որոնց ամբողջական Յուցակլներկայացնում եմ ստորեւ :

1. La Domination arabe en Arménie, տպ. Պարիս 1927, 8<sup>o</sup>, էջ 180 : Այս աշխատութիւնը վարդանի (ԺԳ. դար) Պատմութեան թարգմանութիւնն է, բազմաթիւ հմտալից ծանօթութիւններով : Հեղինակն այս դրուածքը ներկայացրել է Ecole pratique des Hautes Etudesի դիպլոմի ստանալու համար :

2. A travers la tradition manuscrite d'Evagre le Pontique, որ ապուած է իրրեւ Երրորդ հատոր Le Muséonի Մատենագարանի, Լուլէնում 1932 :

Տ. Մէոյլզէրմանս առանձնապէս դրադուած է և չարունակում է զրադուիլ այն հին յունական դրուածքներով, որոնց բնադիրը պահպանուել է միայն հայերէն թարգմանու-

Թիւնների մէջ : Նա խորապէս ուսումնասիրել  
է այս հարցը, աչքի առջեւ ունենալով Հ. Բ.  
Սարգսեանի հրատարակութիւնը՝ «Արբոյ  
Հօրն Եւաղրի Պոնտացւոյ վարք եւ մատենա-  
դրութիւնք», Վենետիկ 1907 : Այս խնդրին  
վերաբերող հետազոտութիւններ են նաև՝

3. La teneur du Tracticus d'Evagre le Pontique, ապ. Le Muséon, 1929, t. XLII,  
էջ 74—89 :

4. Evagriana, նոյնանդ, XLIV, 1930, էջ  
37—68 և 369—383 :

5. Le discours de Xystos dans la Version arménienne d'Evagrius le Pontique, ապ.  
Revue des Etudes Arméniennes, Paris 1929,  
t. IX, էջ 183—201 :

6. Une recension arménienne du syntagma doctrinæ. «Հանդէս Ամսօրեաց»ում, 1927,  
էջ 687—700 :

7. Revue des Etudes Arméniennesի 1930,  
t. Xի մէջ (էջ 193—200) Տ. Մէոյլէրմանս  
զետեղել է մի շահեկան յօդուած Le Parisi-  
nus, supplement grec 419 de la Bibliothèque  
Nationale de Paris վերնագրով : Այս գրչա-  
գրի 65—73 և 140—230 թերթիկները հայե-  
րէն են, մասամբ Փրանսերէնի թարգմա-  
նուած : Հեղինակը, Մէոյլէրմանս ուղղում  
է այս թարգմանութիւնն եւ երեւան է հա-  
նում, որ գրանց առաջին մասը Սամուէլ  
Անեցու պատմութիւնից է քաղուած, իսկ  
միւս կտորը, Գր. Լուսաւորչի Յաճախա-  
պատումից : Բաց ի գաղղ. թարգմանութեան

Տեսնենք այժմ թէ ինչ հին հայկական ձեռագիրներ կան Բելզիայում :

Բելզիայի մատենագարանները շատ աղքատ են հայ գրչաղիբների կողմից : Նրանց ամենամեծի, այն է Բրիւքսէլի Արքայական Մատենագարանի (Bibliothèque Royale) ձեռագիրների բաժնում ընդ ամէնը երկու հայերէն ձեռագիր միայն կայ, բայց այս երկուքն էլ որոշ տեսակէտից շահեկան են :

Առաջինն է՝ մի խոշոր մեծագիր (in folio) Բառարան Յ հասորից բազկացած կաշեկաղմ, հայերէնից լատիներէն, բայց երբեմն պատահում են նաև հայերէն բացատրութիւններ եւ դաղղիերէն : Տառերի ձեւը բոլորգիր է : Այս տարօրինակ բառարանը բովանդակում է ոչ միայն հայերէն գրաբար եւ ուամկական բառեր, թէեւ ոչ ամբողջական, կիսատ, այլ եւ ամէն տեսակ հին ու նոր, գրական եւ ժողովրդական օտար բառեր, որոնք այս կամ այն ձեւով եւ հնչումով մտել են գործածութեան մէջ : Բառերի առջեւը դրուած են — ոչ բոլորի, նրանց նշանակութիւնը լատիներէն : Օտար բառերի առջեւ՝ նրանց հայերէնը : Բոլոր օտար եւ ուամկական բառերը գրուած են այն ձեւով, ինչպէս որ հնչում են ժողովրդական բերանում : Յիշեմ մի քանիսը այդպիսի բառերից :

Լամբ. — երկան հաստ փատ, որ համալները  
կ'ունենան :

Լապանալ — ուսանիլ, սօրլել :

*լալլ* — tulippe.

*խեղոս* — գայթակղութիւն, առակ ի՞ք :

*շամաթայ* — մունէպսիչ, զարթուցիչ :

*քրոր*, *քրօրէ* — cherubin.

*օղուլուշաղ* — familia.

*ասկայկանութիւն* — (ազգականութիւն) :

*չիր*, *չրի* — կաթն, պարսկերէն :

Ա. Հատորն ունի 437 *թերթիկ* (feuillet).

*առաջին բառն է՝*

*արբաց* — abbas, abbé.

*վերջին բառն է՝*

*Լաբան* — «Laban».

Բ. Հատորն ունի 535 *թերթիկ*. *առաջին բառն է՝*

*շամբ*, *շամբի* (սեռական) — առանց բացառ արութեան) :

*վերջին բառն է՝*

*Իքիմ* — շրթուն :

Գ. Հատորն ունի 436 *թերթիկ*: *Առաջին բառն է՝*

*շամբշեայ* — Lymphaticus.

*վերջին բառն է՝*

*Օքտել* — օգտել, բաւել, բաւականել :

Ոչ մի տեղ յիշատակութիւն չկայ, թէ ո՞վ է նրա հեղինակն եւ ե՞րբ կամ ո՞ւր է զրուած :

Ա. Հատորի սկիզբը կայ միայն հետեւեալ տարօրինակ զաղղիերէն մակադրութիւնը.

տարօրինակ՝ իր ուղղագրութեամբն եւ աւելի տարօրինակ՝ իր ստորագրութեամբը. «Le pré-

sent diquestionnaire (dictionnaire) a tête (a été) trôve (trouvé) chez un bokiniste (bouquiniste) de la rue St. Severin—St. Jacque». Ասորա-գրուած է — Thonderterthroukh. Armenian de Erzeroum: Առեղծուած է այդ «Էրզրումցի Հայի» անունը:

Արդեօք սա այն հայ-լատին բառարանը չէ, որ յօրինել է Ամստերդամի հայ եկեղեցու հովիւ Ամասիացի Տէր Յովհաննէսը, որ Ամստերդամ է եկել 1733ին, մասնակի վերանորոգել է սոյն եկեղեցին 1749ին եւ յիշում է իրեւ «հայ-լատին բառդրքի հեղինակ»<sup>1</sup>:

Երկրորդ գրչագիրն է՝ Հայ-Թրքական Աւետարան, 4 աւետարաններն ամրողջութեամբ, որ վերջանում է հետեւեալ յիշատաբանով. «Աւարտումն գրքիս ՌՃԿԹ, մարտի յամսոյ Ժ. եւ Ա. ի վայելումն Արգլմանին. ընդ երկայն աւուրս պահեսցէ, ձեռամբ Նախաշ Տէր Խաչատուրի. ի ժամանակս Կարապետ արհեսպիսկոպոսի Զէթունցի. Էջմիածնակաթողիկոս Աստուածատուրի»<sup>2</sup>: Բայ այսմ նա գրուած է 1720ին:

Գրչագրի սկզբումն էլ կայ մի ուրիշ յիշատակութիւն, որ հաւանականաբար վերոյդրեալ «Արգլմանի» կողմից է, եւ որ ասում է՝ «յիշատակ է արաքիլիցի տէր Սարգսս քահանայի»:

<sup>1</sup> Տես իմ «Հոլլանդան և Հայերը», Վիեննա, 1926, էջ 59, 199 և շար.

<sup>2</sup> Աստուածատուր Ա., Համադանցի, Կաթողիկոս ընտր. 1715 Մայիս 7, վախճ. 1725 Հոկտ. 10:

Այս Աւետարանը չքեղ կազմ ունի կաշիէ ,  
որի երկու կողքի վրայ փայլում է Օսմաննեան  
Թուլբան . ինչո՞ւ համար , յայտնի չէ : Բրիւք-  
սէլի Մատենադարանն այս գրչագիրը ձեռք է  
բերել ընդ ամէնը 52 Փր . 80 ս . վճարելով :

Գրչագիրը շատ մաքուր է գրուած , նոտ-  
րագիր , թղթի վրայ , եւ ամէն էջ ունի հայ-  
կական զարդարութեր : Ինչպէս երեւում է ,  
«Նախաշ» (գծագրող) Տէր Խաչատուրը հմուտ  
էր իր արուեստին :

Ամէն մի էջի կէսը հայերէն-գրաբար Աւե-  
տարան է , իսկ միւս կէսը նրա թրժերէն թարգ-  
մանութիւնը , հայերէն տառերով : Ես համե-  
մատեցի մի քանի էջ սպոտ քարգմանութիւնը  
հայերէն քնազրի հետ : Ուզը Կ . Պոլսի սովո-  
րական դրական լեզուն է , պարսկերէն եւ ա-  
րաբերէն բառերով լիք , ինչպէս որ էր մինչեւ  
նորագոյն Քէմալեան շրջանը . բայց պատա-  
հում են նաեւ ուսմկարանութիւններ : Բնդ-  
հանրապէս թարգմանութիւնը կատարուած է  
Հարազատ , նոյն իսկ բառացի : Համեմատու-  
թիւնը հայերէն բնագրի եւ թրքերէնի մէջ ցոյց  
տուաւ , որ կայ նաեւ տարբերութիւններ :

Այսպէս՝ Յովհաննու Աւետարանի մէջ՝  
«պատասխանի ետուն նմա հրեացքն՝ մեք  
օրէնք ունիմք» թարգմանուած է . «Ճ՛փուտլէր  
ճէվապ վէրտիլէր օնա . պիղիմ նամուսըմբզ  
վարտըր» : «Նամուս» նշանակում է պատիւ  
եւ ոչ թէ օրէնք : «Գլուխ Առաջին» թարգ-  
մանուած է «Պաշ իսլութա» : «Իբութզա»  
(Աշ !) նշանակում է սկիզբ եւ ոչ թէ առաջին ,

որի համապատասխան բառն է Բիրինջի  
(Քաջա) տաճկերէն կամ արարերէն լ, (էլ-  
վէլ) եւայլն։ Կան նաև տեղեր, ուր թրքե-  
րէնն աւելի անթերի է քան հայերէնը։ Օր.  
համ։ Յիսուսի խօսքերն ըստ Մատթէոսի՝  
«ամենայն ինչ տուալ ինձ ի հօրէ իմմէ» պար-  
բերութեան «ինձը» հայերէնում բաց է թո-  
ղուած, ուր որ թրքերէնում ամբողջ է.  
«Ճէմի նէսնէլէր փէտէրըմաէն պանա վէ-  
րիլտի»։ Հայերէնի մէջ «Ահա այրդ ցձեղ»  
պարբերութիւնը, թի անկումով դարձել է  
«ահա այդ ցձեղ», բայց թրքերէնում ճիշդ է  
դրուած։

Այս եւ այսպիսի մի քանի տեղիք ցոյց են  
տալիս, որ թրքերէն մասը ոչ թէ այս հայե-  
րէն բնագրից է թարգմանուած, այլ հայե-  
րէնի գիմացը զրուած են ուրիշ պատրաստի  
թրքերէն Աւետարանից օրինակուելով։ Այս  
հայ-թրքական Աւետարանն անշուշտ թրքա-  
խօս հայերի գործածութեան համար էր։

Բրիւքսէլի Արքայական Մատենադարա-  
նում կայ նաև մի հետաքրքրական Աւետա-  
րան, և աւետարանիներն ամբողջութեամբ,  
պարսկերէն լեզուով, սովորական արարական  
տառերով զրչագիր եւ շատ մաքուր զրուած։  
Արտագրողն, ինչպէս եւ սկզբնական թարգ-  
մանողն ըստ ամենայն հաւանականութեան,  
հայեր են եղած, յատկապէս պարսկահայեր։  
Կողքի առաջին սպիտակ երեսի վրայ կաց հե-  
տեւեալ հայերէն արձանագրութիւնը։ «Մար-

կար տի Խոսրովը գրեցի ի թիվին 17<sup>6</sup>72,  
Անդալի<sup>3</sup>» :

Այս պարսկերէն գրչագրի էջերի վրայ, այլեւայլ տեղեր ուրիշ շատ ծանօթագրութիւններ կան հայերէն լեզուով : Կարեւոր է Հետեւեալը : Մատթէոսի աւետարանի մի էջի վրայ պարսկերէն 8 տող ննջուած է եւ ապա նրա տակը 2 նոր տող աւելցուած դարձեալ պարսկերէն . լուսանցքի վրայ հայ գրիչն այդու տեղ աւելացնում է հայերէն՝ «մինչեւ ցայս վայր նոր գրածս է աւելորդ» եւ ապա «այս մին տողս է ճիշդ» : Այս «մին» բառը ի մէջ այլոց, ցոյց է տալիս, որ գրովը պարսկահայ է, որովհետեւ այնտեղի ոճ է : Էջերի տակն ու վրան յիշուած է հայերէն թէ քաներո՛րդ զլուխն է եւ քանի տուն է զրուած եւ զրքի վերջում գումարուած է . «Միանդամայն տունք չորից ավետարանացն են 3779 . լինին բովանդակական գակ գլուխք չորից ավետարանչաց 89» :

Մատթէոսի Աւետարանի թարգմանութեան վերջը հայ գրիչը նշանակել է «1071 տունք» : Այս 1071ը՝ մեծ շփոթութեան պատճառ է դարձել գրչագրի հին եւ նոր տէրերին : Ոմն Դոկտ . Հէնդէրսըն, որ Միսիոնէր է Պարսկաստանում, գնել է այս Աւետարանը 1854ին . եւ տեսնելով վերեւ նշանակուած

<sup>3</sup> Անդալին պարսկական նաւահանդիսատ է Կոստորից ծովում, այժմ կոչում է Փէհլէվլի, նոր արքայի անունով . իսկ տի Խոսրով = Խոսրովեան ձեւը յատուկ էր այն պարսկահայերէն, որոնք հաստատուած էին Ամստերդամում, ինչպէս բաղմաթիւ ուրիշ օրինակ-ներից յայտնի է :

«1071»ը, առանց ուշաղբութիւն դարձնելու հայերէն «տունք» բառին, Ենթաղբել է թէ դա քրիստոնէական թուական է և լրջօրէն արձանագրել է գրչաղբի վրայ. «See the date at the end of St. Matt̄nes Gospel, corresponding to the date of the christian Era 1071» (թուականը տես Մատթէոսի Աւետարանի վերջը, որ համապատասխանում է քրիստոնէական 1071ին): Ոչ պակաս սխալ է գործել Արքայական Մատենադարանը, տպագրելով իր Յուցակի մէջ «Cette date de 1071 désigne sans doute l'ère arménienne et par conséquent c'est en 1622 de notre ère que le volume fut écrit<sup>4</sup>».

Պարսկերէն թարգմանութեան մէջ ամէն մի Աւետարանչի տակը գրուած է նրա գրութեան թուականը արաբական ճերքեւ նշանակուածն է: Այս պարբերութիւնից պարզ երեւում է, որ գրուած է Հիջրէյի 1074ին, եւ «օրէնեալ Զիկադէ ամսի 6ին» (11րդ ամիսը Մուհամմէմից սկսելով) ինչպէս ասուած է պարսկերէնում: Ուրեմն ոչ քրիստոնէական եւ ոչ հայկական թուականին այլ Հիջրէի 1074ին, որ է 1662, Յունիս 24:

**Շահեկան է նմանապէս Մարկոսի Աւետարանի ներքեւ դրուած արձանագրութիւնը:**

<sup>4</sup> Catalogue des manuscrits de la Bibliothèque Royale de Belgique, II, 55, no. 54. Մատենադարանին ուղղած իմ գիտողութիւնից յետոց հարկ եղած ուղղումը կատարուած է այսնեղ:

Այստեղ ասուած է, «որ դրուած է «Եմիր Սիլքի որդի Սէրգիսի ձեռքով»։ Եւ ապա աւելցուած է նոյն տարին եւ ամիսը օհան 1944 հաջորդ սբարքին նոյն «օրհնեալ» Զիկաղէ ամիսը 1074ին։

Հայ դրիչը աւելորդ չէ համարել Մատթէոսի Աւետարանի դլիսին էլ դնել իսլամական ձեւով սովորական սկզբնական օրհնէնքը՝ այսպէս՝ Բիսմիլլահ էրբահման էրբահման, «Յանուան Աստուծոյ դթածի եւ ողորմածի»։

Մի հայերէն գրչագիր էլ կայ Լուլէնի համալսարանի Մատենադարանում, Շարական, որի մասին վերեւ խօսեցայ։

ԺԲ. ԳԼՈՒԽ

Բելգիայի համալսարանների կազմը :  
Բրիւքսէլի համալսարանին կից «Արեւելեան  
Կանաոր» (Institut de Philologie et d'Histoire  
Orientales) : Հայերէնի ամբիոնը : Պրոֆ. Ն.  
Աղոնց : Կանառի բացումն եւ գործունեու-  
թիւնը : Փոխ-Նախագահ Պրոֆ. Հ. Գրէ-  
գուառի նառն եւ անցեալ ու ներկայ գոր-  
ծունեութիւնն ի նպաստ Հայոց : Բրիւքսէլի  
Նուպարեան Հիմնարկութիւնը : Արևելական  
նրա պայմանները, դրամագլուխն եւ քոշա-  
կաւորները :

Փոքրիկ Բելգիան չորս համալսարան ունի  
բոլոր իրենց մասնաճիւղերովը : Այս համալ-  
սարանների երկուքը ամբողջապէս պետական  
են, այսինքն զանուում են տէրութեան անմի-  
ջական կարգադրութեան տակ եւ պահպահ-  
ուում են պետական բիւջէից սահմանուած  
ծախքով : Այսպիսի համալսարաններից մէկը  
բացուած է Ֆլանդրիայի, այսինքն Գանդան-  
ների բնակավայրի կենդրուում, Գանդ կամ  
Գէնտ (Gand, Gent) քաղաքում, իսկ միւսը՝  
Վալոնների գլխաւոր քաղաքում, Լիէժում :  
Տարրեր է երկու այլ համալսարանների թէ

վարչական դիրքն եւ թէ անտեսական կացութիւնը : Սրանցից՝ Լուվինի (Louvain, որ նոյնպէս Ֆլանդրայում է) համալսարանը գերազանցապէս կաթոլիկական ուղղութիւն ունի եւ այդ պատճառով էլ կոչւում է պաշտօնապէս՝ «կաթոլիկական համալսարան» (Université catholique de Louvain) : Այս բարձրագոյն կրթարանը դրուած է Բելգիայի եպիսկոպոսների հովանաւորութեան տակ եւ վայելում է նրանց մասնաւոր հոգածութիւնը : Վերատեսուչն էլ եպիսկոպոս է : Այս հիման վրայնա կրում է միանդամայն «եպիսկոպոսների համալսարան» (Université des évêques) տիտղոսը : Կառավարութիւնը այս համալսարանի ծախքերի մի թեթև մասն է միայն հոգում . մեծ մասը հոգացւում է այն գանձանակի արդիւնքից որ գրուած է եկեղեցիներում «յօդուտ կաթոլիկական համալսարանի» : Այս համալսարանում հիմնաւոր կերպով աւանդում է կրօնագիտութիւնը, բայց միեւնոյն ժամանակ բոլոր միւս սովորական ճիւղերն էլ իրենց պատշաճաւոր տեղն ունին : Իրբեւ հակակըլու Լուվինին՝ հիմնուած է Բրիւքսէլում «Ազատ» կոչուած համալսարանը (Université Libre de Bruxelles) : Սա եւս կառավարութեան անմիջական տնօրինութեան տակ չէ եւ Երկար ժամանակ, մասնաւանդ սկիզբները, իր ծախքերը հոգում էր զլիաւորաբար Բրիւքսէլ քաղաքի եւ մասնաւոր անհատների ընձեռած միջոցներով : Բայց վերջերս կառավարութիւնը տարեկան որոշ դումար (10 մի-

լիոն Փրանք) յատկացնելով, ծածկում է ծախքերի մեծ մասը: Աւելորդ է ասել, որ բոլոր 4 համալսարաններում էլ ուսանողների մեծ մասը տարեկան որոշ թոշակ են վճարում: Կան բացառութիւններ չքաւորների համար: Դասախոսութիւնների լեզուն՝ Գանի համալսարանում, իբրև զուտ ֆլամանական, Փլամերէն է, իսկ միւսներում զազգիերէն:

Շահեկան է այս համալսարաններում ուսանողների թիւը: Պաշտօնական տեղեկութիւնների համաձայն, զուտ ֆլամանական համալսարանը, 1931/32ին յաճախել են 1690 աշակերտ: իսկ միւս համալսարաններում, նոյն շրջանում, ուսանողների թիւն է եղել՝ լիէժում 2469, Բրիւքսէլում 2242, իսկ Լուվէնում 3963<sup>1</sup>: Արանք միայն տեղացիք, Բրիւքիացիք են: Բայց կան բազմաթիւ օտարերկրացի ուսանողներ, որոնց թիւն այն տարին 2423 էր եւ շարունակում է աճել:

Բելգիան ունի նաև իր ակադեմիաները: Եւ որովհետեւ, Երկրում երկու ցեղ եւ երկու պաշտօնական լեզու գոյութիւն ունի, ուստի ակադեմիաներն էլ երկու են, մէկը Բրիւքսէլում զազգիերէնի համար, որ կոչուած է Académie Royale de la langue et de littérature française եւ միւսը Գէնառում, Koninklijke Vlaamsche Academie voor Taal en Letterkunde անունով: Այս երկրորդի նպա-

---

<sup>1</sup> Annuaire statistique de la Belgique, t. LIV, Bruxelles 1932.

տակն էլ Փլաման, կամ որ զրեթէ նոյնն է՝  
Հոլանտական լեզուի, բանասիրութեան եւ  
զրականութեան մշակումն է :

Կան նաեւ ուրիշ բարձրագոյն դուռ մաս-  
նադիտական դպրոցներ, որոնց վրայ աւելորդ  
եմ համարում խօսել այստեղ, բայցի մէկից,  
որ իմ զբութեան դլխաւոր առարկան է : Այս  
նոր դիտական հաստատութիւնը, Բրիւքսէլի  
«Արեւելեան բանասիրութեան եւ Պատմու-  
թեան կանաչն»է (Institut de Philologie et  
d'Histoire Orientales), որ ծնունդ է առած  
1931ին հետեւեալ պարագաներում :

Երբ 1930ին Բելգիայի քաղաքական ան-  
ջատ դոյութեան հարիւրամեակն էր տօնւում  
եւ այս առթիւ մեծ հանդէսներ էին կատար-  
ւում, Անվէրսում բնակող մի հարուստ նա-  
ւատէր, Ռուբէրտ Վէռնէր անունով, կամեցաւ  
չօշափելի կերպով յաւերժացնել այս տօնն իր  
կողմից եւս եւ Բրիւքսէլի համալսարանին  
տարեկան 175·000 ֆրանքի մի զումար խոս-  
տացաւ, այն պայմանով, որ այս նուէրով  
հիմունի Արեւելագիտութեան ուսմամբ պա-  
րապւող մի նոր կրթական հաստատութիւն :  
Նրա այս դիտաւորութիւնն եւ նուէրը մեծ  
չնորհակալութեամբ ընդունուեց համալսա-  
րանի կողմից : Երբ պատշաճաւոր վաւերա-  
դիրները պիտի փոխանակուէին, համալսա-  
րանի «Փիլիսոփայութեան եւ Գրականութեան  
Ճիւղի» (Faculté de Philosophie et de Lettres)  
նախագահը, Պրոֆ. Հանրի Գրէգուառ, որ  
միշտ բարեկամ է եղած հայութեան, դիմեց

բարերարին և խնդրեց, որ իր նուիրատւութեան մի մասը յատկացնէ «Հայկական ամբոփոնին» և իր գրաւոր առաջարկութեան մէջ էլ այս կէտք իր կողմից յառաջ բերէ, որպէս զի որ եւէ առարկութեան առիթ չտրուի: Պ. Վէոնէր ընդունեց Պ. Գրէդուասի խընդիրքն և Համալսարանի Խորհուրդին ուղղած պաշտօնական գրութեան մէջ, որով յայտնում էր իր նուիրատւութիւնը, պայմաններից մէկն էլ այն դրեց, որ տարեկան 20·000 Փրանք յատկացուի ապագայ Արեւելեան Կաճառում հայերէնի դասախոսութեան: Բրիւքսէլի Համալսարանի Վարչական Խորհուրդն իր 1930 Նոյեմբեր 29ի նիստում ընդունեց Պ. Վէոնէրի նուիրատւութիւնն իր բոլոր պայմաններով: Այս կերպով Հայագիտութիւնը պարտաւորիչ էր գառնում իր գաղաքացիութացք: Բայց որովհեաւ տարեկան 20·000 Փրանքը բաւական չէր մշտական ուսուցչապետ հրաւերելու համար, այնպիսի դասախոս, որ իր ուսումնական գիրքովը հաւասար նկատուէր համալսարանի միւս պրոֆէսորներին, ուստի Վարչական Խորհուրդը որոշեց, որ Հայագիտութեան ամբիոն բացուի այն ժամանակ երբ Հայ հասարակութիւնն էլ մօտաւորապէս այդպիսի մի գումար իր կողմից իրքեւ տարեկան նպաստ կը յատկացնէ: Բելղիայի Հայ գաղութը խուլ չնուաց այս առաջարկութեան եւ լրացրեց հարկ եղած գումարը: Այս մասին Արեւելեան Կաճառի պաշտօնական հրատարակութիւնը՝

«Տարեգիրք» մեծ համակրանքով է խօսում եւ  
Հայերի այս ջանքը կոչում է «Effort accompli  
par un groupe de patriotes arméniens, ayant  
à leur tête la comtesse d'Arschot (Պօղոս Նու-  
պար փաշայի դուստրը), M. M. Saroukhan  
et Mihrtadiantz»<sup>2</sup>:

Նոյն տարին իսկ, այն է 1931 նոյեմբեր  
24ին տեղի ունեցաւ նորահաստատ Արեւելեան  
Կաճառի պաշտօնական բացման հանդէսը,  
Հրաւիրեալների մեծ բազմութեան ներկայու-  
թեամբ, որոնց մէջ բազմաթիւ հայեր: Բաց-  
ման ճառը արտասահնեց համալսարանի վե-  
րատեսուչը, որ պարտականութիւն համարեց  
չնորհակալութիւն յայտնել «այն հայերին,  
որոնք իրենց գրամական օժանդակութեամբը  
հնարաւոր կացուցին հայերէնի ամբիոնի հաս-  
տառութիւն»: Բայց բուն խօսքը պատկանում  
էր Պրոֆ. Գրէգորանին, որ «Արեւելեան Կա-  
ճառի» փոխնախագահ էր ընտրուած եւ  
իսկական զեկալարն էր հանդիսանում: Խօ-  
սելով Հայկական ամբիոնի մասին նա ներ-  
կայացրեց Պրոֆ. Նիկողայոս Աղոնցին, որ  
Հրաւիրուած էր ուսուցչապետ այս ամբիոնի  
եւ դովից նրա նախկին զիտական գործու-  
նէութիւնն իրբեւ Պետրողրադի Համալսա-  
րանի հայերէնի ուսուցչապետ: Հայտգիտու-  
թեան ուսման ակնարկելով նա ասաց. «Ուս-  
ման այս դաշտը ոչ թէ միայն շարունակու-

<sup>2</sup> Annuaire de l'Institut de Philologie et d'His-  
toire Orientales pour 1932/1933, Bruxelles, p. 17.

թիւն է Բիւզանդականին, այլ այնպէս խառնում է սրա հետ, որ կարելի է կոչել «քիւզանդա-հայկական», կամ նոյն խոկ «հայ-քիւզանդական...»։ Եւ ապա այս առթից օգտուելով յարգելի ճառափոսն, որ միշտ հետաքրքրուած է հայկական հարցով եւ ուժգնորէն պաշտպանած<sup>3</sup>, աւելացրեց հետեւեալլ. «Կարո՞ղ եմ առանց յուզման ներկայ լինել մեր մայրաքաղաքում հայերէն լեզուի, գրականութեան եւ պատմութեան դասընթացքի հաստատման եւ չյիշել Պատմուքեան ամենաղաժան աղղային ողբերգութիւններից մին։ Հայ մշակոյթի այս իրաւական (de jure) ճանաչումն ես ընդունում եմ իրրեւ սկիզբ հասուցումի (reparation), իրրեւ քաջալերական եւ իրրեւ լաւաղպյն ապագայի ակնկալութիւն»։

Այս առաջին տարեշրջանում (1932/33) Պլուֆ. Ալոնց իր աշակերտներին, որոնք քեծամասնութեամբ օտարազգիք են, բացատրեց հայերէն այբուբէնից յետոյ սովորակի քերականութիւն, հիմնուելով Meilletի ծանօթձենարկի վրայ։ (Աւելորդ է կարծեմ ասելն որ գասախօսութիւնը գաղղիերէն է։) Ապա նա պարապուեց հայերէն բնագիրների ընթերցումովն եւ մեկնութիւնովը, ինչպէս Աւետարան, Եղիշիկ եւ Փաւուսոս Բիւզանդացի։

<sup>3</sup> Ուշադրութեան արժանի է Պ. Գրէդուարի վարած Le Flambeau, revue belge des questions politiques et littéraires ամսագիրն, ուր յաճախ երեւցած էն շահեկան յօդուածներ հայկական կեանքի երեւյթների մասին։

Այս աշակերտների թւումն է նաեւ նոյն ինք  
Պլոփ. Գրէգուառ :

Համալսարանն , որի , ինչպէս արդէն ասի ,  
Փիլսոփայութեան եւ Գրականութեան ձիւ-  
ղին կից է Արեւելեան Կաճառը , սկսած է ար-  
դէն իր հայագիտական մատենալարանն եւս  
կազմել , որի համար զրքեր մասամբ գնուած  
են եւ մասամբ նուէր ստացուած :

Արեւելեան Կաճառը նաեւ շահեկան հրա-  
մարակական գասախօսութիւններ է սարքում  
յատկապէս հրաւելիուած օտար գիտնական-  
ների միջոցով : Այսպիսի մի գասախօսութիւն  
կարգաց Օք . Սէր Ներսէսեան Ուէլլիի  
Դպրոցի (Welsley College, Cambridge, Mass.)  
ուսուցչապետը , l'Illustration de la légende  
de Barlaam et Joasaph նիւթի վրայ : Նրա  
գասախօսութիւնը արժանացաւ մասնագէտ-  
ների , ի մէջ այլոց Հ . Պետերսի գնահատու-  
թեան <sup>4</sup> :

Բրիւքսէլում կայ նմանապէս՝ մի շատ  
կարեւոր հայկական բարենպատակ հաստա-  
տութիւն , այն է՝ Նուպարեան հիմնարկու-  
թինը , որ պաշտօնապէս կոչւում է Օսուր  
Նubar pacha , որ հանդուցեալ մէծ հայի ազ-  
գասիրական ձեռնարկութիւններից մէկն է եւ  
ոչ նուազագոյնը :

<sup>4</sup> Հ . Պետերս զրէւ էր արդէն այս նիւթի վրայ .  
P. Peeters , La traduction latine de «Barlaam et  
Joasaph» et son Original grec. Analecta Bollan-  
diana , t. XLIX , 1931 , p. 276—312.

Այս հիմնարկութեան նպատակն է, ինչ-  
պէս ասուած է կանոնագրութեան Ա. յօդուա-  
ծում, «դպրոցական դրամական նպաստնե-  
րով օգնել այն հայ պատահիներին, որոնք  
ուսման ընդունակ են բայց միջոց չունին հա-  
մաշարան եւ բարձրագոյն դպրոց մտնելով  
մասնագիտութիւն սովորելու, մեր ազգին  
օգտակար հանդիսանալու համար»: Բայց այս  
նպաստները պէտք է յատկացուին այն ուսա-  
նողներին, «որոնք իրենց ուսումն աւարտե-  
լուց վերջը յանձն կ'առնեն Հայաստան երթալ:  
Նրանք պարտաւոր են Հայկական կառավա-  
րութեան դպրոցներում դասախոսել կամ առ-  
հասարակ իրենց մասնագիտութիւնը Հայաս-  
տանում գործադրել»:

Նույգարեան հիմնարկութեան թոշակա-  
ւորները, ինչպէս որոշակի չեցառւածէ կանո-  
նագրութեան ծրդ յօդուածում, պէտք է հայ  
ցեղին պատականին, բայց առանց խորութիւն  
դնելու նրանց կրօնական դաւանութեանը մէջ:  
Թեկնածուները պէտք է համապատասխանեն  
հետեւեալ պայմաններին (յօդ. 7). ա. հայե-  
րէն կարդալ եւ գրել պէտք է դիտնան. բ. ոչ  
պակաս քան 14 տարեկան եւ ոչ աւելի քան  
20 տարեկան լինին. գ. բարի վարքի վկայա-  
կան ներկայացնեն Եկեղեցական իշխանու-  
թեան կամ այլ պատշաճաւոր մարմնի կողմից  
տրուած. դ. բժշկական վկայական ունենան  
իրենց առողջական վիճակի վրայ. ե. ոչ մի  
քաղաքական կուսակցութեան չպատկանին եւ  
իրենց ուսման ընթացքի ժամանակ էլ ոչ մի

քաղաքական կաղմակերպութեան չյարին .  
զ . այս պայմաններին համապատասխանող  
աղջիկ ուսանողուհիներ եւս կընան ընկունուիլ  
իրեւ թոշակաւոր . բայց ուսանողուհիների  
թիւը թոշակաւորների ընդհանուր թուի մէկ  
հինգերորդից աւելի պէտք է չլինի :

Հիմնադիր բարեգործը հարկ է համարել  
նշանակել նոյնպէս թէ ինչ մասնագիտութիւն  
նախամեծաբ է, որ իր թոշակաւորները հե-  
տեւին (յօդ. 12). «Որովհետեւ մեծ թուով  
հայեր, որոնք իրաւագիտութիւն, բժշկու-  
թիւն եւ նոյն խոկ երկրագործութիւն են սո-  
վորել, մեծ դժուարութիւն են զգում իրենց  
արհեստը բանեցնելու եւ ստիպուած են ուրիշ  
պարապմունք վինտուել, իրենց ապրուստը շա-  
հելու համար, ուստի թոշակներ պէտք է  
յատկացուին մասնաւորապէս այն ուսանող-  
ներին, որոնք կ'ուզեն դառնալ՝ մեքենավար,  
ելեկտրագէտ, քիմիաբան, ճարտարագէտ,  
ճարտարապէտ, դեղագործ, վաճառական եւ  
մանաւանդ այնպիսիներին, որոնք յանձն  
կ'առնեն իրենց սովորած մասնագիտութիւնը  
չայսատանի դպրոցներում դասախոսելու :  
Իրեւ բացառութիւն կարելի է 10 թոշակից  
2ը յատկացնել այն ուսանողներին, որոնք ու-  
րիշ ճիւղերի կը հետեւին, օրինակի համար  
գրականութեան եւ գեղարուեստի» :

Պօղոս Նուղար՝ իր այս հայանպաստ  
հաստատութիւնը հիմնել է Բրիւժսկելում, ուր  
բնակւում է իր միակ գուստորը, որ ամուսնա-  
ցած է մի աղնուական Բելգիացու, կոմս

գ'Արսկոտի Հետ (comte d'Arschot-Schoonhoven) : Հաստատութիւնը գրուած է մի Վարչական Խորհուրդի հոկողութեան տակ, որ բազկացած է 5 անդամից : Սրանցից 2ը Հայոց Բարեգործական Ընդհանուր Միութեան կենտրոնական Վարչութեան կողմից պէտք է նշանակուին, 2ը Բրիւքսէլի Համալսարանի Հաստատութեան (Fondation Universitaire) կողմից, իսկ 5երրորդը պէտք է լինի Հիմնադիր Նուպարի ուղղակի սերունդը կամ որա ներկայացուցիչը : Այս Վարչական Խորհուրդն է, որ միազօր կերպով վարում է Հաստատութեան ելեւմուտքը :

Այս Հաստատութիւնը հիմնուած է 1924ին : Սկզբնական դրամագլուխը՝ 20.000 (քսան Հազար) անգլիական լիրա ստէրլինգ էր, որ Պողոս Նուպար դրաւ Լոնդոնի Barklay's Bank Ltd դրամատան մէջ, 5% տոկոսարեր արժեթղթերով : Նրա պայմանն էր, որ այս դրամագլուխը պիտի մնայ անձեռնմխելի (trust) եւ միայն տոկոսը պիտի գործադրուի : Այսուհետեւ բարերարը իր մահուանից անմիջապէս յառաջ, այն է 1930ին, այդ դրամագլուխի վրայ աւելացրեց 50.000 ամերիկական դոլար (= մոտ 10.000 £), զարձեալ տոկոսարեր արժեթղթերով : Եւ որովէս զի այս դրամագլուխը չպակսի, այլ տարուց տարի աճի, Կանոնադրութեան յօդ. 2ի Համաձայն, Բարեկէյ բանկը պիտի պահէ ընդհանուր եկամտի  $\frac{1}{5}$ ը եւ աւելացնէ դրամագլուխի վրայ, եւ միայն մնացած  $\frac{4}{5}$ ը ուղարկէ Բրիւքսէլի

Համալսարանական Հաստատութեան, դոր-  
ծաղբուելու համար : Եւ որովհետեւ Պարիզի  
Հ. Բարեգ. Ընդհ. Միութիւնը որոշ հսկո-  
ղութիւն պիտի ունենայ, իր 2 ներկացացու-  
ցիչների միջնորդ, թոշակաւորների վրայ,  
ուստի Բրիւքսէլի Համալսարանական Հաս-  
տատութիւնն էլ, բանկից ստացած գումարի  
 $\frac{1}{10}$ ը պէտք է զնէ Բարեգործականի արամա-  
գրութեան տակ, այս վերջինի ընթացիկ ծախ-  
քերը ծածկելու համար : Եւ վերջապէս՝ Կա-  
նոնագրութիւնը նախատեսել է նաեւ այն պայ-  
մաններն, երբ Հ. Բարեգ. Բ. Միութիւնը կամ  
Բրիւքսէլի Համալսարանական Հաստատու-  
թիւնը լուծուին : Այն ժամանակ անդիմական  
յիշեալ բանկը զրամագլուխի եկամուտը, ըստ  
կանոնագրութեան զործագրուելու համար,  
պիտի յանձնէ Պարիզի Հայ Լուսաւորչական  
եկեղեցւոյ թաղական կամ Վարչական Խոր-  
հուրդի Նախագահին, որ Նուազարեան վեր-  
դաստանի մի ներկացացուցչի հետ պիտի շա-  
րունակէ զործել :

Տիրող ընդհանուր տնտեսական տաղ-  
նապն ազգած է նաեւ այս հայանպաստ ձեռ-  
նարկութեան արդիւնքի վրայ : Անձեռնմխելի  
զրամագլուխը, ներկայ պայմանների մէջ, թէ՛  
իրբեւ հիմնագրամ եւ թէ իրը տարեկան տո-  
կոս՝ զդալի կերպով պակած է : Աչքի առջեւ  
ունիմ 30 Սեպտեմբեր 1931 եւ 30 Սեպտեմբեր  
1932 հաշուեկշիռները : 1930/31ին տարեկան  
եկամուտ է եղած (ընդհանուր մուտքի  $\frac{4}{5}$ ը՝  
ըստ կանոնագրութեան) 243.033,80 բելգ.

Գրանք, իսկ 1931/32ին միայն 160·061,50 :  
Հստ այնմ էլ պակսած է թոշակաւորների  
թիւն և նրանց արուած նողաստը :

«Պօղոս Նուպար վաշա Հիմնարկութիւնը»՝  
իր հաստատման թուականից, այն է 1924ից  
մինչեւ 1932 Սեպտեմբեր 30, ունեցել է 48  
թոշակաւոր ուսանող, որոնց վրայ ծախսել է  
1,036·000 րելդ. Փրանք : Այս ծախսն անհաւ-  
ասար կերպով է բաժնուած : Նրանց մէջ կայ  
մէկն, որ երկար տարիներ օգտուել է նողաս-  
տից և ստացել է 112·000 Փրանք, բայց ստ-  
րացառութիւն է կազմում :

Նուպարեան Հիմնարկութեան այժմեան  
վարչութիւնը մեծ հողածութիւն է ցոյց տա-  
լիս թէ գրամական խնդրի կանոնաւորութեան  
և թէ թոշակաւորների յարմար ընտրու-  
թեան :

---

ԺԳ. ԳԼՈՒԽ

Վերջին հայկական թշուառութիւններն եւ Բելգիան : Հայասէրների Միջազգային Լիգան : Ժընէվի Ազգաժողովի Յանձնաժողովը : Բելգիայի հայ գաղութի անցեալն եւ ներկան : Հայերէն Աստուածաշունչի 1500ամեակի տօնակատարութիւնը Բելգիայում :

Ինչպէս յայտնի է, քսաներորդ դարի մէծ եղեռնազործութիւնն, այն է՝ անզէն, անօգնական եւ անմեղ մի ժողովրդի, իր բնալայրից բոնի տարագրելով, դժնզակ պարագաներում տեղահանուիլին եւ բնաջնջման ևնթարկուիլը զայրոյթ, ապշութիւն եւ կարեկցութիւն յառաջ բերաւ թէ Եւրոպայում եւ թէ Ամերիկայում : Ցնցուած էր մարդկացին խիղճն եւ այլեւայլ երկիրներում ցոյցեր տեղի ունեցան, որոնք արդարութիւն էին պահանջում նահասուակութեան մատնուած հարիւրհաղարաւոր անմեղների համար : Այս ժողովրդական ինքնարուխ ցոյցերի մէջ փոքրիկ Բելգիան ոչ մի երկրից եւս չմնաց : Հայ փախստականներ մէծ թուով դիմեցին եւ տեղաւորուեցին այս հիւրընկալ երկրում : Այսպիսով Բելգիան մի անդամ եւս ապացու-

ցեց թէ նա աղստ և ապահով ապաստանացան է զրկուածների, մեծալէս օժտուած է մարդասիրական զգածմունքով և ամէնից աւելի բարձր է զասում մարդկային անձն և նրա օրինաւոր իրաւունքները :

Բրիւքսէլում կազմուեց մի Հայ-բելգիական Յանձնաժողով, Comité belge philarménien, «րի նախազահուհին էր կոմսուի դ'Արսչոտ (Պօղոս Նուազար Վաշայի դուստրը, «ր ստորագրում է Nubar comtesse d'Arsceton), փոխ նախազահ՝ Բոլլանդեան կրօնաւոր, ծանօթ Հայագէտ Հայր Պօղոս Պիետերս և անդամներ՝ Համալսարանի ուսուցչապետ Հանրի Գրէզուառ, Օսկար Գրօժան<sup>1</sup> և Մաքսուառ Միհրդատեանց, որոնք Եռանդով վարեցան իրենց յօժարակամ ստանձնած մարդասիրական պարտականութեան։ Հայր Պետերս և Պրոֆ. Հ. Գրէզուառ ճարտար բանախօսութիւններով բելգիացիների համակրութիւնն էին արծարծում ի նպաստ աղետեալ Հայոց։ Բելգիացի զանազան քաղաքներում, այս Յանձնաժողովի ձեռքով միտինդներ կայացան, որոնք իրենց միահամուռ խղճամիտ զայրոյթն էին արտայացառմ Թիւրքիայում կատարուած այս սոսկալի եղեռնի դէմ և իրենց միահամուռ որոշումների մէջ պահանջում էին «Հայ ժողովուրդի համար սեպհական հայրենիք իր նախնեաց հողի

<sup>1</sup> Այս Բելգիացի ուսումնականը Պրոֆ. Henri Grégoireի հետ խմբագիր-հրատարակիչ է Flambeau զբական հանդէսի:

վրայ» : Միեւնոյն ժամանակ հիմնուել էր մի «տեղեկատու զբասենեակ» — Bureau d'information arménien — որ լուրեր եւ ամբողջ յօդուածներ էր հայթայթում Հայոց վիճակի մասին բելղիական մամուլին եւ այս կերպով երկրի կառավարութիւնն եւ ժողովուրդի հետաքրքրութիւնն ի նպաստ Հայոց վառ պահանջում :

Բայց ի այս Յանձնաժողովի անգամներից, ուրիշ ազդեցիկ բելղիացիներ եւս այս կամ այն ձեւով իրենց համակրութիւնն են յայտնել հայ ազգին, իրենց մասնակցութիւնը բերելով հայկական դատի նպաստաւոր լուծման : Առանձնապէս յիշատակելի է նրանց մէջ Պ. Չոֆէն (Paul Tschoffen), քանիցս մինիստր եւ բելղիական կաթոլիկ ազդեցիկ քաղաքական կուսակցութեան պետերից մէկը :

Բելղիական կառավարութիւնն եւս անտարբեր չմնաց, եւ ինչ որ դիւանագիտական միջոցներով կարող էր դործել, չթերացաւ եւ կատարեց լիովին : Ամէն պատեհ առթից օդառուելով (ի մէջ այլոց Պ. Չոփէնի հարցարնդումի վրայ) բելղիական խորհրդարանում պաշտպան հանդիսացաւ հայերի եւ արդարութիւն պահանջեց նրանց համար : Նա միջնորդեց այս մասին այն ՄԷծ Պետութիւնների մօտ, որոնք վճռական դեր կարող էին կատարել ի նպաստ Հայոց եւ վերջապէս Ժընէվի Ազգաժողովում իր ներկացացուցիչները՝ յօդուտ հայ փախստականների եղած

գիմուներին և պահանջներին ամէն կերպ  
աջակցել են իրենց ազգումիջամտութեամբը :  
Կարեւոր է հետեւեալ պարագան :

Այլեւայլ երկիրներում հիմնուած Հայա-  
նպաստ Յանձնաժողոմները 1920 Յուլիս 7ին  
համագումար ունեցան Փարիզում և հիմնե-  
ցին «Հայասէրների Միջազգային Լիգա»  
(Ligue Internationale Philarménienne), «որ  
իր գործունէութեան կենդրունավայր ընտրեց  
Ժընէֆը, «Ազգերի Միութեան» վրայ ազգելու  
նպատակով : Եւ իրօք այս «Լիգայի» անդուլ  
միջամտութեան արդիւնքն էր այն որոշումն,  
որ կայացրեց «Ազգերի Միութեան» ընդհա-  
նուր ժողովը, որով նա յանձնարարում էր իր  
Խորհուրդին՝ «Հայաստանի ապագան ապա-  
հովիլ եւ Հայերին յատկացնել տալ սեպիա-  
կան հայրենիք (oyer national) Օսմանեան  
տիրապետութիւնից անկախ » : Ի՞նչ որ էլ լինի  
ստացուած արդիւնքն, Հայ ժողովուրդը պէտք  
չէ որ մոռնաց յիշեալ Լիգային մասնակցող  
օտարազգի հայասէրների գործն եւ անուն-  
ները<sup>2</sup> :

---

<sup>2</sup> Իրքիւ պատմական զէպք եւ հայութեան համար  
նշանակալից, աւելորդ չեմ համարում այս Լիգայի հիմ-  
նադիրների եւ 1920ին Փարիզի համագումարին մաս-  
նակցողների անունները :

Մեծն Բրիտանիա. Harold Buxton, Arnold J.  
Toynbee և Aneurin Williams, M. P.

Ֆրանսիա. H. Lafontaine, Sénateur: Նրան փո-  
խարինած է 1924ին, prof. Henri Grégoire.

Դանիա. Mme Inga Nalbandian, գանուզի:

Գալլիա. Victor Bérard, Sénateur.

Գուիցերիա. A. Kraft-Bonnard, Paul Moriand  
և Ant. Velleman.

Այս արդիւնքը գժըախտաբար տիսուր եւ յուսաբեկ եղաւ։ Զավազանց աննալաստ այլ- եւայլ քաղաքական հանգամանքների պատ- ճառով Ազգաժողովի այս որոշումն անդոր- ծաղրելի զարձաւ։ Հարկ եղաւ՝ յատկապէս հայ զաղթականների նկատմամբ տարրեր մի- ջոց ձեռք տանել։ Մարդասէր եւ մեր ցեղին բարեկամ մէծ նորվեգիացու նահանչնի ազգե- ցիկ միջամտութեան չնորհիւ, նրա զեկավա- րութեան տակ յատուկ Մասնաժողով ըն- տրուեց, որ պիտի ջանար, հայ փախստական- ներին փոխադրել կովկաս, եւ տեղաւորել այնտեղ Հայաստանում, կամ մօտերքը, որ- շափ հնարաւոր էր։ Նահանչն 1925ին անձամբ գնաց Հայաստան, քննելու համար թէ ի՞նչ կերպով կամ ո՞ր չափով կարելի էր ի կա- տար ածել այդ որոշումը։

Նրա եղաւկացութիւնն էր թէ Խորհ. Հայաստանի մէջ կարելի էր մէծ թուով գաղ- թականներ տեղաւորել ևթէ հնարաւորութիւն որուէր 45·000 հեկտար անջրդի հող կարդի րերել այնտեղ։ Ազգերի Միութիւնը անկարող հանդիսացաւ հարկ եղած ծախքը (1½ մի-

---

Ամերիկա (Միաց. Նահ.). James L. Barton, Walfer George Schmid և Charles V. Vickrey.

Լիգայի ժընէլի մէջ Գործադիր մարմին (Comité Exécutif) անդամներն էին՝ Ed. Naville Նախագահ, Aug. de Morsier, Ա. Բնոհ. քարտուղար և John H. Harris (Լոնդոնում), Բ. Բնոհ. քարտուղար։

Լիգան ունէր նոեւ իր վարչական Յանձնախումբն (Commission administrative), որի անդամներն էին Leopold Favre, William Rappard և Jules Breiten- stein.

լիոն Ֆ) հոգալ, որով այս ծրագիրը չպար-  
ծաղքուեց : Բարեբախտաբար Հայաստանի  
կառավարութիւնը կենդրոնական իշխանու-  
թեամբ ինքն իր միջոցներով սկսած է գոր-  
ծադրել այս տեղաւորումը մասնակի ներ-  
դաղթների ձևով :

1932 Հոկտ 28ին էր, որ Փընէվում ստո-  
րագրուեց այն միջազգային պայմանագրու-  
թիւնն, որով սահմանուում էր սուս և Հայ  
վախսականների իրաւական կարգը (statut),  
որի գործադրութեան վրայ պիտի հսկեր  
Office International des Réfugiés կոչուած  
պաշտօնաբանը Ժընէվում : Մեծ և փոքր պե-  
տութիւնները հետղհետէ ընդունեցան ազգ-  
իրաւակարգը թէւ զեռ ոչ բոլորը : Բայ  
այսմ Բրիւքսէլում Արտաքին Գործոց նախա-  
րարութեան մէջ կայ մի յատուկ Բելլիայի  
պաշտօնեայ, որի պաշտօնն է ճշգել գաղթա-  
կանների ինքնութիւնը, գիւրացնել նրանց  
բնակութիւնն եւ կանոնաւորել նրանց առօ-  
րեայ կեանքն, որպէս զի կարողանան իրենց  
ապրուստը հոգալ, անթերի կատարելով տե-  
ղական օրէնքները :

Բելլիայի հայ դադութն եւս օգտւում է  
այս նոր իրաւակարգից :

Մեծ պատերազմից յառաջ Բելլիայի հայ  
գաղթութը մօտ 50 հոգուց էր միայն բազկա-  
ցած, որոնք զլիսաւորապէս առեւտրականներ  
էին, բոլորն էլ որոշ եւ հաստատուն զրազ-  
մունքի տէր : Դրանց մեծ մասն Անվէրսում  
էր հաստատուած եւ ծխախոտի եւ աղամանդի

գործով էին պարագում : Կային նաեւ գորդի  
վաճառականներ եւ դպրոցական ուսանողներ :  
Պատերազմի ընթացքում եւ մանաւանդ զի-  
նազագարից յետոյ այլեւայլ կողմից Բելզիա  
ապահովաբեր անգործ եւ մեծ մասմբ ըն-  
չափուրկ հայեր, որոնց համար տեղական լե-  
զուն, Փրանսերէնը, համեմատաբար աւելի  
մատչելի էր : Այսպիսինների թիւր հետպհետէ  
հասաւ մինչեւ հազարի, որ մինչեւ այսօր էլ  
գրեթէ նոյնը մնաց : Նրանց մեծ մասը թիւր-  
քիացիններ են եւ միայն փոքր մասը կովկաս-  
ցիք : Նրանք հաստատուեցան Բրիւքսէլում,  
գրեթէ <sup>2</sup>/3ը, և Անտվէրպէնում (Anvers) <sup>1</sup>/3ը :  
Կան նաեւ պարսկահայեր, որոնք բարձրագոյն  
դպրոցների ուսանողներ են :

Երբ Թիւրքիան պատերազմի ընթացքում  
զօրակոչ յայտարարեց օտար Երկիրներում  
առլրով իր հպատակներին, Բելզիայում դըտ-  
նուող թրքահպատակների մեծ մասը վախ-  
նալով, որ Գերմանական իշխանութիւնն, որ  
գրաւած էր Երկիրը, իրեւ դաշնակից կարող  
էր ճռչում գործ գնել նրանց վրայ, խոհեմու-  
թիւն համարեցին մերձակայ չեղոք Երկիրը,  
Հոլլանդա ապաստանիլ եւ մինչեւ պատե-  
րազմի վերջը մնացին այնուեղ : Իսկ Անդէր-  
սից շատերն արգէն պատերազմի սկիզբներն  
Անդիա էին փոխազրուել, որով ոչ մի հայ  
չտուժեց : Հոլլանդա տեղափոխուած Հայերն  
անտարբեր չգտնուեցան իրենց կարօտ հայ-  
րենակիցների նկատմամբ : Հոլլանդայում  
կազմուեց «կարօտեալ Հայերին օգնող Հոլ-

լանդական Յանձնաժողով» (Nederlandsche Comité tot hulpbetoon de noodlijdende Armeniërs) «ըին անդամակցում էին 21 ազգեցիկ հոլանդացիներ, նախազահ ունենալով նախկին Փինանսական մինիստր Վան Ղայն (Ant. Van Gijn) և քարտուզար՝ օրիորդ Վան դեր Հօօպ (Van der Hoop) <sup>3</sup>:

ԲԵԼԳԻԱՅՈՒՄ, հայ դադութը 1920ից սկսած պաշտօնապէս սկսել էին արձանադրութիւն բերդութեան անդամ ընդունուեց, ոս ամէն ջանք զործ դրեց, որ եւրոպական երկիրներում իրեւու «Հայ» արձանադրութեանքատակները թրքական գեսպանատան կարգադրութեան տակ մտնեն և պարզապէս «թուրք» ճանչցուին: Այս կերպով մեր դադթականներն, որոնք իրեւու փախառականներ թուրք կառավարութիւնից իրաւագուրի էին նկատուած, իրաւագուրի պիտի դատնային նաև Նանսէնեան Յանձնաժողովի առջեւ:

<sup>3</sup> Այս հոլանդական հոյանպաստ Յանձնախռութը բացի կարօնեալ հայերին զրամական նպաստ հայթացթեւուց, մի օպտակար զործ եւս կատարեց: Ես հրատարակեց մի բարձրակայից զիրք հոլլանդերէն լեզուով Marteling der Armeniërs in Turkije, այսինքն «Հայոց մարտիրոսացումը Թիւրքիայում» վերսագրով, ապ. 1918ին: Այս շահեկան հրատարակութիւնն, որ 250 էջից է բաղկացած, Յ Մասի է բաժնուած՝ Ա. Տարագրութիւնները, Բ. Տարագրեալների վախճանը և Գ. Կատարուած իրողութիւնների բնոյրը: Առնի նաև մի Յանձնուած, որ ընդհանուր վիճակագրական տեղեկութիւններ է տալիս հայ ժողովուրդի լնակավայրերի, թիւի եւ գաւառութիւնների մասին, քաղուած զվարարար Գոկտ. Լէպսիսոսի ծանօթ նշանաւոր գերմաներէն հրատարակութիւնց:

Այսակի Հայոց Գաղութային Վարչութիւնն  
այս մասին մի ընդարձակ զեկուցագիր ուղար-  
կեց Ժընէվ Ազգաժողովի Բելգիական ներ-  
կայացուցչին : Թուրք կառավարութեան պա-  
հանջը մասամբ միայն զոհացում ստացաւ .  
դանուեց միջին ճանապարհ : Բայ այսմ Բել-  
գիայի հայ գաղութի այն մասն , որ նախկին  
թրքահպատակ էր , այժմ արձանազրուած է «turc, réfugié arménien» : Այս բարեկարգութիւնը պահպանուելով , նա իրաւունք էր ստա-  
նում շարունակել պահպանել իր կազը Ժընէ-  
վի Գաղթականական Յանձնաժողովի հետ և  
անխախտ էր մնում նրա իրաւակարգը Բել-  
գիայում : Հայ Գաղութային Վարչութիւնը  
միշտ կանոնաւոր եւ ճշգալահ ընթացք է  
բոնել տեղական իշխանութիւնների մօտ ,  
որով մեծապէս օգտակար է հանդիսանում  
թէ Բելգիայում մշտական բնակութիւն հա-  
տատած «անհայրենիք» հայերին եւ թէ այն-  
պիսիններին , որոնք այս կամ այն պատճառով  
ուրիշ երկիրներից ստիպուած են լինում հե-  
ռանալ եւ դիմում են Բելգիա : 1933ին Ժընէ-  
վում նոր օրէնքներ սահմանուեցան , որով  
ճշգուեցան եւ աւելի աղահով կացութիւն  
տրուեց ուստ եւ հայ գաղթականներին : Այս  
պարագան ազգեց նաեւ Բելգիայի Հայոց վի-  
ճակի բարեկարման :

Բելգիայի հայութիւնը շատ լաւ է կազ-  
մակերպուած իր ներքին ազգային կեանքում :  
Նա ունի իր ազգային կանոնազրութիւնն , ըստ  
որում ընտրում է նախ Պատգամաւրական

ժողով, որին մասնակցում են 18 տարին լրացոցած եւ տարեկան 12 ֆրանք կամաւոր տուրք վճարող բոլոր գաղթականները :

Այս Գատգամաւորական Ժողովն, որ բաղկացած է 30 անդամից, ընտրում է իր գործադիր մարմինն, որ կոչվում է «Բելգիայի Հայ Գաղութային Վարչութիւն» (Comité des Arméniens de Belgique) ու պաշտոնապէս ճահճաչուած է բելգիական կառավարութեան կողմից : Վերջին ընտրութիւնը կայացաւ 1935 Մայիսին : Այժմեան կազմը հետեւեալն է .

Ատենապետ՝	Պ. Մուրատեան
Փոխ-Ատենապետ՝	Ն. Զամքէրթէն
Ատենադպիր՝	Գ. Պարսամեան
Փոխ-Ատենադպիր՝	Հ. Էնֆիաջեանց
Գանձապահ՝	Խ. Քալանթարեանց
Խորհրդականներ՝	Արտ. Մըսքեան
	Ն. Վրոյք
	Ս. Փափառեան
	Վ. Մուրտիկեան

Մրանցից փոխ ատենադպիրն եւ գանձապահը կովկասահայ են, միւսները թրքահայ : Իսկ պատգամաւորական ժողովի ատենապետն է Պ. Մ. Միհրդատեանց :

Բելգիայի Հայ գաղութն ընդհանրապէս եւ իր ունեւոր գասակարգը մասնաւորապէս, ինչպէս են Մըսքեան գերգաստանը, եւ ՊՊ. Խորասանձեան, Զամքէրթէն, Միսաք եւ մի

քանի ուրիշներ, իրենց զբամական օժանդակությունը չեն խնայած թէ ընդհանուր աղպային պէտքերին եւ թէ յատկասպէս տեղական գաղութի կարօտութիւններին : Այս այլեւայլ հանրային պէտքերին եւ կրթական պահանջներին գոհացում տալու համար Բելգիայում եւս գոյութիւն ունին աղջային, բարեգործական, եւ կրթական միութիւններ : Այսպիսին են՝ «Հայ Կարմիր Խաչը», որի ատենապետուհին տիկին Արմենուհի Մըսըրեան Գաղութային Վարչութեան ատենապետ Պ. Մուրատեանի նման ընդհանուր բաղձանքին գոհացում տալով, միշտ մնում է իր պաշտօնի վրայ եւ անձնութեամբ զործում : Յիշեմ նաեւ «Հայ Երիտասարդաց Միութիւնը», «Հայ Ուսանողական Միութիւնը» եւ «Հօկի» (Հայաստանի Օգնութեան Կոմիտէ) մասնաճիւղն, որոնք բարեկայզօրէն կատարում են իրենց ստանձնած բարոյական պարտականութիւններն յօդուահայութեան, իւրաքանչիւրն իր կանոնագրի սահմաններում : Բայց սըանցից զատ կաց մի ուրիշ համակրելի միութիւն, որ եթէ չեմ սիալում, միմիայն Բելգիային է յատուկ եւ ուրիշ հայարնակ կենդրուններում գոյութիւն չունի : Այս միութիւնը կոչում է պաշտօնապէս՝ Association des Amis de l'Institut de Philologie et d'Histoire Orientales de l'U. L. B. (Université Libre de Bruxelles), այսինքն «Բրիւքսէլի Համալսարանին կից Արեւելեան Կամառի բարեկամների Ընկերակցութիւն» : Նախորդ Գլխում (ԺԱ.) տեսանք

թէ ինչպիսի հանդամանքներում հիմնուեցաւ  
այս Արեւելեան Կաճառն եւ հաստատուեցաւ  
Հայերէնի ամբիոնը։ Ի նկատի ունենալով,  
որ մասնաւոր անհատների խոստացած տա-  
րեկան նպաստները այս կամ այն պատճառով  
կարող էին չշարունակուիլ եւ հետեւարար  
Հայերէնի ամբիոնի դոյութիւնն իսկ կասկա-  
ծելի կը դառնար, ուստի համակիրների մի  
խումբ որոշեց այնպիսի ձեւ տալ այդ օժան-  
գակութեան, որ նա աւելի տեւական եւ հաս-  
տառուն բնաւորութիւն ունենայ եւ մասնա-  
կցութեան հրաւիրեց ուրիշ նուիրատու ան-  
դամներ ոչ միայն Հայ ոյլ նաեւ օտարազգի-  
ներից, քանի որ Արեւելեան Կաճառն իսկա-  
պէս ընդհանուրի համար է, եւ ոչ թէ յատ-  
կապէս Հայ ուսանողների համար։ Մի Հայ  
«կազմակերպիչ մասնաժողով», որի անդամ-  
ներն էին ՊՊ. Մուրաստեան, Միհրզատեանց,  
Թօփուղեան, Միսաք, Յակոբեան եւ Սարու-  
խան, նախ առանձին եւ ապա 1935 Հոկտեմ-  
բեր 16ին Արեւելեան Կաճառի վարչութեան  
հետ, յանձին վոխնախախաղահ Պրոֆ. Հ. Գրէ-  
դուառի եւ քարտուղար Պրոֆ. Ժ. Պիրէնի  
(Jacques Pirenne) եւ միւս անդամների խոր-  
հրդակցութեամբ մշակեց նոր ընկերակցու-  
թեան կանոնադրութիւնն, այն հիմունքների  
վրայ, ինչպէս որ Բելզիական Օրէնքն էր պա-  
հանջում եւ նոտարի միջոցով պատշաճա-  
ւոր իշխանութեան ներկայացուելով հաստա-  
տուեց։ Այժմ Ընկերակցութեան անդամներ  
են եւ կարող են լինել թէ Հայ եւ թէ Բելզիացի

անդամներ։ Վարչութիւնն էլ հայ-բելղիական է։ Ընկերակցութեան պատուաւոր նախագահուհին է կոմմուհի գ'Արքուն (Պօղոս Նուազար վաշայի գուստը) իսկ գանձապահը Պ. Ժիւլիէն Միսաք։ Այս երկուքն էլ ինքնին հայ-բելղիական ընկերակցութիւն են ներկայացնում, առաջինն իր Բելղիացի ամուսինի, իսկ երկրորդն իր բելղուհի մօր չնորհիւ։

Համագլաւյին մեծ տօնը, Հայերէն Աստուածաշունչի 1500ամեակը՝ Բելղիայում եւս կատարուեց մեծ հանդէսով, 1935 Հոկտեմբր։ 20ին, նախ անձուկ հայ շրջանի մէջ, ուր պատշաճաւոր բանախօսութիւնների հետ խառն երաժշտութիւն եւ երգ տեղի ունեցաւ։ Այնուհետեւ Բրիւքսէլի մի մեծ կաթոլիկ եկեղեցում նոյնը կատարուեց յատկապէս բելղիական ժողովրդի գիտաւորութեանը։ Այդ օրը՝ Բելղիայի հայ-կաթոլիկ համայնքի հովիւ Յովէ. Վ. Նալպանտեան պատարագեց հայ ծէսով եւ հայ երգեցիկ խումբի ընկերակցութեամբ, որ աեզացիներից շատերի համար հաճելի նորութիւն էր։ Ապա Լուվէնի համալսարանի հայերէնի ուսուցչապետ Տ. Լըբօն վարդապետը (le chanoine Lebon) գաղղիերէն մի հմտավից ճառով Բելղիացիներին բացատրեց օրուայ նիւթն եւ այս առթիւ նաեւ հայ ժողովրդի կացութիւնը, շեշտելով, որ «մեր հայ եղանակը կարողացած են տոկարախտի ամենախիստ հարուածներին եւ ամենակատաղի փոթորիկներին, առանց յուսա-

Հաստուելու եւ առանց ընկճումելու»<sup>4</sup>։ Միեւ-  
նոյն օրը նոյն տեղ երեկոյեան ժամերգութեան  
ժամանակ էլ Երուսաղէմից եկած մի լատին  
կրօնաւոր, նոյնպէս հայագէտ, ոքանչելի մի  
բանախօսութիւն արտասանեց Հայոց՝ Ս. Տե-  
ղեաց մէջ ունեցած կարեւոր դիրքի, Հայոց  
անցեալի եւ ներկայի վրայ, մեծ համակրա-  
նօք։ Թէ առտուն եւ թէ երեկոյեան բելդիա-  
ցիք խուռն բազմութեամբ եկել էին հայկա-  
կան այս տօնին ներկայ լինելու, որ եւ մեծ  
տպաւորութիւն թողեց նրանց վրայ։

---

<sup>4</sup> Տ. Երօնի այս ճառն ամբողջութեամբ տպուած  
է Բէյրութի «Աւետիք» ամսագրի 1936 Մարտ—Ապրիլի  
համարում։

## ՅԱԽԵԼՈՒԱԾ

Ա. Զորբորդ դարի մի հայ սուրբ, Ս ե ր-  
փ ա տ ի ն ս ե պ ի ս կ ո պ ո ս , saint Servais:  
Բ. ԺԵ. դարի մեծ ուխտաւոր — Տա-  
նապարհորդ Եպիսկոպոս՝ Մ ա ր տ ի ր ո ս  
Ե լ զ ն կ ա ց ի :

Ինչպէս ընթերցողն արդէն նկատած կը  
լինի, ես այս պատմութիւնս, այն է Բելգիայի  
Եւ Հայոց յարաբերութիւնների նկարազբու-  
թիւնը՝ յօրինել եմ ժամանակագրական կար-  
գով : Արդէն աւարտել էի, երբ նոր ժամե-  
նազբական աղբիւրներ հասան իմ ծանօթու-  
թեանս այս նիւթի շուրջը, որոնց հետազո-  
տութիւնը երեւան հանեց երկու շատ հետա-  
քրքրական հայ դէմքեր, կատարելապէս ար-  
ժանի յիշատակութեան . ուստի հարկ եմ  
համարում մի քանի խօսք եւս ասել դրանց  
մասին իբրեւ Յաւելուած :

## Ա.

Բելգիայի մայրաքաղաքի կենցընական  
մի թաղում Բելգիացի բարեպաշտներ մի  
վառաւոր եկեղեցի են կանգնել, որի ճակատը  
զարդարուած է մօրուքաւոր եւ արեւելեան  
ձեւով զգեստաւորուած մի Եպիսկոպոսի ար-

այլեւայլ հրաշքներովը։ Տոնդրից նա տեղափոխուել է մերձակայ Մաստրիխտ (Maastricht)։ Այս քաղաքն՝ որ այժմ Հռելանդացի մաս է կազմում, 1558ից յառաջ Բելգիայի եպիսկոպոսական աթոռատեղի էր։

Տոնդրի եւ Լիէժի ժողովուրդը մեծ ցաւով է նրանից բաժանուել։ Պարիսի Ազգացին Մաստենագարանի ճեռագիրների ժողովածոյի թ. 1258 հաւաքածոն բովանդակում է Ութերրդ դարում գրուած մի Վարք Սրբոց, որի 47դ էջն սկսում է Սերվատիոսի կենսագրութեամբ՝ այսպէս. «Incipit vita sancti ac beatissimi Servatii episcopi et confessoris»։ Այսեղ պատմում է թէ երբ Սերվատիոս բաժանում էր իր հօտից՝ «ժողովուրդը լալով հետեւում էր նրան։ Կրօնաւորներն եւ մայրապեաները վանական փակ կեանքի կանոնները մոռանալով, կուրծք բարախելով եւ աղերսագին հայեացքներով զնում էին նրա ետեւից։ Հքաւորներն ու անդամաւոցները իրենց հառաչանքը խառնում էին ընդհանուր լացին . . .»։

Մաստրիխտիցի մի եկեղեցական՝ Բ. դարի վերջերում զրել է այս հայ սուրբի կենսագրութիւնը՝ Vita Servatii վերնագրով։ Նա յառաջ է բերում ինչ որ աւանդաբար լոել է նրա մասին Տոնդրում կամ Լիէժի շրջանում եւ ապա Մաստրիխտում։ Այս գրուածքի մէջ նա յիշասակում է նրա տապանագիրը լսուիներէն լեզուով։ Հաւանական է համարելում, որ այս տապանագրարը գրուել է նրա

գերեզմանի վրայ սուրբ Մոնիկլֆի (Monulfe) կարդաղըսութեամբ, որ հանդէս է կատարել նրա գերեզմանի վրայ եւ ըստ Կուրթի՝ այս Մոնիկլֆ սուրբն ինքն է զետեղել սոկէ տառերով՝ արձանագրութիւնը։ Պատմութիւնը վկայում է, որ Ութերորդ դարում մեծ հանդէս է տեղի ունեցել Ս. Սերվատիոսի գերեզմանի վրայ, ներկայութեամբ ժամանակի արքային, որ ըստ ոմանց գաղզ. Charles Martel թագաւորն է եղած եւ ըստ այլոց նոյն ինքն Charlemagne կացրը։

Սքեպէնս (Schaepens) իր «Քրիստոնէական Գերեզմաններ»<sup>5</sup> երկասիրութեանը մէջ մանրամասն նկարագրում է Սերվատիոսի այս տապանը (sarcophage)։

Մի գերմանացի հեղինակ էլ քերթուած է յօրինել Ս. Սերվատիոսի վրայ եւ նրա յիշատակը տարածել գերմանական շրջաններում<sup>6</sup>։

Այս հայ եպիսկոպոսը, Բելգիայում եւ Հոլլանդյում հաւասարապէս յարգուած մեծ սուրբը, վախճանել է Մասսարիխուում 384ին։ Նրա գերեզմանի վրայ մի փառաւոր եկեղեցի է կանգնուած, ուր ամփոփուած էն սուրբի նշանարքն։ Այնքան բարձր է նրա անունը Մասսարիխուում, որ քաղաքային իշխանութիւնն ինքն է ստանձնել Սերվատիոսի նշանարքի

<sup>5</sup> «Tombesaux Chrétien», Académie d'Archéologie de Belgique, 1850, VII, p. 418.

<sup>6</sup> Haupt, Zeitschrift für deutsches Altertum, V; p. 76.

պահպանութեան հոդը : Նրա տօնի օրը, Մայիս 13ին (1935ին) Բելգիայի հայ կաթոլիկ համայնքն, որ բաղկացած է մօտաւորապէս 100 հոգուց, առաջնորդութեամբ իր հոգեւոր հովիւ Տ. Յովհ. Վ. Նալպանտեանի, ուխտագնացութիւն կատարեց Մասստրիխտ, սուրբի գերեզմանի վրայ : Անշուշտ առաջին անգամ լինելով, այնտեղ, նրա անուան նուիրուած եկեղեցում, հայերէն լեզուով եւ հայկան թափորով պատարագ եւ օրհնելովութիւն տեղի ունեցաւ, որ մեծ հետաքրքրութիւն շարժեց եւ հիացմունքով ընդունուեց Հոլլանդացիներից : Ուխտագնացների առջեւ բացին եկեղեցու գանձարանը (trésor), ուր ի մէջ այլոց պահուում է այն բանալին, որ Հռոմի ողապը չնորհել է այս հայ սուրբ եկեղեցականին<sup>7</sup> :

Սրանից յառաջ, այն է Ապրիլ ամսում, Ա. Մակարի տօնի օրը նոյնպիսի ուխտագնացութիւն էր տեղի ունեցել Գան (Gand) քաղաքն, ուր հայերէն պատարագ մատուցուեց նրա անուամբ կառուցուած եկեղեցում եւ ի լուր ամենեցուն յայտարարուեց Բելգիայի ժանտախտից պաշտպան այդ մեծ սուրբի հայ զարմից լինելին եւ կատարած հրաշագործութիւններն, ինչպէս որ արդէն պատմեցինք (Գլուխի Բ.) :

Հոլլանդական եւ բելգիական լրագիրն

---

<sup>7</sup> Այս տեղեկութիւնն ինձ հաղորդեց Բրիւքուէլի  
Saint Servais եկեղեցու ժողովրդապետը Տ. Գլիբրէր  
(le Doyen Glibert) :

արձանագրեցին այս հայկական ծիսակատա-  
րութիւններն իրենց եւ մեր սուրբերի յիշա-  
տակին :

Բ.

Տասնեւհինգերորդ դարի վերջին քառոր-  
դում Փոքր Ասիայից Եւրոպա է եկել մի ու-  
րիշ եպիսկոպոս, իսկապէս հայ, այսինքն  
որի ծաղումն ու ազգութիւնն որ եւ է կաս-  
կածի տեղի չէ տալիս։ Սա մի վերին աստի-  
ճանի հետաքրքրական անձնաւորութիւն է,  
որ իր երկարամեայ ուղեւորութիւնը անձամբ  
զրի է տաել հայերէն, ոամկականի մօտեցող  
զրաբարով։ Մարտիրոս եպիսկոպոս Երզն-  
կացին, այս մեր ուխտագնաց մեծ ճանապար-  
հարդը, անցել է նաեւ Բելգիայից, որով ա-  
ռիթ է մեզ ընծացում իր մասին եւս խօսե-  
լու<sup>1</sup>։

Առաջին անգամ բազմաշխատ հայագէտ  
գաղղիացին Սէն Մարտէն (Saint Martin)  
Եղաւ, որ Մարտիրոսի այս զբուածքը գաղ-  
ղիերէնի թարգմանելով ծանօթացրեց հասա-  
րակութեան, կցելով իր կողմից կարեւոր  
դիտողութիւններ, իրեւ լրացուցիչ բացա-

<sup>1</sup> Մարտիրոս եպիսկոպոսի այս ուղեգրութեան մի  
ձեռագիր օրինակը գտնում է Պարիսի Ազգացին Մա-  
տենագրատնում, օրինակուած 1684ին։ Յարգելի բա-  
րեկամս Դոկտ. Վ. Թորգոմեան իմ ինդքանօք հաճե-  
ցաւ քննել այսուել այս ձեռագիրն, որ «կը կը, զրում  
է նա, 308 թիւը. փոքրիկ հատոր մէ զանազան նիթեր  
պարունակող, որոնց վերջնթերը կը ներկացացնէ հա-  
պարունակող, որոնց վերջնթերը կը ներկացացնէ հա-  
պարունակող»։ «Relation du voyage fait en  
Europe par Martiros d'Ezinka, de 1488 à 1491»

տրութիւն հեղինակի պատմութեան դժուար-  
լմբոնելի կողմէրին <sup>2</sup>:

Զեռագիրն սկսում է այսպէս. «Ես Մար-  
տիրոս միայն անուամբ և զիսկոսկով Եղն-  
կացի, ի սուրբ Կիրակոսու յանապատէն ի  
Նոր գեղա... : Թալին Թօվէլ (1489) Հոկտեմ-  
բերի իթ յելայ ես ի իմ վանացն եւ եկայ  
մեղմաբար հասի ի յատամպօլ եւ աստուծոյ  
յաջողութեամբ զտեալ նաւ մի եւ մատի անդ  
Վրդանէս սարկաւագովն . թալին Զլի (1490)  
յուլիսի ԺԱ. ի յատամպօլու ելաք եւ մտաք ի  
նաւ մի Փրանդի եւ Հոկտեմբեր Ա. ելաք ի  
վինէժ քաղաքն , որ է Վենետիկ մէծ եւ փա-  
ռաւոր քաղաք» :

Ինչպէս նկատել է Պաղպանիչը  
այս հայ եպիսկոպոսի ուզեւորութեան խոկա-  
կան նպատակն է եղել այցելել Եւրոպայի  
քրիստոնէական նույիրական ուխտավայրերն ,  
սկսելով Հոռմի Ս. Առաքելոց գերեզման-  
ներից :

<sup>2</sup> Journal Asiatique, t. 9, 1826, p. 321. Այսու-  
հետեւ ուրիշ տեղեր եւս երեցել են նրանից այլեւացլ  
օրինակներ : Այսպէս՝ յարգելի բարեկամս Հ. Ն. Վ. Ակինեան Վիեննացից զրում է ինձ . «Մարտիրոս երգն-  
կացւց զրուածքը ծանօթ է յատկապէս Journal Asia-  
tiqueէն : Պարփսի օրինակէն արտապրութիւն մը կա  
նաւ վենետիկի Մխիթարեանց քով : Օրինակ մ'ալ կը  
մէռուի Սկանդ ձեռապրաց մէջ : Երկար խօսած է իր  
մասին Հ. Ալիչան , Հայ-Վենետ . 194—197 : Journ. Asia-  
tiqueէն պաղպան թարգմանութիւն մը արտապրաւած է  
1828ին : Նոյնին վրայ զրուածք մ'ունի E. Lerou ի  
Revue de l'Orient, No. 13 (1862) , էջ 398—406» :

Ես տեսած եմ միացն Սէն Մարտէնի Հրատարա-  
կոթիւնը , այսինքն սկզբնականն , եւ յենուում եմ նրա  
վրայ :

Վենետիկը նկարագրելուց յետոյ, ուր մնացել է 22 օր, Մարտիրոս համառմ է Հռոմ ուր մնում է ամբողջ հինգ ամիս եւ կատարում է իր ուխտը: Այսուհետեւ շարունակում է իր ուղեւորութիւնը Եւրոպայի միւս կողմերը: «Թվին ԶԽ (1491), գրում է նաև, ելաքի Հռովմայ եւ բազում աւուրք ԽԶ օրն հասաք յաշխարհին դունդէլք աղդին, որ են յալաման (allemand) եւ գնացաք ի մեծ քաղաքն Պազլ (Basel, Bâle, Զուլիցբիայում) ուր եւ բոնեցին մեղ թէ դուք չաշուտ (լրտես) էք...»: Ճանապարհը շարունակելով դալիս է «Ֆրիբուլի» (Fribourg), Մարտագրութիւ (Strasbourg) եւ ապա Հռենոս գետով նաւարկելով «հասաք, ասում է ի մեծահամբաւ քաղաքն ի Կալոնիոյ (Cologne) որ եւ ասացին թէ մո (200,000) եւ իդո (24,000) տուն է եւ խիստ մեծ եւ զարմանալի քաղաք էր եւ մոց քագաւորաց գերեզմաննի...<sup>3</sup>»:

Այս «ասացին»ը մեկնաբանում է թէ նա ի լրոյ է Հաղորդում այս խիստ չափազանցեալ քիւերը: Այսպիսի չափազանցութիւն գտնում ենք Մարտիրոսի այցելած բոլոր քաղաքների բնակչութեան թուի նկատմամբ: Վենետիկի մասին ասում է թէ 75,000 (Կօթանասունեւս հինգ հազար) տուն ունէր: Հռոմի համար

---

<sup>3</sup> Իրօք, Միջին Դարում, Կոլոնեայում (Köln կամ Cologne) ցոյց էին տալիս մոզ արքաների գերեզմանն, որին բաղմաթիւ այցելունեւը ուխտի էին զալիս ամէն կողմէից:

գրում է թէ 2740 և կեղեցի ունի և 8000 սրբոց  
գերեզման :

Կոլոնեայում նա 22 օր հանդստանում է  
և 1490 Հոկտեմբեր 25ին մեկնում է այնտե-  
ղից և Գերմանիայի այլեւայլ քաղաքներն  
այցելելուց յետոյ գալիս է, ինչպէս նա է ա-  
սում, «Սանթա Մարիա Տաքս», որ է այժ-  
մեան Աախէնը (Aix la Chapelle) : Այսակազ,  
նա իր պարտականութիւնն է համարում զնալ  
Երկրպագել Աստուածածնայ շապկին, որ ըստ  
աւանդութեան դանում է եղել տեղեռյն մի  
յայտնի ուխտատեղում :

Կանխեմ ասել, որ Մարտիրոս Եպիսկո-  
պոս իր այցելած բոլոր վայրերում մեծ պա-  
տիւներով է ընդունուում և սիրով հիւրըն-  
կալուում, շնորհիւ այն հանդամանքին, որ յո-  
ջողել է Հոռմում ստանալ պապից յանձնա-  
րարական գրութիւն, որ յորդորում էր Եւրո-  
պայի բոլոր քրիստոնեաներին՝ հիւրընկալել  
և աջակցել Արեւելքից Եկած այս ուխտառոր  
եպիսկոպոսին : Ամէն տեղ՝ մինչեւ իր ուղեւո-  
րութեան վերջը, նա հանում ցոյց է տալիս  
Հոռմէական Եկեղեցու քահանայապետի նա-  
մակն եւ իսկոյն «Դասասաց վարդապետք»  
ինչպէս նա գրում է եւ ժողովուրդը աջակ-  
ցում են նրան : Գերմանիայից նա անցնում է  
Բելգիա, ուր իր այցելած առաջին քաղաքն է  
լինում Անվերս<sup>4</sup>, որ այն ժամանակ էլ կա-  
րեւոր նաւահանդիսու էր :

<sup>4</sup> Մարտիրոսի ձեռապիրն օրինակողը՝ Անվերս քա-

Այստեղ նա երկրպագում է «ամենազար  
սուրբ թագաւորին մերոյ Յիսուսի Քրիստոսի  
սուրբ Ֆութանին, որ ի ժամ խաչելութեանն  
կապեցին աստուածընկալ արեամբ»։ Այս  
ուխտն էլ կատարելուց յետոյ Մարտիրոս ճա-  
նապարհ է ընկնում։ «Եւ անտի ելաք բաղում  
յաւուրք յաշխատութեամբ բաղում քաղաքաւ  
հասաք յաշխարհն Ֆլանտիոն<sup>5</sup>»։ Այս բառով  
նա հասկացնում է Ֆլանդրիան, ինչպէս կոչ-  
ւում էր եւ մինչեւ հիմայ էլ կոչւում է Բել-  
գիայի այս ծովեղերքը, Փլամանիների բնա-  
վայրը։ Ֆլանդրիայի բնակիչների այն է Փլա-  
մանների մասին նա զրում է թէ նրանք շատ  
ձուկ ուսող են, որ ճիշդ է, քանի որ այդ ծո-  
վեղերքում ինչպէս այն ժամանակ, այժմ եւս  
ժողովուրդը մեծ մասամբ ձկնորսութեամբ է  
պարապուած։ Ֆողովուրդը խօսում էր Փլա-  
մանիներէն եւ նա չի հասկանում, «Լեզու չգի-  
տէաք զրուցելու, զրում է, եւ խիստ դժուա-  
րութեամբ յելաք անտից»։ Յետոյ «հասաք,  
ասում է, յաշխարհն ընկլզաց (անդիացիք)  
եւ զնոցա լեզուն ալ չդիտէաք...»<sup>6</sup>։ Բայ ա-

---

զաքի անուան մէջ ա-ն ու կարգալով ըստ այնմ սիալ-  
մամբ զրում է Անվէս, բառի մէջի ը- չնչումն էլ զանց  
առնելով։ Ան-Մարտէն էլ սիսալմամբ այդ Ունվէսը  
կարդում է Վենուս եւ պատճառարանում է այսպէս։  
«Անվէս doit être la ville Besançon (?!), où résidait à cette époque Maximilian I.,  
encore roi des Romains»։ Եւ այս կերպով սիալ ար-  
տադրութեան եւ ապա սիալ բնթերցման չնորհիւ բել-  
գիական նաևահանդիսոր գառնում է... Բըզանօնի!։

<sup>5</sup> Այստեղ էլ սիալ է ընդօրինակուած։ այս բառը  
պէտք է կարգու ֆլանդրու եւ ոչ թէ Փլանդիու։

<sup>6</sup> Այստեղ Ան Մարտէն իրաւացի նկատում է թէ

մենայն հաւանականութեան նրա խօսած միակ  
եւրոպական լեզուն խտալերէն է եղած, որին  
նա վարժուել էր Երկար ժամանակ Հոռմում  
մնալով եւ հտալիայում ճանապարհորդելով:  
Այս Երեւում է նաև նրանից որ եւրոպական  
քաղաքների անուններն նա այնպէս է հնչում  
եւ արձանագրում իր Յիշատակարանում ինչ-  
պէս իտալացիք, կամ մօտաւորապէս:

Բելգիայից նա անցնում է Գաղղիա եւ գա-  
լիս է «Փաղաքն Սան Տօնիժ» (Saint Denis),  
եւ այն քաղաքն եղիսկոպոսաց եւ թագաւո-  
րաց եւ թագուհեաց զերեզմանատուն է...  
եւ ելեալ անտի հասաք ի մեծահամբաւ քա-  
ղաքն ի Բարիզ (Paris) Դեկտեմբերի Ժթ.»:  
Այսուղ իր ուղեկիցը, Վրթանէս արկաւագն  
այլ եւս չէ ուղում նրա հետ ճանապարհու-  
ղել, ըստ Երեւոյթին, եւ նրանից բաժանում  
է: Մարտիրոս Պարիսում միայն 13 օր է  
մնում, որը նկարագրում է նոյնպէս չափա-  
զանցօրէն եւ ասպա անվհատ շարունակում է  
իր ուխտագնացութիւնն Եւրոպայի միւս նուի-  
րատեղիները, կամաց կամաց եւ հետիոտն:  
Նա օրերով գաղար է առնում իր հանդիպած  
քաղաքներում: Այսպէս ամիսներ ճանապար-  
հորդելով Գաղղիայից մտնում է Սպանիա եւ  
իջեւանում է նախ Սան Սեբաստեան ծովեղե-

---

«Բնկլղաց» Երկիր ասելով Մարտիրոս հասկանում չէ  
բուն Անգլիան, որովհետեւ չի յիշում թէ նաև է նստել,  
ոյլ ֆրանսական Կալայն (Calais) եւ Պիկարդիան (Pi-  
cardie), որոնք այդ թուականին անզլիտկան տիրա-  
պետութեան տակ էին: Այս աեղից էլ ուղարկի գնում  
է Պարիս (Paris):

րեայ քաղաքը : Սպանիացիք նրան հիւրըն-  
կալում են տեղական հիւրանոցում , որը նա  
սպիտակ է կոչում եւ երբ լսում են նրա ուխ-  
տաւորի հանգամանքը եւ կարօտ վիճակը ,  
նրա համար վող էլ են հաւաքում : Մարտի-  
րոս իր գլխաւոր նպատակներից մէկին է  
հասնում երբ այցելում է եւ երկրագում  
ծնկաչոք՝ «Ս. Յակոբի գերեզմանին» և «Պօ-  
ղոս առաքեալի ձեռքով կառուցուած Սանքա-  
Մարիա Յենիստեռնայ եկեղեցուն», ինչպէս  
դրում է : Այս սպանիական «Սուրբ Յակոբը»  
նրա պաշտպան սուրբն է , որին միշտ օգնու-  
թեան է կանչում իր ուղեւորութեան ժամա-  
նակ :

Հայ անվախ եպիսկոպոսուխտաւորը՝  
այս երկար , առանձին եւ հետիւտն ճանա-  
պարհորդութիւնից վերջապէս յոզնում է եւ  
սկսում է զանգատիլ ոչ միայն յոզնածու-  
թիւնից այլ եւ իր ունեցած վտանգալից ար-  
կածներից , որովհետեւ մի տեղից միւս տեղ  
անցնելիս նա երբեմն այնպիսի ամայի վայրե-  
րով է գնում , որոնց միակ բնակիչները վայրի  
գաղաններ են լինում : Այս կերպով նա հան-  
դիպել է նաև վագրների <sup>7</sup> բայց յաջողւում  
է խոյս տալ նրանցից :

Մարտիրոս Սպանիայում պատահում է

---

<sup>7</sup> Մարտիրոսի Յէշատակարանում կամ աւելի  
ճիշդը նրա ընդօրինակութեանը մէջ , այս բառը գրուած  
է Վաֆներ : Գաղղիացի թարգմանիչը Սէն-Մարտէն չէ  
կարողացել հասկանալ թէ «Վաֆները» ինչ տեսակ զա-  
զան է եւ թողել է չլացարուած : Պարզ է որ այս  
բառը պէտք է կարդալ «Վագրներ» :

«Վիլվալ» (Bilbao), քասկ ժողովրդի քաղաքը  
 եւ այնտեղ Յ օր հանգստանալուց յետոյ 27 օր  
 շաբունակ քալելով զալիս է Ովկիանոսի ծո-  
 վեղերքի վրայ «Կեթարիայ օրհնեալ քաղաքն»,  
 ուր բոլորովին նոր տեսակի ուղեւորութեան  
 է ձեռնարկում: «Այստեղ, զրում է Մէն Մար-  
 տէն, Մարտիրոս՝ ուխտաւորների կարգից  
 դուքս զալով, բարձրանում է վեր. ուստի  
 նրա պատմութիւնը աւելի եւս չահեկան է  
 դառնում»: Մարտիրոս Սպանիայի այդ ծո-  
 վեղերքն էր ևկել այն ժամանակ երբ ամէնքը  
 հետաքրքրուել էին Քր. Կոլումբոսի տարի ու  
 կէտ յառաջ կատարած տարօրինակ նաւա-  
 զնացութիւնից: Նա նոր էր ետ դարձել իր ա-  
 ռաջին յանդուզն ծովային խուզարկութիւնից  
 «գէպի արեւելք» եւ նոր ցամաքի (Ամերի-  
 կայի) դիւտն այնպէս էր յուղել եւ ընդհանուր  
 նախանձ չարժել, որ մի խումբ սպանիացիք  
 որոշել են նրա օրինակին հետեւելով նոյնպէս  
 ևրկրախոյզ գառնալ: Մարտիրոսի պատմու-  
 թիւնից երեւում է, որ նրանք արդէն իրենց  
 առաջառտանաւն էլ պատրաստել են Բիսկայի  
 ծովածոցում (Biscaye, սպաներէն Vizcaya),  
 երբ Մարտիրոս դալիս է այնտեղ: Այս նաւը  
 նրա ասելով 80,000 քանթար (quintal) տա-  
 րողութիւն է ունեցել: Մեր հայ եպիսկոպոսն  
 երբ այդ տեսնում է, ցանկութիւն է զգում  
 մասնակցելու սպանիական այս նաւազնացու-  
 թեան եւ նա խնդրում է աեղւոյն քահանայից,  
 որ միջնորդէ նաւապետի մօտ, որ նրան եւս

Հետիոտն Երկար ճանապարհորդութիւնից  
սաստիկ յողնել է եւ պէտք է զգում հանգստա-  
նալու : Քահանաները համաձայնում են եւ  
Մարտիրոսին տանում են նաւ : Նաւապետին  
համողելու համար էլ նրան կարդում են չռոմի  
պապի յանձնարարականը : Նաւապետը՝ պապի  
յանձնարարականը լսելուց յետոյ ասել է .  
«Մենք մեր կեանքը զոհ ենք բերում մի գա-  
ղափարի համար . մեր միակ յոյսը Աստուած  
է . պիտի շրջինք ամբողջ աշխարհը . չենք  
խանում թէ հովը ո՞ր կողմից կը փչէ :  
Ուզո՞ւմ ես մեզ հետ դալ, եկ, կը տանինք .  
մենք էլ քահանայի պէտք ունինք . զու մեր  
հոգու մասին մտածիր, մենք էլ քո ապրուստը  
կը հոգանքո» : Մարտիրոս ուրախութեամբ ըն-  
դունում է այս առաջարկութիւնը : Քաղա-  
քում լուր է տարածում թէ «հայ ուխտաւոր  
կրօնաւորը» միանում է սպանիացի նաւա-  
գնացներին եւ ժողովուրդը յօժարակամ հո-  
գում է Մարտիրոսի ուտելիքը . ամէն կողմից  
մէծ քանակութեամբ պաշար են բերում նրա  
համար :

1494 Ապրելի 8, Երեքշաբթի օր էր Երբ  
այս նորօրինակ հայ նաւագնացը սկսում է  
իր ծովային ուղեւորութիւնը : Նրա նաւը  
ամբողջ 68 օր թափառել է Ատլանտեան Ով-  
կիանոսում . այնքան սաստիկ փոթորիկներ է  
նա կրել, որ ամէն կողմից վնասուել է եւ  
ստիպուել է ցամաք մօսենալ, որ նորոգու-  
թիւններ կատարէ, որպէս զի կարենայ շա-  
տուածական առեւուի նրանք իջել

Են մի շատ դեղեցիկ վոքր քաղաք, որի սահմանը նա չէ տալիս, բայց Սէն Մարտէնի հաշուով, պէտք է որ Կադիքու (Cadix) լինի: Այս 68 օրուան վտանգալից եւ յողնեցուցիչ նաւարկութիւնն այնքան անհպատութիւն է պատճառում հայ եղիսկովոսութիւնաւորին, որ նա այլ եւս չի վերադառնում նաւ եւ որոշում է ցամաքով եւ հետիւնն ես զառնալ: Նա գալիս է նախ Սէվիլի կամ ինչպէս նա է զրում Սէրիլիա, ուր նա պատահում է Սպանիոյ իզարելլա մեծ թագուհուն: Այսուհետեւ լեռ ու գետ անցնելով նա հասնում է «մարդկար» ցիների (նախկին Մարոքցիների) քաղաքը «Գրիդան» (Գրանադա): Կամաց կամաց յառաջանալով եւ հանդիպած սովանիական քաղաքներում երբեմն մէկ շարաթ, երբեմն աւելի հանդպատանալով, մտնում է «Պարալոն» (Barcelone), որ նրա ասելով 90.000 տուն է ունեցել, որ ի հարկէ չափագանցութիւն է: Այս անդամ նա մինակ չէ եղել. մի բժիշկ ուղեկից է ունեցել որ մեծապէս օգտակար է հանդիսացել, որովհետեւ Մարտիրոս տառապել է աղիքների հիւանդութիւնից: Այսպէս ուղեւորուելով նա անցել է Կատալոնիան, կտրել է հարաւային ֆրանսան և մեծ զժուարութիւններ կրելով եկել է Ճինովիզ, որ Զենովա (Gênes) իտալական նաւահանդիսան է: Այդաեզ նա կամեցել է նաւ նոտիլ Փոքր Ասիա իր հայրենիքը վերադառնալու համար: Բայց տեսնելով, որ ծովն ալեկոծեալ է, թողել է այդ միտքն եւ դար-

Ճեալ հետիոտն յառաջանալով վերջապէս 1496  
 Փետրուար 20ին կարողացել է հասնիլ Հռոմ,  
 Երբ Մեծ Պահքն սկսել է : Այն տեղից գնացել  
 է մերձակայ նաւահանդիսան, որը նա «Սան-  
 քայ Մարիայ» է կոչում որ հաւանականաբար  
 Ostia քաղաքն է, որի մայր եկեղեցին այդ  
 անունն է կրում : Այստեղ նա գտնում է յար-  
 մար նաև եւ վերադառնում է Փոքր Ասիա,  
 սարսափելի կերպով յոդնած ու տանջուած իր  
 բազմամեայ արկածալից ուղեւորութիւնից :

---



—  
॥  
॥  
॥  
*Thāṭā q. p. 2.—*  
॥  
॥

ԳԱԱ Հիմնարար Գիտ. գրադ.



220032279

ЦЕНА

А II

32979